

ՄԱՅ 20



9

• 1967

1967 •

საქართველო

124

გამოცემის მეთერთმეტე წელი

9

სექტემბერი

1967

თბილისი



ლიბერატორულ-მხატვრული და საზოგადოებრივ-პოლიტიკური შურნალი

საქართველოს ალკა ცენტრალური კომიტეტისა და მწერალთა კავშირის ორგანო



ÍNDVÖZÖLTJÍK KEDVES MAGYAR VENDÉGEINKET!

მოგესალმებით კვირვასო უნგრელო სტუმრებო!



სექტემბერში ჩვენი რესპუბლიკის ძვირფასი და სასურველი სტუმრები არიან უნგრეთის ლიტერატურისა და ხელოვნების დეკადის მონაწილენი. საქართველო მასპინძლობს მამაცი და გმირი ხალხის შვილებს, მაღიარების ქვეყნის შვილებს და კიდევ უფრო ახლოს ეცნობა მათ ეროვნულ კულტურასა და სულიერ საგანძურს.

ქართველ კაცს ბევრი რამ სმენია ამ ქედმოუხრელ და შეუდრეკელ ერზე და მის წარსულზე. მაღიარების წარსული, ისევე როგორც ქართველი ერის მრავალსაუკუნოვანი წარსული, თავისუფლებისა და დამოუკიდებლობისათვის ბრძოლის ისტორიაა ჭერ თურქი დამპყრობლებისა და ჰაბსბურგების, ხოლო შემდეგ ბურჟუაზიული ჩაგვრისა და ფაშიზმის წინააღმდეგ. ციხეებისა და მონასტრების კედლებს, ბუდაპეშტისა და ჩეპელის ქარხნების კედლებს ახლაც ატყვია ამ თავგანწირული და სისხლიანი ბრძოლების კვალი.

ამიტომ, ქართული მწერლობის მსგავსად, ნაციონალური ერთიანობის იდეა მუდამ იყო უნგრეთის მწერლობისა და ლიტერატურის ძირითადი იდეა. ბალინტ ბალაშიდან მოყოლებული უნგრელ ლირიკოსებს მუდამ აღლვებდათ და აღფრთოვანებდათ ეროვნული თვითშეგნება და საზოგადოებრივი პასუხისმგებლობის გრძნობა. ამის უდიდესი მაგალითია შანდორ პეტეფის ბრწყინვალე პოეზია და ბიოგრაფია, მისი ლექსების რევოლუციური მგზნებარება და ეროვნულ-გამათავისუფლებელი ბრძოლის ბარიკადებზე პოეტის ტრაგიკული სიკვდილი.

ქართველი მკითხველი კარგად იცნობს უნგრული ლიტერატურისა და ხელოვნების ბრწყინვალე ნიმუშებს. მათი ქართულ ენაზე ამეტყველების ხანგრძლივი ტრადიცია არსებობს. ქართულ ენაზე თარგმნილია მრავალი უნგრელი კლასიკოსი და თანამედროვე შემოქმედი. მომავალში უფრო მეტია გასაკეთებელი, მკითხველმა უნდა გაიცინოს ახალგაზრდა უნგრელი მწერლების შემოქმედება. ეს ჩვენი ახალგაზრდული ჟურნალის პირდაპირი და საპატიო მოვალეობაა.

განსაკუთრებით სასიხარულოა, რომ დეკადა ემთხვევა დიად თარიღს — საბჭოთა სახელმწიფოს სახელოვან ორმოცდაათ წლისთავს. უნგრეთის ლიტერატურისა და ხელოვნების მოღვაწეთა ახლო გაცნობა კიდევ უფრო განამტკიცებს უნგრელი და საბჭოთა ხალხების ცეცხლსა და შრომაში ნაწრთობ მეგობრობას, ახალ, დიდ წვლილს შეიტანს კომუნისტების აშენების დიად საქმეში.



სამშობლო

აი, ჩემი სამშობლო, ეს ალფელდის ტრამალი,
 სადაც ჩემი ოცნება აფრენილა ფრთამალი,
 სადაც მიწას აჩნია ჩემი ნატერფალები,
 ბავშვობის მოგონებას აქ ვერ დავემალევი.
 ისევ მღერის, შორს მღერის ჩემი კარგი გადია:
 „ფრინდი, ფრინდი, მარია, ხვალ თუ კარგი დარია“.

მე აქედან წავედი, ბალდი ვიყავ პატარა,
 ასლა კაცი ვბრუნდები, ბედმა სად არ მატარა!
 ოცი წელი გავიდა სიხარულის, ნაღველის,
 ოც წელს არა ვყოფილვარ ამ მიდამოს მნახველი.
 ოცი წელი რა არის, ერთი წამის დარია!
 „ფრინდი, ფრინდი, მარია, ხვალ თუ კარგი დარია“.

სად ხართ ჩემი ტოლები, ჩემი სოფლის ბიჭები,
 ჩემთან შესაგებებლად რად არ გამოიჭრებით!
 აღარ გვითამაშნია, რაც დაგშორდით მას აქით,
 მოდით, ისევ ვიცელქოთ, დავივიწყოთ ასაკი.
 ოცდახუთი წლისა ვარ, მაგრამ არ მიხარია...
 „ფრინდი, ფრინდი, მარია, ხვალ თუ კარგი დარია“.

როგორც ტოტზე ტოტიდან დაფრინავენ ჩიტები,
 ფრენენ ჩემი ფიქრებიც, რომელს გავეკიდები?!
 როგორც მინდვრის ყვავილებს თავს ეხვევა ფუტკარი,
 მოგონება მეხვევა სხვისი და საკუთარი.
 როგორც ერთზე შევჩერდე, თითქმის მთელი ჯარია!
 „ფრინდი, ფრინდი, მარია, ხვალ თუ კარგი დარია“.

აი, პაწაწინა ვარ, მინდორში ვართ ყველანი,
 ტირიფის ჯოხს მოვასტი, გავაჭროლე მერანი,
 მიჭქრის ცხენი, არა აქვს არც ფაფარი, არც ძუა,
 წყლის დაღვეა მოუნდა გახურებულ აჩუას,

გავაქანე წყაროსკენ, წყალი ბლომად დალია.
 „ფრინდი, ფრინდი, მარია, ხვალ თუ კარგი დარია“.

მწუხრზე ზარის დარეკვა მესმის ძიძის ძახილად,
 მომყავს ცხენი დაღლილი, ცხენოსანიც დაღლილა.
 ძიძა მუხლზე დამისვამს, ლექსი იცის რამდენი!
 ძილისპირულს დამმღერის ჩემი კარგი გამდელი.
 ვუსმენ, მაგრამ არც ვუსმენ, ნახევრად სიზმარია:
 „ფრინდი, ფრინდი, მარია, ხვალ თუ კარგი დარია“.

ანჳად პიღაჳი

ჩუკონს ზესხუელი...

მიყვარს ზაფხული...
 თიბვა სამყურის...
 მიყვარს, როდესაც მზისა და მიწის
 კოცნით ჩათქმული და ჩასახული
 ნაყოფი იწყებს ბალღივით სიცილს.

თეთრი ცაცხვები დაბანგულ სივრცეს
 ეფერებიან ათასი ხელით,
 შემკრთალ ფოთლებში ყვითელი სიცხე
 თვლემს, როგორც ვნება მძაფრი და ცხელი.

მაგრამ დადგება ნოემბრის ჯერი
 და ეს ხეები განიძარცვება,
 დაენანებათ ზაფხულის ფერი
 და მოიწყენენ ჩემი ცაცხვები.

იოჳანე პიორონი

აკაცონს ეკაცონსა

ქათქათა მტევნებს ატოკებს ზანტად
 და სივრცეს თეთრი მოჰყვება ზოლი,
 ასე გგონია — ეს რთვილმა, ანდა
 ფანტელთა ჯარმა დაფარა მოლი.

ძროხის ცურივით ჩამოქნილ მტევანს
გაბრუებული საღამო წველის,
დამჭუნარ ყვავილთა არ არის ტევა,
სულ გადათურდა ბოძები ძველი.

გადაგიქროლებს თავზე დამურა,
წყარო ყურს უგდებს ფოთლების ნანას;
საღამო მშვიდი და საამური...
ამ სიჩუმეში ხეები დგანან.

ღრუბლიდან მთვარის გამოჩნდა ნავი,
ახალი მთვარის ვუმზერ ხეტიალს...
ვხედავ უთვალავ თოვლისფერ ყვავილს, —
ყრმობისას კბილით რომ მიკენეტია.





ხეში ცეცხე

1. დილა

შემზარავად, თავგამოდებით აწკრი-
აღდა მალეძიარა. თვალი გავახილუ: პა-
ტარა, თერთმეტქვიანი მალეძიარა სიბ-
რაზისაგან ხტოდა ჩემს საწოლთან მდგარ
სკამზე. გამეტებით დავარტყი ხელი, გა-
ვაჩუმე. დილის შვიდი საათია. ისევ დაე-
ხუპე თვალები. მერე ცალი თვალი გა-
ვახილუ და დავრწმუნდი: საათი კიდევ
მუშაობდა — უკვე რვის ნახევარი იყო.
ულმობელია დრო.

— უხ, შენი... — ვთქვი გუნებაში და
საწოლის თავთან ჩამოკიდებულ ძაფს
დავწიე.

„ბრა“ ტკაცანით ჩაირთო და ჩემი
ოთახი გაანათა.

დიახ, მე საკუთარი ოთახი მაქვს. დი-
დი არ არის, მაგრამ რატომღაც ორი კა-
რი აქვს, ორი ფანჯარა და, მამასადამე,
არც ერთი მთლიანი კედელი. ის, რაც
ფანჯრებს და კარებს გადაურჩა, თამბა-
ჭოსფრადაა შედებილი. პერი — თეთ-
რად, კარები და ფანჯრები — კრემის-
ფრად. განზრახული მაქვს ჩემი ოთახი
თანამედროვე სტილით მოვაწყუო, მაგ-
რამ ვერა და ვერ მოვიცალე. განათების
მხრივ კი კარგადაა საქმე. კედელზე ორ-
ნათურიანი ბრაა, რომელზედაც უკვე
მოგახსენეთ, საწერ მაგიდასთან —

ტორშერი, მაგიდაზე — შესანიშნავი
ლამპა, თეთრი, ლამაზად გალუნული —
ჩემი სიამაყე. ოთახის კუთხეში, ერთი
კარიდან მეორე კარამდე პატარა კარა-
და დგას, კარადაზე — წიგნების თარო,
სხვათა შორის, ჩემი საკუთარი წიგნე-
ბით საესე. და კიდევ სამი სკამი, ერთი
თავთან — სათისათვის, მეორე ფეხებ-
თან — საშინაო ტანისამოსისათვის და
ერთიც მაგიდასთან — თითქმის გამოუ-
ყენებელი. ფიჭვი და წიგნების კითხვა
მე მხოლოდ პორიზონტალურ მდგომა-
რეობაში შემიძლია. ბებიაჩემი მპირდე-
ბა, მხედველობას ვაიფუჭებო. უკვე
ოცდამეშვიდე წელიწადში ვარ გადასუ-
ლი და შესანიშნავად ვხედავ ყველა-
ფერს: სამი ნაბიჯიდან შემიძლია გავარ-
ჩიო გვარები, სახელები და მამის სახე-
ლები, რომლებსაც გაზეთი „თბილისი“
თავის უქანასკნელ გვერდს უთმობს. ისე
კი, არც ბევრი ფიჭვით და არც ბევრი
კითხვით აქამდე თავი არ შემიწუხებია.
და მაინც ასე მგონია, ეს კი თანდაყო-
ლილი გრძნობა უნდა იყოს, თითქოს
ყველაფერი ვიცი და ყველაფერი მნიშ-
ნელოვანი წაკითხული მაქვს.

მეორე თვალი გავახილუ — ახლა
ორივე თვალით შევხედე სკამქვეშ დაგ-
დებულ, მტერის სქელი ფენით დაფა-

რულ სამკილოიან ჰანტელებს. ამ ჰანტელებით ყოველ დილით ვვარჯიშობ, რადგან დილის ვარჯიში აკაეებს სხეულს; ჭანსად სხეულში კი ჭანსადი სულია, მაგრამ დღეს, სწორედ დღეს დილით, თავს ვერ ვგრძნობ კარგად, მგონი, ცოტა გაციებულეც ვარ, და, აი, სამსახურშიაც მაგვიანდება... რა დამემართა?! ნახევარი საათის წინ უნდა ავმდგარიყავი!..

გავიზმორე, საბანი გადავიხადე, ფეხები ფლოსტებში ჩაყავი და აბაზანი-საკენ გავიქეცი.

— ვახ, გამარჯობა შენი! — მივესალმე მამაჩემს, რომელსაც აბაზანის კარებთან შევეფეთე. მამას ჩაიდანი მოჰქონდა სამზარეულოდან. მამამ არ მიპასუხა, ჩაიდანი ჩემკენ გადმოხარა, თითქოს ერთადერთი ვაჟიშვილის დამდღვრას აპირებდა. ხუმრობდა.

— ვაიმე, ნელა! — აყევი მეც და აბაზანაში შევეკარდი.

ამ ბოლო დროს უცნაური რამ დამჩემდა: ყოველდღე ვიწმენდ ფეხსაცმელს და თან ვფიქრობ, საჭიროა თუ არა ფეხსაცმლის გაწმენდა? მაგრამ მინიცი ვწმენდ, სანამ ლეოლივს და ლამპასს არ დაიწყებს. ალბათ, ყოველი მამაკაცის ცხოვრებაში არის ისეთი პერიოდი, როცა ფეხსაცმელების წმენდა გსიამოვნებს.

ხელები დავიბანე და ელექტროსაპარს „ნევათი“ გავიპარსე პირი. ამასობაში მამაჩემმა თხლად დაჭრა ძეხვი, ორ ჭიქაში დაასხა ჩაი, შაქარი ჩაყარა — თავის ჭიქაში სამი კოვზი, ჩემსაში — ოთხი.

სასადილო ოთახში გამოვედი, ჩემს ადგილზე დავექეცი და მამაჩემს ვუთხარი:

— ვერ გაავსებ ამ ჭიქას ბარაქიანად? წყალი გენანება?

მამამ არ მიპასუხა, ჩაის წრუპავდა და ხშირ უღვაშზე მარტყენა ხელის ცერს ისვამდა.

— დღესაც არ მოგირევეია? ყველაფერი მე უნდა გვაკეთო ამ ოჯახში? — განვაგრძე და ხმაურით მოვეურიე.

— ჩუმად, შე მამაძაღლო! — დაბალი ხმით მითხრა მამამ, — ბავშვს გააღვიძებ.

ბავშვი ჩემი უმცროსი და მაიკოა. ჩემზე ცამეტი წლით პატარაა და ჯერ სკოლაში სწავლობს; გაკვეთილები მეორე ცვლაში ეწყება და ამიტომ სძინავს. სძინავთ ჩვენი ოჯახის დანარჩენ წევრებსაც — დედას და ბებიას. ბებია, დედაჩემის დედა, დამსახურებული პედაგოგი და პერსონალური პენსიონერი, მუღამ გვიან წებდა დასაძინებლად და გვიან დგება. დედაჩემი, თითქმის დამსახურებული პედაგოგი და მუსიკის მასწავლებელი, გვიან მხოლოდ ზამთრობით იღვიძებს და ახლა სწორედ ზამთარია.

ჩვენს სამივე ქალს სძინავს. მამამ მითხრა, ბავშვი არ გააღვიძოო და მეც ხმადაბლა ვლიძინებ:

— „ქღურტ-ქღურტ-ქღურტულეებ ჩიტ-ჩიტ-ჩიტუნები...“

მამამ საუზმე გაახვია ქალაღმში: ორი თხელი ნაჭერი კარაქიანი პური და ყველი. ყველი ზუსტად იმდენია, რომ პურის ზედაპირს ფარავს. მამაჩემი სოფლის მეურნეობის მეცნიერებათა კანდიდატია და განყოფილების გამგე ინსტიტუტში. ოჯახში ყველა აღაზიანს გარკვეული მოვალეობები აკისრია. ჩვენს ოჯახში ეს მოვალეობები ძირითადად განაწილებულია დედასა და მამას შორის. ბებიას სადილის შემდეგ ჭურჭლის დარეცხვა ევალება. მე და მაიკო ბავშვები ვართ და ბევრი არ მოგვეთხოვება...

— სულ კარგად, სულ ჯანმრთელად, — ვუთხარი მამას და გასასვლელისაკენ გავემართე.

— ვაჟა, ვაჟა, — მომესმა დედაჩემის ხმამაღალი ჩურჩული.

ფეხაკრფით შევედი დედის ოთახში. მაიკოს ისე ლამაზად ჰქონდა თავი გადმოწეული, არ შემეძლო შუბლზე არ მეკოცნა. დავიხარე მაიკოსკენ, ვიგრძე-

ახირან შინაინაძე
ჩემი დღე

ნი, რომ ყელში რალაც მომეხვინა და თვალეში ამეწვა.

— დღეს მაინც არ დავავიწყდეს, ვაჟა, აუცილებლად უთხარი, ან შენვე მოიყვანე... — ჩურჩულებდა დედა.

— პირველ ყოვლისა, დილა მშვიდობისა.

— არ დავავიწყდება?

— როდის იყო, რამე დამვიწყებია. არ მცალიაო, მეუბნება.

დედას შევპირდი, ქარხნიდან ზეინკალს მოვიყვან, აბაზანიდან სამზარეულოში ცხელ წყალს გამოვვიყვან და ამით ბებიაჩემის შრომით მარჯვენაბლებს ორმოცდაათი პროცენტით ვავზრდითმეთქი.

— დღეს ძალით წამოვათრევ.

ჭავჭავაძის პროსპექტამდე სირბილით ჩავედი, მოსახვევთან შევჩერდი და ნელი, დარბაისლური ნაბიჯით განვაგრძე გზა. თავი მაღლა მაქვს აწეული, მხრები ვაშლილი, ხელებს არ ვიჭნევ. ერთი სიტყვით, ლამაზად მივიღივარ. მიყვარს პროსპექტზე გასეირნება. ყველაფერი მიყვარს, რაც მეხერხება...

ტრამვაის გაჩერებაზე ბევრს ვიცნობ. ზოგი ჩემი უბნელია, ზოგი — ნაცნობი. ზოგს ხელს ვუჭნევ შორიდან, ზოგს — თავს ხელს ვუჭრავ, ზოგის წინ ოდნავ წულ-შიაც ვიხრები, ზოგს — ხელს ვართმევ.

ვაიმე! ის, რა ოქმა უნდა, უკვე აქ არის — მოშორებით დგას და მიღმის ბევრად უფრო ტკბილად, ვიდრე თანამშრომელს შეეფერება. ჩვენი ტექნოლოგი, თინა, პატარა ჩამრგვალებული ქალია. დიდი, ყვითელი, ნაქსოვი ქუდი ახურავს. ხუთი თვეა, რაც ჩვენს ქარხანაში დაიწყო მუშაობა და ხუთი თვეა ტრამვაით ერთად ვმგზავრობთ.

ღმერთო ჩემო, სად ქსოვენ ასეთ ქულებს?

მეგობრულად გავუღიმე თინას და ხელგაშლილი წავედი მისკენ. თინამ შუბლი შეიკმუნა, ეტყობოდა, რომ რაღაც უნდა მოეფიქრებინა და გონება დაძაბა. ვიცოდი, რამე მნიშვნელოვანს მეტყობდა, ისიც აუცილებლად რუსულ ენაზე.

— კაკოი სეგოდნია ხალოდნი პავლო და, ა ვი ვსიო ბეზ შაპკა ხოდიტე.

აჰა! ხომ ვთქვი. ისევ მეგობრულად გავუღიმე და მხრები ავიჩეჩე: „რა ვქნა, ასეთი ვარ, სიცივის არ მეშინია“, — ამ აზრს გამოხატავს ჩემი მოძრაობა.

— არ მოსულა? — გულისხმობ თორმეტ ნომერ ტრამვაის.

— არა, არ გამოჩენილა. ხომ არ დავავგიანდება, ა-ა? — თინამ პოლონური ჟურნალი „ეკრანი“ მარცხენა ხელში გადაიტანა, მარჯვენათი პალტოს სახელო აიწია და ბრტყელ საათს დააცქერდა.

ხუთი თვეა ერთად ვმგზავრობთ მე და თინა. ხუთი თვეა ტრამვაის ბილეთს ვუღებ. როდისმე უნდა დავითვალო, რამდენი ფული დავაზარჩე.

2. ტრამვაი

ვაგონში ავედი თუ არა, თინამ საფულეში დაიწყო ქექვა.

— არავითარ შემთხვევაში! — ავღელდი, — რა არის, ბოლოს და ბოლოს, თინა?! ნება დამრთეთ, ასე იოლად მაინც გცემ პატივი.

— ძალიან გთხოვთ, — გამიძალიანდა, — ვერაფრით ვერ მივეჩვიე ამ ამბავს.

თბილად გავუღიმე თინას და თან გავიფიქრე, ნორმალური ადამიანისათვის ჩვევის ან თუნდ რეფლექსის გამოსამუშავებლად ხუთი თვე საკმაოდ დიდი დროა-მეთქი.

„ხუთი თვე კი არა, ხუთ წელიწადს გატარებ ტრამვაით, ოღონდ ხელოვნებასა და ლიტერატურაზე ნუ დამიწყებ საუბარს...“

თინამ შუბლი შეიკრა, — უკვე მზად არის პირი დააღოს... მე თვალეში არ ვუყურებ, ხელს ვკიდებ და წინ, შუა ვაგონისაკენ მიმყავს.

— ბოდიში, ბოდიში, გაგვატარეთ, თუ შეიძლება! — ზრდილობა ყველგან ქრის, ტრამვაიშიც კი.

გავგატარეს. ტრამვაი გაჩერდა. ჩემზე ინერციის ძალა საწინააღმდეგო მიმართულებით მოქმედებს. უკან დავიხიე, კა-



რებისაკენ გავიხედე, დათო დავინახე, — ამ გაჩერებაზე უნდა ამოსულიყო და ამოვიდა კიდევ.

— ო-ო, დათუნია! — აღფრთოვანებით დავიყვირე და მოუბოდიშებლად უჯანა ბაქისაკენ გავიწიე. ყვეით ვგრძნობ მწველ მზერას, რომელშიაც ბევრი გამოუთქმელი აზრია თანამედროვე ხელოვნებაზე.

მე და დათომ ერთმანეთს ხელი მაგრად ჩამოვართეთ.

— როგორა ხარ? — მეკითხება დათო.

— გმადლობთ, რა მიჭირს... შენ როგორ?

ჩვენ შეგვიძლია თამამად ავუაროთ გვერდი ყოველდღიურ საუბარს ერთმანეთის ჭანმრთელობაზე, მაგრამ რას იზამ? ასეთია ჩვევის ძალა.

— ცოლის მოყვანას არ აპირებ? — ხანტად, უხალისოდ, ასჯერ გამეორებული გაკვეთილივით დაიწყო დათომ.

— ჯერ არა, ვერ მოვიცალე.

გუშინაც იგივე მკითხა, გუშინწინაც... დათოს მეგობრულად დავარტყი მხარზე ხელი.

— შენ რალას უცდი? ჩემზე უფროსი ხარ, ძმაო.

— ვინ უნდა მოიყვანოს კაცმა ცოლად, ვინა? — მერე ნდობა გამომიტყადა, — აი, მითხარი, ვინ შევიერთო და, მეორე დღესვე ვითხოვ!

— ეჰ, დათუნია! მართლაც ვინაა ცოლად მოსაყვანი!..

— ისე, კაცმა რომ თქვას, — ნაწყენი კილოთი ვანაგრძო დათომ, — ბინა კარგი მაქვს, ოჯახში არაფერი არ გვაკლია. ერთ-ორ ბავშვს ჩვენები გამიზრდიან... ახლა აუცილებლად „ვოლგა“ ხომ არ უნდა მყავდეს! ხომ მართლს ვამბობ?

— ასეა, მანქანა უარესი წვალებდა.

— რაზე უარესი? — დათოს ყველაფერის დაზუსტება უყვარს.

— რაზე? — ეს უკვე ახალი შეკითხვა იყო და დავიბენი, — რაზე და, საერთოდ, საერთოდ არის მანქანა წვალება.

— ჰოო... — გამიგო დათომ.

ამგვარად ამოვწურეთ ჩვენი საუბრის აუცილებელი პროგრამა და გავჩუმდით.

ტრამვაიმ კი ლენინის ქუჩაზე შეუხვია. დავიღუნე, მინდოდა საათისათვის შემეხვდა, მაგრამ, როგორც ყოველთვის, დეავგვიანე. ტრამვიდან საათის ნახვად ამინდის პროგნოზის მოსმენა ჩემი ორი აუსრულებელი ნატვრია. მუდამ ვიტრუნები, როცა ტელევიზორში იწყება „ამინდი ხვალ“ და ნაცნობი მელოდია გაისმის. სხვებსაც ვაჩუქებ. გულდასმით ვისმენ, როგორი ამინდი იქნება დასავლეთ საქართველოში, აღმოსავლეთ საქართველოში, მთაში, ბარში, ღამით და დღისით, მაგრამ როგორც კი თბილისამდე მივა საქმე, ჩემი ყურადღება უნებურად ითიშება და თბილისში ხვალისათვის მოსალოდნელ ამინდს ვერასოდეს ვერ ვიგებ წინასწარ.

ტრამვაი მირიხინებს თავდადმართში. მე და დათო ღროვამოშვებით ნაცნობებს ვესალმებით. დილით თორმეტ ნომერ ტრამვაის თითქმის უცვლელი მგზავრები ჰყავს. ვესალმები შუა ხნის გამხდარ ქალს, შეღებულ მტაცებელ ფრინველს რომ წააგავს.

— გამარჯობათ, გენაცვალე, — გადაქარბებული სიხარული იხატება ქალის სახეზე.

ამ ქალს ერთხელ ადგილი დავუთმე და ერთმანეთს მას შემდეგ ვესალმებით. იმ მზიან დილით გამომიტყდა, შენმა საქციელმა ლენინგრადი გამახსენაო. ალბათ, ახალგაზრდობისას ლენინგრადში მივლინებით იყო და ამით თუ ამაყობს.

ცირკთან ამოვიდნენ: ჩემი თანასკოლელი, სამი სტუდენტი — პრაქტიკაზე რომ არიან ჩვენს ქარხანაში და ჩვენი ქარხნის ტექნიკური განყოფილების უფროსი ნანობაშვილი. ხუთივეს მივესალმე: ორს პერსონალურად, სტუდენტებს — საერთო სალმით. სტუდენტებიდან ორი გოგონაა და ერთი ბიჭი. ბიჭმა ორშაურიანი გაუწოდა კონდუქტორს, მერე ფარული მოძრაობით დაქ-

ამირან შინიძემ
ჩემი დღე



მუქნა ბილეთები — კაპიკიანის აღმოჩენის იმედი დღესაც გაუცრუვდა...

— თენგიზას უკვე ორი შვილი ჰყავს, — ამოიხრა დათომ.

— ნუ იტყვი, ძმაო... ბიჭი მალე სკოლაში წავა.

— გადის დრო, ა? ვებრდებით...

— უნდა ვიჩქაროთ, დათუნი...

დათომ გასასვლელისაკენ გაიწია, ხელი დამიქნია ვამოთხოვების ნიშნად და მძიმედ ჩახტა ტრამვაიდან. დათო ბადროს მტყორცნელია და, ამასთანავე, „დინამოს“ სტადიონის ექიმი.

შოთა ჭელიძის მოტოროლერმა გაგვისწრო. უკან ჩემთვის უცნობი გოგო უჯდა.

მომდევნო ვაჩერებაზე აუარება ხალხი მოაწყდა ტრამვაის. მე კუთხეში მივდექი და თავდასხმის მოლოდინში მუცლის კუნთები მოვადუნე. ტრამვაი გაჩერდა და დიდუბისაკენ მიმავალმა ხალხმა იერიშით აიღო ვაგონები. ტრამვაი გატენილი იყო, მგზავრები კი მაინც ამოდირდნენ. ერთი ხელის კვრითა და სიბრაზისაგან დამანჭული სახით ამოდირდა, მეორე — მხიარულად, მაგრამ ხელის კვრით ან „მიწოლით“. სხვადასხვაგვარად მოქმედებდა ჰექსევა-ჭიდილი ადამიანებზე — ზოგს აღოზიანებდა ხალხის სიბრავე, ზოგს, განსაკუთრებით ახალგაზრდებს, მხიარულ გუნებაზე აყენებდა.

მერე ტრამვაი დაიძრა და ხალხი თითქოს მიწყნარდა. მე კირში ამოგანგლულ მშენებლებთან ვდგავარ ჩემს კუთხეში და ნაცნობებს ვაღვებებ თვალყურს. მაინტერესებს, დღეს რა შედეგი ექნება საზენიტლო საამქროს უფროსის — სერგო ქანაშვილისა და გაღვაწური საამქროს ოსტატის თამარ ბუცხრიკიძის შეხვედრას. სერგო ზის და თავგამოდებით კითხულობს გაზეთს. შლიაპან თვალეზე ჩამოუფხატავს, ვითომც და ვერავის ვერ ვხედავო. იქვე კი ასორმოცკილოიანი თამარ ბუცხრიკიძე დგას, დგას და უბედური სერგოს მხარს აწევა. ვხედავ, როგორ გაუწითლდა ყურები ქანაშვილს. ღონიერი კაცი არ არის

და ცხადია, დიდხანს ვერ გაუძლებს გაზეთის კითხვას.

„ერთი, ორი, სამი, ოთხი“, — გუნებაში თვლა დაეწყო. საზენიტლო საამქროს უფროსმა თავი ასწია, თანამშრომელი ქალის დანახვისას სახე გაუბრწყინდა, შლიაპანზე მოიკიდა ხელი, დატყვევებული მხარი გაითავისუფლა და ნემსნახვლეტივით წამოხტა. თამარმა გვერდზე მიაყენა, მაგრამ არაფერი არ ატკინა. ქანაშვილმა მოახერხა, თავი დააღწია და გაზეთი ცვლავ სახეზე აიფარა, ალბათ ცრემლის დასამალავად. თამარი დაჯდა მის ადგილზე და ფანჯარაზე აჯკრა მეზობელი. „რვით ორი“, კარგად დაეისომე: „რვით ორი“. ორჯერ ქანაშვილის ნებისყოფამ აჯობა უხემ ფიზიკურ ძალას.

ულაკოპოლო სასმელების ქარხანასთან ვაგონი იცლება. ჩვენს ტრამვაის საბურავების ტყალაშუნით ინჰინერ ოსიპოვის „ფორდმა“ ჩაუჭროლა. ფორდს ტენტი მოხსნილი აქვს — წელიწადის დროთა ცვლას მისი პატრონი ყურადღებას არ აქცევს. მანქანა სავსეა ვადამხაზავი გოგოებით. მათი კივილი ტრამვაიში ისმის.

ახლა ამოვა გოგო, რომელსაც მე მოვეწონვარ. აი ისიც: პატარა, თეთრთავსაფერიანი, შავთვალეა გოგონა. ვითომ ვერ ვაჩნევ, ქუჩაში ვიციკირები. ის კი, დარწმუნებული ვარ, მიყურებს. სამ დღეში ერთხელ მეც ვადავხედავ ხოლმე, რომ გულცივობით არ დავაფრთხო და თყვანისმცემელი არ დავკარგო. დღეს არ ვაქცევ ყურადღებას. გუშინ შევხედე ორჯერ. გოგონამ კიდევე შემომხედა და რაღაც უთხრა თავის ამხანაგს. იმან არასასიამოვნოდ ჩაიკისკისა. პირობას ვიძლევი, რომ გოგოს, რომელიც ასე კისკისებს, არასოდეს არ შევირთავ ცოლად!

ჩასვლის დროა. უკანა ბაქნიდან ჩავდივარ. ფეხსაცმელს ვათვალიერებ, — მხოლოდ ქუსლებს ეტყობა დილანდელი წმენდის კვალი. ჩვენ, ტრამვაიდან ახლად ჩამოსულები, შესასვლელისაკენ მიმავალი ხალხის ნაკადს ვუერთდებით.



ჯიბე მოვისინჯე — საშვი თანა მაქვს.
საყვირის ხმა გაისმა. ნაბიჯს ავუჩქარე.
— სალამი უფროსს, — მივესალმე
მცველს და საშვი გაუწოდე.

3. შრომა

თანამშრომელთა მღელვარება მეც
გადმომედო. თითქმის სირბილით ავედი
მესამე სართულზე. ბნელ დერეფანში
შევუხვიე; უკან წვრილი ქუსლების აჩ-
ქარებული კაკუნი მომდევდა. საკონს-
ტრუქტორო განყოფილების კარი შე-
ვიღე და დიდ, ნათელ დარბაზში შევირ-
ბინე. დარბაზის ორივე მხარეს სახაზა-
ვი დაზგებია ჩამწყობებული. კონსტ-
რუქტორები იმ დაზგებშია მივრბი-
ვართ. ნაწილი პირდაპირ გარბის, ნაწი-
ლი მარცხნივ უხვევს, — ლაბორატო-
რიის უფროსების მაგიდებთან მისვლას
ეჩქარობთ. ორი ლაბორატორიაა ჩვენს
განყოფილებაში, ორი ლაბორატორიის
უფროსი და ორი ჟურნალი, რომელ-
შიაც ჩვენ მოსვლისას და წასვლისას
ხელს ვაწერთ. გვარების სია თანამდე-
ბობების მიხედვითაა შედგენილი. მეცხ-
რე კაცი სიაში ვახლავთ მეორე კატე-
გორიის ინჟინერი ვეა ლოლაძე, ესე
იგი, მე. ჟურნალთან რიგი იდგა.

— ვინ არის ბოლო? — ვკითხე შოთა
ჭელიძეს.

— მე ვახლავართ, ჩემო ბატონო. გო-
გი არ მობრძანებულა?

— ჯერ არა, ღრმად პატივცემულო.

— თქვენ მოაწერეთ მის მაგივრად
ხელი.

— თუ ნებას დამრთავთ...

— შენ კარგად გამოგდის.

ორივემ გაუღიმიეთ ლაბორატორიის
გამგეს — კოტე ჩაჩიბაძეს. შოთამ ხე-
ლი მოაწერა და კალმისტარი გამომი-
წოდა. გამორთმევა დავაპირე, მაგრამ
ვერ მოვახერხე. ეთერ ხომერკიძე, მეო-
რე კატეგორიის უფროსმა ინჟინერმა,
გამომგლიჯა ხელიდან და თავის გვარს
ქშენით დაუწყო ძებნა. ეთერის გვარი
სიაში მესამე ადგილზეა, მაგრამ პოვნა
უჭირს. ეს ან ახლომხედველი თვალების

ბრალია ან ავზნებულობისა. ეთერი ლე-
ლავს: საყვირი უკვე იყო, ხელი კი არ
მოუწერია. ბოლოს, როგორც იქნა, მოა-
ხერხა ხელის მოწერა და კოტეს გაუ-
ლიმა:

— იმდენი ხალხი იყო დღეს ტრამ-
ვაიში... — მობოდიშების კილოთი და-
იწყო ეთერმა, თან კალმისტარს ხელს
არ უშვებდა, ცდილობდა პალტოს ჯი-
ბეში ჩაედო.

— გამარჯობათ, ქალბატონო ეთერ, —
მივესალმე.

— აჰა, გამარჯობა, როგორ შემაში-
ნე, — ეთერი, როგორც ყველა დიდი
სპეციალისტი, დაბნეულია და მხოლოდ
ახლა შემამჩნია.

— მე ათი წუთის წინათ მოვედი.
სულ ცარიელი იყო ტრანსპორტი, —
თქვა კოტემ ეთერის გასაგონად.

— ათი, — თვალების ხამხამით და-
ითვალა ეთერმა, — ათი და თხუთმეტი...
შვიდს გამოვაკლოთ ოცდახუთი... რვას
მიეუმატოთ ცამეტი... ხო, დიახ, მამ,
ასე...

— კალმისტარს თუ... ა-ა?... მამა-
ტიეთ, — თითქმის ჯიბიდან ამოვართვი
კალმისტარი.

შოთა მაგიდასთან მიცდიდა და, რო-
გორც კი დაინახა, კალმისტარი ხელთა
მქონდა, კოტეს გასაგონად ჩაახველა:

— კონსტანტინ ივანიჩ, ერთი წუ-
თით... გუშინ ხომ არ ყოფილხართ
იქით?..

— სად?

— სადა და, ჩვენ რომ ვიცით.

— რა ვიცით ჩვენ, ჭელიძე? — გა-
წითლდა კოტე.

— როგორ ვითხრათ ახლა...

ამასობაში მე ხელი მოვაწერე გოგის
მაგივრად, მერე ჩემს მაგივრად და კალ-
მისტარი ჟორას გაუწოდე.

— რას მეუბნები, ჭელიძე, არაფერი
არ მესმის?!

— თქვენ ისე მეღაპარაკებით, პატივ-
ცემულო კოტე, რომ ქალბატონი ეთე-

ამირან ზინიანიძე
ჩემი დეა



რი, რომელიც აქ ბრძანდება და ყურს გვიგდებს, რამე ცუდს იფიქრებს.

— ცუდი რა უნდა იფიქროს ქალბატონმა ეთერმა? — ჩუმად იკითხა კოტემ.

— ეგ მე აღარ ვიცი, კონსტანტინ ივანიჩი... მე უბრალოდ გკითხვით, იქ თუ იყავით-მეთქი გუშინ.

— სად იქ? — ხმა აიმაღლა კოტემ.

— სადა, და, ჩვენ რომ ვიცით.

— რა ვიცით ჩვენ? გამაგებინეთ... ტაკ?

— ა-ა, ვეჟა, შენ უკვე მოხვედი? — შოთა ჩემკენ მოტრიალდა, — გამარჯობა. სადა და, ზემელზე — ტექნიკური წიგნის მალაზიაში.

ლაბორატორიის გამგემ შევებით ამოისუნთქა.

— არა, შოთა, არ ვყოფილვარ. არის რამე საჩვენო?

— იყო გუშინ. ხელ გაჩვენებთ, — მშრალად დაპირდა შოთა და უფროსის მაგიდას მოშორდა.

მე და შოთა ჩემს მაგიდასთან შევჩერდით, საჩქარო აღარაფერი გვქონდა.

— მობრძანდით! — შევიპატიყე.

— არა, გამაღობთ. თუმცა, ხუთიოდე წუთით... — და შოთა ჩემს სამუშაო კუთხეში შემოვიდა.

ჩემი ადგილია — მაგიდა ორ სახაზავ დაზვას შორის და ორი სკამი; ერთი მაგიდასთან, მეორე — დაზვასთან.

უკანა დაზვა ნელიკო ხუნდაძეს ეკუთვნის, საშუალო ტექნიკური განათლების მქონე ახალგაზრდა სპეციალისტს. დაზვას ჩემი მხრიდან დიდი ქალაქი აქვს ჩამოფარებული, რომ ნელიკოს მუხლებმა საქმეს არ მომაცდინოს.

ჩვენ სამნი ერთ რიგში ვსხედვართ — გოგი, შოთა და მე, სამთავენი თითქმის ერთდროულად მოვედით ვანყოფილებაში, ერთნაირი თანამდებობები გვიკავია და დაახლოებით ერთი ჰკუისანი ვართ.

— დაბრძანდით, — შევთავაზე შოთას.

— იყავი შენ თუ არა? მითხარი გუ-

ლახილად, — მკითხა შოთამ და ჩემს დაზვასთან დაჯდა.

— არა, ტელევიზორში ვუყურე.

— აბა, შენა ხარ! რა ცირკი იყო! ისე ვისიამოვნეთ! არა, მართლა არ იყავი, თუ ხუმრობ?

მე თავი ისე დავიჭირე, რომ შოთა ვერ მიხვდა, მართლა არ ვიყავი ორი თვის წინათ სტალიონზე თუ ვხუმრობდი.

გოგამ შემოიხედა:

— განვაგრძო გზა თუ დავრჩე? — ესე იგი, ჩემს მაგივრად ხელი თუ მოაწერეთო.

— ყველაფერი რიგზეა, — დაამშვიდა შოთამ.

— ჩემზე იყოს პატივისცემა, — გოგი ნელიკოს დაზვაზე ჩამოჯდა.

— მოკვდა ბიჭი, მეხუთეზე ძალა აღარ ჰქონდა, მაგრამ მაინც იკისრა, ა?! — განაგრძო შოთამ.

— კიდევ ათი თვის წინანდელ ამბავს ყვები? — ჰკითხა გოგამ.

— ათი თვის წინანდელი კი არა, ისტორიაში ჩასაწერი მატჩია. მალადეც, ილო, ხუთი მაინც რამ გაატანინა. რა ოფსილის პატრონია! ეუსებოს მეტი კი არ გაუტანია!

— დაცა, ძმაო, გაუმართლა რაღაც, — ჩავერიე მე.

— მესმის, ერთხელ გაგიმართლოს, ორჯერ გაგიმართლოს, მაგრამ ხუთჯერ?!

— მოითმინეთ, ედიკა უნდა მოვიყვანო, — გოგამ თეთრი ხალათი გადაიცვა და ედიკ არხუმანოვის მოსაყვანად წავიდა.

ჩემს დაფასთან ხალხი მოგროვდა-მეორმოცეჯერ ვისმენ ჩვენი „დინამოს“ და ერევნის „არარატის“ თამაშის გარჩევას. ჩემს დაფაზე იხაზება და იშლება სქემები, იწერება გოლის გატანის მანძილები, აღინიშნება მდგომარეობები, რომლიდანაც ილო დათუნაშვილმა ხუთი ბურთი გაიტანა.

— ვინ მეძახდა? შენ მეძახდი? რა გინდოდა? — გოგამ მეზობელი ლაბო-

რატორიიდან ედიკა მოიყვანა და შოთას წინ დააყენა.

— მე რა უნდა მინდოდეს, ედიკან, შენ ხომ არაფერი გწყენია ამ დღეებში?

— იცი რა-ა? მორჩით რა, რა მოგივიდათ! ერთხელაც თბილისის „დინამომ“ მოიგო, ვერ მოისვენეთ? საქმე ნახეთ, რაღა!

— შენ ახლა უფროსი კაცი ხარ და არ გეწყინოს, მაგრამ რავარია პიატნოლ, ა?!

— ეხლა ერთი ერევანშიც ვნახოთ სკოლკო ნოლ იქნება.

— ერევანში გუნდი არ წავა! — განაცხადა შოთამ.

— არა, შენ და შენი ლაბორატორიის უფროსი წახვალთ და მოიგებთ, არა? — გაცხარდა ედიკ არზუმანოვი.

რამდენიმე ბიჭი მოწყდა ადგილიდან: დაფებს შორის კოტე ჩაჩიბაძემ შემოიხედა.

— კმარა, კმარა, რა ამბავია? ოცი წუთი გავიდა, ლაპარაკს უნდებით, — კოტემ კიდევ ერთხელ დახედა საათს და თავის მაგიდასთან დაბრუნდა.

— ედიკ, შენ კარგი ბიჭი ხარ, მაგრამ არ ხარ მართალი, — დასკვნა შოთამ და ნალვლიანი თვალებით შეხედა ედიკას.

— იცოდე, მაგ საქმეზე აღარ დამიძახო, — უსაყვედურა ედიკამ გოგის.

— ხვალაც და მერე აღარ, — დაპირდა გოგი.

ედიკამ გაიცინა, ხელი ჩაიქნია, რა უნდა გელაპარაკო...

მარტო რომ დავრჩი, უჯრებიდან სახაზავი იარაღები, ფანქრები, საშლელი და ლანცეტი ამოვიღე, დაფაზე სუფთა ფურცელი გავაკარი და ფანქრების თლა დავიწყე. ეს ნელი, მშვიდი პროცესია და ადამიანისგან ერთგვარ ცოდნასა და გემოვნებას მოითხოვს. მე ფანქრებს წვერი ზუსტად ისე წავუთალე, როგორც ამას „სმს“ — „სამხაზველო მეურნეობის სისტემა“ — წიგნი პირველი — მოითხოვს. წვერწათილი ფანქრები დაფაზე დავაწყვე.

მცირე ყოყმანის შემდეგ ნელიკოს დაფის იქით გადავყავი თავი:

— ესე იგი, არა? ცივი უარი! არ მოველოდი, დამწვი, დამდაგე... — ვუთხარი ნელიკოს, როცა ელექტროსქემებს თავი ვაანება და შემინებულმა ჩემკენ გამოიხედა.

— არავითარ შემთხვევაში!

— უკანასკნელი რიგი, ოცდამეოთხე და ოცდამეხუთე სკამი, ოცდამეექვსე კედელია.

— ეგ ფილმი მე არ მაინტერესებს. მე სასაცილო სურათები მიყვარს.

— მე შენ უფრო სერიოზული გოგო მეგონე.

— თქვენ სცდებით, ახალგაზრდავ, — უგულოდ მიპასუხა ნელიკომ და ვიგრძენი: უკვე მომზერდა თამაში.

მე დიდხანია იმ იტალიურ ფილმზე ვპატიეხ, რომელიც არსად არ გადის. ეს ბრწყინვალე აზრი თავში ერთი კვირის წინ მომივიდა.

— მაშასადამე, არ ვიყვარვარ?!

— კარგი რა, ვაჟა, ეს სქემა თუ არ დავამთავრე, ეთერი მომკლავს.

— მაშ ჩვენს შორის ეთერი ამოვიდა ეკლად? მოკლავ!

— მოკალი, ოღონდ ცოტა ხანს მაცალე. ისეთი არეული სქემაა. ოცდათვრამეტი 3423-ია, ზუთი სახელწოდების კონდენსატორი...

— არ გამაგიჟო! საკმარისია!

ნელი ნახაზს დაუბრუნდა, ბუტბუტი დაიწყო.

— კარგად დაფიქრდი, — მეგობრული რჩევა მივეცი ნელიკოს და თავი დავანებე.

ალბათ საათზე მეტი გავიდოდა, რაც მუშაობა დაიწყო. მეზობლების პანტოგრაფების დისკოები ამოძრავდა. ეტყობა, კოლეგები ჩაზვას შეუდგნენ. დაფაზე ჩემი კვანძის ესკიზი გავაკარი. სუფთა ფურცელზე პირველი ხაზი გავავლე.

აზირან ზინინაძე
ჩემი დღე

ჩვენს საქმეში მთავარი დაწყებაა; მე-
რე თავისით მიდის...

მიყვარს ხაზვა. ვხაზავ ლამაზად, ყვე-
ლა წესსა და სახელმწიფო სტანდარტს
ვიცავ.

მე, როგორც მეორე კატეგორიის ინ-
ჟინერი, მხოლოდ კვანძებს ვხაზავ, დე-
ტალების მუშა ნახაზებს კი ჩემი უშუა-
ლო ხელმძღვანელობით ორი ტექნიკოსი
და ერთი მხაზველი ასრულებენ. ასრუ-
ლებენ ნელა, აუჩქარებლად: ხათრიანი
უფროსი ვარ.

ნახაზს ჩრდილი დაეცა. შევტრიალ-
დი და ჩემი ტექნიკოსი გაიოზ გოგავა
დავინახე.

— აჰა, შენი დეტალები, — საკმაოდ
უხეშად მომმართა გაიოზმა და ნახაზე-
ბის გროვა მაგიდაზე დამიყარა.

— მორჩი? — აღერსიანად შევე-
კითხე.

— ნახე რა! მანდ არ არის?!

— ასე უცებ, კაცო?
გაიოზი უკვე ორი კვირა ხაზავდა
ათიოდე დეტალს.

— აბა რა, ნემსისოდენა რალაცებია.
ზომების დასმით გავწვალდი. ტვინი
ამემღვრა. მოკვდი, აღარ შემიძლია.
სულ მასშტაბებში ვხაზე.

— შენც ნუ იკლავ თავს. აი, კიდევ
ერთი კვანძია გასადეტალებელი...

— დიცა რა, ვაჟა, სულის ამოთქმა
მაცალე. დღეს ხომ პარასკევია?

— პარასკევია, — დავეთანხმე.

— ხვალ ხომ შაბათია?

— ხვალ? — დავფიქრდი მე, — კი,
ხვალ შაბათია.

— მოკლე დღეა შაბათი, — დაასკვნა
გაიოზმა.

— ნამდვილად, გაიოზ, ნამდვილად.

— მართლა, აი რა: არ გეწყინოს და
ორშაბათიდან დავიწყებ. რამდენი დე-
ტალია?

— თვრამეტამდე.

— უსინდისო ვიყო, ერთ დღეში გა-
გიკეთებ.

— სამ დღეში იყოს, ნუ აჩქარდე-
ბი, — დავამშვიდე.

— არა, ერთ დღეში გაგიკეთებ. შენ

ხომ იცი, არა? გაიოზი თუ მოინდო-
მებს...

სამწუხაროდ, ვიცი. ამიტომ ყველაზე
იოლ და არასასწრაფო სამუშაოს გაი-
ოზს ვაძლევ.

— რად უნდა მაგას ლაპარაკი!.. შენ
ოლონდ კარგად დაისვენე!..

— მერე აი, მართლა, ვაჟა, ყველაზე
ძნელ კვანძებს მე გიკეთებ, ხომ მარ-
თალია?!

— კი, შენ ძველი სპეციალისტი ხარ.

— ახლა მთლად ძველი არა, მაგრამ
ჩემი საქმე ვიცი. მე ისე არ მიყვარს,
სხვებივით. თუ მოვიწოდებ, დაფიდან
თავს არ ავწევ. ძალიან გატაცება ვიცი,
სხვათა შორის.

— წადი ახლა, დაისვენე, დამისახუ-
რე, ძმაო.

— მიყვარს საქმე, ასეთი კაცი ვარ.
ლაპარაკი არ მეხერხება, თორემ...

— არა, ლაპარაკი არ გეხერხება, —
დავეთანხმე.

— ეჰ, ვაჟა, შენ გესმის ჩემი. მე რომ
ლაპარაკი მეხერხებოდეს... ა-ა? არ მო-
ცემდნენ ამდენ ხანს ინჟინრის ხელ-
ფასს? — ეჭვის თვალით შემომხედა.

— როგორ არ მოგცემდნენ, — ვანუ-
გეშე, — გამოცდილი კაცი ხარ...

— მე რომ მოვედი, აქ სულ სამი კა-
ცი მუშაობდა. შენ არ გეწყინოს და, მე
შენზე ორი წლით ადრე დავიწყე ეს
საქმე. ა! ხუმრობა საქმეა?

— რაა საწყენი! არ აფასებს კოტე
ხალხს.

— ე-უხ! მაგან რა უნდა დამაფასოს.
მაგი თვითონ არაა თავის ადგილზე,
სხვათა შორის.

— აჰ!.. შენც სუ, მეც სუ...

— კარგი აბა. მე წავალ ახლა...

— გმადლობთ, გაიოზ, გმადლობთ.

— ეგ არაფერი, ვაჟა, რითაც შემიძ-
ლია, ყოველთვის დაგეხმარები.

მე ისევ ჩემს კვანძს მივუბრუნდი.
ვცდილობ, არ გავიხედო გაიოზის ნახა-
ზებისკენ... საკმლით დასვრილი, შეც-
დომებით სავსე, თავიდან გადასახაზ ნა-
ხაზებისკენ...

უჭრიდან უკანასკნელ დღეებში დაგ-

როვილი ნახაზების დასტა ამოვიდე; ზემოთა მარჯვენა კუთხეში აუცილებელი წარწერა გავუკეთე ყველას: „ზომები, დაშვებების აღუნიშნავად, მეშვიდე კლასის სიზუსტით“, „ზომები, დაშვებების...“ სპეციფიკაციის მიხედვით დავაწყვე და კოტეს მაგიდასთან მივედი.

კოტე ჩაჩიბაძის სახაზავი დაზა და რბაზის ბოლოს დგას, მაგიდა — გასასვლელში, ისე, რომ პანტოგრაფების მოძრაობას თვალყური ადევნოს. მოძრაობს დისკო — მუშაობს დაზის პატრონი. კოტეს, ეთერს და საშა ოსიპოვს ყველაზე დიდი და ზუსტი სახაზავი დაზები აქეთ — ფირმა „რეისი“. რაც უფრო დიდი თანამდებობა აქვს კონსტრუქტორს, მით უფრო დიდი დაფაა მასზე მიმაგრებული. „რეისის“ პატრონები თითქმის არასოდეს არ ხაზავენ — ისინი მხოლოდ მზა ნახაზებს ამოწმებენ. დიდი დაფები მათი ცოდნისა და გამოცდილების სიმბოლოა.

ჩემი მიახლოვებისთანავე კოტემ ნაჩქარევად შესწია მაგიდის უკრა; ალბათ, სპას-ფიშერის პარტიას არჩევდა. იგი ჰადრაკის დიდი გულშემატკივარია.

უკრიდან ფიგურის დაცემის ხმა მომესმა. კოტე შეკრთა.

— ბატონო კოტე, ერთი გადახედეთ, — ვუთხარი მოკრძალებით და ნახაზები მაგიდაზე დაუწყვე.

— სკამი მოსწიე, ვაჟა, — კოტემ ფანქარი და საშლელი მოიმარჯვა, — მამ ასე...

პირისპირ დაუუჩეჭი და სიგარეტს მოვუკიდე.

— ტაკ: აქედან აჭერს, ჩადის, ედება, შერე ირთვება... ჯერ ეს წყვილი, შერე ეს... გადადის აქეთ. შერე... იკრება... ტაკ.

— როგორც შევთანხმდით, ბატონო კოტე, ხომ გახსოვთ?..

— მახსოვს. ერთი წუთით, ვაჟა. ტაკ: ვაჭერო აქედან, ხომ? ტაკ...

— დიას.

— აქ ჩადის. ზამბარა მუშაობს?

— აბა რას იზამს?

— პირველი წყვილი ჩაირთო, ხომ?

— ჩაირთო.

— შერე შერე ჩაირთო, ხომ?..

— ტაკ... ჩაირთო.

— ტაკ. რაკალი შეიკრა. დენი წავიდა. ტაკ? კონტაქტები რა, ლითონისა?

— თითბრის, ბოლოში ვერცხლი აქვს მირჩილული.

— ვერცხლი? რად გინდა ვერცხლი?

— დიდი ხნით ირთვება, ხახუნი, საკმაოდ დიდი დენი...

— ტაკ... იფიქრე, ვაჟა. ვერცხლი, ხომ იცი, მაინც... ვერცხლი ძვირფასი ლითონია.

— მე პლატინის კონტაქტები მინდოდა, მაგრამ... პლატინა!.. პლატინა ძვირფასი ლითონია...

— ზნაჩიტ ტაკ... კარგად დაფიქრდი, ვაჟა. მე თორმეტი წელიწადი წარმოებაში ვმუშაობდი. ვინ მოგცემდა მაშინ ვერცხლს? აბა, იმან რა იცის წარმოების, — კოტე გულისხმობდა მეორე ლაბორატორიის გამგეს, — იმას სულ ქალაღებთან აქვს საქმე... იმას ჰგონია, დახატავს და გაუკეთებენ. ჩვენ ხულოენიკები ხომ არა ვართ! ყველაფერზე ჩვენ უნდა ვიფიქროთ, აბა, როგორ! ასეთი კვანძი აპარატში შევიდია, ტაკ? თორმეტი წყვილი კონტაქტი... თორმეტჯერ შევიდი ოთხმოცდაოთხი. ოთხმოცდაოთხი წყვილი... შერე სერიაში წავა... ნახე, რამდენი გამოდის? — უხარია კოტეს, — ჩვენ თუ არ დავთვალეთ, შერე ვინ დათვლის? იტყვიან, ამდენი ვერცხლი სად წავიდაო, ტაკ? იმას რომ მიუტანო, განა რამეს გეტყვის? ხელის მოწერა უხარიათ მაგათ. გინდა ბრილიანტები დაუყენე... ჩვენ ინჟინრები ვართ... მოთმინებით ვუსმენ კოტეს. ვიცი: ბოლოს და ბოლოს ყველა ნახაზზე მომიწერს ხელს.

— ზნაჩიტ ტაკ. შენ კიდე იფიქრე, ჯერჯერობით ხელს მოგვიწერ. შენ ისე, დათვალე, ყველაფერი აწონ-დაწონე. ჩვენ იმთსავით ხომ არ ვიმუშავებთ...

კოტემ კვანძის ნახაზი გვერდზე გადა-

აპირან ჰიშინაჰი
ჩემი დღე

დო და მუშა ნახაზებს დაუწყო შემოწმება.

— „ზომები, დაშვებების აღუნიშნავად. მეშვიდე კლასის სიზუსტით“... სწორია! ტაჯ...

ის დიდხანს ჩურჩულებდა რაღაცას. ქალღმერთ ზომებს იწერდა, ამოწმებდა დაშვებებს. მერე გადამრთველის ნახაზზე კატეგორიულად მიიხრა:

— ტა-აჯ. ესე არ წავა. ვერ გაუძღვება. ამას ხომ უნდა დაეაწვეთ, არა?

— თითით, ბატონო კოტე.

— შენ — თითით, მუშა — ხელით. ვაგიტებს. სამჯერ გადასწევს, ხუთჯერ გადასწევს, მერე გადატყდება. სამი მილიმეტრით უნდა გავასქელოთ. გამიგე? ეს, ვაჟა, მუშა დეტალია. ამაზეა მთელი დაწოლა.

გადამრთველზე არაფერი დაწოლა არ იქნება. მისი მობრუნება ძალას არ მოითხოვს, მაგრამ მე არ ვეკამათები კოტეს. მას თავისი შეხედულებები აქვს გამძლეობის მარაგის კოეფიციენტზე. წარმოება, სადაც კოტე მუშაობდა თორმეტი წლის განმავლობაში, ტრაქტორებს უშვებდა და ამიტომ ჩემთვის გასაგებია მისი სიმპათიები სქელი და ტლანქი დეტალებისადმი.

— გავასქელოთ, ბატონო კოტე, თქვენი ნებაა.

— ტა-აჯ... მაშინ ეს ზომაც წავა. ეს გაიზრდება. აი ასე. ახლა კარგია. ნაჯახიც რომ დაარტყა, იმუშავებს.

— დიახ, ტრაქტორივით იმუშავებს, — დავეთანხმე და იმის აღსანიშნავად, რომ უკვე ხელის მოწერის დრო იყო, ფეხზე ავდექი.

კოტემ მაგიდაზე გაფანტული ფურცლები მოაგროვა, ჩაახველა და ხელის მოწერა დაიწყო. ორი ასო „კ“ და „ჩ“ გადააბა და გადაბმულები მრუდე რკალში მოაქცია. ასევე აწერს ხელს კოტე ქარხნიდან გასასვლელ საშვებდაც და ამიტომ ბევრჯერ მეც მიხდება „კ“-ს და „ჩ“-ს გადაბმა...

კოტეს ხელმოწერილ ნახაზებიანად მეოთხე სართულზე ავედი, სადაც სამხაზველო ნორმების კონტროლიორები

სხედან. ნორმების კონტროლის ჩვეულებრივ ოთხი ადამიანია. თავაზიანად მივესალმე ოთხივეს და რუბენ კაზარიანთან მივედი. რუბენი ერთადერთი მამაკაცია კონტროლიორებში და წვრილმან დარღვევებს ყურადღებას არ აქცევს.

— ძია რუბენ, სასწრაფო ნახაზებია! რუბენ კაზარიანი სათვალის ზემოდან მიყურებდა წყლიანი შავი თვალებით; უხმოდ მომაწოდა სიგარეტი. იცოდა, რომ ცოტა ხანში მაინც გამოვართმევდი. ძია რუბენს არასოდეს სიგარეტის მოცემა არ ენანება და ჩვენ, ახალგაზრდა სპეციალისტები, მუდამ ვსარგებლობთ ამით.

— შენ მუდამ სასწრაფო მოგაქვს. დაჯე, მოსწიე, დაისვენე.

— სადა მაქვს დაჯდომის დრო, ძია რუბენ! წარმოება გვახრჩობს.

— ჯეელი ბიჭი ხარ, შენ ვინ დაგაბრჩობს. დაჯე. ცოტა ვილაპარაკოთ.

დავჯექი და ნახაზები გავშალე.

— „ზომები, დაშვებების აღუნიშნავად, მეშვიდე კლასის სიზუსტით...“ ეს სწორია...

— ძია რუბენ, გუშინ ერთ ქალთან დავინახეთ.

— ქალთან? — გაცივრებით ასწია ხშირი წარბები ძია რუბენმა.

— რა გაცივირდათ? ვითომ ჯერ არ გაცივლიათ ქალთან?..

— კარგი ქალი იყო? „დაითაროს რუხი ფერის გლიფტალის ემალით 4. 2062“...

— სამოცდათვრამეტი კილო, ვარდისფერი ლოყები. ყველაფერი რიგზე ჰქონდა...

— აქ დაუმუშავებელს სტოვებ? უნდა აჩვენო... ახალგაზრდა იყო?

— ლეტ სოროკ პიატ...

— აქაც ეს ხაზი ბოლომდე მიდის... არა, ეგ სხვა ვინმე დავინახავს.

— ახალგაზრდა ქალები გიყვართ, რუბენ ოვანესოვიჩ? — კეკლუცად შეეკითხა ძია რუბენს ტატიაანა ნემსაძე.

— ვა, თუ მნახა, ბარემ ახალგაზრდასთან მნახოს, ის არ მიჩჩვენია?!

— კი გირჩევნიათ, მაგრამ ს-ა-დ
ა-რ-ი! — უთხრა ნინა კობკინამ.

ძია რუბენმა ბოლო ნახაზს მოაწერა
ხელი.

— სხვა დროს არასაჩქარო ნახაზები
მომიტანე, ვილაპარაკოთ... ახლა გაიქე,
არ დავაგვიანდეს!

ისევ მესამე ქართულზე ჩავედი.
თხუთმეტი წაილდან თორმეტი მხია-
რული ყვირით შემხვდა:

— ა-ა, ვაჟიკო, პრივეტ!

— ვინც მოვიდა, ჩვენი სალაში!

— სადა ხარ, ვაჟა! აღარ გამოჩნდი,
თავი მოგვანატრე...

გადამხაზველების ოთახში ვიმყოფები.

— დაჯე, გვიამზე რამე, — მოთხრა მე-
დიკომ, — გული გაგვიხარე.

— აქეთ არ მოიხედო! — კარადის
იქიდან მომესმა სევტას ხმა.

— მოიხედოს, თორემ ბრიჯიტ ბარდო
არ დაინახოს! — თქვა რიტამ.

— შოკოლადს რომ შეგვპირდი, შე
უსინდისო? — მისაყვედურა გენრიეტამ.

— იქნება, ყველაფერი იქნება, ლუ-
დიც და კაკაოც. ჯერ საქმე.

— იმ შენი გაიოზის ნახაზები არ მომ-
ცე და რასაც გინდა გაგიკეთებ. — მითხ-
რა მედიკომ.

მედიკოს გაკეთებულ საქმეს გაიოზის
გაფუჭებული მიჩვენია. ცდილობ, მე-
დიკოს არასდროს არ ჩაუვარდეს ხელში
ჩემი ნახაზები.

— როგორაა საქმე, გოგოებო? ბევრი
ფული გამოგიწერათ კატომ?

გადამხაზველები გამომუშავებაზე არი-
ან. ფულს ბრიგადირი კატო უწერთ —
ერთ-ერთი იმ სამ ქალთავანი, ალტაცება
რომ არ გამოუხატავს ჩემს დანახვაზე.

— ეგ რამეს გამოგიწერს? — თქვა
რიტამ, — რაც კარგი სამუშაოა, თავის
დაქალებს ურიგებს. აი ნახე, მე სულ
სქემები მომცა...

— ნუ იცი უსამართლო ლაპარაკი, —
ჩაერია ლიდა, — ყველას ერთნაირი სა-
მუშაო გვაქვს.

ვიგრძენი, რომ ახლა მდგომარეობა
გამწვავლებოდა, ნახაზები კატოს მაგი-
ლაზე დაუწყვე და კარებისაკენ წავედი.

— შენ ჯერ მუშაობა ისწავლე და
მერე რთული ნახაზები მოითხოვე, —
თქვა გენრიეტამ.

— მე-უ? იქნებ შენ მასწავლო! —
გაცხარდა რიტა.

— გოგოებო, ბოდიში, გტოვებთ!

— რა მოგივიდათ! გააქციეთ კაცი! —
სტუმართმოყვარეობის პოზიციები და-
იცვა მედიკომ.

— არა უშავს! თქვენ გააგრძელებთ, —
ეთქვი მე, მაგრამ ყურს აღარავინ მიგ-
დებდა.

ხმაურით გაბრუებული გავედი ოთა-
ხიდან.

დერეფანში რობერტმა გამაჩერა. რო-
ბერტიც კონსტრუქტორია, უფროსი ინ-
ჟინერი, მეორე ლაბორატორიის დედა-
ბოძი. რობერტმა გამაჩერა და ხალათის
თასმასში მომკიდა ხელი.

გავჩერდი და ვუცდიდი, რას მეტყო-
და.

— ორი გოგონა რომ მიდის, ხედავ?

დერეფანში ხელიხელგადახვეულნი
მისეირნობდნენ ტექნოლოგები — ნუ-
ნუ და ლია.

— ხედავ.

— კარგად დააკვირდი.

მე დავაკვირდი ნუნუს და ლიას. მი-
დიოდნენ, საუბრობდნენ. მე მშვენივრად
ვიცნობდი ორთავეს, მაგრამ რობერტის
ხათრით ვაგრძელებდი დაკვირვებას.

— გამოცდილების ამბავია, ვაჟიკო, —
რობერტი ჩემზე ხუთი წლით უფრო-
სია, — შენ ახალგაზრდა ბიჭი ხარ. ყვე-
ლაფერს უნდა დააკვირდე. შენი მთავა-
რი მიზანი ახლა უნდა იყოს ცოლის მო-
ყვანა. ამიტომ გოგონებს უნდა დააკ-
ვირდე პირველ რიგში. არ უნდა შეცდე.
მე ახლა რომ მყავდეს ცოლი მოსაყვა-
ნი, არაფერში არ მოვტყუებდებოდი.

მე ვიცი, რომ ნუნუ და ლია გათხო-
ვილები არიან. ნუნუს ორი შვილი ჰყავს,
ლიას — სამი.

კარებშიაც არ გამიშვა ხელი. ძლივს
გავვეტიეთ.

აშირან ბიძინაძე

ჩემი დღე





რობერტის დიდ დაფასთან მივედით. რობერტი მაინც არ მიშვებდა ხელს.

— მე წელან რომ გითხარი, ახლა არ შევეცდები-მეთქი, შენ სხვანაირად ხომ არ გამიგე?

— არა, რატომ უნდა გამეგო სხვანაირად?

— ჩემი დალი ძალიან პატიოსანი ქალია, ყველაფერში. მე ძალიან პატივსაცემე მას. ასე რომ არ იყოს, შეილი არ მყვოლებოდა; ახლაც...

— მართლა? — სიხარული გამომეხატა სახეზე.

— კი, უკვე მეექვსე თვეშია. სხვათა შორის, ძალიან ტკბილი ოჯახი გვაქვს. შენ რომ მოხვიდე ჩვენთან, ნახავ, რა კარგია ოჯახი. არაფერი არ ჯობია ოჯახს. ოჯახი სხვაა, ქალები სხვაა. შენ ვისთანაც გინდა იარე, დრო ატარე, მაგრამ ოჯახს არ უღალატრო! დამიჯერე, ვაჟა, შენ ჯერ ახალგაზრდა კაცი ხარ და გამოცდილება გაკლია.

— მჯერა, როგორ არ მჯერა, მე ვეცდები...

— შენ მართლა გამოიარე. დაცხდეთ, ვისაუბროთ: ჩემს ცოლს უყვარს კულტურულ ახალგაზრდებთან საუბარი. ჩემს გოგოსაც ნახავ.

— გამოვივლი აუცილებლად, — რობერტმა ხელი გამიშვა. უკან მოუხედავად წავედი, რომ მისამართის შემოჩეჩება არ მოესწრო.

მეზობელ ლაბორატორიაში გადმოსული გოგი ირაკლი ბარბაქაძეს ელაპარაკებოდა. დამინახა და ხელით მანიშნა, მოდიო.

— ა-ა, ვაჟა, კარგია, რომ თქვენც მობრძანდით, — მითხრა ირაკლი ნიკოლაევიჩმა, მეორე კატეგორიის უფროსმა ინჟინერმა.

ირაკლი ნიკოლაევიჩი სამუშაო დროს რაციონალიზაციასა და გამომგონებლობას ანდომებს.

— როგორ ბრძანდებით, ირაკლი ნიკოლაევიჩ? — ვკითხე.

— არა უშავს, გმადლობთ. ახლა სწორედ თქვენს მეგობარს ვესაუბრებოდი...

იცით, რომ დღესაა შესვენების შემდეგ? ვიცოდი, მაგრამ მაინც ვკითხე:

— არ არის დღეს, ირაკლი ნიკოლაევიჩ?

— აი, ხომ ხედავთ, არც სცოდნია, — მიუბრუნდა გოგის ირაკლი ნიკოლაევიჩი.

— ვახ, არ იცოდი, ხომ!.. — დამტუქსა გოგომ.

გაოგნებული სახე მივიღე. პირი დავაღე.

— დღეს, შესვენების შემდეგ, ჩემო ბატონო, იქნება. რაციონალიზაციისა და გამომგონებლობის ბიუროს სხდომა.

— დღე-ეს? — კიდეც უფრო გამიკვირდა.

— პრემიების ამბავი დღეს უნდა გადაწყდეს. სამი პრემია იქნება, 75, 50 და 30 მანეთის რაოდენობით.

— ჩვენ მაინც რა, ჩვენ არაფერი, — ამოიოხრა გოგომ.

— არა, რატომ? ყველაფერი შესაძლებელია. გავიგე, თქვენ ორი წინადადება წამოგიყენებიათ, ოსიპოვმა მითხრა. თანავეტორები ხართ, ხომ?

— დიახ, ირაკლი ნიკოლაევიჩი, — მიკვამბე.

— კარგია, მეგობრულად მუშაობას რა სჯობია. საინტერესოა, ძალიან საინტერესო...

— პრემიები თქვენი იქნება, ბატონო ირაკლი! — უთხრა გოგომ.

— მაგას რად უნდა ლაპარაკი, — კვერი დავუქარი.

ირაკლი ნიკოლაევიჩმა მორცხვად დახარა თავი.

— კვებით არ ვიტყვი და ძალიან ბევრი ვიმუშავე. ორმოცამდე სამუშაო ნახაზი შევადგინე. დღესვე შეუძლიათ წარმოებაში ჩაუშვან, თუ მოისურვებენ, რასაკვირველია.

— მოისურვებენ, რას არ მოისურვებენ! — ვუთხარი მე.

— რასაკვირველია, — თქვა გოგომ.

ირაკლი ნიკოლაევიჩის დაფა ორი ლაბორატორიის საზღვარზე დგას. ჩვენი მხრიდან ეთერ ზომფრიცის დაზგა ამავრებს მისადგომებს. იქიდან ქალბა-

ტონ ეთერის უკმაყოფილო ჩახველება და სქემების ნერვიული შრიალი მოისმა. ეს იმას ნიშნავდა, რომ ხმაპალალი საუბარი ხელს უშლიდა მის შემოქმედებით მოღვაწეობას.

ირაკლი ნიკოლაევიჩმა ტუჩებზე მიიფარა ხელი, ეთერისკენ გვანიშნა, მაგის ყბაში ნუ ჩამავდებთო, მერე ჩურჩულზე გადავიდა:

— თვის ბოლოს, ამბობენ, პრემიები იქნებო, პრემიები. კვარტალური. ჩვენც გვერგება ორ-ორი კაპიკი. ხე-ხე-ხე.

ახლა ირაკლი ნიკოლაევიჩი ვირთხას მაგონებდა.

— მიუ! — ხმადაბლა ჩავეცნავე მე.

— გავიხარდა? — გაუბრწყინდა თვალები ირაკლი ნიკოლაევიჩს. — ახალგაზრდა კაცი ხარ და ზოგი რამ ხომ იცი... არ გეწყინოს, მამაშვილურად გეუბნები; — თითოთ მანიშნა, ჩემკენ ყური მოსწიეო და ჩამჩურჩულა: — წელან რობერტს ელაპარაკებოდი, ხომ მართალია? გიცნობდა, გეხუმრებოდა... იცი, ვისი ბრალია, წინა პრემია ცოტა რომ მოგცეს? ჰო, და იცოდე!.. „მაგას არ სჭირდება, ცოლ-შვილი არა ჰყავსო“. რა ვუყოთ, რომ არა გყავს? ახალგაზრდა კაცი ხარ, უნდა ისეირნო, დრო ატარო. ახლა გინდა ჭიბის ფული...

— მართალი ბრძანებაა, — დაეთანხმა გოგი; ისიც ირაკლი ნიკოლაევიჩისაკენ დიხარა და ყურს უგდებდა.

— ასეთია ცხოვრება. პირში ერთს ამბობს ხალხი, ზურგს უკან — მეორეს. უტოლშვილოაო! რა მაგის საქმეა, კაცო?!

— ნამდვილად არ არის მაგის საქმე, — კვერი დავუკარი, მერე მრისხანე გამომეტყველება მივიღე, — არ შევარჩენ, დელას ეუტირებ!

— აჰ-ჰ! — შეეშინდა ნიკოლაევიჩს, — არ უთხრა არაფერი, თუ ძმა ხარ. რდგორც შვილს, ისე გითხარი. გაგიღიმებს, შენც გაუღიმე, მაგრამ საქმე საქმეზე რომ მიდგება...

— გასაგებია!

— ჰო, მასე! ჭკუით უნდა საქმის გაკეთება, ჭკუით!

— გმადლობთ, ბატონო ირაკლი, არ დავიწყებ თქვენს ამაგს.

შოთა შემოგვიერთდა.

— ბიჭებო, როგორ არა გრცხვენიათ, აცდენთ პატივცემულ ირაკლი ნიკოლაევიჩს! წამოდით ჩემთან.

— ეგ არაფერი, ხუშარა ბიჭია! — ნაძალადევად გაიცინა ირაკლი ნიკოლაევიჩმა.

შოთა წინ გაგვიძღვა და დარბაზიდან გაგვიყვანა.

— გავიქდით? უკვე ათი წუთი აკლია შესვენებას! — გვითხრა შოთამ და ხალათის ქვემოდან მაგიდის ჩოგბურთის ჩოგნები დააძრო...

განიერ დერეფანში ორი მაგიდა დგას. ხალხი უკვე შეგროვილიყო — ბადეებს ჰშიავდნენ, ჩვენ შავი ჩეხური მაგიდისაკენ გავწიეთ. მეორეზე „ჰ“ ჯგუფის მოთამაშენი ხვდებიან ერთმანეთს — ღიბიანი ტიპები და ქალები.

— რა ამბავია? — იკითხა შოთამ, — შესვენება ჯერ არ დაწყებულა და უკვე აქა ხართ? დასწრებაზეა?!

— ვინც გინდათ, მოდით, — დაატრიალა ჩოგანი ქარხნის ყველაზე ლამაზმა ყმაწვილმა, გადამხაზველი გოგოების კერპმა, ტექნოლოგმა ვახტანგ ბერიშვილმა.

ჩვენ სამმა ერთმანეთს გადავხედეთ.

— დამითმობთ? — მოკრძალებით ვიკითხე.

გოგომ და შოთამ არაფერი არ მიპასუხეს და მე მაგიდის მეორე მხარეს დავდექი.

ვახტანგმა ბურთი მომაწოდა. მოთელვა დავიწყეთ.

— რა მომდის, კაცო, ვერ ჩავდექი ფორმაში... — ამბობს ვახტანგი, როცა მისი მოწოდებული ბურთის აღებას ვახერხებ.

ბოლოში ვივსებო. ერთი მომაგებინა, მეტი არაფერი მინდა...

— დავიწყეთ? — ვეკითხები მშვილად.

ამირან შინიანიძე
ჩემი დღე

— შენი ნებაა...
გაისმა ზარის ხმა. ეს იმას ნიშნავს,
რომ შესვენება დაიწყო.

4. შესვენება

ხმაურით გამოცვივდნენ გადამხაზველები. ჩვენს მაგიდასთან ჩამწყვრივდნენ და ალტაცებული თვალები მიაპყრეს ვახტანგ ბერიშვილს. ვახტანგის მიხრამოხრას პლასტიურობა მოემატა. ლამაზად დახტის, წარბებს მაღლა სწევს და მომხიზლავად იღიმება.

— ეს თამაშია?! დაარტყამ თუ არა ბოლოს და ბოლოს? — გაცხარდი მე.

— ითამაშე, გენაცვალე. ეს სპორტია. ვარტყამ — იღებს. ვარტყამ და კიდევ იღებს. თან იღიმება. დიდი სიამოვნებით გაეუშლიდი თავში ამ ჩოგანს...

— დაარტყი რა! — თითქმის ვიყვირე.

— ნუ ლელავ, წყნარად... — მამშვიდებს ვახტანგი, — ნერვები გაქვს აშლილი, გენაცვალე?

— შენ გენაცვალეს თავი დანებე და დროზე მიაწოდე, — უთხრა შოთამ.

— შენც ანერვიულიდი? — ღიმილით ჰკითხა ვახტანგმა; თან ბურთის მოწოდებას არ ჩქარობდა.

გადამხაზველმა გოგოებმა გადაიკისკისეს.

ვახტანგმა მოაწოდა. დავარტყი. ვახტანგმა უკან დაიხია და შორიდან აიღო ბურთი. კიდევ დავურტყი. კვლავ აიღო. ბურთი ბადეს მოხვდა და ჩემს ნახევარზე დაეშვა... მომიგო.

— ესეც თუ მოგებაა, — თქვა გოგიმ გადამხაზველთა გასაგონად.

— შემდეგი! — გაიბღინძა ვახტანგი.

მინდოდა მაგიდაზე დამეხეთქებინა ჩოგანი, მაგრამ თავი შევიკავე და ფრთხილად მივაწოდე შოთას.

— ბუფეტში თუ არ ვიქნები, კომბინატის სასადილოში გადმოდით, — ვუთხარი შოთას.

— მაგას სანამ არ მოუვებ, არ წამოვალ, — ჩემად მიპასუხა შოთამ.

გოგიც, ალბათ, ამასვე აპირებდა:

— ჩვენთვისაც წამოიღე რამე...

— რა გინდათ? — ვკითხე, თუმცა წინასწარ ვიცოდი, რომ სოსისებს მოვუტანდი.

— რასაც შენთვის აიღებ, — მიპასუხა გოგიმ.

— ჩემთვის კუქმაქს და ბატონის მწვადს ავიღებ.

— კარგია, ჩვენთვისაც იგივე, — დამიყვირა შოთამ და შეეცადა მისწვდომოდა ვახტანგის დარტყმულ ბურთს.

რუსთაველის იუბილესთან დაკავშირებით ჩვენი ქარხნის სასადილოს რეკონსტრუქცია დაიწყო. ახლა მხოლოდ ბუფეტშია მუშაობდა. ბუფეტში ძალიან ბევრი ხალხი იყო და მეზობელი კომბინატის სასადილოში გავიქციე. უპალტოდ ვიყავი გამოსული და იმიტომ გავბრძოდი.

კომბინატის უშველებელი სასადილო თითქმის ცარიელი იყო. სამიოდე კაცი იღვა სალაროსთან. რიგში ჩავდექი და ყოველ შემთხვევისათვის მენიუ შევათვალიერე.

ყვითელპალტოიანი და მწვანეშლიაპიანი წითელცხვირა კაცი ჩემს წინ დადგა. მე ჩაეახველე. კაცმა უაზრო თვალებით შემომხედა და მთქნარებით მიაბრუნა პირი. ჩემი რიგი მოვიდა, მაგრამ შლიაპიანმა მშვიდად მიაწოდა მოლარეს მანეთიანი.

— მეც ვდგავარ, ბატონო, რიგში, — ზრდილობიანად მივმართე მოქალაქეს.

— კი დგახარ, ბიძიკო, მარა, მე ახლა გხედავ პირველად!

— ახლა ხომ მხედავთ, ბატონო! — წყნარად ვუპასუხე.

— ვინაა, კაცო, ეს? — გაბრაზდა მოქალაქე.

— ასეთი საუბარი ქუჩაში! — ამომხედა მოლარე ქალმა. ორმოცდაათი წლის იქნებოდა. თმები შავად ჰქონდა შეღებილი. — ახალგაზრდავ, ასე ქუჩაში ილაპარაკეთ, — განაგრძო მოლარემ და შლიაპიანს მიმართა, — რა მოეთხოვებათ ახლანდელ ახალგაზრდებს. ერთი ყური დაუდგეთ, როგორი კილოთი ლაპარაკობს!

მე ხმა არ ამომიღია. ისე ვუყურებდი

მოლარეს, თითქოს მისი ნათქვამი მე არ შემიხებოდა. შლიაპიანი თანაგრძნობამ გაამხნევა:

— ეს რა ხალხია, კაცო? ვერც დაილაპარაკებს ხეირიანად. არ იციან ოჯახური საუბარი. ხარჩო, გენაცვალე, კატლეტები და ლუდი.

— სხვა დროს არ დაგელაპარაკებოდით, ბატონო, — ძალიან ზრდილობიანად ვუთხარი მე.

— ერთი შეხედეთ, რამდენს ბედავს, — აღშფოთდა მოლარე, — თქვენ ხარჩო გნებავთ?

— ხარჩო, კატლეთი, ლუდი. სულ წავიდნენ ხელიდან.

— კატლეთი არა გვაქვს.

— ბევშტექსი?

— ბევშტექსიც არა გვაქვს. აიღეთ ღორის თბებივნი.

— აა-პა-პა-პა!.. ნამეტანი ქონიანი იქნება.

— მაშინ ცხერის ჩახოხბილი.

— ჯანდაბას, ჩახოხბილი იყოს, — დიდხანს ითვალა ხურდა.

— ნუ აყოვნებთ, თუ შეიძლება, — ვუთხარი მე.

კაცმა სიბრაზისაგან დამანქული სახე მოაბრუნა:

— რას ჩამაცივდი, კაცო, შენ?! ვინ ხარ შენ?! ვისი გაზრდილი ხარ შენ?! რა არის ეს ბოლოს და ბოლოს!

მე ყურადღება არ მივაქციე მის აღშფოთებას:

— ნუ ხმაურობთ, ბიძიკო, ხალხს მადას დაუკარგავთ.

მოქალაქე გაცოფდა, ჯერ უხმოდ გაშალა ხელები, ტუჩებით შეივინა, მერე ხელი ჩაიქნია, რა უნდა გელაპარაკო.

— ქართულად ველაპარაკები და არაფერი არ ესმის, კაცო!

მე უკვე სალაროში მქონდა თავი შეყოფილი და მეგობრულად ვეჩურჩულეობდი მოლარეს:

— მოქალაქეს ჰგონია, რომ რუსთაველის ენით გვატკობს. სამი მოწოწილი და სამი ყავა, თუ შეიძლება.

ქალი ახლა რატომღაც აღარ მიბღ-

ვერდა. დედობრივი მზრუნველობით დამიწყო დარიგება:

— კი მარა, მაინც შენზე უფროსია, რაც არ უნდა იყოს; თითქმის მამად გეკუთვნის.

— ბოდიში, მე არ ვიცოდი, რომ თქვენთან რიგი უფროსობითაა.

— კარგი ახალგაზრდა ბრძანდები, გენაცვალე, და მაინც არ ვარგა, — გამიღიმა მოლარემ და ქვითარი მომაწოდა. თურა არ ვარგოდა, ის აღარ მითხრა.

სამი ულუფა სოსისი და, რატომღაც, სამი ყავა ავიღე. თვალით კარგ ადგილს დაუფუყე ძებნა და ჩემკენ მობრუნებული მშვენიერი სახე დავინახე. დაუფიქრებლად, მგონი, ჩემდა უნებურად, წავედი იქით, მექანიკურად დავდე მავიდაზე ალუმინის სადგამი და მხოლოდ ახლა შევამჩნიე, რომ ყვითელპალტოიანი წითელცხვირაც ამ მაგიდასთან იჯდა. მწვანე ველურის შლიაპა ეხურა. წამსვე ვისარგებლე ამით და ქალიშვილს მივმართე:

— ბოდიში, რომ უშლიაპოდ ვჯდები, შეიძლება?

გოგომ გაიცინა და ჩანგლით მანიშნა, დააქეთო.

მოქალაქე წამოხტა.

— ლწირაკი, თავხედი, — ჩაიჩურჩულა და თავისი პურ-მარილი სხვა მაგიდაზე გადაიტანა.

მე არ ვაქციე ყურადღებას არც მის ჩურჩულს, არც ჩემს სოსისებს — გოგოს ვუყურებ და ვტკბები მისი სილამაზით. გოგომ თავი დახარა, უხერხულად განაგრძო ჭამა. მე გამოვერკვიე და დანის მოსატანად წავედი. დანა ვერ ვნახე. ჩანგალი მოვიტანე და ორი ჩანგლით დავიწყე ჭამა. ერთით ვამტვრევ სოსისს, მეორით მდოგვში ვაწებ და პირში ვიტენი. გოგომ ჩემს სამ ყავას გადახედა და თვალეში მხიარული ნაპერწკლები აენთო. რა ვქნა? ყავაზე ჩამოუვგდო საუბარი? ისეთი იერი აქვს,

აზიან ზინიანაძე
ჩემი დეა

რომ ჩვეულებრივ ხუმრობას ვერ ვკადრებ. დახრილ შუბლზე თმა ჩამოვშალა და ერთი თვალი დაუფარა. ძლივს ვიკავებ თავს, მინდა, ხელი გადავწიო და თმა გავუსწორო; მეტი არაფერი, მხოლოდ თმა გავუსწორო. ახლა გაათავებს ჭამას და წავა. უნდა ვუთხრა რამე. რა ცხარეა ეს მდოგვი... ალბათ ბევრი მომივიდა.

რას ვეუბნები ხოლმე გაცნობისას გოგოებს? გოგოებს კი, მაგრამ ამას რა ვუთხრა?

— როგორ ბრძანდებით?

— თქვენ გიყვართ სამი ყავა?

— საერთოდ აქ დადინხართ შესვენებაზე?

— მუსიკა უფრო გიტაცებთ თუ ფერწერა?

— მე დღეიდან ამ სასადილოში ვივლი.

— მე მქვია ვაჟა. აქვე ვმუშაობ, ქარხანაში.

— ღორმუცელა არ გეგონოთ, ეს ჩემს ამხანაგებს ავუღე.

— სად ცხოვრობთ? რატომ აქამდე არ მინახავხართ?

— რა ხუთი ბურთი შეაგდო ილო დათუნაშვილმა!

— მე ბავშვობაში ლექსებს ვწერდი, თქვენ?

— მე პატარა და მყავს, მაიკო...“

ყველაფერი უსუსურად მეჩვენება. ვერაფერს ვერ ვეტყვი. ის ახლა ადგება და წავა. ხვალ კიდევ მოვა. უნდა მოვიდეს, აბა, სად უნდა ისაუზმოს შესვენების დროს? მოვალ ხვალ და მივესალმები. მხოლოდ ერთ ულუფა სოსისს და ერთ ყავას ავიღებ, ბიჭებიც მოვიყვანო? უფრო გაბედულად ვიგრძნობ თავს. არა, მარტო მოვალ, მოვალ და ისევ მის მაგიდასთან დავჯდები...

ისიც უხერხულად გრძნობს თავს. ოღნავ მოსვა ყავა და ადგა, ერთი წამით შემომხედა და თმები გაისწორა. მე თავი დავლუნე. მესმის მისი ნაბიჯების ხმა. უკვე გასასვლელთან იქნება მისული. ავიხედე: უკვე კარებშია. სასადილოში შოფერების ჩვეუფი შემოდის და

იმით უცდის. ჩემკენ არ იხედება. თეთრი, ფაფუკი სეიტრი აცვია. ქუსლებზე რომ დადგეს, ჩემი სიმაღლე იქნება. შეხედავენ თუ არა შოფერები? ხელების სრესით ჩაუარეს გვერდი, არც შეუმჩნევიათ. გავიქცევი, კარებს გავუღებ... თვითონ გააღო, ქუჩაში გავიდა... განიერი, მსუბუქი ნაბიჯი აქვს. ხვალამდის...

დერეფანში რობერტი რომ შემხვდეს, პანდურს ამოვარტყამ...

დარჩენილ სოსისებს მდოგვი წავუსვი და პურის ნაჭრებში ჩავდე. ფეხზე მდგარმა გადავყლაპე ყავა.

ჩემი ქარხნისაკენ გავიქეცი. შორიდან მომესმა ზარის ხმა — ჩვენი განყოფილების შესვენება დამთავრდა.

5. კვლავ შრომა

გოგი და შოთა შუა ჭამაში იყვნენ, როცა ირაკლი ნიკოლაევიჩმა გადმოლახა ლაბორატორიების საზღვარი და ჩემთან შემოიხედა.

— რასა შერებით? არ წავიდეთ, ყმაწვილებო?

— წავიდეთ და გავიმარჯვოთ! — ვუპასუხე მე.

— მ-მუ, — თქვა გოგიმ.

— მეც მოვდივარ, — თქვა შოთამ, — პრემიის ათი პროცენტი... თანაგრძნობისათვის...

— კონსტანტინ ივანიჩი გააფრთხილეთ: უფროსმა უნდა იცოდეს სადა ხართ, — დაგვარიგა ირაკლი ნიკოლაევიჩმა.

გოგიმ ფრთხილად დაახვია ორი დიდი ფურცელი და ღრმეაზროვნად გაუღიმა ბატონ ირაკლის.

— ნახაზები თქვენც დაამზადეთ? — გაუჟვირდა ირაკლი ნიკოლაევიჩს და ილიაში ამოდებული ფურცლებს უზარმაზარი გროვა გაისწორა.

— ისე, საერთო ზედებია, — ვანუგეშე მე.

— ესენი შეიდი თვეა მუშაობენ, — თქვა შოთამ.

— ხი-ხი-ხი, — ჩაიხიხითათა ირაკლი

ნიკოლაევიჩმა, — შვიდთვიანი პროექტი გაქვთ?

— ბოლო ხელი უნდა მომეგო, 26:24. კინალამ ვიტყვით, — მითხრა ვოვიმ.

— მაგან თამაში არ იცის, ვგიჟდები, როგორ გვიგებს.

— ბალერინა... — თქვა შოთამ.

— ხე-ხე-ხე, — გაიცინა ირაკლი ნიკოლაევიჩმა, — ბალერინა!.. ვახტანგზე ხომ არ ამბობთ? ლამაზ-ლამაზი ბიჭი რომაა?..

ჩვენი ქარხნის რაციონალიზატორები და გამომგონებლები ტექნიკური განყოფილების უფროსის — ნანობაშვილის კაბინეტში შეიკრიბნენ. ნანობაშვილი დილით ტრამვაიში ვნახე, მაგრამ, ყოველ შემთხვევისათვის, კიდევ ერთხელ მივესალმე.

რაციონალიზატორები ნერვიულობენ. თათბი პაპიროსის ბოლითაა საესე, საფერფლე — სიგარეტების ნაშუაგვებით. გრძელ მაგიდასთან სხედან რაციონალიზაციისა და გამომგონებლობის ბიუროს წევრები.

ნანობაშვილი საქმიანი კაცია, საათს დასცქერის და იწყებს:

— კარი მიხურეთ, თუ შეიძლება!

მუშა-რაციონალიზატორმა ბორის პეტროვმა დახურა კარი.

— ბიუროში ჩვიდმეტი რაციონალიზატორული წინადადება შემოვიდა, — განაგრძობს ნანობაშვილი, — გამოგონება — ერთი. ბიურომ წინასწარ გაარჩია ეს წინადადებები, გაეცნო ავტორიტეტულ პირთა აზრს. ჩვენი აზრით, კონკურსში მონაწილეობის მისაღებად უნდა დარჩეს ცხრა რაციონალიზატორული წინადადება. გამოგონება, კერძოდ, ინჟინერ ბარბაქაძის ახალი მუფტა, ჩვენ გამოგონებად არ მივიჩნით, რადგან მასში პრინციპულად ახალი არაფერია.

— როგორ თუ არაფერია! — შეაწყვეტინა ირაკლი ნიკოლაევიჩმა, — ფოლადის თითები რეზინის მაგივრად, პა!

— კაცო, ჯერ ფოლადის თითებით იყო მუფტები, მერე რეზინზე გადავიდა!.. — ჩაერია საშა ოსიპოვი.

— მე ოცი წელიწადია ვმუშაობ და ვიცი, რაზე გადავიდა და როგორ გადავიდა!.. — გაცხარდა ირაკლი ნიკოლაევიჩი.

— ბატონო ირაკლი! თქვენ შეგიძლიათ გაგზავნოთ თქვენი გამოგონება პატენტთა ბიუროში. იქ ყველაფერს გამოირკვევენ, — მშვიდად უთხრა ნანობაშვილმა, — შეიძლება თქვენ მართალი ბრძანდებით, მაგრამ ჩვენი საერთო აზრი ასეთია. თქვენ ხომ კიდევ გაქვთ რაციონალიზატორული წინადადებები?

— არა უშვავს, — ირაკლი ნიკოლაევიჩმა ნახაზებზე დაიბრუნა ხელი, — აქ მაქვს ყველაფერი, რა თქმა უნდა! თქვენ გააგრძელებთ.

— მამ დარჩა ცხრა რაციონალიზატორული წინადადება, რომლებშიაც ქარხნისთვის საჭირო აზრებია გამოთქმული. ჩვენ აქ შევიკრიბეთ, რომ დეტალურად განვიხილოთ ეს წინადადებები და გადავწყვიტოთ, ვის მივაკუთვნოთ პრემიები.

— აქ მაქვს მთელი ნახაზები. ორმოცდარი მუშა ნახაზი. დღესვე შეიძლება წარმოებაში ჩაშვება! — თქვა ირაკლი ნიკოლაევიჩმა.

— ერთი წუთით, ბატონო ირაკლი! — ნანობაშვილმა სათვალე გაიკეთა, — მუშა-რაციონალიზატორ პეტროვის წინადადება, ინჟინერ ოსიპოვის ორი წინადადება, ამხანაგ ბარბაქაძის სამი წინადადება...

— ოთხი, — გააწყვეტინა ირაკლი ნიკოლაევიჩმა და ნახაზების გაშლა დაიწყო.

— დამაცადეთ, თუ შეიძლება! — მკვახედ შეაჩერა ნანობაშვილმა, — ჩვენ აქ სამი გვაქვს, ბატონო, და თქვენ კიდევ რა გააკეთეთ, არ ვიცი.

— სულ სამი პრემიაა! ნუ ლეღავთ, — დააწყნარა ირაკლი ნიკოლაევიჩი შოთამ.

— ორი წინადადება ეკუთვნით ინჟინრებს — სულხანიშვილსა და ლოლა-

ანიან პიპინაძე
ჩემი დღე

ძეს და ერთი — საზენკლო საამქროს უფროსს ამხანაგ ქანაშვილს. რიგრიგობით განვიხილოთ, ამხანაგებო. პეტროვის წინადადება ეხება... ჰო, მართლაც, წინასწარ უნდა აღვნიშნო, რომ ჩვენი ქარხნის რაციონალიზატორები კარგად ამჩნევენ წარმოების სუსტ მხარეებს და ცდილობენ წვლილი შეიტანონ მათ გამოსწორებაში. ამაზე მტკველებს ის ფაქტი, რომ სამი წინადადება ეხება ერთსა და იმავე საკითხს, კერძოდ, ტრანსფორმატორების რკინის ფხაურის გასუფთავებას, რაც ჩვენთან ხელით სწარმოებს. ქანაშვილის, ბარბაქაძისა და სულხანიშვილ-ლოლაძის წინადადებაა შეიქმნას სპეციალური დაზგა ამ მიზნისათვის. ესე იგი, რაციონალიზატორთა აზრი სამი მიმართულებით მუშაობდა და ჩვენ აქ დავადგენთ, რომელი მიმართულებაა მისაღები.

ბარბაქაძე და ქანაშვილი ჩვენცენ იხედებიან. გოგიმ თვალი ჩამიკრა. შოთამ დონიჯი შემოირტყა.

— მოვეუსმინოთ ამხანაგ პეტროვს, — თქვა ნანობაშვილმა.

ბორის პეტროვი ადგა. თავის მეგობარს, ვანო სოსელას, ანიშნა, მომყევო. ისინი დერეფანში გავიდნენ, ფოლადის უშველებელი ნაწარმი შემოიტანეს და მაგიდაზე დადეს.

— აი, — თქვა პეტროვმა, დაჯდა და პირში პაპიროსი ჩაიღო. ვანომ მოუკიდა.

— ეს არის, ამხანაგებო, ახალი პრესფორმა, — განმარტა ნანობაშვილმა, — უნივერსალური პრესფორმა ხუთი სახელწოდების დეტალებისათვის. რამოდენიმე დამატებითი ჩასადგამის შეცვლით პრესფორმა საშუალებას გვაძლევს ხუთივე დეტალი მივიღოთ. ამრიგად, ეს ერთი ხელსაწყო შეცვლის ხუთს. უკვე არსებულს. გვეზოგება დროც, რაც პრესფორმების მოხსნისა და დაყენებისათვისაა საჭირო. ხომ ასეა, ბორის ალექსანდროვიჩი?

პეტროვმა თავი დაუქნია, ასეაო.

— სხვათა შორის, ძალიან კარგად მუშაობს, — თქვა ვანო სოსელიამ და გაწითლდა.

— კარგი რამეა, ჩტო ნაღო! — დადასტურა საშა ოსიპოვმა.

— შეკითხვები ხომ არ გაქვთ? — მოგვმართა ნანობაშვილმა.

— არა, — ყველას მაგივრად უბასუხა შოთამ.

პეტროვმა და სოსელიამ ოთახიდან გაათრიეს პრესფორმა.

— არ წავიდეს, დააბრუნეთ, — უთხრა ნანობაშვილმა ოსიპოვს, რომელიც კარებთან იჯდა.

ოსიპოვმა შემოიყვანა ბორის ალექსანდროვიჩი.

— ამხანაგო პეტროვ, სად იბარებთ? ჯერ არ დაგვიმთავრებია.

— სამუშაო მაქვს, სანდრო, — უთხრა პეტროვმა.

— კონკურსის შედეგი არ გაინტერესებს?

— მერე შემოვივლი, წნეხი მაქვს დაშლილი, ავაწყობ და მოვალ.

ნანობაშვილი საათს დააქკერდა.

— ერთ საათში, საათ-ნახევარში მოვრჩებით.

პეტროვმა თავი დაუქნია, ამოვალო.

ოსიპოვის პირველი წინადადება: შეიცვალოს ერთ-ერთი ხელსაწყო სახელურები ავტომობილ „მოსკვიჩის“ სახელურებით, რომელთა ყიდვა ბევრად უფრო იაფი დაგვიჯდება. მეორე: ხელსაწყო შეიღებოს აწყობილ მდგომარეობაში, განიკელირებული დეტალების ზეითი დაფარვის შემდეგ, რაც დაცავს ამ დეტალებს საღებავისაგან და მოგვეცემს დროისა და საღებავის დიდ ეკონომიას.

— ორივე წინადადება საქმიანია, — თქვა ნანობაშვილმა, — ჩვენ ერთიც და მეორეც მიზანშეწონილად მიგვაჩნია.

— ეგ რა რაციონალიზაციაა, ხე-ხე! — წაიჩურჩულა ჩემს ყურთან ირაკლი ნიკოლაევიჩმა.

საშა ოსიპოვი ადგა, ფანჯარასთან მივიდა და ქუჩაში გაიხედა, სადაც 1938 წელს გამოშვებული „ფორდი“ ეყენა.

— გაიხედა, საბურავები არ დახსნან, — იხუმრა სერგო ქანაშვილმა.

ყველამ გავიციინეთ. საშა ოსიპოვის

მანქანის ხსენება მუდამ მხიარულებას იწვევს ჩვენს საზოგადოებაში.

— აბა, სერგო, — მიმართა ნანობა-შვილმა ქანაშვილს, — მოგვიყვი შენი დაზვის ამბავი.

სერგომ ჯიბიდან რვეულის ფურცლები ამოიღო და ნანობაშვილის წინ მაგიდაზე დააწყო.

— ასე იქნება, რა. აქედან ჩადებთ რკინებს: ცილინდრი ტრაილებს, მეორე ცილინდრი აქერს... აქაც ქვები იქნება დამაგრებელი. ქვები ფხაურს მოხსნის... ამ კოლოფში ჩაეშვება რკინა. ასეთი ძრავა გვაქვს საამქროში. დავაყენებთ. ცილინდრს სახარატოში გამოვაჩარხინებ. ამ ოთხ კბილანა ბორბალსაც... ასე წავა, რა...

ბარბაქაძე სარკასტულად იღიმებოდა და თავმოწმონდ უყურებდა ნანობაშვილს.

ნანობაშვილმა შეამჩნია მისი ღიმილი და ჰკითხა:

— რას იტყვი, ბატონო ირაკლი?

— მე რა უნდა ვთქვა? სხევანიარად შეიძლება გამიგოთ...

— არ გავიგებო სხევანიარად. — შეპიბრდა შოთა, — ბრძანეთ.

ბარბაქაძემ ნანობაშვილს შეხედა.

— ბრძანეთ, ბრძანეთ, — ნება დართო ნანობაშვილმა.

— მე არ ვიცი, როგორი სურვილები აქვს ჩვენს სერგოს... საამქრო მის განკარგულებაშია. შეიძლება ააწყოს დაზვა. არ ვიცი, შეიძლება იმუშაოს დაზვამ, სერგო ქანაშვილი გამოცდილი ინჟინერია, მაგრამ წარმოდგენილი მ-მ... ნაშრომი... მე ამ ფურცლებს ვერავითარ შემთხვევაში ნახაზად ვერ ჩავთვლი. წარმოდგენილი ნაშრომი არ იძლევა ამის საფუძველს. ეს არის, ბოდიში ამ სიტყვებისათვის, თვითშემოქმედება. არც ერთი ზომა, არც ერთი ზუსტი ადგილი სქემაში. პრინციპი, სხვათა შორის, მეც ასეთი ავირჩიე და სწორი პრინციპია, მაგრამ პრინციპს საინჟინრო გადაწყვეტა უნდა, რასაც მე აქ ვერ ვხედავ. მე გავათავე, ამხანაგო ნანობაშვილო...

— რად მინდა მე პრინციპი-მრინ-

ციპი. მუშას ვეტყვი, ასე გამიკეთე-მეთქი და ასე გამიკეთებს. რად უნდა ამას ნახაზები და ქალაქები? — განაცხადა ქანაშვილმა.

— თქვენს წინადადებებზე გადავიდეთ, ამხანაგო ბარბაქაძე, — თქვა ნანობაშვილმა და საათს დახედა.

„ცდილობ გავიხსენო, რა ფერის თვალები აქვს და ვერ ვიხსენებ. ლამაზი ფერის. რომელია ლამაზი ფერი?... შავი, ლურჯი, თაფლისფერი... მგონი, თაფლისფერი. შავი წარბ-წამწამი. იქნებ მწვანე თვალები აქვს? თაფლისფერი უნდა ჰქონდეს. რა ბედი მაქვს, — მაღალა. თითქმის ჩემი სიმაღლეა. წითელი ფერიც ლამაზია, ღია წითელი. რა შუაშია წითელი ფერი?... წითელი ფერის თვალები!.. რამდენი ბოლია ოთახში, თავი მიბრუს!“...

— რამდენი ხანია გვაქვს, შვიდი თვე იქნება, — სიცილი ვერ შეიკავა სერგო ქანაშვილმა, — ისიც და ისიც. ტექნოლოგებმა გავიკეთეს ნახაზები, ჩვენ დავამზადეთ...

— სადაა თუ არის? ჩემს ხელსაწყოს როცა ვამზადებდი, არ იყო და მოქლონებზე ავაწყეთ, — ბარბაქაძეს დაბნეულობა დეტყო.

— წამო, ახლავე გაჩვენებთ. მარჯვენე ვეიდვას, კუთხეში. უკვე ნახევარი წელიწადია ვამუშავებთ, — ქანაშვილი საბოლოოდ გამხიარულდა.

— წამოდი, ვნახოთ, — წამოდგა ბარბაქაძე, — ეს შეუძლებელია, მე ვკითხე წინა კვირას მუშას და მითხრა, ძველებურად ვაკეთებთო.

— მუშამ რა გითხრა, არ ვიცი. ის იქნებ ისე აკეთებს, როგორც თვითონ გაუხარდება. ჩემთვის გეკითხა და გეტყოდი. ეს არ წავა; არც ერთი არ გვჭირდება.

— მე ორი თვეა ვმუშაობ ნახაზებზე, გამოხაზული მაქვს ყველა დეტალი... — დაიწყო ბარბაქაძემ.

— თქვენ იქნებ გსიამოვნებთ ხაზვა,

ამირან შინიანიძე
ჩემი ღღე

ეგ რა ჩვენი საქმეა! — თქვა ქანაშვილი.

— ამხანაგო ბარბაქაძე, ეს ნახაზები დავეიტოვეთ, ჩვენ გავარკვევთ ამ საკითხს, — თქვა ნანობაშვილმა, — დაზგაზე გადადით.

— დაზგაზე? მაგრამ მე ყველა ნახაზი გავაკეთე, კიდევ მესამე წინადადება მაქვს და გთხოვთ გაეცნოთ...

— დაზგის ნახაზები, თუ შეიძლება, — შეაწყვეტინა ნანობაშვილმა.

— კი, ბატონო, აი ჩვიდმეტი ნახაზი. სამი საკვანძო, ცამეტი დეტალი და საერთო ხედი.

— საერთო ხედი, თუ შეიძლება, — ნანობაშვილი საათს დააცქერდა.

— საერთო ხედი, საერთო ხედი, — ბარბაქაძე ნერვიულად იქექებოდა ნახაზებში, ბოლოს იპოვა, — როგორც ვთქვი; პრინციპი ისეთივეა, როგორც ამხანაგ ქანაშვილის სქემაში. ასევე ორი ცილინდრი, ერთ მათგანს აბრუნებს კილოვაციანი ძრავა. მარტო კბილანები საკმარისი არ აღმოჩნდა და ღვედური ვადაცემაც ვიხმარე. რკინის ჩაშვებისას მეორე ცილინდრიც დატრიალდება ხახუნის ძალით... — ბარბაქაძე დიდხანს და დაწვრილებით ყვებოდა თავისი დაზგის შესახებ, იმეორებდა ნათქვამს და ჩემზე და ალბათ ყველა შეკრებილთაგანზე უინტერესო, შეზღუდული და ბრიყვი კაცის შთაბეჭდილებას ტოვებდა. ეს მართლაც ასე იყო.

როგორც იქნა, ირაკლი ნიკოლაევიჩმა დაამთავრა ახსნა-განმარტება და მუშა ნახაზების გახსნა დააბირა.

— არა, არ არის საჭირო, — სთხოვა ნანობაშვილმა.

— საქმე გვაქვს ყველას, — თქვა საშა ოსიპოვი.

კარებში ბორის პეტროვიმა შემოიხედა.

— შემოდი, ბორის ალექსანდროვიჩი! — შეეპატივა ნანობაშვილი.

— მერე მოვალ, — უთხრა პეტროვიმა და დაამატა: — მე ის მეხმარებოდა, ამხანაგი სოსელია.

— თქვენ თვითონ მორიგდით ერთმანეთში, — თქვა ქანაშვილმა.

— გმადლობთ, — თავი დააქნია ბორისმა და კარი მიხურა.

— ახალგაზრდებს მოეუსმინოთ, ახალგაზრდებს, — აჩქარდა საშა ოსიპოვი.

— აბა, ბიჭებო, ოღონდ ლაკონიურად მოგვახსენეთ, — ისევ დახედა საათს ნანობაშვილმა.

მე და გოგიმ ერთმანეთს გადავხედეთ.

— შენ მიდი, — მითხრა გოგიმ.

— რა განსხვავებაა, შენ დაიწყე, — ვუპასუხე.

მერე, როგორც წინასწარ გვქონდა გადაწყვეტილი, ორივენი წამოვდექით და კედელზე ნახაზები გვაჯაკრით. ჩვენი ნახაზები შეუდარებლად უფრო ლამაზად არის შესრულებული, ვიდრე ბარბაქაძის წაშლილ-გადაშლილი, ნაწეალები ფურცლები. ეფექტური რომ ყოფილიყო, ფერადი ფანქრებიც ვიხმარეთ და ახლა ჩვენვე ვტყვებით მათი მშვენიერებით.

— აი, ეს მესმის! — ხმამაღლა თქვა შოთამ და თვალები მოჭუტა.

მე ფანქარი მიჭირავს და მოკლე განმარტებებს ვიძლევი. ჩვენი დაზგის უპირატესობა ყველასათვის ცხადი ხდება. ჩვენ გათვალისწინებული გვაქვს მუშაობა სხვადასხვა სისქის რკინაზე, დაცული გვაქვს უშიშროების ნორმები, დაზგას აქვს თანამედროვე ფორმები და სხვა და სხვა.

— წარმოვადგენთ აგრეთვე ორი მთავარი კვანძის ყველა ზომის ნახაზს, „ზომები, დაშვებების აღუნიშნავად, უნდა შესრულდეს მეშვიდე კლასის სიზუსტით“, — ვამთავრებ მე და ადგილზე ვჯდები.

— მეორე წინადადებაზე მე მოგახსენებთ, — განაგრძო გოგიმ.

მეორე წინადადება ჩვენს დაზგაზე გასუფთავებული რკინის ავტომატურ შეღებვასა და გაშრობას ეხება.

გოგიმ მოკლედ ილაპარაკა იმაზე, თუ რა საწარმოო ეფექტი ექნება ჩვენ მიერ წარმოდგენილი ზახის დანერგვას წარმოებაში.

— რას იტყვით, ამხანაგებო? — იკითხა ნანობაშვილმა, — მე მგონი, ორივე წინადადება მისაღებია და ტექნიკურად მაღალ დონეზეა დასაბუთებული...

ყველა დაეთანხმა ნანობაშვილს. ზოგი — თავის ქნევით, ზოგი — ჩახველებით.

— ყოჩაღ, ბიჭებო! — გვითხრა შოთამ.

— მუშა ნახაზები... — დაიწყო ბარბაქაძემ, მაგრამ მას არაეინ არ უგდებდა ყურს.

ნანობაშვილი რაციონალიზაციისა და გამოგონებლობის ბიუროს წევრებისა-კენ დაიხარა. გაიმართა ხანმოკლე, ხმა-დაბალი თათბირი. ნანობაშვილი ლაპარაკობდა: სხვები თავს უკრავდნენ.

— მაშ ასე, ამხანაგებო, — განაცხადა თავმჯდომარემ, — ბიურომ მიიღო შემდეგი გადაწყვეტილება: პირველი პრემია არ მიეცეს არავის. მეორე პრემია, 50 მანეთის რაოდენობით, მიეცეს მუშა-რაციონალიზატორ პეტროვს, ორი მესამე პრემია 30-30 მანეთის რაოდენობით თითოეული, მიეცეს რაციონალიზატორებს სულხანიშვილ-ლოლაძეს, ერთი წამახალისებელი პრემია 15 მანეთის რაოდენობით — ინჟინერ ოსიპოვს. დანარჩენ ამხანაგებს ბიურო დღე მადლობას უხდის ჩატარებული მუშაობისათვის.

— ი-ი! — გაკვირვებით თქვა ირაკლი ნიკოლაევიჩმა, — მადლობა? აკი სამი პრემია იქნება?... ვერაფერს გავიგებ კაცი...

— თუმან-ნახევარიც ფულია, — თავი დაიმშვიდა ოსიპოვმა.

მე და გოგიმ ნახაზები დავახვიეთ.

— თქვენ დაგიტოვოთ? — შევეკითხე ნანობაშვილს.

— ჰო, რა თქმა უნდა, აი იქ დადე, კარადაზე.

ირაკლი ნიკოლაევიჩი პირველი გავიდა ოთახიდან, სცადა კარები მოეჯახუნებინა, მაგრამ ვერ გამოუვიდა — ნახაზების გროვამ შეუშალა ხელი.

გოგი, შოთა და მე დავემშვიდობეთ ნანობაშვილს.

— ღირდა ექვსი თუმნისთვის ამდენი წვალება? — იკითხა გოგომ.

— ნამდვილად არ ღირდა, — დავეთანხმე.

— რა არის ექვსი თუმანი? არაფერი... ერთი სამკაციანი პურ-მარილი „ინტურისტში“, — თქვა შოთამ.

— ან სამი ორკაციანი, — თქვა გოგომ.

— არა, ორი კარგი სამკაციანი პურ-მარილი ბერძენ მიშასთან, — ვთქვი მე.

— გაზაფხულზე, იქ ღია ღუქანია, — მასწავლა გოგომ.

— აბა გაზაფხულამდე ფულს ვინ მოგცემს? — დავამშვიდე მე.

— ტაქსი ჩემზე იყოს, — დავგვირდა შოთა.

ჩვენი განყოფილების მუშაკთა საწარმოო ვარჯიში ალბათ სულ ნახევარი საათის დამთავრებული იყო, რადგან ქალბატონი ეთერი, ვარჯიშის შემოდების ინიციატორი და აქტიური მოვარჯიშე, ძლივს ითქვამდა სულს.

— დაამთავრეთ, ქალბატონო ეთერ? — ვკითხე მე.

— ეს-ეს არის, — მიპასუხა ეთერ ხომერტიკმა და ელექტროსქემა მარათსავით მოიქნია.

— ახ, დავგავიანდა... სამწუხაროდ. სამივენი ვწუხდით, მაგრამ ნანობაშვილმა არ გამოგვიშვა.

ეთერს ლაპარაკის ღონე არა ჰქონდა და თავი გავანებე.

— ვისია ეს ნახაზი, ნახე, თუ კაცი ხარ! — მომესმა ხმა დარბაზის ბოლოდან, — პა, ვისი? ვინაა ლოლაძე? სადა ზის?

მე დაფებიდან გამოვედი და ზეინკალი ზურა დავინახე, — ჩემკენ მოდიოდა.

— მე მეძებ, ზურა? — ვკითხე.

— არა, ლოლაძეს. აქ რაღაც დაუხაზავს. მინდა ვკითხო...

— მე ვარ ლოლაძე.

ნახაზი დავათვალიერე: „კონსტრუქტორი: გოგავა, შეამოწმა: ლოლაძემ“. ეტყობა, ვერ შევამოწმე.

ამირან შიშინაძე
ჩემი დღე

— წამო, საამქროში ვნახოთ, რაღაც არ გამოდის. ან აქაა ჭმევე, ან მე შემეშალა... — მითხრა ზურამ.

საზეინკლო საამქროში ბევრი ნაცნობი მყავს. გაითხის წყალობით ხშირად მიხდება ჩასვლა.

ზურას დაზგასთან ნახაზი დავეცევი ცილოდი, რომ შეცდომა ნახაზში იყო.

— უნდა ჩაჯდეს, არა ჯდება... — მითხრა ზურამ, თან ცდილობდა ორი დეტალი შეეერთებინა. — ესე შემოვატრიალებ, ნახვეტი გვერდზე რჩება. ან აქეთ უნდა გამეხვრიტა, ან ეს ტრულა-ლა იქით დამემაგრებინა. ნახაზზე როგორც იყო, გავაკეთე. გავაკეთე, ვაჯენ, — არ ჯდება. თუ გინდა, ზომები შევამოწმოთ, მაიტა ნახაზი.

— თავი დაანებე ნახაზს. უნდა ჩაჯდეს? არა ჯდება! შენც აიღე და აქეთაც გახვრიტე. დიამეტრი სამ-ნახევარი.

— სამ-ნახევარს მე კი გავხვრიტავ, მაგრამ მე ამ ნახვრიტს რაღა ვუყო?

— მოქლონი გაჭედე, გაასუფთავე, კაციშვილი ვერ გაიგებს.

— გაგებით ვინ გაიგებს, შეიღებება. ისე მაინც, მე ხომ სწორი ვარ?

— სწორი ხარ, ზურა, რად გინდა ლაპარაკი. ასე გავაკეთე. ორი წუთის ამბავია.

— შენი ხათრი მაქვს, თორემ ორი წუთი რა არის. შენ ნახაზი მაინც გამისწორე. შეკვეთის დახურვის დროს რამე ლაპარაკი არ მოხდეს...

მე კალმით გავასწორე ზომა და ხელი მოვაწერე.

— სალამი უფროსს, — მომესალმა ზეინკალი სოსო, — ერთი საქმე მაქვს შენთან.

სოსო მუდამ რაღაცეებს მეკითხება. მცდის თუ მართლა აინტერესებს ჩემი რჩევა, არ ვიცი. ყოველ შემთხვევაში, ზრდილობიანად ისმენს ჩემს პასუხებს და არ მეკამათება.

— გამარჯობა შენი, — კიდევ ერთხელ მომესალმა სოსო, როცა მის დაზგას მივუახლოვდი.

— გაგიმარჯოს, ააწყვე შენი მაგნი-

ტოფონი? — ჩვენი წინა საუბარი მაგნიტოფონს შეეხებოდა.

— არა, ბიჭო, ძრავა ვერ ვიშოვე ჯერ. კინემატიკა სულ მაქვს გამოჩალხული. ძრავა ერთი მაქვს. ორძრავიანი სქემა არ მირჩიე?..

— კი, ორძრავიანი, — დავეთანხმე.

— ახლა რა არის, იცი, აქვარიუმი უნდა გავაკეთო.

— აქვარიუმი? — გამიკვირდა მე.

— დედაჩემს, სხვათა შორის, თევზები უყვარს ძალიან. მირჩიე ერთი, თუ კაცი ხარ, როგორი გავაკეთო. მინდა დედაჩემს ვაჩუქო.

— ჩვეულებრივი აქვარიუმი გააკეთე.

— ჩვეულებრივი სამი აქვს სახლში. ისე მინდა, ხომ იცი, რაღაც განსხვავებული რომ იყოს.

— ჩამოსაკიდი გააკეთე. ბრტყელი აქვარიუმი, კედელზე ჩამოკიდებ ცოცხალი სურათივით, — მე თვითონ მომეწონა ჩემი აზრი.

— ა? დასადგამები არ უნდა მაშინ?

— რაღად უნდა, კედელზე თუ ჩამოკიდებ.

— წყალს როგორ ჩაასხამ მერე შიგ?

— სკამზე დადგება, ან დაბლა ჩამოკიდებ, — ვიცავდი ბოლომდე. ჩემს აზრს.

— კარგი რამე მითხარი, ხომ იცი... გაუხარდება, არა?

— გაუხარდება რომელია!..

— გმადლობთ, აბა, გაჩვენებ, გაკეთებას რომ დაგიწყებ.

— აუცილებლად...

რაღაც საქმე მქონდა საზეინკლო საამქროში და ვერაფრით ვერ გავიხსენე.

სერგო ქანაშვილი შემომხვდა და ნიშნის მოგებით გავუღიმე. ქანაშვილმაც გამიღიმა და მითხრა:

— ხომ იცი, მაინც ჩემებურად გავაკეთებ იმ დაზგას. თქვენ დაჯექით და ხაზეთ.

— მაგაზე ხვალ ტრამვაიში ვილაპარაკოთ, — ვუთხარი, — თამარმა თუ არ გაგჰყლიტათ...

მუშაობის დამთავრებამდე ნახევარი საათი დარჩა. სახარატო საამქროში ჩა-

ვედი. ნაცნობ მუშებს მივესალმე. არკადის ჩარხთან შეეჩერდი. სიამოვნებით ვუყურებ არკადის მუშაობას. საათობით შემძლია ვუყურა. არკადიმ შემამჩნია. თვალი ჩამიკრა. მეც თვალი ჩავუკარი.

საამქროში ხმაურია, ჩარხების ხმაური. ფოლადის ბურბუშელა გროვდება არკადის ჩარხთან. ბეტონის იატაკიდან ლურჯი ხვია ავიღე და რკინის ყუთში ჩავაგდე...

ჩვენს განყოფილებაში უჯრების რაჭუნი და ქაღალდის შრიალი გაძლიერდა. კონსტრუქტორები შინ წასასვლელად ემზადებოდნენ. ნელიკომ ტრიკოტინის პალტო ჩაიცვა.

— მაშ, რვას რომ ხუთი დააკლდება, „ამირანთან“, — ვუთხარი ნელიკოს.

— კარგი, „რუსთაველთან“. ცხრის ჩეთვერზე, — მიპასუხა ნელიკომ.

— ნუ მაცდევინებ, როგორც ყოველთვის, — შევებხეწე.

— ხუთი წუთი რომ დამელოდო, არაფერი არ მოგივა.

— ამხანაგი არ წამოიყვანო. მხოლოდ მე და შენ.

— რა თქმა უნდა. ბოლო რიგი აიღე.

— ეგ თავისთავად.

განყოფილება დარბაზის კარებში ელოდება ზარს. აი ზარიც.

კიბეზე ნანობაშვილს შევხვდი, კიდეც მივესალმე. მანაც მიპასუხა. ქარხნიდან შოთას მოტოროლერით მივდივარ ხოლმე. შოთას ჭავჭავაძის პროსპექტამდე მიყავარ. მერე კი, ჩემს ქუჩაზე ფეხით ავდივარ.

შოთამ მოტოროლერი ქარხნის ეზოდან ქუჩაში გამოაგორა. მოტოროლერი დიდხანს არ დაიჭოქა. საშა ოსიპოვმაც კი მოახერხა თავისი „ფორდის“ დაძვრა.

ბოლოს მთელი თავისი ხუთი ცხენის ძალით აკაენდა შოთას „ვიატკა“. მე უკან დავჯექი და ადგილიდან დავიძარით. გაუფსწარით ყვითელქუდა თინას, ვადამხაზველ გოგონებს, გოგის. წერეთლის პროსპექტზე მივჭრივართ.

— დღეს დილით ვინ გეცდა? — დავუყვირე შოთას.

— რა შენი საქმეა, — მიპასუხა შოთამ.

— მე არ ვიცნობ.

— არცაა საქირო.

მოტოროლერმა გმირთა მოედანს წრე შემოავლო და ვარაზის აღმართზე შევარდა. ჩვენს წინ ტროლეიბუსი მიდიოდა, ნახევრად წითელი ტროლეიბუსი და ტროლეიბუსის უკანა ფანჯრის მინაში ის დაეინახე. წელში მოხრილიყო და ჩვენ გვიყურებდა. აქედან მისი თვალბის ფერი არ ჩანდა.

— შოთა! თუ ძმა ხარ! დააწეკი, — დავიყვირე მე, — ტროლეიბუსს უნდა დავეწიოთ. აუცილებლად, გესმის?!

შოთამ არ მიპასუხა. გაზს მოუმატა. მოტოროლერი ლურჯ ბოლს უშვებდა და ტროლეიბუსს ნელ-ნელა ეწეოდა. მე ხელი დავუქნიე მას. სიჩქარე სითამამეს მმატებდა. მომეჩვენა, თუ მართლა გამიღიმა?

— მიდი, შოთა, დააწეკი! — დავუყვირე შოთას.

მოტოროლერი ასრიალდა, ნახტომი გააკეთა და გაჩერდა. ვადმოვხტი და ტროლეიბუსს ვავეკიდე. პალტო მიშლიდა სირბილს. მისი სახე უკვე გაურკვეველად მოჩანდა. ტროლეიბუსმა ჭავჭავაძის პროსპექტზე შეუხვია. ახლა გაჩერდება და დავეწევი. პროსპექტამდე ავადწევი. ტროლეიბუსი იდგა. უკანა ფანჯრის მინასთან, სულ ახლოს იყო მისი სახე. ორთქლი მოედო მინას. ტროლეიბუსი დაიძრა. მე ძალა მოვიკრიბე და დავეწეი. მან წითელი ხელთათმანით გაწმინდა მინა. მე მივწვდი იმ ადგილს, სადაც ხელი ედო. მან ხელთათმანი მეორე ხელში გადაიტანა და ხელისგული მოადო ფანჯარას. ჩვენს ხელებს შორის მხოლოდ მინა იყო. ტროლეიბუსმა სიჩქარეს უმატა და მე უკან დავრჩი. ხელი დავუქნიე. იმანაც დამიქნია. მართლა დამიქნია. ამჯერად

ამირან მიხინაძე
ჩემი დღე

არ მომჩვენებია — მან ხელი დამიქნია.
— ე-ე-ე! — დამიყვირა მანქანიდან
მძლოლმა და მუშტი მომიღერა.
მე გავუცინე, თუმცა მივხვდი, რომ
შემაგინა.
სირბილით დაებრუნდი შოთასთან. მან
უკვე მოახერხა მოტაროლერის დაქოქ-
ვა.

- ვინ იყო? — მკითხა შოთამ.
- ჩემი გოგოა! — ვუბასუხე მე.
- როდის გაიცანი?
- რა შენი საქმეა.
- ყოჩაღ, ძმაო!
- აბა როგორ!

აუჩქარებლად მივყვებოდი ჩემი ქუ-
ჩის აღმართს. ვცდილობდი გამეხსენებინ-
ნა, რა ფერის თვალები ჰქონდა ჩემს
გოგოს...

6. ოჯახი

ჩემი გასაღებით გავაღე კარი. მსია-
მოვნებს კარის გაღება და ჩვენს ბინაში
შესვლა. ჩუმაღ ვლიდინებ მხიარულ მე-
ლოდიას; თან ვამახინჯებ — ეს ჩემი
ცუდი სმენის ბრალია.

პალტო გავიხადე და როიალის ხმა
მომესმა; დედაჩემის კაბინეტიდან გა-
მოდიოდა; — გამას უკრავდნენ.

ჯერ ბებიასთან შევედი. ბებიაჩემი
დიდ, ძველებურ სავარძელში იჯდა და
ფრანგულ წიგნს კითხულობდა. ბებია-
ჩემის სპეციალობა ფრანგული ენაა.

— ბონჟურ, გრან მა, — შუბლზე ვა-
კოცე ბებიას, — კომან პორტე ვუ?

— პოლტე! პოლტე ვუ! — გამოთქმა
გამისწორა ბებიაჩემმა, — თამბაქოს
სუნით ხარ გაყლენთილი, უფ!

— პაღონ, პაღონ! — მეტისმეტად
ფრანგულად ვუთხარი და ფეხის წვე-
რებზე შემდგარმა უკან დავიხიე.

დედის კაბინეტის კარი შევალე. პა-
ტარა ოთახს დიდი როიალი ავსებდა. „ბე-
კერი“ № 8035.

დედაჩემის მოწაფე, რვა წლის ცირა,
უკრავს გამას. ცირას თითები ეშლება
კოცვით და მოთმინებით ამეორებინებს.
ამეორებინებს და თვითონაც გამას ამ-

ლერებს. დედას ასეთი ჩვეულება
აქვს, — სიმღერით ეხმარება თავის მო-
წაფეებს.

მე მამაჩემის სმენა გამოწყვა და ამი-
ტომ ჩემს მუსიკალურ განათლებაზე არ
უზრუნვიათ. ეტყობა, არც ცირასაცან
გამოვა დიდი მუსიკოსი... ანგელოზის
მოთმინება აქვს დედაჩემს.

მისალმების ნიშნად ხელი დავუქნე-
დედას. იმანაც ხელი ასწია და გამის
რიტმში დამიკრა თავი.

— სი-დოო! — განაგრძო სიმღერა.

მისასალმებელი აღარაყინ დამრჩა.
სასადილო ოთახში ტახტზე წამოვწექი
და გაზეთების თვალთვლება დავიწყე.

მაიკო დაბრუნდა სკოლიდან — შეუ-
ჩერებლად რუკავს ზარი; თავს გაუვიდა-
სირბილით მომიხდა კართან მისვლა.

— სალამი! — მითხრა მაიკომ და
ჩანთის ტრიალით შემოვიდა.

— როცა კარებს გიღებენ, მადლობა
უნდა თქვა.

— ყოველ დღე მადლობის თქმა არ
გამიგია, — მაიკომ პალტო გაიხადა.

— დღესაც არ გაუძახიხართ?

— რას ჩამაცივდი, ნეტა ვიცოდე?

უკვე თვეზე მეტია მაიკო არც ერთ
საგანში არ გაუძახიათ. ამას წინათ
დღიურიც დაეკარგა... ყველაფერი ეს
ძალიან ალეღვებთ ჩვენი ოჯახის წევ-
რებს, განსაკუთრებით, დედას.

ექვსის ნახევარია — საცაა მამაც მო-
ვა. ისევ დედას კაბინეტის კარი შევალე-
ვიციდი, როდის შემომხედავს დედა.

— ა-ხლა-ვე და-ვა-მთა-ერებ! — მღე-
რის დედა.

გაზეთების კითხვაში გავერთე და ვერ
შევაძინე, როდის შეწყდა როიალის
ხმა, როგორ შემოვიდნენ სასადილო
ოთახში ხელიხელგადახვეული დედა და
მაიკო და როდის დამადგნენ თავზე.

— უთხარი, ვაჟა? — მკითხა დედამ.

— რა ან ვის?

— კიდევ დავგიწყდა?

— ა-ა!.. — გავიხსენე მე და მშვიდად
განვავრძე, — გალოთდა ის მამამაღლი-
არ დადის ქარხანაში.

— ნუთუ სხვას არავის შეუძლია?... —

გაუქვირდა დედას, — ველარ ველირსეთ
სამზარეულოს მოწყობას...

— ხვალ ძალით მოვიყვან. ლოთი
რომ არ იყოს... ისე, ძალიან კარგი ოს-
ტატია.

— ხვალ კიდევ გაგახსენებ, — დედა
სამზარეულოში გავიდა.

— მაგიდა გააწყვე! სადილის დროა! —
ვეუბრძანე მაიკოს.

— შენ არ ისადილებ?

— მერე, რა იყო?!

— აილე და შენ თვითონ გააწყვე... —
მაიკოს აღზრდაში ნამდვილად ჩემი ჩა-
რევაა საჭირო...

— ჯერ ერთი, შენ უმცროსი ხარ, —
ტკბილად დავიწყე მე, — მეორეც, —
გოგო.

— სად სწერია, რომ მაგიდა უმცროს-
მა გოგომ უნდა გააწყოს?

— სწერია, თორემ ყველაფერი წა-
კითხული გვაქვს, სულ კითხვით იკლავ
თავს!..

— ერთი შენ იკლავ...

არა, ასე არაფერი არ გამომივა. მაი-
კო უბატივემლობას ვერ იტანს. დროა
შევეურიგდე.

— მე ისე ვითხარი... ხომ არ მიბრძა-
ნებია? — ალერსიანად ვეუბნები, —
გთხოვ... რა მოგივა, რომ გააწყო?..

— არაფერი არ მომივა! წვენი გვაქვს?

— არ ვიცი, დედაშენს ჰკითხე, —
ვუთხარი და მხარი მოვინაცვლე. მაი-
კოს არ სიამოვნებს, როცა მუშაობის
დროს უყურებს ვინმე.

მესმოდა, როგორ გავიდა და ისევე შე-
მოვიდა მაიკო. მესმოდა საინების წკრია-
ლი. ეტყობა, სადილად წვენი გვაქვს, —
მაიკო ღრმა საინებს ახმაურებს.

კიბეზე მამას ნაბიჯების ხმა მომესმა.
დატვირთულია და მძიმედ მოდის —
მამას სურსათ-სანოვაგე მოაქვს. დედა
საქმელს ამზადებს, ბინას ალაგებს, თა-
ვის ვუნდერკინდებს და მაიკოს ამეცა-
დინებს. ბებია წიგნებს კითხულობს და
სადილის შემდეგ ჭურჭელს რეცხავს.
მაიკო ზარმაცობს. მე ვმუშაობ...

ჩვენი ოჯახი სუფრას შემოუხსდა.

მხოლოდ მე განვაგრძობ გაზეთის კითხ-
ვას.

— მოდი, ვაჟა, გაცივდა ყველაფე-
რი, — მეუბნება დედა.

რას იზამ, ასეა, სადილად მაშინ უნდა
ამაყენონ, როცა რამე საინტერესო წა-
საკითხს მივგანებ.

— ახლავე, ერთი წუთით.

— იქნებ არ უნდა ჭამა? — იკითხა
მამაჩემმა.

— მოვდივარ, ხო! რა მოგივიადო? —
ავდექი და გაზეთიანად მივედი მაგი-
დასთან.

— ნუ იძენ მავნე ჩვევებს, — გამა-
ფრთხილა ბებია, — სისხლი ჭამის
დროს კეჭს უნდა მიეხმაროს.

— სისხლი იმდენი მაქვს!.. — ვთქვი
მე, მაგრამ გაზეთი მაინც ტახტზე დავ-
ტოვე. არ მინდოდა კიდევ გაგრძელე-
ბულიყო მავნე ჩვევებზე საუბარი.

ერთხანს ყველანი მადიანად და უხ-
მოდ ეჭამთ. მერე დედა ამბობს:

— არ ვიცი, რა ეშველება ამ ბავშვს,
არაფერს არ ჭამს.

მაიკო მართლაც უხალისოდ ჩიჩქნის
ჩანგლით რაღაცას. ბებია მსიძუმლო
გამომეტყველება მიიღო და ფრანგულ
ენაზე დაუწყო ჩურჩული დედას. ბებია-
სა და დედას გარდა ფრანგული არც
ერთმა არ ვიცით, მგონი, უთხრა ყუ-
რადღებას ნუ მიაქცევ, თვითონ ჭამსო.

— „უანს ტუ ფრენდს ჰენრი ენდ
ჯორჯ...“ — გაეხსენე ერთი ადგილი
ინგლისური ენის სახელმძღვანელოდან.

— „უენ ტტუ ე ფორესტ ტუ გეტ
ბერის ენდ მაშრუმს“, — განაგრძო მაი-
კომ, რომელსაც წელს, ისევე როგორც
მე — ცამეტი წლის წინათ, ეს მოთხ-
რობა დააზეპირებინეს.

ოჯახის უფროსებმა ინგლისური არ
იციან.

— არა გრცხვენია! რეებს ამბობ ჭა-
მის დროს, — ვუთხარი მე და აღმფლ-
თებულმა თავი გავიქნიე, — უთხარი,
დედა, რამე!

ამირან ზინიანიძე
ჩემი დღე



— შენ უარესი თქვი. დედა, საშინელი რალაც თქვა თქვენმა ვაჟმა!

ბებიას მრისხანე მზერა ერთი შვილი-შვილიდან მეორეზე გადააქვს. დედა იღიმება. მამა უხმოდ განაგრძობს ჭამას. უსავნო ლაპარაკი არ აინტერესებს.

ბებია მამარილისკენ გაიწოდა ხელი და ვერ მისწვდა. მე მივაწოდე და ნაძალადევად გავუღიმეთ ერთმანეთს. ასეთი რწმენა ჩვენს ოჯახში დამკვიდრებული: მარილის გადაწოდებისას ერთმანეთს თუ არ გუღიმებთ, უთანხმოება ან წყენა მოგვლით. ამ ტრადიციას მართო მამაჩემი არ იცავს.

— ვაჟა, მარილი მომაწოდე, თუ შეიძლება, — თავაზიანად მომმართა მაიკომ.

მარილი მივაწოდე და პირი ხელოვნური ღიმილში გავეჭიმე. მაიკო კმაყოფილია, მზიარულად კისკისებს, სამარილეს კი არ მართმევს და მე იძულებული ვარ ჩამოვეუშვა გაწვდილი ხელი.

— ეს ძვალი მაინც გადაიღე, — უთხრა მაიკოს დედამ. მაიკოს ძალიან უყვარს ძვლების გამოხერხა.

— ბებია, მადაზე რა ანდაზა აქვთ ჩვენ ფრანგ მეგობრებს? — ვეკითხები ბებიას.

— საწყალი ჩვენი ბიჭი!.. სამი სიტყვა ვერ დაიხსომა... — თქვა ბებია.

— არა მართლა, ფრანგული გამოთქმა მიჭირს.

— ლ'აპტი ვ'ენ ამაჟან, — თქვა ბებია.

— როგორ, როგორ, როგორ? — იკითხა მაიკომ.

— ლ'აპტი ვ'ენ ამაჟან, — ცხვირში გაიმეორა ბებია.

— ლაპტი ვენ არაჟან? — ვიკითხე მე.

— ღმერთო ჩემო, — ყურებზე დაიდრა ხელები ბებიაჩემმა, — გაჩუმდი, თუ ღმერთი გწამს. ნუთუ სამი სიტყვა ვერ გადაგიბამს?

— ვადაბმა არ იცის, ზაზვა იცის, — „იოხუნჯა“ მაიკომ და ჩაიკისკისა.

— ნუ აქცევ ყურადღებას. სულელობენ რალაცას... — თქვა დედა.

— მითხარი, — ვეუბნები დედას, რას ნიშნავს „სკერცო“?

— ნეტა როდის მოჰქვიანდები?

— მე კი ვერ მოვესწრები, — ამოიოხრა ბებია.

— თვითონაც ვერ მოესწრება, — თქვა მამამ.

ვგრძნობ, რომ ბოლო დროს მამა უკმაყოფილოა ჩემით. ვერ ვხვდები, რა არის ამისი მიზეზი. ალბათ იმედები ვერ გავუმართლე... იქნებ უნდა, რომ ასპირანტურაში შევიდე და ტექნიკურ მეცნიერებათა კანდიდატი გავხდე, ან უბრალოდ ფიქრობს, რომ ცოლის შერთვას ვაგვიანებ? გაუგებ რამეს?.. თქმით არაფერს არ მეუბნება...

— გმადლობთ, ბებიაჩემო, გმადლობთ, დედაჩემო, — ვთქვი და ავღეჭი.

— გმადლობთ, დედაჩემო, გმადლობთ, ბებიაჩემო, გმადლობთ, მამაჩემო, დიდი მადლობა ყველას, — განავითარა ჩემი აზრი მაიკომ.

დედა და ბებია სუფრის ალაგებას შეუდგნენ. მამამ ტახტზე გაბნეული გაზეთები აკრიფა, სათვალე მოიმარჯვა, ჩაახველა და კითხვას შეუდგა. მე უშუაბანდში გავედი, ფრთხილად ჩავეშვი დამტვრეულ შეზლონგში და სიგარეტი გავაბოლე. მაიკო, რა თქმა უნდა, უკან გამოჰყვა. ვიწრო ტახტზე მოიკალათა და ეზოში გადაიხედა. საუბრის გაბმა სურს.

— უფ, როგორ გააბოლე! არ ეუპასუხე და განაწყენებულმა ისევ ეზოსკენ იბრუნა პირი.

ბებია მჭურჭელი სამზარეულოში გაიტანა. დაბრუნებისას მითხრა:

— დროა ჩავრთოთ, ჩემო კარგო.

— ჰო, ახლავე. არაფერი რომ არ ჩანს?!

— ხომ იცი, მე და საწყალი დედაშენი ვერსად ვერ ვახერხებთ გასვლას. ყველაფერს ვართ მოწყვეტილები, — დაიწყო ბებია და ხელი. მაროსავით გაიქნია ცხვირთან — ჩემი სიგარეტის ბოლს იშორებდა.

ტელევიზორის ჩართვა და გამორთვა

ჩემი მოვალეობაა, — ალბათ იმიტომ, რომ ჩვენს ოჯახში მხოლოდ მე მაქვს უმაღლესი ტექნიკური განათლება.

ტელევიზორი ჩავრთე. ვცდილობ, გავსწორო დიქტორის დამახინჯებული სახე, შევაჩერო ციმციმი.

— კარგია, კარგი, ვაჟიკო, — ბებიას ეშინია, სულ არ გაქრეს გამოსახულება.

ბებია ტელევიზორის პირდაპირ დაჯდა, ხალათის ჯიბიდან ამოღებული თეატრალური დურბინი მოიმარჯვა და ტუბებოდა იმ დიქტორის მზერით, ვადმოცემათა პროგრამას რომ კითხულობდა.

ზარი დარეკეს — სამი მოკლე და ერთი ც გაბმით. ასე რეკავს ჩვენი ოჯახის მეგობარი, ქალბატონი ქეთევანი. ქალბატონი ქეთევანი მარტოხელა ქალია და ყოველდღე მოდის ჩვენთან ტელევიზორის საყურებლად.

მაიკომ წამოიკვნესა და კარის გასაღებად გაიქცა.

ქალბატონ ქეთევანს ყოველთვის დიდი თავშალი აქვს მოხვეული. ოთახში ცხელა, მაგრამ ქალბატონი ქეთევანი არასოდეს არ იძრობს თავშალს.

ფეხაკრეფით შემოვიდა, უხმოდ დაუკრა ყველას თავი და ბებიას გვერდით მოთავსდა. ბებია და ქალბატონი ქეთევანი კოცნიან ერთმანეთს, მერე კი ტელევიზორის ეკრანს აღარ ამორებენ თვალს. ტელეხედვაში გაწაფული ადამიანი მიხვდება, რომ ბალეტ „შოპენიანას“ გადმოსცემენ — მოცეკვავის გამრუდებული ფეხები მოჩანს.

— რა მშვენიერია! — ამბობს ქალბატონი ქეთევანი.

— რამდენი ლირიულობაა! — ეთანხმება ბებია.

ქალბატონი ქეთევანი თავის ჩანთას ხსნის და შრიალთი იქექება ქალაღდებში.

ახლა წერილს ამოიღებს. ბებიას უნდა წაუკითხოს. მთელ კავშირთან აქვს მიწერ-მოწერა... წერს, იღებს პასუხებს, და ამ პასუხებს თავის მეგობრებს უკითხავს. კორესპონდენტებს გეოგრაფიული მღებარეობის მიხედვით არჩევს: „მივი-

ღე წერილი შუა აზიელისგან“, ან „ჩელიაბინსკელისაგან“, „გუდაუთელისაგან“, „ვარშაველისაგან“.

ბებიას მღელვარება დაეტყო.

— მაია, გამორთე სინათლე, გენაცვალე!

მამამ რისხვით შეხედა ბებიას. მამა გაზეთს კითხულობდა.

— მამა კითხულობს, — თქვა მაიკომ.

— იქ ხომ სწერია, ვადაცემების დროს სინათლე უნდა ჩააქროთო! — თავი გაიმართლა ბებია.

მამამ უქმაყოფილოდ ჩაახველა და იკითხა:

— სად სწერია?

— მე მოგიტანეთ, ახლავე წავიკითხვით, — განავრძობს ძებნას ქალბატონი ქეთევანი, — შუა აზიელისგან მომივიდა დღეს დილით. ავიათი გამოუგზავნია. თქვენ ხომ მოგწონთ მისი სტილი, ქალბატონო ნინო?

— ძალიან სასიამოვნოდ წერს, დახვეწილად. მაგრამ მე თვითონ წავიკითხე ამას წინათ... სკლეროზი მაქვს ნამდვილად. ვერ გავიხსენებ სად წავიკითხე, რომ ძალიან მაგნეა ნათელ ოთახში ტელევიზორის ყურება.

— პირიქით, გეთაყვა, მუდამ უნდა ენთოს სინათლე! — ამბობს ქალბატონი ქეთევანი, — ამას წინათ გადმოსცეს, სხვანაირად არც უყუროთო.

— მეც გამახსენდა, — ელიმება მამას, — გუშინ უკანასკნელ ცნობებში გადმოსცეს.

— რა გადმოსცეს? — კითხულობს ბებია.

— არ შეიძლება სინათლის ანთება, ჩააქრე, მაიკო, მე სხვა ოთახში გავალ. მაიკო სინათლეს აქრობს.

— სად ჩავდე ის წერილი... — სიბნელეში უჭირს ძებნა ქალბატონ ქეთევანს.

— ჩემთვის ნუ სწუხდებით, — აწყენარებს ბებია, — მე მოვითმენ... მერე

ამირან პიონიძე
ჩემი ღღე

წამიკითხეთ. უყურეთ, უყურეთ, ქალბატონო ქეთევან! დაფრინავს!

ტელევიზორის ყურება შეუძლებელია. არც მინდა ტელევიზორის ყურება.

ჩემს ოთახში გავდივარ და კარებს ვხურავ. მაგიდის ლამპას ვრთავ. ცოტა ხანს მაგიდას ვუზივარ, მერე კი ისევ ვაქრობ სინათლეს და გულაღმა ვწევები დივანზე. ჩემი თვალები სიბნელეს ეჩვევა, ბუნდოვნად მოსჩანს თეთრი ჭერი. ჩემს ოთახთან დერეფანში გამოტანილი სტაბილიზატორი ხმამაღლა ღმუის.

„ბოლო ხანებში მარტო ვეღარ ვძლებ. თითქოს სამსახურის შემდეგ მარტო ყოფნა უნდა მინდოდეს — იქ იმდენ ხალხთან მაქვს საქმე, იმდენ ხმაურთან... იქნებ მივეჩვიე ბევრ ხალხს და ამიტომ, რომ უკვე მიჭირს მარტოობა? მიჭირს კი არა, მგონი, აღარც შემიძლია. ძაღლი ხომ არ ვიყიდო? გოგის ბინა ძაღლის ბეწვითაა სავსე. ვიყიდი უბეწვო ძაღლს. ერთთვიან ლეკვს... ჩემს მაგიდასთან, ქეჩის საფენზე მოიკალათებს... ხელს ჩავწევ, ცივ ცხვირს მომაღებ, თითებზე ენას ამისვამს. ღამით სასეირნოდ გავიყვან. დილითაც, ვარჯიშის შემდეგ...“

ახლა სად წავიდე? თენგიზის ცოლთან ლაპარაკის თავი არა მაქვს. მერაბთან რომ მივიღე, რა ვაკეთო? ნარდის თამაში მაინც მიყვარდეს...

ტელეფონი მაინც დაგვიდგან დროზე. ვისაც ტელეფონი აქვს, იმათ უცნობი გოგოები ურეკავენ — „ურევენ“... დავურეკავდი თენგიზს. ვკითხავდი: „როგორ ბრძანდება შენი მეუღლე, ხომ კარგად?.. გმადლობთ, მეც კარგად ვარ. არა, სხვა დროს გამოვივლი. ცოლს ვითხოვ და ორივენი მოვალთ: მე და ჩემი ცოლი: ოჯახური ვიზიტით...“ „ქალები ერთმანეთს გაართობენ. მე და თენგიზი წყნარად ვისაუბრებთ, შავ ლენოს დავლევთ, ან არაყს, სულ პატარა ჭიქებში, ვერცხლის სათითურებით — მე და არჩილმა ქორწილში რომ მივართვით თენგიზს“.

დივანზე წამოვჯექი. მაგიდიდან სკამ-

ზე გადავდგი საფერფლე და სიგარეტს მოვუკიდე.

„ასე თუ გავრძელდა, მგონი, ისევ ნელისთან წავალ... მართლა ხომ არ წავიდე?.. მივალ და ყველაფერი თავიდან დაიწყება. ნეტა შეიძლებოდა, მივიღე და არაფერი არ დაიწყოს თავიდან. ჯერ ხმას არ გამცემს. ისე მოიქცევა, რომ უხერხულად ვიგარძნობ თავს და მე თვითონ დავიწყებ. ხვალ კი ვინანებ, რომ დავიწყე; ღღესვე ვინანებ...“

ის სულ არ ჰგავს ნელის. ბავშვია ნელისთან შედარებით. ჩემთან შედარებითაც ბავშვია. ხელი დამიქნია... ხვალ მივესალმები. არ შეიძლება, არ მიპასუხოს. თავშეკავებულად, უბრალოდ მივესალმები და რატომ არ მიპასუხებს...

მაინც კარგია, რომ ჩემი ოთახი მაქვს. შემიძლია მარტო ვიწვე სიბნელეში და ვიფიქრო...

ახლა უნდა გავიღე სახლიდან, არჩილთან მივალ. გარედან დავუძახებ და ქუჩაში გამოვიყვან...“

აღგომა დავაპირე, როცა ჩემს კარებთან მერაბის ხმა გაისმა.

7. მემგზრავი

— რა დროის ძილია? ამდენს მუშაობს, კაცო?! — ხმამაღლა თქვა მერაბმა.

— მე კაცი არა ვარ, — უპასუხა მაიკომ.

— ვაჰ, აბა ქალი ხარ: რამდენი ორიანი მიიღე?

— მერაბი კი არა ვარ, აბესაძე.

— მერაბი? მე ვერცხლის მედალზე დავამთავრე, ბავშვო.

— ვერცხლის არა, ბრილიანტის...

— არა გჯერა? შენს ძმას ჰკითხე.

მე თვალები დავხუტე, თავი მოვიმძინარე. კარი გაიღო და ოთახში შუშაბანდიდან სინათლე შემოვიდა.

— ვაჟა! — მოურიდებლად მეძახის მერაბი, — ვაჟა, მართლა გძინავს?

იძულებული ვარ, ისე მოვიქცე, ვითომ ეს-ესაა გამეღვიძა. ძაფს ჩამოვკარი ხელი. ბრა ტკაცანით აინთო. მე-

რამბა ქშენით გაიხდა პალტო და სკამზე გადაკიდებულ ახალ დაუთოებულ პერანგს დაადო.

— მაიკო! — დავიყვირე, — მაიკო! მერაბის პალტო ჩამოვიდე.

— ერთი ჰიქა წყალიც გამოაყოლე, შენს გაზრდას, — უთხრა მერაბმა.

— თქვენთან არ მოდის? — იკითხა მაიკომ.

— წყალი გენანება, გოგო? რა მოგივიდა?

დივანზე წამოვჯექი და გულმოდგინედ შევუღდე თვალების ფშვენტას ველმვართ.

— არჩილს დავურეკე, თენგიზს გაუვლის და მოვლენ, — დაარღვია სიჩუმე მერაბმა.

— მერე?

— მერე არაფერი.

მაიკომ წყალი შემოიტანა.

— მაცივრიდანაა? გაიხარდე დიდი გოგო, — ცივ წყალს წრუპავს მერაბი.

— კიდეც გინდა? — ჰკითხა მაიკომ.

მერაბი წყალს სვამდა. ხელი გაიქნია, აღარ მინდაო.

— ასეა საქმე, — ვთქვი იმიტომ, რომ რამე მეთქვა.

— შენ წამოწექი, თუ გინდა, — მიუთხრა მერაბმა.

— როგორ გეკადრებათ...

მერაბმა გულის ჯიბიდან ცხვირსახოცი ამოიღო, დიდხანს შლიდა და გულმოდგინედ იხოცავდა ცხვირს. მერე დაკეცა და ისევ გულის ჯიბეში ჩაიდო.

— უფროსი როგორა გყავს? — მკითხა მერაბმა.

— გმადლობთ, კარგად...

— ახალი არაფერია?

— მოსწიე, არ გინდა? — სიგარეტი მივაწოდე მერაბს.

მერაბმა სიგარეტი არ გამომართვა. ჯიბიდან ამოიღო „ყაზბეგის“ კოლოფი:

— არ შეურიგდი ნელის?

— არა. აღარ შემიძლია, ძმაო, გავასწორეთ ანგარიში.

— ისე არ იყო ცუდი გოგო. ნამდვილად არ იყო ცუდი გოგო.

— „იყო“ რა, კი არ მომკვდარა.

მერაბმა, ტუჩები დაიმრგვალა — ცდილობდა პაპიროსის ბოლი რგოლებად გამოეშვა.

— ეინ ამბობს მკვდარიაო? მე ვთქვი, მკვდარია-მეთქი? — გაუკვირდა მერაბს.

— როდის მოვალო, რა თქვა არჩილმა? — სხვა თემაზე გადავიტანე საუბარი.

მერაბმა რამდენიმეჯერ აანთო და ჩააქრო მაგიდის ლამპა. სანამ არ მოშლის, არ მოეშება..

— გამოვდივარო. პალტოს ჩავიცვამ და გამოვალო...

— ჰო-ო? მერე სადაა აქამდე? — ახლა ვეტყვი, რომ თავი დაანებოს ლამპას.

— რა ვიცი... — როგორც იქნა შეეშვა გამომართველს და სკამის საზურგეს მიეყრდნო, საზურგეზე კი ჩემი პერანგი იყო გადაკიდებული.

— ტელევიზორში რა არის? — იკითხა მერაბმა დუმბილის შემდეგ.

— ერთი... არ მუშაობს კარგად.

— ჩემი საათივით მუშაობს, — გამოცოცხლდა მერაბი, — მხოლოდ ერთხელ გაგვიფუჭდა. 1964 წლის ოქტომბერში.

— ბედი გაქვს, ძმაო...

ისევ გავჩუმდით.

— ვაჟა! ვაჟა! — გაისმა ქუჩიდან.

ორივემ შევებით ამოვისუნთქეთ. წამოვხტით და ფანჯარას ვეცით.

ქუჩიდან თენგიზი და არჩილი გვიქნენვინენ ხელს. ჩვენც ხელი დავუქნიეთ...

კიდეც ორი ჩემი მეგობარი შემოიყვანა მაიკომ ოთახში.

— მანანა რატომ არ წამოიყვანე? — ვკითხე თენგიზს, თუმცა მიხაროდა, რომ მარტო მოვიდა და საყვარელი მეუღლე, როგორც იქნა, შინ დატოვა.

— დღეს ძალიან დიდილაა. მთელი ზინა დალაგა, — მიპასუხა თენგიზმა და მერაბს მიმართა: — მოდი, ბუღკო, ჰადრაკში უნდა დაგანგრიო.

ამირან ბიბინაძე
ჩაქვი დღე

— ვისი დამნგრევი ხარ? ვაჟა, ჭადრაკი მოიტანე.

— მაიკო!

— არაფერი არ მოგივა, თვითონ რომ მოიტანო, — მითხრა არჩილმა.

— მაიკო!

— რა გინდა, რა გამიწყალეთ გული! — ოთახში მაიკომ შემოიხედა.

— ჭადრაკი მოიტანე, შენი ჭირიმე, — სთხოვა თენგიზმა.

— ერთი ჭიქა წყალიც გამოაყოლე, — უთხრა არჩილმა.

ჩემი და უკმაყოფილოდ დაიმიანჭა და წავიდა.

— ჩვენ რა თქვენ გიყუროთ, — თქვა არჩილმა — „კინგი“ დავცხოთ.

— თხუთმეტ წუთში გავუსწორდება ამ ტრაბახს და მერე, — უთხრა მერაბმა.

„ჩვენ ოთხნი და კიდევ თამაზი. ხუთნი ვართ. ხუთი მეგობარი. თითქმის ყოველდღე ვხვდებით ერთმანეთს. ვერთობით, ვსაუბრობთ. მუდამ ვსაუბრობთ. მეორე დღეს ვერ ვიხსენებ, რაზე ვლაპარაკობდით. უცნაურია, მაგრამ მნიშვნელოვანი საუბარი არც კი გვქონია. სხვებთან, სულ უცხო ადამიანებთან მქონია — მატარებელში, ქუჩაშიაც. ამათთან არა...“

ესენი ჩემი სკოლის მეგობრები არიან. მერაბი — საბავშვო ბაღიდან. ახალი მეგობრები, ალბათ, აღარც გვეყოლება. რაღა დროის ახალი მეგობრებია! ძმაცაცობის ცხრილი შეივსო. მთელი ჩვენი დრო უკვე არსებულ ურთიერთობას, ცხოვრებით დადგენილ განრიგს მიაქვს. ორშაბათიდან — ორშაბათამდე. ახალ ნაცნობს არც გავუშეძლებ სიმპათიას, ძალიანაც რომ მომეწონოს, ჩემს მეგობრებზე მაღლაც რომ დაეყენო. ბედმა უკვე მარგუნა მეგობრების განსაზღვრული, სრული რაოდენობა. მე მყავს ოთხი მეგობარი. ღირსებით და ნაკლით სავსე ოთხი ადამიანი. ჩვენ გვიყვარს ერთმანეთი. ახლა სხვა გზაც არა გვაქვს — ერთმანეთს უნდა გავყვეთ ბოლომდე. ესენი და მე და კიდევ თამაზი: ჩვენ ხუთნი. რაც იმათ მორჩება, —

სხვებს. არაფერი არ მრჩება სხვებისთვის...“

მაიკოს თხილი მოუტანია. სამივე თხილს ახრამუნებს.

— დღეს ერთი გოგო ვნახე, — ვთქვი მე.

— მე — ორი, — თქვა არჩილმა.

— მე — სამი, — თქვა თენგიზმა.

— მე — უამრავი, — თქვა მერაბმა.

— არა, მე მართლა კარგი გოგო ვნახე, — ვთქვი მე.

— არც ის ორი გოგო იყო ცუდი, — თქვა არჩილმა.

— ის ძალიან კარგი გოგოა, — დავიჯინე.

— გვჯერა, ძმაო, ვინ გეკამათება? — მითხრა თენგიზმა.

— რა უთხარი მერე? — მკითხა მერაბმა, — ხელი გაუშვი პაიკს!

— არაფერი არ მითქვამს.

— ყოჩაღ, ცოლად მოგყავს? — მკითხა თენგიზმა.

— ვერ გავბედე ვერაფრის თქმა, — განვაგრძე მე.

— ის გაბერილი არ მოვა? — იკითხა არჩილმა.

— „კინგის“ თამაში თუ გინდა, სჯობს, არ მოვიდეს, — უთხრა მერაბმა.

„რა ჰკვიანური ღიმილი აქვს. შოფრებმა არც კი მიაქციეს ყურადღება. თმა უვარდება და შუბლს უფარავს. ჩამოშლილ თმას გავუსწორებ; მეტი არაფერი, მხოლოდ თმას გადავუწევე შუბლიდან...“

— ბაკურიანში მეც სიამოვნებით წამოვიდოდი, მაგრამ მანანას რა ვუყო? — განავრძო საუბარი თენგიზმა.

— ერთ კვირას გაძლებს უშენოდ, — უთხრა მერაბმა, — ეს პაიკი მე.

— ცხენსაც გაჩუქებ, რა გიხარია, შეუბედურო, — გაბრაზდა თენგიზი.

ზარმა დარეკა და თამაზის რიხიანი ხმაც გაისმა:

— მაიკოს კარგი გამარჯობა! ბებია, გამარჯობათ! ოპ, ქალბატონ ქეთევანს ვახლავარ! როგორ გიკითხოთ, ქალბატონო ქეთევან? ფრიალ საინტერესო გადმოცემა! ხელს არ შეგიშლით. ში-

ნაა ოჯახის მარჩენალი? ბოდინში, გტო-
ვებთ...

თამაზი ერთმანეთზე მიყოლებით,
სულმოუთქმელად აფრქვევდა სიტყ-
ვებს, სინნულეში სკამს დაეჯახა და ში-
მე ნაბიჯებით ჩემი ოთახისკენ გამოს-
წია. ჩვენთანაც ხმაურით შემოვიღია:

— არჩილთან დავრეკე, მითხრეს,
იქ არიანო. კამპანის გაუმარჯოს! ლო-
თობთ? აბა, ვაჟა, „ტანთ ჩაიცივი საჩქა-
როზე და გავიდეთ თავის დროზე“.

— რა გაყვირებს, რა მოვივიდა?! —
უთხრა თენგიზმა.

თამაზმა ჭადრაკის ფიგურები ააყი-
რავე დაფიდან.

— გაგიყდი? — წამოხტა მერაბი, —
მოგებული მქონდა.

— დეგენერატია ამხელა კაცი! —
დაასკვნა თენგიზმა. — ვის ჰქონდა, ბი-
ჭო, მოგებული?

თენგიზი და მერაბი პოზიციის აღდ-
გენას შეეცადნენ.

— გამაგრდით, ძმებო! — ხმადაბლა
გვითხრა თამაზმა, — ლევან მაისურაძეს
ბეზია გარდაეცვალა.

— მართლა? — იკითხა არჩილმა.

— არა, ვხუმრობ! რა სახუმაროა, ბი-
ჭო, ადამიანის სიკვდილი.

— როდის? — იკითხა მერაბმა, —
მერე მე ასე ვითამაშე.

— გუშინ ღამე გარდაცვლილა, —
უპასუხა თამაზმა, — ხუთშაბათს ასაფ-
ლავებენ.

— საცოდავი, — თქვა თენგიზმა, —
მე ეტლი გადავითამაშე...

— დღეს მივიდეთ? — ვკითხე თა-
მასს.

— აბა როგორ? — გაუქვირდა თა-
მასს, — ჩვენზე ახლობელი ძმაცაცები
ვინ ჰყავს ლევანს.

— მერე მე ასე წავედი, — თქვა მე-
რაბმა, — ავიღე პაიკი.

— მე ასე... — თქვა თენგიზმა.

— მერე მე შემოვედი და გავაკეთე
ასე, — აროხროხდა თამაზი და დაანგ-
რია აღდგენილი პოზიცია...

ჩვენს სახლთან ველოდებოთ მანქანას.

— საბურთალო! საბურთალო! —
უყუყვირით მძლოლებს, მაგრამ არც ერ-
თი არ გვიჩერებს.

„ოთხნი რომ ვიყოთ, გაგვიჩერებდნენ,
ბევრი უარყოფითი მხარე აქვს ხუთი
ადამიანის მეგობრობას. აი, მანქანაში
არ გვსვამენ. „კინგს“ ვერ ითამაშებ;
ვერც დომინოს... რესტორანში მეხუთე
სკამი უნდა მიუდგა მაგიდას... წვალე-
ბაა...“

როგორც იქნა, გავვიჩერეს მანქანა.
თამაზი მძლოლთან მოსალაპარაკებლად
გაძუნძულდა.

— მოდით, ლომებო! — დაიყვირა
თამაზმა და მძლოლთან დაჯდა, — აბა,
ერთი პლუხანოვზე გავვიყვანე!..

8. პანაუზიდი

ლევანის სადარბაზოსთან ხალხი არ
იდგა.

— ხომ არ გეშლება რამე? — ჰკითხა
თამაზს არჩილმა.

— ამობრძანდი და თვითონ დარწ-
მუნდები...

წინ თამაზი გავუშვით და კიბეზე ავე-
დით. ლევანის ბინის კარი ღია იყო,
მაგრამ ისე ფართოდ არა, როგორც პა-
ნაუზიდის დღეს შეეფერებოდა. თამაზ-
მა ხელით გვანიშნა, მომყევითო. წინა
ოთახში ორი უცნობი ახალგაზრდა მიყ-
რდნობოდა კედელს. თამაზმა, ყოველ
შემთხვევისათვის, ხელი ჩამოართვა მათ,
თანაგრძნობა გამოუცხადა.

კარგად განათებულ დიდ ოთახში შე-
ვიხედეთ. კედლების გასწვრივ სკამები
ეწყო, შუა ოთახში დაბალ ტახტზე მიც-
ვალებული ესვენა. თეთრი ზეწარი ეფა-
რა ლევანის ბეზიას.

— აჰა, ძმაო, — ნიშნის მოგებით
თქვა თამაზმა.

— არავინაა სახლში? — ჩურჩულით
ჰკითხა თამაზმა ერთ-ერთ ახალგაზრდას.

პირანა პირინაძე
ჩიმი ღღე

მან რატომღაც გაუღიმა თამაზს და გვერდით ოთახისკენ წაუძღვა. ბიჭს ზურგი ჰქონდა გასვრილი და მე დავასკენი, რომ კედელს არ უნდა მივყუდე-ბოდი.

ლევანის დედ-მამა, მათი რამდენიმე ახლობელი და თვითონ ლევანი წყნარად საუბრობდნენ, როცა ჩვენი ჯგუფი ოთახში შევიდა. უფროსებს სათითაოდ ხელი ჩამოვართვით. ლევანი ხუთივემ გადავკოცნეთ.

— მოზიარე ვარ თქვენი მწუხარების, — ყველას მაგივრად თქვა თამაზმა.

ლევანმა პატარა შუშაბანდში გავვიყვანა:

— დღეს არ იქნება პანაშვიდი, — გვითხრა.

— ხომ არ გეწყინა ჩვენი მოსვლა? — ჰკითხა თენგიზმა.

— რატომ შეწუხდით-მეთქი...

— „ოდეს კაცსა გაეჭირვოს, მაშინ უნდა ძმა და თვისი...“ — თქვა არჩილმა.

— მაშ გარდაიცვალა, ლევან, ნატო ბებია? — იკითხა მერაბმა და ამოიოხრა.

— ჰო, შენ წარმოიდგინე, რომ გარდაიცვალა.

— სერიოზულად გეკითხები... — ნაწყენი კილოთი უთხრა მერაბმა.

— მეც სერიოზულად გბასუხობ, სავსებით სერიოზულად. ღამის ოთხ საათზე გარდაიცვალა.

— რისგან მოკვდა? — განაგრძო მერაბმა.

ლევანმა მხრები აიჩეჩა:

— ოთხმოცდაშვიდი წლის იყო. გაიგა?

— ავადმყოფობდა? — განაგრძო მერაბმა.

— არა, იცი, სულ არ უავადმყოფია, — უთხრა ლევანმა, — ძალიან ჯანმრთელი ქალი იყო.

— მაინც მოკვდა, კაცო? — გაუკვირდა მერაბს, — რისგან მოკვდა?

— მათემატიკაში რა გყავდა? — ჰკითხა მერაბს თამაზმა.

ლევანს გაეღიმა.

— რას იცინი? რა არის, ბიჭო, სასა-

ცილო? — გაბრაზდა მერაბი, — შენი ბებია მოკვდა, ჩემი ხომ არა.

— ბოდიში, ჩემო მერაბ, — თავი შეიკავა ლევანმა, — ეს სიმწრის ღიმილი იყო.

სიგარეტებს მოეუკიდეთ და გავაბოლეთ. მერაბმა თავის „ყაზბეგს“ დაუწყო ფშვნა.

შემოგვიერთდა ნოდარი, ლევანის უახლოესი მეგობარი და ჩვენი სკოლის ამხანაგი. გადავკოცნა ყველანი — დიდი ხანია, არ გვენახა ერთმანეთი. მოვიკითხეთ: „როგორა ხარ?“ „სადა ხარ“, „რასა იქმ“... ასე ოციოდ წუთი ნოდარის გამოკითხვით გავერთეთ.

— აი გუშინ ვიყავი ლევანთან და ნატო ბებია ცოცხალი იყო, — ლევანის ხათრით თქვა ნოდარმა.

— აბა ყოველ დღე ხომ არ გარდაიცვლებოდა საცოდავი, — უთხრა თამაზმა.

სულელულად გავიღიმეთ შედივივით.

ლევანმა თენგიზი გვერდზე გაიხმო, ოთახში გაიყვანა. ალბათ, ფოტოების ასარჩევად. ბებია ნატოს ფოტოებიდან თენგიზი გადააღებინებს ყავისფერ პორტრეტს, რომელსაც დასაფლავების დღეს მანქანის რადიატორს მიაკრავენ, ხოლო მერე — კედელზე, ლევანის დედის საწოლთან.

დერფანში დარჩენილები თამაზის გარშემო შეგვგროვდით.

— უნდა მოვიფიქროთ რაიმე, ბიჭებო, — დაიწყო თამაზმა, — რა დარჩა გასაკეთებელი?

— პოლიკლინიკა, მმაჩის ბიურო, კუბოს შეკვეთა... ამას მოვრჩით, — უთხრა ნოდარმა, — გაზეთში ერთი განცხადება გავაკეთეთ, ოჯახის წევრებისაგან...

— კარგი, — თქვა თამაზმა, — ეს იგი, დარჩა „სასახლის“ მოტანა, სასაფლაოზე კარგი ადგილის გამანსვვა, პანაშვიდების ორგანიზაცია, ავტობუსების გამოწერა... ყინული არ დასჭირდება, სიცოცხლე... ქელები ექნებათ, ხომ არ იცი?

— მგონი, აპირებდნენ რალაცას, სოფლიდან ჩამოვთო ხალხი...

— ჩასაფენი მიუტანეთ? — იკითხა



მერაბმა, — გარედან უკეთებთ შავ ნაქერს?

— შეღებილი იქნება, — უპასუხა ნოდარმა, — 37 მანეთიანი.

— გადასათარებელი მაინც უნდა, — თქვა მერაბმა, — თეთრი აბრეშუმი, ან შტაპელი; მეტრანახევარი.

— ნეკროლოგი რომ მოგვეხერხებინა!.. — იმედით თქვა ნოდარმა.

— პერსონალური პენსიონერი იყო? — იკითხა არჩილმა.

— არა, არც ჰქონია პენსია...

— აბა როგორ? შეუძლებელია, — თქვა არჩილმა.

— არ უჭირთ, მაგრამ ჩვენი მხრიდან... — დაიწყო მერაბმა, — თუმან-თუმანი მაინც დავდოთ...

— ახლ კაპიკი არ მაქვს, — თქვა არჩილმა.

— ბებიაშენი რომ მომკვდარიყო, ერთ თუმნიანს ხომ იშოვნოდი? — ჰკითხა თამაზმა, — ჰოდა, ახლაც მოახერხებ.

კიდევ რამდენიმე ბიჭი მოვიდა. ჩვენ ყველას ვიცნობთ. უმრავლესობა ჩვენი სკოლის ამხანაგები არიან. ზოგი ლევანის თანამშრომელია. ჯუმბერი, სეველიანი, მელოტი ახალგაზრდა, ჩვენს პარალელურ კლასში სწავლობდა.

— საწყალი, აბა, ბიჭო, — თქვა ჯუმბერმა, — რა ქალი იყო მერე...

— კარგი ქალი იყო, — დეთანხმა თამაზი.

ჯუმბერს შევატყვევ, გადაკრულში იყო.

— არა, თქვენ არ იცით რა ქალი იყო, — გვიმტკიცებს ჯუმბერი, — იმიტომ რომ თქვენ შეიძლება არც გავიგიათ...

— რა არ გავიგია? — ჰკითხა არჩილმა.

— მეხუთე კლასში რომ ვიყავით... ქვეყანა სიცხით იწვებოდა, თუ გახსოვთ...

— როგორ არ გვახსოვს, — უთხრა თამაზმა, — მე, მაგალითად, მახსოვს,

— მე საერთოდ ასე ვიცი, — სიცხეში ცხვირიდან სისხლი მდის ხოლმე... გავიგონიათ, ალბათ...

— კი, როგორ არ გავიგონია, — უთხრა თამაზმა.

— მოვდივარ, ბიჭო, ქუჩაში და არ წამსკდა ცხვირიდან სისხლი...

— უჰ-უჰ-უჰ! — შეიცხადა თამაზმა, — მერე, მერე?

— სისხლი მდის... მთელი პერანგი დამესვარა. ქუჩაში სირცხვილია გავლა. მოვდივარ და ამ დროს მხედება ლევანის ბებია... ხელად სახლში წამიყვანა, ბიჭო, დამბანა, პერანგი გამიჩრცხა... ისე, ყველა არ იზამს მასე. მაშინ რა ვიყავი? ერთი ციციქნა ბაღი და მაინც... ა? პატივი მცა. არა, ანგელოზივით ქალი იყო, ბიჭებო, რომ გავივე გარდაიცვალაო, ცუდად გავხდი. ნამდვილად, ვერ ვიგბძენი თავი კარვად...

— ჩვენ გავიგია ეგ ამბავი, — უთხრა თამაზმა, — ის, ბიჭო, ნოდარის ბებია იყო, ქალბატონი სალომე...

— ჰო-ო? მართლა ბებიაშენი იყო? — ჰკითხა ნოდარს ჯუმბერმა.

— კი, — უთხრა ნოდარმა, — ნამდვილად ბებიაჩემმა გავიჩრცხა მაშინ პერანგი.

— იქნებ რამდენიმე ბებია მსცა პატივი? — იკითხა არჩილმა.

— დაიცა, — შეაჩრა ჯუმბერმა, — პატარა ქალი, გამხდარ-გამხდარი, დიდ-ცხვირიანი...

— ჰო-ჰო-ჰო! — უთხრა თამაზმა, — ეგ, ბიჭო, ნოდარის ბებიაა.

— ანგელოზივით ქალია, — თქვა ჯუმბერმა, — როგორაა ბებიაშენი, ნოდარ?

— შარშანწინ დავკარგეთ, — უპასუხა ნოდარმა.

ჯუმბერმა უბღღო იყრა ხელი.

— ვიყავი მე პანაშვილზე?

— ზაფხული იყო, პანანაქება სიცხე, იმ სიცხეში, ვინ გაჩერდებოდა ქალაქში...

— ბოდინი რა, ნოდარ... — უთხრა ჯუმბერმა, — ისეთ პატივს ვცემდი ბებიაშენს... თუ გამიგებ...

აზირან შიშინაძე
ჩემი დღე



ლევანის შუშაბანდი ხალხით გაივსო. თენგიზიც გამოვიდა, ჯიბეზე დაირტყა ხელი და თვლი ჩამიკრა.

— მაგნიტოფონი? არა გაქვთ? — ჰკითხა ლევანს მერაბმა.

— მეზობლებს აქვთ, გელაშვილებს...

— გამოვართვით, ჩაერთოთ და ბარემ პანაშვიდიც იქნება. ნახე, რამდენი ხალხი შეიკრიბა.

— ხელისთვის გადაწვევით პანაშვილის გამართვა, — თავს იცავდა ლევანი.

— რა უნდა მაგას? ერთი მაგნიტოფონი და მისი ჯანი. ჩანაწერებს მე გიშოვნი, — არ მოეშვა მერაბი, — გამოვართმევ მაგნიტოფონს გელაშვილებს...

ლევანმა ხელი ჩაიქნია, იცოდა, მერაბი მაინც არ მოეშვებოდა.

— შენ სადაც წახვალ, ყველგან პანაშვილია, — უთხრა მერაბს თამაზმა.

მერაბმა ყურადღება არ მიაქცია მგობრის სიტყვებს, მოქმედების სურვილს შეეპყრო. თითქმის გაიქცა შუშაბანდიდან. ვიცოდი, ცოტა ხანში სმენას მწუხარე ჰანგებით დაგვეტკობდა.

ჩემს ირგვლივ საუბარი გაჩაღდა. ლევანის ბებია დროებით დავიწყებას მიეცა. ვლაპარაკობდით სპორტზე, პოლიტიკაზე, ნაცნობებზე, ვერთობოდით...

მერაბმა ნახევარ საათში მოიბრინა. დააყენა მაგნიტოფონი, დინამიკები მაგნიტოფონთან შეაერთა და ჩართო. მხოლოდ მაშინ მოისვენა, როცა კავარადლოსის არიამ აავსო მაისურაძეების ბინა.

— ახლა კი წასვლის დროა, — ჩურჩულით მითხრა თამაზმა.

ჩვენ, ხუთმა მამაკაცმა, ერთმანეთს გადავხედეთ და გასასვლელისაკენ დავიძარით.

— ხვალ დილით მოვიდეთ, — გვითხრა კიბებზე მერაბმა.

— მე შაბათამდე ძალიან დაკავებული ვარ, — თქვა თენგიზმა, — კიდევ ეს პორტრეტი უნდა ვავაკეთო!..

— ხუთშაბათს ასაფლავებენ, ხუთშაბათს, — თქვა არჩილმა.

— დღეს ოცდასამია? ოცდაათამდე

საშინლად დაკავებული ვარ, — დაიჭირა თენგიზმა, — მინანაც ისეთ მდგომარეობაშია...

— ოცდასამია? — წამოიყვირა თამაზმა, — ეს როგორ დამავიწყდა?! აბა, ლიასთან, ჩქარა!

— მართლა, — გამახსენდა მეც, — დღეს ხომ ლიას დაბადების დღეა...

9 სტუმრად

— მოგვილოცავს, მოგვილოცავს, მოგვილოცავს! — ვკოცნით ლიას.

— ყოჩაღ, ბიჭებო, რომ მოხვედით, — გვითხრა ლიამ, — სწორედ ახლა ვაპირებდი დარეკვას...

— ვახ, რა ლამაზი ხარ დღეს! — უთხრა თამაზმა, — შამპანიურიც კი ვერ ვიშოვეთ.

— მოგცილიათ ერთი... — თქვა ლიამ, — აქ დააწყეთ.

ჩამოსაკიდი პალტოებითაა საცხე. გავიძარეთ ჩვენი პალტოები, სკივრზე დავაწყეთ.

— ბავშვისთვის მაინც მოგვეტანა რამე, — ჩურჩულით თქვა თენგიზმა.

— არ უჭირთ! — ჩურჩულითვე უპასუხა თამაზმა.

დიდ ოთახში ბევრი ხალხია. ყველას ვიცნობთ. ჭგუფიდან ჭგუფში გადავდივართ. ზოგს პირზე კოცნით ვესალმებით, ზოგს — ვაქცაქური ხელის ჩამორთმევით. ოთახის შუაგულში ბავშვები თამაშობენ. ახალგაზრდა მშობლების ყურადღება მათკენაა მიქცეული.

— თქვენი ჰირიმე! გამარჯობათ, ყვავილებო! — ყველას გასაგონად ყვირის თამაზი და ლიას ბავშვს ხელში იყვანს, — ვისი ბიჭი ხარ შენ? დედიკოს რამდენი წელი შეუსრულდა, თუ იცი?

ბავშვმა თამაზს სილა გააწნა. თამაზმა საჩქაროდ ძირს დასვა ბავშვი და ღიმილი განაგრძო:

— რა დეგენერატია! ნახე, რამხელა თავი აქვს! — მითხრა ჩუმად.

— შენა ხარ დეგენერატი! შენი რა იქნება, იმასაც ვნახავთ! — ვუპასუხე მე.

ვახშმის დაწყებამდე როგორმე უნდა გავერთოთ...

ბავშვებთან ჩაცუცქედი. ახლა ერთი სიმაღლისა ვართ — ბავშვები და მე.

„აქ ვართ ყველანი. ჩვენი „წრე“. ჩვენი ბიჭები, ჩვენი გოგონები, მათი მელოტი ქმრები. ახლა ესენიც შემოგვიერთდნენ — მათი შვილები. გიზრდებიან და, ალბათ, ერთად იქნებიან ესენიც.“

„ერთმანეთს არ დაკარგავენ“ მობლებივით. შეიკრიბებიან დაბადების დღეებზე. ამ ბიჭს შეიძლება ეს გოგო შეუყვარდეს. ამხანაგ ბიჭებთან ერთად მის სკოლასთან ჩაივლის. „მოზარდიდან“

მიაცილებს სახლამდე. მერე, როცა ცეკვების დრო მოვა, ყველა გოგოსთან იცეკვებს რიგრიგობით. მხოლოდ ამას მოერიდება. პაპიროსს მოუყიდებს ხველებით და თავმომწონედ გადახედავს მხოლოდ ამას, სხვას არაფერს. და ყველას ეცოდინება, რომ მათ უყვართ ერთმანეთი. იქნება ამაზე ლაპარაკი... ცალკე გოგოებში, ცალკე ბიჭებში. მერე მობეზრდებით. ლაპარაკი მობეზრდებით.

მერე ერთმანეთთან ყოფნა. მაგრამ „ერთმანეთს არ დაკარგავენ“. არავითარ შემთხვევაში! დაბადების დღეებზე ისევ შეიკრიბებიან; ყველანი ერთად. გოგო მოიყვანს თავის მელოტ მეუღლეს. მეუღლესაც ეცოდინება, რომ აი, იმას, როცა პატარა იყო, უყვარდა მისი ცოლი — ბავშვური სიყვარულით... „მოზარდიდან“ აცილებდა სახლამდე. ერთხელ მისი გულისთვის იჩხუბა კიდევ. და იქნებიან სამივენი ერთად, ერთ დიდ ოთახში, ეს ბიჭი უკვე დავაჟაკებულე, მისი პირველი სიყვარული გაუღიმებს „რა კარგია, რომ მოხვედრი, ახლა ვაპირებდი შენთან დარეკვას“ და აკოცებს. ნეტა მაშინ ეკოცნა.. ქმარი ევაჟაკურად ჩამოართმევს ხელს. და იქნებიან სხვებიც. ყველანი... ყოფილი გოგონები და ბიჭები, თავისი ცოლებით და ქმრებით და შვილებით. ეცდებიან, როგორმე დრო გაატარონ ვახშმის მოლოდინში. ეცდებიან არ მოიწყინონ ერთმანეთთან... სუფრა, ალბათ, ლოჯშია გაშლილი. ნეტა როდის დაგვიძახებენ

სუფრასთან... არ მშია, არც დაღევა მინდა. კარგია, როცა გარკვეული, ჩვეულებრივად ხარ დაკავებული. ჭამ და სევამ. და ყველას იცნობ, ყველა გიცნობს და არავინ არ გაქცევს ყურადღებას...“

ჩემს გარშემო კი ლიას სტუმრები საუბრობენ:

სამი ახალგაზრდა ქალი, წითელ დივანზე ჩამომსხდარი:

— ჩვეულებრივი ბანლონის კოსტუმია. ფერი აქვს სასიამოვნო.

— ამანათი მიიღე თუ საწყობიდან გამოიტანე?

— ზურას მეგობარმა მიშოვა რიგაში. საკომისიოში იყიდა.

— ორი ფერი კარგად არის შეხამებული. შენს თმსაც უხდება.

— ახლა ჯვალს კაბებია მოდაში.

— ნუნუს რომ აცვია, იმდაგვარი.

— ნუნუსი ისეთი უხეში არ არის. უფრო მსხვილი ძაფი უნდა იყოს, ტომარასავით.

— ვარდისფერი ვნახე ერთ ქალზე. ჭკუას დაკარგავდი!

— გორში ყოფილა წინა კვირას. გოგის ვთხოვ და წაგვიყვანს.

— სად წავალ ორი შვილის გადამკიდე! სულ ვერ ვიცილი ჩემთვის. რაც მაქვს, სულ ზურას ნაყიდა.

— აბა ვახტანგი გიყიდის რამეს... სულ არ ეხერხება. მოსკოვიდან ქოლგა ჩამომიტანა, მოკვდებით სიცილით.

ორი ქალი და ერთ-ერთის ქმარი ოთახის კუთხეში.

ქმარი — სავარძელში, ქალები — სკამებზე:

— პატარა ტანისაა, მაგრამ პროპორციულია. ლამაზი ხელები აქვს...

— ძალიან კარგი ვილაყაა. ხმაც მომეწონა. მაგრამ მე ასე მგონია, რომ რალაცას გიმაღავს, რალაცას არ გეუბნება.

— რას უნდა მიმაღავდეს?

— არ ვიცი, მე ასე მომეჩვენა. აი,

აზიზან ზინინაძე
ჩემი დღე



კოტიკოც მიმაღავდა რაღაცას, სანამ არ გამოვტყუებე.

— რას გიმაღავდი, ერთი შენც...

— რატომ არ მოიყვანე ლიასთან?

— არ ვიცე, მოეხათრა თვითონაც. ძალიან მორცხვია და არ უყვარს ხალხში ყოფნა.

— კარგია, რომ არ მოიყვანე. ჩვენი ბიჭების ამბავი ხომ იცი? ვინც არ უნდა იყოს, ისეთ რაღაცას იტყვიან, რომ...

— ბოლო ხანებში ძალიან მომბებურეს თავი. ნერვებს მიშლიან.

— აბა რა იქნება. სულ ერთი და იგივე ხალხი...

— წალი, ჰკითხე ღიას, — ამბობს ქმარი, — ჩქარა იქნება პურ-მარილი?

— დამაცადე ერთი! საქმელად მოხვედი?

თენგიზი, არჩილი, მერაბი და კიდევ სამი ახალგაზრდა როიალთან:

— ჰოკეის გულშემატკივარი არა ვარ, ზელებურთის არ იყოს, მაგრამ როცა ფეხბურთის სეზონი მთავრდება, სხვა ვზა არ არის.

— ჰოკეი კი არა, ფეხბურთზელაც ამიკრუვდა გული.

— ფეხბურთი მაინც ფეხბურთია!

— მსოფლიო პირველობის შემდეგ ვეღარ ვუყურებ, ძმაო. თამაშს არ ვაცდენ, მაგრამ გული აღარ მიმდის.

— ილომ რა იცისრა მაინც, ა? ორ თამაშში დაეწია ბიშევეცს.

— ბიშევეცი ტყუილია მაინც. მხეცივით თამაშობს. ილო ძალიან ცდილობს, თავს იკლავს. ძალიან ბევრს დარბის.

— მიშა და სლავა ასე რომ დარბობდნენ...

— ირბინა მიშამ, რა გინდა, კუბიბიშევეთან რამდენი იმობრავა.

— ის რა იყო, ხუთ კაცს რომ აჭამა და მერე ერთს ვეღარ აუხვია.

— სულ უბრალო ფინტი იყო საკირო. გვერდზე გაეგდო და გოლი იყო. დამცველი თვითონ მოტყუვდებოდა. ხტოდა აჭეთ-იჭით.

— მომავალ სეზონში რაღაც მოხდება.

— კიევის „დინამოა“ მაგარ ფორმაში, მოსკოვის „დინამომაც“ წამოიწია.

— ჩვენებმა პირველი ადგილი რომ აიღეს, აი, ის იყო ფორმაც და შინაარსიც.

— ყოველ წელს ძნელია. ვერც გაამტყუნებ.

— სამხრეთის ტემპერამენტი მაინც თავისას აკეთებს. სტაბილურად ვერ თამაშობენ ჩვენი ბიჭები.

— აუ, ეუსებოთ რა იყო. მართლა ფენომენია!

— ერთ თვეში აბონემენტზე უნდა ვიზრუნო...

— ათი სრულდება. დროა, მე მგონი, მაგიდას მივუჭდეო, ა?!

ლიას ნათესავები. ორი ქალი და მოხუცებული კაცი:

— თმას ხომ ყველა იღებავს. ვერ გაიგებ კაცი, ვინ ქერაა და ვინ შავი.

— ასეთი მოდა აჭეთ ახლანდელებს.

— საზღვარგარეთ მწვანედ იღებავენ, თეთრად, ყვითლად.

— იქ უარესსაც შვრებიან, მაგრამ ეს ჩვენი გოგოები რამ გაავიწყა?!

— ამ ზაფხულს ვნახე გოგო. თვალებს არ დაუუჭერე. რა იყო მაინც... ფეხის თითები ჰქონდა იასამნისფრად შეღებილი.

— შენ პედიკურზე ლაპარაკობ, პაველე. კი, იციან მაგიც.

— ჰიგიენისთვის კარგია, მაგრამ ნუ გამოაჩენ, ბატონო.

— იასამნისფერია კარგი, ქალო?! აქაოდა ხალხს გავაკვირებო.

— კიდევაც გაუჰკვირვებინარ.

— გაუჰკვირვებვიარ კი არა, ჩემიანი რომ ყოფილიყო, მე ვიცი, რა დღეს დაევაყრიდი!..

— მივხედავ ერთი მაროს, იქნებ მიხმარება უნდა.

— შენ იცი, აბა, დატრიალდით... ისე, მეცნიერები ამტკიცებენ, ადამიანი მშვიერი თექვსმეტი დღე ძლებსო...

დათო მოვიდა ჩემთან, გვერდით ჩა-

მიცუქდა. დათოს ახალი კოსტუმი აცვია. ყელსაბაში უჭერს.

— როგორა ხარ, ვაჟა? — ზანტად მკითხა.

— ისე რა... შენ როგორ, დათუნი?

— ნუ იტყვი... გამოვიპრანჭე, ვიფიქრე, იქნებ უცხო მოვიდეს-მეთქი ვინმე. ისევ ჩვენი გოგოები არიან თავიანთი ქმარ-შვილით.

— სად იყავი? რომ შემოვედით, თითქოს არ იყავი ოთახში?

— აივანზე გავედი. მომბეზრდა ეს ამბავი.

— არა უშავს. ჩქარა ცოლს შეირთავ. ბინა კარგი გაქვს, — ვანუგეშე.

— ბინა კი მაქვს... ვის შეირთავ, ძმაო, არავენ თუ არ გაიცანი?... — ამოიოხრა დათომ.

— დღეს ვერავის. ეს ნაღდი ამბავია, — ვუთხარი მე.

— აბა ხვა-ალ?

— სტადიონზე არ დადიან კარგი სპორტსმენი გოგონები?

— ჩემთან მაშინ მოდიან, როცა ფეხს მოიტეხავენ. ფეხმოტეხილი ცოლი რად მინდა?..

— ფეხმოტეხილი არ ვარგა, — დავუთანხმე.

— სუფრასთან მაინც დაგვიძახონ დროზე, — ოხრავს დათო, — ხვალ დილით სამსახურში ვარ წასასვლელი.

ოთხი გოგო, ერთ-ერთის ქმარი და თამაზი:

— ჩვენს ლიას ბედმა გაუღიმა. პროფესორი ქმარი, თან თითქმის ახალგაზრდა.

— მართლაც რომ „თითქმის“.

— ხო, მაგრამ ლიას ისე უყვარს!

— რატომაც არ ეყვარება? ყველაფერი აქვს, რასაც კი მოისურვებს.

— ერთი შენ რა გაკლია, სულ რომ წუწუნებ?

— მე ვიცი, რაც მაკლია!

— ეგ ყველამ იცის.

— აბა, სიძე, ჩემს დაიკოს ნუ აწყენინებ, — უთხრა თამაზმა, — მე გამომყვეით რომელიმე. სამნი ხართ, ერთმანეთზე უკეთესები. თქვენ ვინ დაგტო-

ვათ, საყვირველია და განსაცვიფრებელი.

— შენგან რა ხეირია, რომ გამოგყვეთ.

— რატომ, მხიარული ბიჭია, არ მოიწყენო...

— როდის დაგვსვამს ნეტა? ბავშვს პირველ საათამდე ხომ ვერ გავაჩერებ!

— მობრძანდეთ! შიმშილით დაგზოცეთ, არა-ა! — გამისმა ლიას ხმა.

ერთი წამით ოთახში სიჩუმე ჩამოვარდა. მხოლოდ ბავშვები განაგრძობდნენ მოღუენებულ წრიალს.

— გთხოვთ, მეგობრებო, ნუ დააყოვნებთ! — მიიპატიჟა ამხანაგები თამაზმა, — დღეს არ არის შაბათი და ხვალ არ არის კვირა!

ხმაურით დავიკავეთ ადგილები. ბავშვები დედებმა პატარა მაგიდასთან მოათავსეს.

ყველამ ვიცით, რას რა უნდა მოჰყვეს. ასე იყო არა ერთხელ და ათჯერ. ოჯახის უფროსი თამაზს სთხოვს თამაზობას. თამაზი დიდხანს უარზე იქნება: „დავილაღე, ვეღარ ვსვამ, ადრე ვარ წასასვლელი, ერთხელ სხვა იყოს და მე გამართოს...“ მერე, რა თქმა უნდა, დაითანხმებენ თამაზს... „მაშინ, სმენა იყოს და გავგონება, კამპანია — ბატონო!“ — წამოიძახებს თამაზი და თვალებს დაგვიბრიალებს. თავის სამადლობელს არ დალევს. „არა, ბატონებო, წესი ასეთია, ბოლოს! ბოლოს გეახლებით!“ კიდევ კარგი, რომ მის გვერდით არ ვზივარ, ყურს მატყენდა ყვირილით... გადაიღებს კუჭმაკს თამაზი, გაასუფთავებს საინს და ყანწს მოითხოვს. ადგება. იდაყვიში მოხრილ მკლავს მხრის სიმაღლეზე ასწევს, გაიჭიმება. იტყვის ლიას სადღეგრძელოს. „პატივცემული იუბილარი“... იტყვის, რომ ლიას დღეს თვრამეტი წელი შეუსრულდა და უკვე მეჩვიდმეტეში გადავიდა... იტყვის: „პატივცემულ მეუღლეს, ბატონ პროფესორს, ჩვენ ლიასაგან არ გამოვყოფთ“, — რაზედაც

ამირან პიონიძე
ჩემი დღე

ყველა გაიცინებს, თვითონ თამაზისა და პროფესორის თანამშრომლის გარდა. იტყვის: „მე პატარა ბავშვსაც კი ვერ გამოეყოფ“ და სუფრა მოკვდება სიცილით. მერე შეიძლება ახალსაც იტყვის რამეს ლიასთან დაკავშირებით. დაამთავრებს ამდაგვარად: „ჩვენ ყველას გვიყვარს ლია ლამაზი, გკონის შორიდან შენი თამაზი“... ან სხვა ასეთივე ხარისხის ექსპრომტი. ყოველ შემთხვევაში, ორ სიტყვას „ლამაზს“ და „თამაზს“ გვერდს ვერ აუვლის... გემრიელი ხაჭაპურები იცის ლიას დედამ... მერე ლიას მშობლების სადღეგრძელოს წარმოსთქვამს თამადა, ლიას შეილის, ლიას ნათესაუების, ლიას ქმრის სადღეგრძელოს. „კანდიერებაში ნუ ჩამომართმევთ და ძალიან შეგვიყვარდით ყველას, როგორც უფროსი ძმა“. მერე ჩვენს მშობლებს ადღეგრძელებს თამაზი: „ჩვენ იმით ამავს ვერასოდეს ვერ გადავიხდით და არცაა საჭირო“, „ცოცხლებს ჯანმრთელობა ეუსურვით, ვინც ამ ქვეყნად აღარაა — ხსოვნა და არდავიწყება მარადღამს“, „პერსონალური“ სადღეგრძელოების დროს გაიხსენებს ძველ ამბებს. ჩვენც ავყვებით. უდღეგრძელებელს არ დაეტოვებთ ერთმანეთს. თამაზი დიდხანს ილაპარაკებს. ის გაიმეორებს თავის ძველ, ასჯერ ნათქვამ ხუმრობებს, მაგრამ მაინც ჩვენ ბევრს ვიციანებთ. ჩვენ ბევრს შევქამთ, ბევრს დავლევთ, ბევრს ვიმღერებთ და ბევრს ვიციანებთ. მერე კი, ვახშმის ბოლოს, როცა ახალი წესის თანახმად, რატომღაც მოხარშულ ბეჭს შემოიტანენ და როცა სუფრასთან აღარ იქნებიან ჩვენი დაოჯახებული მეგობრები, ჩაის ჭიქებით ვადღეგრძელებთ ახალგაზრდობას, ჩვენს მომავალს, საქართველოს მდინარეებს... ეს ყველა ჩვენგანმა კარგად იცის. ძალიან კარგად. უკვე ბევრჯერ ყოფილა ასე... ხვალ ვეღარ გავიხსენებ, როგორ დავბრუნდი სახლში...“

ბროლის ჭიქა ავწიე:

— ჩვენს თამაზს მივულოცოთ თამადა. გაგიმარჯოს, თამაზ!

— დაიცა, თუ ძმა ხარ! შენც დამიწყე ახლა?

— არა, ნამდვილად, თამაზ — ბატონო! სხვანაირად არ შეიძლება, — უთხრა ლიას მამამ, — გთხოვთ, თამაზ, აბა, არ გვახვეწინო!

— ვერ დავლევ, ძია შალვა, დღეს სხვა აირჩიეთ. აი, თქვენი საყვარელი სიძე.

— გთხოვ, თამაზ, რა მოგივიდა? — უთხრა ლიამ.

— აი, იუბილარიც გთხოვს, — ეუთხარი მე.

— შენ რა ამბავში ხარ, ვაჟა? ზურგში მცემ ლახვარს?!

— გაგიმარჯოს, თამაზ! აბა, შენ იცი! — უძახიან თამაზს აქეთ-იქიდან.

თამაზი ჭერ უარზეა, სამსახურში ადრე ვარ წასასვლელიო, თამადად ერთხელ სხვა დადგესო, გართობა მეც მინდაო, მაგრამ მერე მაინც თამადას ადვილს იკავებს და ლიას ანიშნებს, მომიახლოვდით. რაღაცას ყურში ჩასჩურჩულებს და ხელებს კმაყოფილი შლის. პკითხა, რამდენი ღვინო გაქვსო. ეს როგორ გამომრჩა! თამაზი პირველ რიგში იმას გაიგებს ხოლმე, თუ რამდენი ღვინოა ოჯახში. ღვინის რაოდენობაზეა დამოკიდებული სასმისების ზომა და სადღეგრძელოების რიცხვი.

თამაზმა ტუჩები ხელსახოცით გაწმინდა და ფეხზე ადგა...

— კამპანია — ბატონო! — დამიწყო თამაზმა.

— ბოლოს ექსპრომტი უთხარი ლიას, — შევწყვეტინე მე.

— შენ დღეს რა მოგივიდა? მერაბმა ხომ არ დაგკბინა? — იკითხა თამაზმა.

ყველამ გაიციან. ყველა მერაბს უყურებს. მერაბი კი — თამაზს. მერაბს საჭმლით აქვს პირი გატენილი და ვერ პასუხობს.

— ბიჭო, ვისი ხარ ლამაზი? — ეკითხება თამაზი მერაბს. ისევე იცინის ყველა.

თამაზი დანას ურტყამს საინზე, გამხიარულებულ საზოგადოებას ამშვილებს.

— ყანწი, თუ შეიძლება! ვისაც ღვი-

ნის დაღევა არ შეუძლია, ყურძნად მი-
ირთვას! ეს თქვენ გეხებათ, გოგონებო,
თქვენ, ჩემო მერაბ, და თქვენც, პატივ-
ცემულო პროფესორო...

თამაზმა ყანწი ღვინით აავსო, იდაყვი
მხრის სიმაღლეზე ასწია, მკერდი გაშა-
ლა. თამაზი ღიას სადღეგრძელოს ამ-
ბობს.

— რატომ ხარ მოწყენილი? — მე-
კითხება ლალი.

— არა ვარ მოწყენილი, — ვერკვევი
მე, — რა მოგაწოდო?

— აი, რაღაც თევზი რომ დევს. ხო,
ხო, ეგ, რამდენი ხანია არ მინახავხარ.

— მეც არ მინახავხარ კარგა ხანია.

— მერე რატომ არ გამოივლი ერთ-
ხელ? თქვენ სულ დამივიწყეთ. გოგოე-
ბიც იშვიათად მოდიან.

— მოვალ აუცილებლად. დეიდა ლე-
ნა როგორ არის?

— კარგადაა, მოდი და ნახე. ჩემი ბი-
ჭის ნახვა არ გინდა?

— როგორ არ მინდა! მოვალ აუცი-
ლებლად.

— და ბოლოს ვიტყვი მჭექარე „ვა-
შას“, მერე ალავერდს გადავცემ ვა-
ქას! — დაამთავრა სადღეგრძელო თა-
მაზმა და დაჯდა.

უფროსებმა ტაშისცემით დააჯილდო-
ვეს თამადა.

— გაგიმარჯოს, ჩემო ღია! ქმარ-შვი-
ლით. კარგად იყავით, ბედნიერად, ჯანმ-
რთელად, — ვთქვი და ყანწი გამოვცა-
ლე.

სუფრის წევრებმა ადღეგრძელეს
ღია. ბევრი არ ულაპარაკიათ. თამაზის
შემდეგ ვერაგინ ბედავდა ლაპარაკს.

ვადღეგრძელებთ ღიას მშობლები, ყვე-
ლა მშობლები, შვილები, დედმამის შე-
ილები.

ღვინო მომეკიდა.

— მე გატყობ, რომ შენ ირაკლი არ
მოგწონს, — მეუბნება ლალი.

— შენი ქმარი შენ უნდა მოგწონ-
დეს.

— არა, ვაჟა, მითხარი, რითი არ მოგ-
წონს?

— იმით, რომ კრეტინია, — რატომ-
დაც ვეუბნები მე.

— სულ არ არის კრეტინი, — რა-
ტომღაც არ წყინს ლალის, — თქვენ-
თან არ არის ხოლმე თავისუფლად. შენ
თავის ამხანაგებში უნდა ნახო. საზო-
გადოების სული და გულია.

— სული, გული და კუჭმაჭი, რა ვქნა,
ასეთი მეჩვენება.

— მეჩვენება! მეჩვენება! შენ ცუდად
იციხობ და იმიტომ გეჩვენება ასე.

— არც მინდა, რომ კარგად გავიც-
ნო. საკუთარი კრეტინები არ მეყოფა?!

— იცი, რა ნაკითხი კაცია. ისე არ
ეტყობა თითქოს, მაგრამ ძალიან განვი-
თარებული და ნაკითხია.

— რას ჩამაცივდი? ეგრე ძალიან თუ
მოგწონს, მიუჯექი და საქმელი გადაუ-
დე. ნახე, როგორ იციხის! კრეტინია, აბა
რა არის!

ლალის სწყინს. ლალის აღარ უნდა
ჩემთან ლაპარაკი.

რატომ? რატომ უნდა ვაწყენინო ლა-
ლის? იქნებ მართლა არ არის კრეტინი
მისი ქმარი? რა ვიცი. სულ არ ვიციხობ
ლალის ქმარს. ცუდი კაცი არ უნდა
იყოს. პირიქით. ნეტა რას ჩამაცივდა?
აღარ უყვარს? ოთხი წელიწადია, რაც
გათხოვდა. უკვე აღარ უყვარს?

— ლალი! ლალი! — ვეძახი ლალის.
ლალიმ არ მოიხედა.

— ლალი! პირიქით... ძალიან სიმპა-
თიური კაცია. სრულგვით არ სტოვებს
კრეტინის შთაბეჭდილებას. მე ცოტა
დავთვერი... მაგარი ღვინოა. ხომ იცი,
როცა მთვრალი ვარ, სისულელეებს
ვლაპარაკობ. მე დიდ პატივს ვცემ შენ
ქმარს. გინდა, ახლა მივალ და ვაკოცებ?

— არ მინდა. საცივი მომაწოდე.

— არავინ არ ჭამს საცივს. საცივი
მუდამ რჩება სუფრაზე. ძნელი საქმე-
ლია შენ მაინც ჭამე, არ დაიზარო. რო-
მელი ნაჭერი გადმოვიღო? ბარკალი?
ნახე, რა ბარკალია!

— ერთი წუთით, ამხანაგებო! —

რიხიანად ამბობს თამაზი, — მორიგი სადღეგრძელო მზნდა შემოგთავაზოთ!.. ვაჟა, ერთი წუთით!..

— გისმენ, ბატონო.

ლალის ვეტყვი. ლალი გათხოვილია. რატომ არ შეიძლება, რომ ლალის ვუთხრა? ლალი ყველაფერს გაიგებს. გოგოებს ყოველთვის ყველაფერი ესმით... მაინცდამაინც ლალის უნდა ვუთხრა? რატომაც არა. სწორედ ლალის ვეტყვი...

— ლალი! მისმენ?

— გისმენ, ვაჟა.

— იცი როგორი გოგოა! მე არაფერი არ მინდა. თმა მინდა მხოლოდ გავუსწორო. შუბლზე წამოუღვარდება ხოლმე თმა. მხოლოდ გადავუწიო მინდა. არ ვიცი, რა ვქნა, ლალი, რა ვუთხრა ხვალ? მითხარი რა ვუთხრა.

— არაფერი არ უთხრა. თმა გავუსწორო.

— რომ ეწყინოს?

— რატომ უნდა ეწყინოს? პირიქით...

— მართლა იცი, რომ არ ეწყინება?

— მართლა.

— გმადლობთ, ლალი. შენ კარგი გოგო ხარ. შენც ჩამოვივარდა თმა. ვაგისწორო?

— გამისწორე.

თმა გადავუწიე შუბლიდან ლალის.

— რა ამბავში ხართ მანდ! — იცინის მაგიდის მეორე მხრიდან ლალის ქმარი, — ძველი ამბები ხომ არ გაიხსენეთ?

— ა-ა, ირაკლი! მე თმა გავუსწორე შენს ცოლს. შენ ხომ არ გწყინს?

— შენ ოღონდ მაგას თმა გავუსწორე! მუდამ აჩეჩილი აქვს...

ამ კაცისათვისაც გავიდა ოთხი წელიწადი. ორივესათვის ოთხი წელიწადი გავიდა. შეიძლება თავიდან არ იყო არაფერი. არც ერთი წელი არ ყოფილა...

ქეიფი გრძელდება. გრძელდება სიმღერა. მეც ვმღერი.

— თავი შეიკავე, ვაჟა! — ყვირის არჩილი.

ჩემდაუნებურად ვაჟა არ იკავებს თავს — სიმღერას განაგრძობს.

ნელ-ნელა აიშალა სუფრა. პატარები

წაიყვანეს დედებმა. მერე ლიას ნათესავებიც აიშალნენ. სმა მაინც გრძელდება... ვაჟა ჩაის ჭიქას ცლის. ვინ არის ვაჟა? მგონი, მე ვარ...

ვაჟა თავის ბინის კარებთან იდგა. დიდხანს ეძებდა გასაღებს. ბოლოს გაალო კარი. ცდილობდა, ფეხაკრეფით გაეარა. საწოლ ოთახში სინათლე ენთო. დედას ეძინა. საწოლთან წვიანი ედო — ალბათ კითხულობდა და ჩაეძინა. სძინავს მაიკოს. თვალუბდახუჭული წვეს ვაჟას მამა. ვაჟა მძინარე დისკენ დაიხარა, აკოცა. მამა ცალი თვალით უყურებდა ვაჟას. ვაჟამ სინათლე ჩააქრო; თავისი ოთახისკენ წავიდა. ბებიას კაბინეტში შეიხედა. ბებია მაგიდას უჯდა და წერდა. ვაჟას ფეხის ხმაზე მოტრიალდა.

— ჯაჭვზე დაკეტე? მალევიძარას დაქოქვა არ დაგვიწყდეს.

ვაჟამ თავი დაუქნია, ყველაფერი გავიგეო, და სამზარეულოში შევიდა. მაცივრიდან მაწონი გამოიღო და პირდაპირ ქილიდან შეუღდა სრუბვას. მერე ისევ მაცივარში შედო ნახევრად დაცარიელებული ქილა. თავის ოთახში შევიდა. კედელზე ხელის ფათურით იზოვა ძაფი. ბრა ტყაცანით ჩაირთო და ოთახი გაანათა. ვაჟამ მალევიძარა დაქოქა და სკამზე დადო საწოლის თავთან. ვაჟამ გაიხადა და ლოგინში ჩაწვა. ერთხანს იწვა დაფიქრებული, მერე გაიღიმა. ხელი გადასწია, გამომრთველი იზოვა და ქვევით დასწია. ბრა გამოირთო. ოთახში დაბნელდა და ახლა მხოლოდ საათის ტიკტიკიდა ისმოდა.

10. სიზმარი

მესიზმრება ფერადი სიზმარი. სიზმარშიაც მივივარ, რომ ფერად სიზმარს ვხედავ. მთის ფერდი რუხი ფერისაა. იქით მზის უკანასკნელი სხივებით განათებული დაბალი ბორცვები მოჩანს. მე დიდ, თეთრ დაფასთან ვზივარ. ნახაზვერ ვხედავ. მაგრამ ვგრძნობ, დაფაზე

ლაშაზი ნახაზია გაკრული. ჩამოშვებულ ხელეზე სისხლის ძარღვები მაქვს დაბერილი. „კარგად ვიმუშავე და ახლა ვისვენებ“. — ვფიქრობ მე. მზებზე ვთბები. ბებია ვაშლს მაწვდის, ბებიას თეთრწინწკლებიანი შავი კაბა აცვია. თმა სულ მთლად ვასთეთრებია. ბებიას ძალიან უხდება თეთრწინწკლებიანი კაბა.

— აიღე, დილით სასარგებლოა, — მეუბნება ბებია, — ვაშლში შვიდი ვიტამინია.

არ მინდა ვაშლის კაბა. მე არ მიყვარს ასეთი ვაშლი. ვიცი, რომ ვაშლი გამომშრალია. მაინც გამოვართვი ბებიას ვაშლი და დაზგაზე დავდე.

ჩემს გარშემო რუხი ფერის დიდ, უხეშ ტილოს სტენდებს ამაგრებენ. თანდათან ბნელდება თეთრ დაფაზე. ვიცი, თუ სტენდებს შორის გამომაწყვდიეს, ჩემს დაზგაზე რომ მჭრელი ლანცეტი ბრწყინავს, იმას წამოვავლებ ხელს, ტილოს გაკჭრი და გარეთ გამოვალ! სუნთქვა კი მიჭირს...

— დაჯექი, დაჯექი. — მეუბნება თეთრხალათიანი კაცი და რკინის ღუმელთან მხვამს დაბალ ოთხფეხა სკამზე.

საბავშვო სკამია. ყვითლად შეღებილი. მგონი, წებო აქვს გარედან წასმული. ეჯდები და უხერხულობას ეგრძნობ. ღუმელს გვერდი გამონგრეული აქვს. წითელი ნაღვერდლები მოჩანს. მცხელა.

მატარებლის ხმა მესმის. დიდ და ბნელ სატვირთო ვაგონში მე ვზივარ. ვაგონის ორივე კარი ღიაა და მთვარის შუქი ორად ჰკვეთს ვაგონის სიბნელეს. ჩემს ირგვლივ ხმაურიანი ხალხია. სულ მამაკაცები არიან. იქით, სიბნელეში, ჩე-

მი გოგო ზის. ჩექმები აცვია და შავი ბერეტი ახურავს. თავი დაუხრია, რაღაცას კერავს და თეთრი ტილო უქათქათებს მუხლებზე. მატარებელი ხმაურით მიჰქრის. შავი ბოძები თვალწინ აელვარდებიან ხოლმე და უჩინარდებიან.

— მაგან ნავთის ლამპის ანთებაც არ იცის, — ჩურჩულით მეუბნება ბარბაქაძე, — აბა გამოსცადე.

მე ყურადღებას არ ვაქცევ ბარბაქაძეს. დარწმუნებული ვარ, ჩემმა გოგომ მშვენივრად იცის ნავთის ლამპის ანთება.

რამდენიმე კაცი შემოვიდა ვაგონში. ორს ყვითელი ფარანი აქვს ხელში. ვიცი, მე მეძებნენ, მაგრამ არ მეშინია. ჩემს გოგოს შემოეხვივნენ. მე ვიცი, რომ ის უკვე ჩემი ცოლია. ზის ხის გრძელ მაგიდაზე შუა ვაგონში და თეთრი ტილოს პერანგს არშით აწყობს. თავი დაბლა აქვს დახრილი. თმა ჩამოშლია შუბლზე და ცალ თვალს უფარავს. ჩემი ცოლი ყურადღებას არ აქცევს მათ.

და მე, ხმაურით საგსე ვაგონის ბნელ კუთხეში მიმწყვდეულ უმწეო ადამიანს, მეუფლება უცნაური სიმშვიდის გრძობა. მე მჯერა, რომ ჩემმა ცოლმა ყველაფერი იცის, რომ ის ურყევია და მართალი. რომ ვუყვარვარ...

უსაზღვროდ მჯერა ამ ადამიანისა და უცებ, სიზმარში, უბრალოდ ვბასუხობ იმ შეკითხვაზე, რაზედაც ფხიზელს პასუხის გაცემისა მეშინოდა. ვაჟა ლოლადე, შეგიძლია თუ არა სიყვარული?

ღიახ, შემიძლია.

შემზარავად, თავგამოდებით აწყრილდა მაღვიძარა. მე თვალი გავახილე.



ეგზარ კვიციანი

მამულის მთებო

მამულის მთებო,
ვიდრე ჩვენი სუნთქვა გეხლება,
ჩვენი ფრთის ქარი თავს გეველება
მსუბუქ ზვირთებად,
მანამ, იცოდე, რკინის გული
არ დაგელდება,
იცოდე, —
მანამ არაფერი გაგიჭირდება.

მკერდით დაგიცავთ,
აგარიდებთ გრიგალებს მზარავს...
უშფოთველ ძილით იძინებენ
მამა-პაპანი.
სულ იშრიალებს,
დროშასავით ენთება მარად
შენი კალთები
იმ უძველეს მზეში ნაბანი.

გურია, 1966

რა გასაოცრად ყვავიან ბლები,
ღელემ წაიღო ყინულის ძვლები,
ლურჯად და თეთრად კამკამებს ბინდი,
ნეტა საფლაფში რა გულით ძლებენ.

თვალს ვერ გაშორებთ, ცის ბინადარნო,
ცაზე აგანთთ თქვენ ზესთა ზესმა,
რად აწრიალდით,
რად შეკრთით ასე,
იქნება ჩემი ყმუილი გესმათ.

თვალშეუდგამი მაწევს სიშორე,
 სიშორე მაწევს მკერდზე და მხუთავს,
 თქვენი მორჩილი და მოშიშარი,
 თქვენი ერთგული დავრჩები მუდამ.

ქვებზე ნახები და დაღეწილი,
 ღელემ წაიღო ყინულის ძვლები...
 გაჩერებული ფიფქების მსგავსად
 სამოთხის ფერით ყვავიან ბლები.

და მინდა — დიდხანს, ძალიან დიდხანს
 ამ მიწას ჩემი ლანდი ეხატოს,
 სულს შერჩენოდეს ეს სილამაზე,
 ეს სიყვარული გადამეხადოს.

* * *

თვალეები ნისლით რად მებურება,
 რისთვის დამჩემდა ცაში ყურება,
 იქნებ გამოჩნდნენ... თქროსფერ გუნდად
 გადაიარონ მოლაღურებმა.

მინდა უბრალო გალობა მათი
 მზეზე გაბრწყინდეს თაფლის წვეთებად;
 წამსვე გაქრება ზაფხულის ხვატი,
 დაღალულს მუხლი მომეკვეთება.

შენ გაგიხსენებ ისევ და ისევ,
 მომელანდები შემკრთალი სახით,
 სადა ხარ ახლა... მოწყენით ვისმენ
 დავიწყებული მინდვრების ძახილს.

გ ა გ რ ა

სოველ, განძარცულ მაღალ ხეებზე,
 საწვიმარ მილზე, თვალი ცურდება,
 წამით ჩნდებიან და ენთებიან
 შოგონებათა თეთრი ბურთები.

ქუფრით გალესილს და მოქანაგვს,
 სილის ტალღებზე გაწოლილ ბარკასს
 უმზერ, ტყვიისფრად აწვიმს სანაგვს,
 აწვიმს და თვალი სიშორეს კარგავს.

ახლა არავის შეეცოდები,
გახედავ ქალაქს სახურავახდილს,
ველარ გფარავენ მძლავრი ტოტები,
წვრილი საფანტი გუბეში დახტის.

ნიჭარის წკარუნს და ქვიშის ჩხრიალს
შორდები ელვით დანაფეთები
და გუბეებში გულადმა ყრია
დაობებული ცის ნაფლეთები.

თ ე ვ ზ ი

შენ ხარ ძალიან ლამაზი თევზი,
შენ შეგიძლია მიაღწიო დიდ ოკეანეს
და შეგიძლია აქვე დარჩე,
ამ მდინარეში.

ნელა ირწევა შენი კული,
შენი ფარფლები.
ტანზე აგისხამს
ცისარტყელას შვიდივე ფერი
და ისე ელაგ.
მიაპობ ტალღას,
გელანდება ტყეები მარჯნის,
თეთრი კენჭები გელანდება
და ნიჭარები.
და მოცნებეს და გაოცებულს
მზე ჩამავალი გეფერება,
გემშვიდობება...
მზე ჩამავალი აბრჭყვიალებს
შენს ლამაზ სხეულს.
შლამიან ფსკერზე დაძირული
გაკრთობს სიბნელე,
ღია თვალებით ეგებები
სიბნელეს უძრავს.
ვუყურებ მე შენს რხევას და კანკალს
და ლაყურები არც გაჩნია,
ისე მშვიდი ხარ.


შენ ხარ ძალიან პატარა თევზი,
შენ შეგიძლია ოკეანე იხილო დიდი
და შეგიძლია აქვე დარჩე,
ამ მდინარეში.

* * *

არ დამაძინა დღემ შფოთიანმა,
 საფეთქლებს შერჩა გუგუნე მისი,
 არ დამაძინა შუაღამის სუნთქვამ
 და გაწოლილი მთვარისფერ ზოლად
 სიგრილე შთანთქეს ცხელმა ტერფებმა...
 მალე ლითონის ცივი შესება
 იგრძნეს თითებმა და ონკანიდან
 დატყვევებული გაგუშვი წყალი;
 თავქვე წავიდა ნაკადი სუსტი,
 გულისფიცარზე დაეშვა თითქოს,
 თითქოს ჩემს ნეკნებს ხრავდა და დრეკდა.
 დუმილი ტყვიად აწვა თაროებს
 და ალუმინის გრძელი ქვაბები
 ჩახუთულ ბინდში იწყებდნენ რწევას.
 დამძიმებული, დღისით, წვივები
 უხმოდ ჩაცურდა ფიცრის კიდეზე,
 ბნელს შეერია და აქანავდა.
 ...და დატრიალდა ირგვლივ ყოველი,
 განლაგებული, გონების მიღმა,
 უსაზღვროება მოაწყდა ფანჯრებს...
 და ვარსკვლავებმა ბურთულებივით
 იწყეს ტრიალი ადგუნებულ ტვინში
 და მათ გარშემო თეთრი გარსის ქვეშ
 დატანებული დრო გუბდებოდა
 და, შეუმჩნევლად, მღვრიე სიერცემში,
 ანაწილებდა არყოფნის ჩრდილებს.
 და შემეშინდა მე იმ სიჩუმის,
 დაურღვეველი იმ სიმარტოვის
 და მთელი დამე კედლებზე, ჭერზე,
 თეთრად გარინდულ ირმის ნახტომზე
 დაძრწოდა ჩემი ვეება ლანდი,
 ყალყზე დგებოდა და იშლებოდა.

თბილისი • ლექსები • კვლავ კვითავიშვილი





პეპელი ისაკიანი

წიგნიდან «სიმღერები და ზრელობები»

* * *

ვიხილე სიზმრად: უდაბნოში მიირხეოდნენ
აქლემები და საამურად რეკდნენ ეჭვები,
ჩნდებოდნენ, ისევ ფარვოდნენ ქვის ხეობებს
აქლემები და საამურად რეკდნენ ეჭვები.

ვიხილე: სატრფო მხიარული იჯდა აქლემზე,
ძვირფასად მორთულს საქორწილო ედგა გვირგვინი,
დავემხე მის წინ, ჩემს ვედრებას არად აქნევდა
და ქარავანმა გადმიქროლა გულზე სირბილით...

გულგასენილი მარტოსული გზად მტვერში ვიწექ,
უსასობის მომეახლა მე კაემანი
და შორით, შორით საამურად მესმოდა ისევ:
უდაბნოდ მავალ ქარავანის რეკდა ეჭვანი...

* * *

შავი არწივი ღრუბელთ დასიდან
დამაცხრა, მძლავრ ფრთას ფრთაზე იცემდა:
შკერდი მიმტვრია, გული აწიდა
და მიაშურა შორთა სივრცეთა.

სად სავანეა მუდმივი თოვლის,
ესროლა გული დიდებულ მათა
და შემდგომ იმ დღის მარად და ყოვლით
მესმის შუვილი არწივის ფრთათა...

* * *

მივიწყებული ერთი სიმღერა,
ძველ კარგთა დღეთა, წასცადა ბაგეთა,
ძველებურ დღევით გულმა იღვლევა,
დამჭრალი გული ისევ აფეთქდა.

გულმა ზღვისპირას გავლა ინება,
კაცთაგან შორს და ზღვასთან მახლობლად
ველურ ნაპირზე მარტო დამხობა
და უსასოო აქვითინება...

* * *

ეჰა, ნეტავი არ ვშობილიყავ,
რომ არ მესმინა:
მაღალი მთების მწყემსთა ტკბილი ხმა
და წმინდა სიტყვა ნეტარის მშობლის.
რომ არ მეხილა:
ლამაზი სახე ჩემი დედოფლის,
ის საოცარი მშვენება სოფლის,
ოცნებებით რომ ზეცად აგიყვანს.
ეჰა, ნეტავი არ ვშობილიყავ,
არრა მესმინა, არრა მეხილა,
არ მოვმკვდარიყავ...

* * *

სადა ძვეს ახლა, სადა ძვეს ნეტავ,
სად ასვენია ლოდი, რომელიც
საფლავზე უნდა დამადგან სვეტად, —
ჩემი სამარის შესამკობელი;
დღეს აქ ვალამებ, ხვალ სხვაგან ვათევ,
ამა სოფელში მწირად დავდივარ,
რა იცის კაცმა, ეგების სადმე
იმ ლოდზე ვმჯდარვარ და მიდარდია...

* * *

ცხოვრების ომში უთვალავი აღმდგარა ხალხი,
დგანან პირისპირ და ლესავენ ულმობელ მახვილს.

მოზიდულ მახვილს დაბლა დავხრი, ჰოი, განვედ, მორჩი:
არ შემიძლია უსამართლო ბრძოლა და შუღლი,
რომ პირით ლუკმა გამოვტაცო მაშვრალს და მორჩილს
ან ამოვმანთო მწარე ოფლით ტანჯული შუბლი...

მახვილს მოზიდულს დაბლა დავხრი, პოი, განვედ, მორჩი,
არ შემიძლია ჩემთვის შესვლა ცხოვრების ომში!..



* * *

მდუმარე ღამის უკუნეთში ფიქრით და დარდით
შემოვიკრიბე მეგობართა ჩემთა ლანდები:
მკვდარია ზოგი, ზოგიც იქნებ ამ ქვეყნად დადის
და განაცოცხლა სულმა ჩემმა, პოი, რამდენი...

თვალდაშრეტილნი მოდგნენ ლანდნი ამ ბნელ ღამესა,
ჩამხედეს გულში, არ უგაგდათ თვალნი ჩირაღდნებს,
როგორც ჭრილობა ძალზე მძიმე, გული გამეხსნა
და მეგობარნი გულსა შიგან გაუჩინარდნენ...

სომხურიდან თარგმნა გივი შანაზარმა





მზის შვილი

1

ვახომ ტელევიზორი ჩართო და ტატზე ჩამოჯდა. სანამ ეკრანი აციმციმდებოდა, სასიამოვნო სიმღერა გაისმა. ვახოს მოეჩვენა, რომ ამ სიმღერას პირველად არ ისმენდა. რატომღაც გაახსენდა ვადასასვლელი რომელიღაც კინოთეატრთან, ამასობაში გამოსახულებაც გამოჩნდა და ვახომ დაინახა ქალი, ძალზე პოპულარული კინომსახიობი რომ იყო ამ რამდენიმე წლის წინათ, ახლა კი აღარავის ახსოვდა — ახლა სხვანაირი ქალები მოსწონდათ, ის ქალი კი დაბერდა და სულ გადაივიწყეს. ვახოს გაახსენდა ის საყოველთაო აღტაცება, ამ მსახიობმა რომ გამოიწვია, დაინტერესდა, უფრო მოხერხებულად მოკალათდა ტატზე და ეკრანს შეაქცერდა.

იმ ქალს თეთრი, ნახევრადგამკვირვალე კაბა ეცვა და მღეროდა, ცეკვავდა და თანაც, რაც მთავარია, მომხიბვლელად იღიმებოდა. ოცდაათამდე გამოცდილი მამაკაცი — მონადირე უტრიალივდა იმ ქალს, მაგრამ უღარდელი არსება მათ ცეკვა-ცეკვით გვერდს აუვლიდა ხოლმე და, თავისი საქციელით კმაყოფილი, მშვენივრად მღეროდა. ყოველივე ეს ხდებოდა სცენაზე, ლოყებში კი დურბინდები მოემარჯვებინათ და სუნთქვაშეკრულნი თვალს ადევნებდნენ მომღერალს. ჩუმი აღტაცება და-

უფლებოდა ხალხს, მხოლოდ ორკესტრი ხმიანობდა. ვახო თოთხმეტი წლისა იქნებოდა, პირველად რომ ნახა იგი. უცნაურად მოსწონდა ეს ქალი — გულწრფელად, წმინდად და თანაც ამ მოწონებაში რაღაც დიდი საიდუმლოც იყო...

მშვენივრად მორთულ და გაჩირად-ნებულ სცენაზე უამრავი მსახიობი ირეოდა, მაგრამ სხვებს არავინ უყურებდა: ამ ზღვა ხალხში იმედივით დაფარფალებდა ეს თეთრი ქალი. ფარდა მძიმედ დაეშვა, ტაშმა იგრიალა, უცებ ეკრანზე საგანგებოდ თიმადავარცხნილი დიქტორი გამოჩნდა და გამოაცხადა: „ახლა კი ნახეთ ნაწყვეტი პოპულარული კინოფილმიდან...“

ვახო წამოდგა და ტელევიზორი გაართო. ერთხანს უმოძრაოდ იდგა და, წარბშეკმუხვნილი სმენად გადაიქცა — სიბნელეში ასე იხედებოდა.

თითქოს გადაუარა კიდეც დარდმა — ორიოდ საათის წინ გოგამ აწყვინა. ახლა იგი იხსენებდა იმ ქალის ხმას, მოძრაობას, მაგრამ მისი სახე ვეღარ აღიღვინა და გაუკვირდა. სინათლე ანთო, მიმოიხედა და უცებ აშკარად წარმოიდგინა ქალი — ის იღიმებოდა. უნებურად ტელევიზორს შეაქცერდა და უცებ ძალიან მოენატრა თავისი ნამეზობლარი, ლევანი, ვახოზე ათი წლით

უფროსი ახალგაზრდა კაცი. ყოველ-
თვის, როცა ვინმე გააჯავრებდა, ვახო
ფიქრებდა, იდარდებდა, და ბოლოს ლე-
ვანი გაახსენდებოდა ხოლმე. ვახოს ეჭ-
ვი არ ეპარებოდა, რომ ლევანი უაღრე-
სად კარგი ადამიანი იყო. უფრო მეტიც
— იგი ლევანს თვლიდა ისეთ კაცად,
რომელსაც პატარა ნაკლი რომ პატარა
ნაკლია, ისიც კი არა ჰქონდა. ამიტომ
ვახოს საოცრად ამწვიდებდა მასთან
საუბარი და ახლოს ყოფნაც კი. ცუდი
ის იყო, რომ ლევანი ძალიან შორს, აე-
ჭალაში ცხოვრობდა.

დღეა შინ არ იყო. ვახომ პალტო
ჩაიცვა და მაგიდაზე ბართი დატოვა—
„მე წავედი. ახლა შეიდი საათია,
თერთმეტამდე მოვალ“.

კიბეზე მაინცდამაინც აკაკი შეხვდა.
ვახოს არ სიამოვნებდა მასთან ლაპარა-
კი, მაგრამ ვიწრო კიბეზე გვერდი ვე-
ლარ აუქცია. აკაკიმ, როგორც ყოველ-
თვის, მაშინვე დააყარა:

— რავე ხარ, ბიძია?

— კარგად, მადლობთ.

— იცოცხლე, იცოცხლე, გენაცვალე,
იშვიათია შენისთანა კარგი ბიჭი, სინ-
დისს გვეციები.

საოცარი კაცი იყო, ვახოსაც კი
ფეხქვეშ ეგებოდა: რა იცი, იქნება მე-
რე კაცი გამოვიდესო.

— ხომ კარგად სწავლობ, ბიძია?

— ისე, საშუალოდ.

— საშუალოდ კი არა, კარგად სწავ-
ლობ, — სახეში შესცინა აკაკიმ —
ვიცი მე...

ვახომ აღარ იცოდა, როგორ დამ-
შვილობებოდა.

— თქვენი რექტორი რა გვარია?
რამდენი აქვს, თუ იცი, ხელფასი?

— არ ვიცი... საიდან ვიცი! — გაბ-
რაზდა ვახო.

— რა მოხდა, რომ არ იცი, რა მოხ-
და, მერე რა... ისე, კაი კაცია?

— ალბათ, არ ვიცნობ.

— მესამე კურსზე არა ხარ?

— დიახ.

— მერე, ამდენ ხანს ვერ გაიცანი?

— ვერა, ბატონო.

— ჰოო... შენთან რო ბიჭი იყო გუ-
შინ, მაღალ-მაღალი, ლურჯკოსტუმიანი,
რა ქვია?

— გოგი.

— კაცო, ერთ ადამიანს ძალიან გავს
ეგ ბიჭი, ხო არ იცი, მამამისი სად მუ-
შაობს?

— ექიმია.

— მართლა? ძალიან კარგია, ძა-
ლიან.. მშვენიერი დარგია... ოპერა-
ციებს თუ აკეთებს?

— არა, არ აკეთებს, თერაპევტია.

— ჩას მელაპარაკები?! ძვირფასი
ადამიანი ყოფილა, გენაცვალე. დოცენ-
ტია?

— არა, ბატონო, არა!

— რატო მიწყრები, ბიძია, ისედაც
დაჩაგრული კაცი ვარ. ჩემო კარგო,
რკინისგზელობაშიაც რომ იყოს დო-
ცენტობა, ხო გავხდებოდი აქამდე? რაც
მე ოფლი დამიღვრია, დოცენტი კი
არა... ექიმში უნდა გამოვსულიყავი, ან
ისტორიკოსი, ადვილად იცავენ ხა-
რისხს...

— ახლა არდადებები ხომ არა გაქვს?

— არა.

— ძალიან კარგია, ძალიან, კეთილ
სწავლა-განათლებას ვისურვებ, სულ
გახარებულს გევლოს.

— დიდი მადლობა, კარგად ბრძან-
დებოდეთ.

— კარგად იყავი, კარგად, ჩემო ბი-
ძია.

— ნახვამდის.

— ნახვამდის, გენაცვალე, სულ გა-
მარჯვებული ყოფილიყავი.

— ნახვამდის... „ვას!“

ქუჩაში არ ციოდა, არავის ახსოვდა,
ზამთარი რომ იდგა. ვახომ დაღმართ-
ში ნაბიჯს აუჩქარა. სიამოვნებდა,
პალტო გადელილი რომ ჰქონდა. ტრამ-
ვაიში ჩაჯდა და მოუთმენლობამ ააფო-
რიაქა — ორი ტრამვაი უნდა გამოეც-
ვალა, შემდეგ კი ფეხით გაიგლიდა და-
ახლოებით კილომეტრნახევარს — ასე
შორს ცხოვრობდა ლევანი. რა იქნებო-
და, ცოტა ახლოს რომ გადასულიყო,
ამსიშორეს სიარული არ გინდა? თანაც

ერთ დროს კარის მეზობელი მაინც არ ყოფილიყო. ჰოდა, უცებ აიღო და... თუმცა, ლევანი რა შუაშია, მისმა მშობლებმა უკეთესი ბინა მიიღეს. ეს კია, ცოტა შორსაა მისი სახლი ქალაქის ცენტრიდან... „ისე, სიმართლე რომ ითქვას, მაინც კარგია, ავჭალაში რომ ცხოვრობს“, თავი ინუგეშა ვახომ... „ხომ შეიძლებაოდა, ლევანი რომელიმე სხვა ქალაქში დაბადებულიყო, ანდა სოფელში, ვთქვათ... ხაშურში. იქნებოდა მაშინ ვახო თბილისში, ლევანი კი იქ და“...

ამგვარი მსჯელობა ზედგამოჭრილი იყო ჩაქჩაქ ტრანსპორტისათვის. მეორე ტრამვაიშიც ასევე ფიქრობდა. მთელი საათი მიიზღოვნებოდა ტრამვაი, ვახოს ვული გაუწყალა რიხინმა — „ეჰ, დედაჩემთან უნდა გამევილო, ტაქსით წამოვიდოდი“. დეიდა ხშირად აძლევდა ფულს, მისი ქმარი „კარგ ადგილას“ მსახურობდა.

ტრამვიდან რომ ჩამოვიდა, გაუკვირდა — კარგა მაგრად დაღამებულიყო. ბნელ ქუჩას აუყვა და საათს დახედა — ცხრა სრულდებოდა. ლევანის სახლი ტრამვის ვაჩერებოდან შორს იყო. ქუჩაც ისეთი ბნელი და უკაცრიელი იყო, რომ ვახოს ცოტათი შეეშინდა და შეეყოყმანდა, მაგრამ უკან დაბრუნებისა შერცხვა. ერთხანს იარა, მერე ფეხისხმა შემოესმა და უკან მიიხედა. ასე, თხუთმეტ-ოც ნაბიჯში ვიღაც მოჰყვებოდა. ვახომ თვალეხი მოჭუტა და ბნელში ძლივს გააჩნია, რომ იმ ვიღაცას იღლიაში უშველებელი ტომრები ამოედო და ისე თავისუფლად მოაბიჯებდა, ვითომც არაფერი. ალბათ, ძალიან ღონიერი თუ იყო... მსუბუქად მოაბიჯებდა და სწრაფად უახლოვდებოდა. ვახოს ნაბიჯის აჩქარებისა შერცხვა და სულ გაჩერდა, ხელისგულით მიეყრდნო კედელს. ღონიერიც შეჩერდა, ბნელოდა, ძალიან უყურებდნენ ერთმანეთს. მერე ვახომ დაიხია, რამდენიმე ნაბიჯი უკან-უკან გადადგა და შემდეგ საყოველთაოდ მიღებულ სიარულზე გადავიდა. ერთი კი მიატ-

რიალა თავი — ტომრებიანი ისე გავიშული იდგა კედელთან, თითქოს ქვაში ამოკვეთილი კერპიაო. ოციოდე გრძელი ნაბიჯის შემდეგ ისევ მიიხედა — უცნობი უძრავად იდგა.

ერთხანს ყოჩაღად მიაბიჯებდა და ცდილობდა, არაფერზე ეფიქრა. როგორც იქნა, ცოტათი დამშვიდდა. ლევანის სახლთან შეჩერდა და უკან მიიხედა — ღონიერი ისევ დაინახა, მაგრამ ახლა მათ შორის ორმოცამდე ნაბიჯი იყო. სადარბაზოში შესვლას აგვიანებდა — აქ ისე არ ბნელოდა, თანაც აინტერესებდა, საით წავიდოდა ტომრებიანი; მაგრამ როცა უცნობი ისევ მიუახლოვდა, საჩქაროდ აუყვა კიბეს.

ლევანი საკმაოდ მალა — მეექვსე სართულზე ცხოვრობდა. როცა ვახომ მესამე სართულს მიაღწია, ქვემოდან მჭახე ხმა შემოესმა — თითქოს რევოლვერი დატენესო. ოფლმა გამოყოფა შუბლზე, ერთი სული ჰქონდა, როდის მიაღწევდა მეექვსე სართულს და სწორედ მაშინ, როცა ლევანის კარამდე ათიოდე საფეხური რჩებოდა, უცებ ისევ ის ხმა მოესმა, ოღონდ ზემოდან. კინაღამ ჩაიკეცა — კიბის თავში ტომრებიანი იდგა და უყურებდა.

სანამ შიში თავით-ფეხამდე დაუვლიდა, ვახომ ძლივს გააჩნია, რომ იმ უცნობს იღლიაში ტომრები კი არა, ნიჭრის ფუტლარში გამოხვეული ორი ვიოლონჩელი ამოედო. ამ უწყინარი საკრავების დანახვამ მაშინვე ძალა შემეტა, თანაც ვახოს გამოჩენაზე უცნობმა ისე საჩქაროდ დარეკა ხარი, რომ ვახო ცოტათი დამშვიდდა. ამასთანავე, ვიოლონჩელოებიანი ღონიერი კი არა, საკმარად სუსტი ყმაწვილი ჩანდა.

ვახო ნაძალადევი სიღინჯით ავიდა მეექვსე სართულზე და ლევანის კარზე დააკაკუნა, შემდეგ დარეკა. კიდეც ზურგშექცევით იდგნენ, კარის გაღებას ორივე მოუთმენლად უცდიდა. მერე ერთდროულად შემობრუნდნენ, და კი-

გუარამ დოჩანაშვილი
შენი მწვანე და

ნალამ არ მიესალმნენ ერთმანეთს. ვახო
ჯერ კიდევ საკმაოდ იყო შეშინებული
და გაოგნებული — მაინც როგორ გან-
და უცნობი შეექვსე სართულზე, ანდა
რას ნიშნავდა ის მკახე ხმა?

ამასობაში ლევანის დედამ კარი გაა-
ღო:

— ოო! ვის ვხედავ, ვახო, მოდი, გე-
ნაცვალე, როგორა ხარ, გამარჯობა,
ვიორგი...

— გამარჯობათ, ქალბატონო რუსუ-
დანი, — ზრდილობიანად დაუკრა თავი
ვიოლონჩელოებიანმა და თავისი ზარის
დილატ ისევ დააჟირა თითი. კარს არა-
ვინ უღებდა.

ლევანის დედა ცოტა არ იყოს გაკ-
ვირვებით შესცქეროდა მეზობელს. მა-
ნაც იგრძნო ეს, ცოტათი გაწითლდა და
თითქოს თავი გაიშართლა:

— ეს მეორე ვიოლონჩელი ამხანაგ-
მა გამომატანა. აქვე, ახლოს ცხოვრობს,
მწვანე სახლში... საცოლეს უნდა შეხ-
ვედროდა და... ხვალ გამოივლის და წაი-
ღებს.

ამ სიტყვებზე კარიც გაიღო:

— კარგად ბრძანდებოდეთ, ქალბა-
ტონო რუსუდანი.

— ნახვამდის, გენაცვალე.

— ნახვამდის, — თავი დაუკრა ვა-
ხომაც.

— სხვა, როგორა ხარ? დედა რო-
გორ არის?

— გმადლობთ, კარგად, ლევანი
შინაა?

— რა თქმა უნდა, ლევანი საღამოთ-
ბით ყოველთვის შინაა. ლევან! ნახე,
ვინ მოვიდა?

მეორე ოთახიდან ახალგაზრდა კაცი
გამოვიდა, დაკვირვებით შეხედა სტუ-
მარს და გაუღიმა:

— გამარჯობა, ვახო.

— გამარჯობა, ლევან.

— მობრძანდი, ძალიან გამეხარდა
შენი ნახვა, ჩამოჯექი, სხვა, როგორ
შეიწვიე უნივერსიტეტს?

— კარგად.

— ო, ეს ძალიან კარგია.

— ა? კარგია, კი.

ვახო დაუდევრად პასუხობდა, რად-
გან ისევ ფიქრობდა, თუ როგორ გან-
და უცნობი შეექვსე სართულზე. ლე-
ვანს ეუცხოვა სტუმრის დაღვრემილო-
ბა:

— როგორ არიან დედა, მეზობლე-
ბი?

— უი! — ვახომ ისე შემოიკრა ხელი
შუბლზე, რომ ლევანი შეკრთა —
თქვენ სახლს ლიფტი აქვს?

— კი, ახლახანს აამუშავეს.

— აჰა! ამ დღეებში, არა?

— ჰო.

ვახოს გულზე მოეშვა, ღრმად შეი-
სუნთქა ჰაერი:

— მეც არა ვთქვი?!

— რა?

— არა, არაფერი, — ვახომ საათს
დახედა — ოჰ, ათის ნახევარია უკვე.
ლევანმაც შეხედა მალევიძარას და თა-
ვი დაიწინა:

— სწორი ხარ, ათის ნახევარია.

— მე წავალ, თორემ დედას შეეშინ-
დება.

— რას ამბობ, ვახო, ახლა არ მოხ-
ვედი?

— არა, უნდა წავიდე, — უთხრა ვა-
ხომ და გაუცინა.

ლევანი ჯერ იმასაც ვერ მიმხვდარი-
ყო, რამ დააყენა სტუმარი კარგ ხასიათ-
ზე.

— მოიცადე, ხილს გამოვიტან.

— არა, ხომ იცი, დედაჩემს შეეშინ-
დება.

— ოო, — დანებდა ლევანი, — დე-
დაშენს თუ შეეშინდება, მაშინ წადი.

— ნახვამდის.

— დიკა, ვახო, ვაშლს გაგატან, გზა-
ში გაერთობი.

— ნუ წუხნები, ნუ, ლევან.

— რა შეწუხებაა, მაგას როგორ ამ-
ბობ.

— არა, არ მინდა, ისე...

— მეწყინება, იცოდე.

— ჰე! — მორიდებულად ჩაიცინა
ვახომ და ორი ვაშლი აიღო — გმად-
ლობთ.

— აბა, შენ იცი, ხშირად გამოგვია-

რე, ყოველთვის გამეხარდება შენი ნახვა.

— აუცილებლად გამოვივლი, ნახვამდის, ქალბატონო რუსუდან.

— რა გეჩქარება, ვახო?

სადარბაზოდან გამოვიდა თუ არა, თავისუფალ ტაქსს მოჰკრა თვალი. ცოტუნება დიდი იყო, „სცციუ“; — შეუძახა ვახომ. მანქანა გაჩერდა, შოფერი ხაზგასმული გულგრილობით შეხვდა მგზავრს, თავიც არ მიუტრიალებია. ვახო გვერდით მიუჭდა და ისე ფრთხილად მიხურა კარი, რომ ვერც დაეცტა — ფული ჯიბეში რომ არა ჰქონდა, უხერხულად გრძნობდა თავს. შოფერმა მროცხველი ჩართო თუ არა, ვახოს მშვენიერი აზრი მოუვიდა და მაგრად მიიჯახუნა კარი — „დეიდასთან გავივლი, ყველაფერი რიგზე იქნება“. თუმცა, ხომ შეიძლებოდა, დეიდა თეატრში ანდა სტუმრად ყოფილიყო წასული. მაშინ დედა მისცემდა ფულს, მაგრამ ნაღდად დააყვედრებდა. დეიდა კი სულ „შენი ჭირიმეთი“ გამოისტუმრებდა. წესითა და კანონით დეიდა ამ დროს შინ უნდა ყოფილიყო, მაგრამ ვახომ ყოველი შემთხვევისათვის გადაწყვიტა, შოფერთან კარგი დამოკიდებულება დაემყარებინა და ჰკითხა:

— ბოდიში. პაპიროსი... ახლა მარცხნივ... ხომ არა გაქვთ?

— არა, არა მაქ, — ცივად უპასუხა შოფერმა და დაამატა: — მე რა, გიყი კი არა ვარ, ჩემი ფულით ჩემი თავი რომ მოვიკლა.

— სწორია, — დაეთანხმა ვახო, — არც მე ვეწევი, ისე, ათასში ერთხელ თუ გავაბოლებ...

— ეგ კი არა, — გამოცოცხლდა შოფერი, — ორმოცდათერთმეტის აგვისტოდან არაყი არ დამიღვევია.

— ძალიან კარგადაც მოქცეულხარო, — გაამხნევა ვახომ, — მე მგონი, ხალხი რომ იძახის, მეტრო რომ აშენდება, ტაქსს მგზავრი გამოუღვევო, მე მგონი, ტყუილია, ახლა მარჯნივ.

— ტყუილია, აბა რა, — შოფერმა სიჩქარეს მოუმატა, — ტაქსს თავისი მუშ-

ტარი ჰყავს, მეტროს თავისი, გემს თავისი... მართლა, „მეტრო“ რასა ნიშნავს?

— მეტრო? — ვახო ცოტათი დაიბნა, მაგრამ მინც მოიფიქრა: — მეტრო ნიშნავს... მ-მასკოვსკი, ე-ელემეტრო, ტ-ტრიუმფალნი, რ-რუჩნოი, ო-ოკრუგ.

— ვახ, არ მიკვირდა?

— ახლა აქეთ გაუხვიეთ... ცოტა წინ, ცოტაც... ოო, აქ გააჩერეთ, მე ახლავე მოვალ.

შოფერმა ნაღვლიანად შეხვდა:

— ჩქარა მოხვალ?

— ამ წუთში.

ვახომ სწრაფად აირბინა კიბე. სამსამ საფეხურს ახტებოდა, — „დამ-ხვდება, დამ-ხვდება“. კარი მართლაც დეიდას გაუღო და აქოშინებული ვახო რომ დაინახა, შეეშინდა:

— რა იყო, ბიჭო?

— არაფერი, ტაქსი მიცდის!

— შენ რა გითხარი, გული გამიხეთქე! — ხალათის ჯიბიდან ხუთმანეთიანი ამოიღო, — გეყოფა?

— კი.

ოთახიდან ხმაური გამოდიოდა, ვახომ გაკვირვებით შეხედა დეიდას.

— ტაქსი გაისტუმრე და დაბრუნდი. იცოდე, იმდღევანდელივით რომ არ ამოხვიდე, ძალიან მეწყინება.

— რატომ?

— სტუმრები გეყავს. მიშიკო თვითონ თამადაობს, არ გაინტერესებს?

— ვინ არიან?

— ვინ იქნებიან... მიშიკოს ამხანაგები.

— რა მინდა მერე მე...

— რა გინდა კი არა, რომ არ ამოხვიდე, დამკარგავ, იცოდე, — ხმას აუწია დეიდას. სახეზე სიწითლემ გადაუარა, ისე გაბრაზდა.

— ახლავე ამოვბრუნდები, დეიდა.

შოფერს თავი საჭეზე ჩამოედო და ეძინა.

გურამ დოჩანაშვილი

შენი მშვანი და

— აბა, გენაცვალე, — დაუძახა ვახომ, — აბა, ორი მანეთი აიღე.

— მადლობთ, — მუჭში დაამთქნარა შოფერმა და სამმანეთიანი გაუწოდა.

ვახო ღინჯად აუყვა კიბეს. გადაწყვიტა, მშვიდად და ღირსეულად შესულიყო იმ ოთახში, სუფრა რომ იყო გაშლილი. საერთოდ, მორცხვი ბიჭი იყო, ახლაც შეეშინდა, არ დაბნეულიყო. დეიდა კართან შეხვდა, ხელი მხარზე გადახვია და ისე შეიყვანა ოთახში:

— ნახე, მიშეიკო, ვინ გვესტუმრა...

— აუჰ, შენი ჭირიმე, შენი, — ფეხზე წამოდგა მასპინძელი და გულში ჩაიკრა, — როგორა ხარ, ბიჭო, დაჯეკაცებულხარ, მართლა, თამარა, აღარ შემოიტან ბეჭს?

— კი, გენაცვალე, შემოვიტან, რატომ არ შემოვიტან.

— რა ვიცი, შენ რომ გკითხოს კაცმა, ყველაფერი...

— რა უნდა მკითხოს... ა? — დედამ ისე კეკლუცად გაუღიმა ქმარს, რომ ვახოს ეუხერხულა და სუფრას მოავლო თვალი. საჭმლით სავსე მათლაფები ერთმანეთზე ელაგა, მაგიდა სიმძიმისაგან იზნიჭებოდა. ჯერ ვერაფერი გაარჩია, მერე კი ამ ღირსშესანიშნავი საქმელებიდან მაინცდამაინც ბოლოკი ეცა თვალში.

მაგიდას თხუთმეტამდე კაცი უჭდა, ღრიანცელი იდგა ოთახში.

— ეს ჩემი თამარას დიშვილია, — დაიყვირა მიშეიკომ, — კაი ბიჭია!

— გაუმარჯოს!

— იცოცხლე, ბიძია...

— აწი იწყება ქეიფი!

— რამე გადაიღე, ბიძიკო...

ვახომ ისევ გადახედა სუფრას. რა უნდა ამოერჩია, რისთვის მოეკიდა ხელი? კიდეც კარგი, მიშეიკო დაეხმარა:

— ხიზილალა ჭამე, ბიჭო, ნოყიერი მაინცაა...

ვახოს ცოტათი არ მოეწონა „ბიჭო“, მაგრამ მაშინვე დარწმუნდა, კეთილი გულით იყო ნათქვამი. ხიზილალა თხლად წაუსვა ლავაშზე და ჩაკბინა. თავისუფლად ჯერ გრძნობდა თავს, კი-

დეც კარგი, ვილაცამ ყველას გასაგონად ლაპარაკი წამოიწყო. ყვირილით ამბობდა:

— ამას წინათ ნიკო ვნახე სტადიონზე! შენ გგონია, ჩვეულებრივად უყურებდა თამაშს? კი, აბა! დურბინდი მოემარჯვებინა გორგასალ ვახტანგივით და ისე უჭკრიტინებდა მინდორს!

— დიდი უცნაური კაცია, დიდი! ვახომ ბადრიჯანი გადაიღო და ჭადიცი მოიტეხა.

— ოო, დიდი კვიმატი კაცია, დიდი.

— მერე, რა მოხერხებულია, ა? ჩვენ რო მოხერხებულობა გავგიკვირდებ, რა უნდა იყოს...

— მე შენ გეტყვი, რამე გაუჭირდება!

— ამხანაგებო! — ფეხზე წამოდგა მიშეიკო, — ნიკოს ხსენებაზე ჩვენს მეგობრებს გაუმარჯოს.

თამადას თიხის ტოლჩა ეკავა, ომანიანად ლაპარაკობდა: ყველა გაჩუმდა და სერიოზული სახე მიიღო.

— კაცი ამხანაგებით ფასდება. ასეა. რაც არ უნდა კაი ბიჭი იყო, თუ დაჯექი სახლში კიკოსავით, შაურია შენი ფასი. ფულის ქონა ერთია, მოხმარება — მეორე. მე რომ ფულს დავაჯდე კრუხივით, რა გამოვა? ფული იმის ფულია, რომ დაიხარჯოს. ასეა, ჩვენს მეგობრებს და ჩვენს მეგობრობას გაუმარჯოს...

— ჯოოს! — შესძახეს სტუმრებმა. ზოგმა ვერ მოასწრო — საჭმელს დეჭავდა.

— არ ვარგა! გაუმარჯოს...

— ჯოოს!!! — დასტეკეს მოქეიფებმა და მიშეიკო გაიბადრა, — კარგი იყო, კარგი...

— ჩვენს მეგობრობას გაუმარჯოს! — ფეხზე წამოდგა თამადას მოადგილე: — მე თუ მკითხავთ, მეგობარი უფრო მეტია, ვიდრე ძმა. ეს იმიტომ, რომ ძმა ბუნებრივია, იგი ძალაუნებურად ძმაა, მეგობარი კი შენი სულითა და გულით ამორჩეული ადამიანია. გაუმარჯოს მეგობრობას!

— გაგიმარჯოს, სანდრო, გაგიმარჯოს!

— ქართველი ხალხი ყოველთვის მოქეფე ხალხი იყო, — წამოდგა შემდეგი, — დავით აღმაშენებელს მეგობრები რომ არა ჰყოლოდა, აბა მითხარით, რას გახდებოდა? — იკითხა მთქმელმა და შეიცადა.

— ვერაფერს გახდებოდა, ჩემო შალვა.

— მეც მანდა ვარ. მეგობრობას გაუმარჯოს.

— მოკლედ და კარგად თქვა, — ჩაილაპარაკა ვახოს მეზობელმა.

ყველა შესვა სადღეგრძელო. ვახო-მაც აღდგურძელა სუფრის წვევრების მეგობრები, დალია და სკამზე ჩამოჯდა. მერე ჭითამს ფრთა მოაგლიჯა და გაწიწკნა.

უეცრად ვახოს მეზობელი მიუტრიალდა და ზედიზედ დააყარა:

— რამდენი წლისა ხარ? ოცდაერთის? ვაჰ, შენც სტუდენტი ხარ? მესამე კურსზე? სტიპენდია რამდენი გაქვს? აუჰ!

დეიღამ ბეჭი შემოიტანა, რამაც საყოველთაო აღტაცება გამოიწვია.

— იფ, იფ...

— აწი იწყება ქეიფი!

მოულოდნელად ერთ-ერთმა სტუმარმა შუბლი მაგიდაზე დადო და მხრები აუცახცახდა. გულამოსკენილი ტიროდა, შემოესივნენ, რა იყო, მიტო, რა მოხდაო, ჰკითხეს. მიტომ თავი ასწია, მიმოიხედა. ცხარე ცრემლით ტიროდა ამოდენა ვაჟკაცი კაცი. ძლივს ამოილულულა:

— ჩემი რამაზი, ჩემი ძმა, ჩემი საცოდავი რამაზი...

ყველა მიხვდა ტირილის მიზეზს. თამადა შეეცადა, თავი დაეძვრინა:

— მიტო, მიტო, შემომხედე, ხომ იცი, მე ისეთი კაცი ვარ, რომ ძვირფასი სადღეგრძელოების თქმა ბოლოში ვიცი ხოლმე. მე მგონი, ვერ მეტყვი, რამაზი დაგავიწყდაო.

— არა, მაგას არ გეტყვი, არა, — ღირსებით წარმოთქვა მტირალმა.

— ჰოდა, ბოლოში მინდოდა მაგის თქმა, მაგრამ... ასლა ვიტყვი! გამივსევ ერთი... ამხანაგებო! მე მინდა გულის-

ტკივილით შეესვა იმ ძვირფასი კაცის სადღეგრძელო, ვინც ამ ექვსიოდეთვის წინათ ჩვენთან იყო, მაგრამ დღეს აღარ არის ჩვენთან! მე მინდა... — ხმას აუწია მიშვიკომ, — შეესვა რამაზის სადღეგრძელო! ადამიანის, ვინც ჭირშიაც იცოდა მხარში ამოდგომა და ლტინშიაც. ჩვენ რა დაგვაგვიწყებს იმას, რა დაგვაგვიწყებს... მე ბოლოში ვიცი ძვირფასი სადღეგრძელოების თქმა... იგი ჩვენთან იჯდა სუფრაზე; უფრდ მეტიც — როგორც ძველები იტყოდნენ, ხშირად სუფრის თავზე იჯდა! გაუმარჯოს რამაზს! სადაც არის, იქ გაუშარჯოს, მე ასე ვსევამ მის სადღეგრძელოს! — მიშვიკომ კაიხელა ყანწი მიიყუდა, მადიანად, დიდი ყლუბებით გამოსცალა, მერე ხელი ჩამოუშვა და გემრფელად ამოიქშინა. დეიდა აღტაცებით შეჰყურებდა. მიშვიკომ ყანწი ვაღმთაბირქვა და ცერის ფრჩხილზე დააკაუნა. ერთადერთი წვეთი კოპივით ამოიბურცა ფრჩხილზე. ცერი პირთან მიიტანა, თვალეზი დახუჭა და ის წვეთიც ხარბად შეისრუტა.

— ყოჩაღ, ყოჩაღ, — გაისმა აქეთიქიდან. ამ გამამხნევებელმა შეძახილებმა ცოტათი შეასუსტა სამგლოვია-რო განწყობილება. მერე საქმე განაგრძეს — ყველამ გულაუწყებით შესვა სადღეგრძელო.

ვახოს ჯერაც დადგა. სანამ წამოდგებოდა, მეზობლისაკენ გადაიხარა და ჰკითხა:

— ბოდიში, ძია მიტოს ძმა რითი გარდაიცვალა?

— არა, რას ამბობ, რა გარდაცვლის იმას, მოხსნეს...

ვახო წამოდგა და ძია მიტოს ჩემად უთხრა:

— გაუმარჯოს თქვენს ძმას...

— გმადლობთ, გენაცვალე, დიდი მადლობა.

— კაი კაცი იყო, კარგი...

გუარამ დონანაშვილი
შენი მწვანე და



- გული მაინც არ უნდა გავიტეხოთ, მიტო!
- არა, არა, მაგრად უნდა ვიყოთ.
- რა თქმა უნდა.
- რასაკვირველია... ერთი სიმღერა ხომ არ გვეთქვა?
- ვთქვათ, ვთქვათ, აბა ჰე!
- მოიტაცეს თამარ ქალი-ი...!
- აწი იწყება ქეიფი!

2

ვახო თავის ტკივილმა გამოადგინა. ნამოვრალევი იყო და თვალის გახელაც კი ვაუჭირდა. იშვიათად დაუღე-
ვია ღვინო, ალბათ ამიტომ სტკიოდა ისე ძალიან თავი. გონებაამდგრეულს,
წამოვადრომაც კი ვაუჭირდა — ყოველ
განძრევაზე თითქოს მტკივნეულად ეწე-
ლებოდა ტვინი.

ერთ ხანს თავჩაქინდრული იჯდა და
წუხანდელი ქეიფი და შინ დაბრუნება
ნაწყვეტ-ნაწყვეტ ახსენდებოდა. განსა-
კუთრებით რომელიღაც სტუმრის ცეკ-
ვა ჩარჩა გონებაში. მერე ბუნდოვნად
ვაახსენდა ისიც, თავისი სახლის წინ
დიდხანს რომ იდგა და, ყალბი აღტაცე-
ბით შეპყრობილი, საზეიმოდ შესცქე-
როდა სამსართულიან შენობას. დამის
სამ საათზე მხოლოდ მის ფანჯარაში ენ-
თო სინათლე და სინაზემორეულმა ვა-
ხომ სახლი შეადარა „ცალთვალა, მაგ-
რამ კეთილ გოლიათს“, რამდენადაც ახ-
სოვს. ამ წყალწყალა შედარებამ ისეთ
მშვენიერ ხასიათზე დააყენა, რომ კარ-
ვა ხანს სახლისათვის თვალი არ მოუცი-
ლებია და დაჟინებით ცდილობდა, მარ-
თლა წარმოედგინა გოლიათი. როგორც
კი შეისრულა საწაიდელი, სახლში ავი-
და და მაშინვე დაიძინა, ძლივს მოასწ-
რო ტანსაცმლის ვახდა.

— როგორ ბრძანდებით, ხომ კარ-
ვად გამოიძინეთ? — ჰკითხა დედამ. ასე
იკოდა, როცა ვახოზე ვაბრაუნდებოდა,
პირველ წინადადებას „თქვენობით“
იტყოდა ხოლმე.

— კარგი რა... ხომ ვითხრა ელიკომ,
დაიგვიანებსო.

— ჯერ ერთი, ეგ რა ზრდილობაა —
თერთმეტ საათზე მეზობელს დაუბრკე-
და გააღვიძე.

- აბა რა მექნა?
- მობრძანებულებიყავი შინ!
- კარგი რა... არ გამომიშვეს და რა
მექნა, — ვახომ ვაუღიმა — შენმა დამ
არ გამომიშვა.
- ძალიან ჩაგაცივდნენ?
- კი. აბა რომელი მსმელი ვარ მე?
- ვიცი, რომ არა ხარ, გენაცვალოს
დედა.

— ბორჯომი დამალევიწე, რა.
დედამ ვაუღიმა:
— ბორჯომის ღირსი ხარ?

ვახომაც ვაუცინა და დედა საკუჭ-
ნაოში გავიდა. სანამ „უკვდავების
წყალს“ მოუტანდნენ, ისევე მოაგონდა
თავისი სახლი. წუხელ, სიბნელეში,
ძლივს არჩევდა კედლებს, იქ კი, სა-
დაც ნათურა სახლის ნომერს ანათებდა,
მკვეთრად გამოირჩეოდა ხუთიოდე
აგური. ჩაშავებული სახლის ვახსენება
არ სიამოვნებდა; მაინც აგურის კედ-
ლი ედგა თვალწინ, მერეც, ბორჯომი
რომ დალია, თავისი სახლი ახსენდებო-
და.

პირი არაფრისათვის დაუკარებია, ისე
გამოვიდა ქუჩაში. გოგის სახლს
ფრთხილად ჩაუბრა — არ დამინახო-
სო. გარეთ ცოტათი ციოდა და გამო-
ცოცხლდა, თავიც ისე ძალიან აღარ
აწუხებდა. ჯერ ფართო პროსპექტზე
შიაბიჯებდა, მერე რატომღაც მარჯვნივ
აუხვია, თავი დააღო და აღმართი აი-
ბრა. „მრგვალ ბაღში“ შევიდა, მტკრიან
მერხს სული შეუბერა და დაჯდა.

საოცრად უკვირდა გუშინდელი დღის
ამბები, უცნაური ცვლილება შეატყუო
საკუთარ თავს. ჯერ ერთი, დათვრა;
მძლოლს ისე ელაპარაკებოდა, თითქოს
გოგი იყო — როგორ მოატყუა „მეტ-
როს“ სახელწოდებაში... ის უცნაური
შემთხვევაც ვახსენდა, ვილონჩელოე-
ბიანთან...

თავისტკივილი საბოლოოდ რომ გამქ-
რალიყო, ვახომ ნაძალადევი ინტერე-
სით დაიწყო ყველაფრის თვალყურება —

ბუჩქებს გადახედა, ურნას შეაქცერდა, ხეებს ააყოლა თვალი. მაღალი შენობის კუთხეში დიდულვაშა მებოვვე საქმიანად გვიდა ვიწრო ქუჩას; რატომღაც შეჩერდა, ალბათ ვინმეს უნდა გამოეცლო.

მოსახვევიდან ორი კაცი გამოვიდა, ერთი თეთრწყვრიანი მოხუცი იყო, მეორე — შუახნისა, არაფრით გამოირჩეოდა. იმათ უკან ახალგაზრდა ქალი მოდიოდა, ხელში ჩვილი ბავშვი ეჭირა. ქალის გვერდით მაღალ-მაღალი, ქუდიანი კაცი მოაბიჯებდა, ძალიან გულგრალი სახე ჰქონდა. უკან ორი დედაკაცი მოსდევდა, ერთს ფრთა გაერჭო ქულში, მეორეს ტურ-ნიკაზე შემოეჭლო თითები და რაღაცას ფიქრობდა.

მებოვვე მშვიდად იდგა, ეტყობოდა, კიდეც მოდიოდა ხალხი, რადგან ქუჩის დაგვას აღარ აპირებდა. ცოცხისაყენ აღარც იხედებოდა, არაფრისმაქნისი, დაცლილი თოფივით ეკავა ხელში.

მოსახვევიდან ისევ გამოდიოდა ხალხი — სათვალთან კაცს პატარა ბიჭისათვის ჩაეჭიდა ხელი, ბავშვი სათამაშო მანქანას ხრიალით მოაპროწიალებდა. მათ უკან მომავალ პორტფელიან მამაკაცს ეშინოდა, უნებურად მანქანაზე ფეხი არ დაედგა და ამიტომ ყურადღებას არ აქცევდა თანამგზავრს — მაღალ, ჩამოქნილ ქალს, რომელსაც ზურგიდან აღტაცებით ათვალთვრებდა ვიღაც ხელჯობიანი კაცი.

ვახოს ამასობაში შეცივდა და პალტოს ჯიბეში ჩაიყო ხელები. უცხო სხეული მოხვდა თითებში, ხელი ამოიღო — ვაშლი... მეორე ვაშლი... ჰო, მართლა, ლევანი. მაშინვე კარგ ხასიათზე დადგა, ისე გამოუჩეტდა გუნება, რომ მოშვიდა კიდეც. უნებურად ჩაქბინა ვაშლი, ესიამოვნა. ფეხი ფეხზე გადაიღო, მერხს ზურგივით მიაწევა, არხეინად შეეჭკეოდა ვაშლს და ხალხს უყურებდა.

ხელჯობიანის გვერდით აჩაჩულდა-ჩაჩული ყმაწვილი მოდიოდა, მის გასვრილ ზურგს საყვედურით შესცქეროდა ხანშიშესული ქალი, ალბათ დედა თუ

იყო მისი. ქალს ორი მამაკაცი მოჰყვებოდა ფეხდაფეხ, ამაყად ეჭირათ თავი, დინჯად გაჰყურებდნენ წინ მიმავლებს. იმ დარბაისელი კაცების უკან კი ვიღაც ყმაწვილი ისე უთავბოლოდ იქნევდა ხელებს, რომ ვახოს გაეღიმა კიდეცა. ყმაწვილი ხანდახან ხედებოდა, ნამეტანი რომ მოსდიოდა და ხელებს ისე აღარ იქნევდა, სამაგიეროდ, ამ დროს ძალდატანებისაგან უფრო გაჯგიმული მოაბოტებდა; მალე ისევ ავიწყლებოდა ყველაფერი — მხრებს ჩამოყრიადა, მოეშვებოდა და ხელებიც ნება-ნება ქანაობდნენ. მის უკან ორი გოგო მოდიოდა და ზუსტად ვახოსავით ილიმობოდნენ — იმ ყმაწვილს აშკარად კი არ დასცინოდნენ, უბრალოდ, ელიმებოდათ... იმ გოგონებს პატარა, დაღეული, მუჭისოდენა დედაბერი მოსდევდა, წელში გაღუნულიყო საცოდავი. ძლივს აღგამდა ფეხს. მის უკან ორი კაცი მოდიოდა, — ერთი — მაღალი, გამხდარი, მეორე — მაღალი, მსუქანი...

მებოვვემ ცოცხი მოიმარჯვა და თავისი საქმე განაგრძო.

ვახოს გული დაწყდა — მოსახვევიდან აღარავინ გამოდიოდა. ისევ ის ხალხი შეათვალთვრდა, უყურა, უყურა და უეცრად აფორიაქდა. ვაშლის ჭამა შესწყვიტა, ფეხები მერხვეშ შეაწყობდა და ცოტათი წინ გადაიხარა. ერთ ხანს ხალხს უყურებდა, მერე გაკვირვებით მიმოიხედა. ისევ ზურგივით მიყურდნო მერხს, ახლა უკვე მშვიდად ფიქრობდა — ნეტავ, სად მიდიოდა ის ხალხი, ნეტავ, ერთმანეთის რა იყვნენ, ან რამ შეჰყარა ყველა ერთად? ანდა, ამ ხალხის დანახვამ რატომ იგრძნო რაღაც არჩვეულებრივი, უჩვეულო? ყოველ შემთხვევაში, ნამდვილად აფორიაქდა. რამდენიმე კაცმა ჩაიარა, მერე რა?

ხალხი ბევრგან და მრავალჯერ უნახავს ვახოს... არასოდეს არ უგრძვნია არაფერი, დღეს რა მოეჩვენა?

გურამ დონანაშვილი
შინი მწვანე და



ისევე გაიხედა — მოგრო და ფერადი, ოღროხოლო ნავი შორს, ვიწრო ქუჩაში მიცურავდა. ყოველი ნიჩაბი არათანაბრად, არეულ-დარეულად მოძრაობდა, განსაკუთრებით კი ერთი — ეს იმ ყმაწვილის მოქანავე ხელი იყო...

3

იმ ფანჯრის დარაბა ყოველთვის დაკეტილი იყო, სხვა ფანჯრებიდან შემოსული სინათლეც ჰყოფნიდა ოთახს. ხანდახან, საღამოობით, ათასში ერთხელ, ვახო დარაბას გამოაღებდა ზოლმე და იყურებოდა.

ფანჯრიდან პატარა, დანგრევის პირას მისული აუზი ჩანდა. აუზის შუაგულში ნაჩგრეტებიანი ქვა იდო, რომელსედაც მწვანედ შეღებილი ქალი იჯდა. სამთითი მოემარჯვებინა ცალ ხელში, მეორით ქვას ეყრდნობოდა და თითქოს მღვრიე წყალში იცქირებოდა.

ეს მიტოვებული, ყოველი მხრიდან შემოღობილი კუთხე ერთ დროს საზაფხულო რესტორანს ეკუთვნოდა. რესტორანი ახლაც იყო, ღობის გადაღმა. ვახოს სახლი რომ ააშენეს, ერთი წლის შემდეგ რესტორანი შემოღობეს და პატარა აუზი ბაღს გარეთ დარჩა. ეს ღობე აღარც იყო საჭირო, იქითა მხარეს ყველამ დარაბები ააკრა ფანჯრებს. არავის სიამოვნებდა ხმაიანლეჩილი მომღერლებისა და კლარნეტის ჰყვიტინის მოსმენა. ახლაც, ვახო ფანჯარას რომ გამოაღებდა, მაშინვე რომელიმე სულელური სიმღერა შემოიჭრებოდა ოთახში. ყოველთვის რაღაც ამდაგვარს მღეროდნენ:

ჩემი გული შენ მოგიკლავს, შენ გენაცვალე,
სხვისი ვაგიხარებია, შენ გენაცვალე.

დარჩა აუზი ყველასაგან მიტოვებული, ნახევრადმწყურვალე, წვიმის წყლის ანაბარად დარჩენილი. ერთ დროს კი გამჟვირვალე წყალი პირამდე იყო აუზში, ოქროსფერი თევზები ზანტად და ლამაზად იქნევდნენ ბრჭყვიალა სხეულს; ხერდა ფულს ჰყრიდნენ

აუზში, თითქოს მრგვალი. სამათხოვროდ გაწვდილი პეშვი მიეკოწიწებიანთ მიწაზე. საგულდაგულოდ დაფხვნილი წითელი აგურით იყო მოფენილი იქაურობა; როგორ არ უხდებოდა ეს სულელური პუდრი იმას, ვისაც შეეძლო დალოცვილი ყანა და ვაზი გამოეკვება. წითელი და მწვანე ნათურები აბრჭყვიალებდნენ ქვაზე მშვიდად ჩამომჯდარ, მაგრამ ხელმოღერებულ ქალს. ის საგანგებოდ გაენათებინათ, მაგრამ ქალი მწვანე იყო და მისი სიშვილვე არ იგრძნობოდა.

რაღაცას წააგავდა ეს ქალი, რომელიც კარგ ცნებას; ქანდაკება კი არა, ნივთებიც ყოველთვის ჰკვანან რაღაცას, ოღონდ ხანდახან მიხვედრა ჰქირს ზოლმე.

ეს მწვანე ქალიც საოცრად წააგავდა რაღაცას. ჩაფიქრებული, ქვაზე ფეხებმოკეცილი, დაფიქრებული იცქირებოდა მღვრიე წყალში და სამთითი მოემარჯვებინა. თითქოს რაღაცას ეძებდა, ფიქრობდა რაღაცას. ასეთი იყო იგი ყოველთვის — მაშინაც, როცა საგანგებოდ ანათებდნენ ნათურები და ახლაც, როცა ბაყაყიც კი არ შემორჩა ოქროსფერი თევზების ნაცვლად.

ვახო ათი წლისა იქნებოდა, ეს ღობე რომ ამოაშენეს, მეზობლების დაქინებული საჩივრების მერე. მანამდე დიდ პატივში ჰყავდათ ეს ქალი, მერე კი ასე დარჩა. მაშინ ამ დარაბააქრული ფანჯრისაკენ ხშირად გაურბოდა თვალი ვახოს. ათი წლისა რომ იყო, სარკით მზის სხივს იჭერდა და იმ ქალს ანათებდა თვალებში. სხივი ცელქობდა ქალის სახესა და გლუვ მხრებზე, დამსკდარ საღებავს აჩენდა, პატარა მკერდზე ელამუნებოდა, სამთითში სხლტებოდა, თავაწყვეტილი ეთამამებოდა მთელ მის მწვანე სხეულს, მაგრამ ქალს თავისი საიდუმლო ჰქონდა და დაფიქრებული დასცქეროდა წყალს.

მზის სხივი კი არა, თვით მზეც ვერ შეეცატუნებდა. ცხელ ზაფხულში, როცა ყველაფერი იწვოდა, იგი ისევე მშვიდად მოკალათებულყო გავარგა-

რებულ ქვაზე. უსულო საგნის ამტანობით უმკლავდებოდა სიცხეს, ეს კი იყო — საღებავი გაუხუნა მზემ და კანიც დაუხეტა.

ჩვეულო სიღარბისლით გადიოდა დრო, ერთმანეთს დინჯად მოჰყვებოდა ოთხი გოლიათი... მძიმე ნაბიჯით გადადიოდნენ ისინი მწვანე ქალის თავსა და მხრებზე, სიცივე ამკვრივებდა მის სხეულს, სიცხე დანდობით ემუქრებოდა, მკვდარი ფოთლები შემამფოთებელი მაგალითივით დაფარუბებდნენ მის ირგვლივ და შხაუნა წვიმა როკავდა მის სხეულზე. ასეთი ცხოვრებით ცხოვრობდა იგი, ამ ოთხი გოლიათის დინჯ სვლას მიხედობილი. ჭერჭერობით ვერც ერთმა ვერ დაამარცხა ეს პატარა ქალი — მთებს ეფარებოდა დადილი მზე, მძიმე წვეთები იმსხვრეოდნენ ქალის მხრებზე და მის ფერხთით, გუბეში ცვიოდნენ, თოვლიც დნებოდა. ერთმანეთს აძევებდნენ გოლიათები, ერთ წრედ შეკრულნი, ზურგზე გრძნობდნენ ერთმანეთის ცივ და ცხელ სუნთქვას. მათ დინჯ ქიდილში გადიოდა დრო, ქალს კი საღებავი გაუხუნდა მხოლოდ, ისევე მშვიდად იჯდა ქვაზე.

ერთი, ერთადერთი საიდუმლო იცოდა ამ ქალმა, მაგრამ ძლიერი და დიდმნიშვნელოვანი საიდუმლო. წყალსა და თევზებს არ დასტრიალებდა მისი მზერა, ზაფხულობით, როცა აუზი მშრალი იყო, ისევე ისე იცქირებოდა — რაღაც დიდი საიდუმლო იცოდა ამ მწვანე ქალმა...

„რაებს ვფიქრობ?“

შემკრთალი ვახო ფანჯარას შორდებოდა, ფრთხილად ჯდებოდა ტახტზე. „აღბათ ძალიან დიდი სისულელეა, ამ ქალზე ამდენს რომ ვფიქრობ...“ სიწითლე ერეოდა ვახოს და თავის თავს ტუქსავდა— „როგორ არა გრცხვენია — მსგავსი სისულელე ქართული საესტრადო სიმღერების ტექსტშიაც კი არ თქმულა... დიდი ამბავი, ზის თავისთვის ერთი პატარა, გახუნებული ქანდაკება, მერე რა... გოგომ რომ გაიგოს, რასაც ვფიქრობ, ხომ გადაბეირდა სი-

ცილით... არასოდეს არ უნდა გაიფიქრო ის, რისი თქმაც შეგრცხვება, ამას კი, ამას განა იტყვი სადმე?“

ეს კი ზედმეტი იყო: „ათასი რამის ვაფიქრება შეგიძლია... რა მოხდა, მერე რა, მე რაღაცით მომწონს ის ქალი. რასაც მინდა, იმას ვავიფიქრებ, ფიქრი იმისია, რომ არ ილაპარაკო...“

თითქოს დამშვიდებული, მაგრამ ოდნავ დარცხენილი ვახო ამ დროს ენერჯის საოცარ მოქარბებას გრძნობდა და მაშინვე რაიმე ახირებული ნატვრა მოსდიოდა — მას ახლა უნდოდა, რომ სადმე გაეფანტა ეს ენერჯია, რომ დიდხანს ექროლა ქღარუნა მარხილით თოვლიან ველზე და ალუწილ სახეზე ზამთრის სუსხი ეგრძნო, მერე, ხალხის დანახვაზე, მარხილიდან გადმომხტარიყო, ამ უცხო ხალხში ციბრუტცივით დატრიალებულიყო და მარჯვედ ჩაებუნა, მერე კი, დადილი და ბზრიალისაგან ცოტათი თავგზააბნეული, მარჯვედ დასობილიყო ცალ მუხლზე და ცეკვის დამთავრების ნიშნად ბეწვიანი ქუდი ღონივრად დაებერტყებიანა გაყინულ თოვლზე და მაშინვე მხიარულ შეძახილებთან ერთად გაოფლილ საფეთქლებზე დასტაკებოდა სუსხი.

4

ვახოს კურსზე ორმოცდაათამდე სტუდენტი სწავლობდა. თავდაპირველად ვახო არავის იცნობდა, გოგის გარდა. მერე თანდათანობით დაახლოვდნენ — ერთმანეთის გვერდით ისხდნენ და ლექციებს ისმენდნენ, აუდიტორიებიდან ერთად გამოდიოდნენ, მელანი თუ გამოეღეოდათ, მეზობლებს აგტოკალამს გაუშვებდნენ და ეტყოდნენ: „ცოტა გადმომისხი, რა...“ ზანდაზან კინოთეატრშიც მიდიოდნენ, ასე, ათითხუთმეტი კაცი... მერე გამოცდები მოვიდა და ამ პატარა „გაჭირვებამ“ უფრო გამოაჩინა სტუდენტების ხასიათი, — ვახო ზოგიერთს უფრო დაუახლოვ-

გურამ დონანაშვილი
ზენი მშვანი და

და, ზოგი კი უფრო შეიჯავრა — ერთ-
მა კონსპექტი არ ათხოვა — არა მაქე-
სო, მეორემ — მაქვს, მაგრამ რომ და-
მიკარგო?... მესამემ ათხოვა... ერთმა
გოგომ, თინამ, პირველი გამოცდის წინ
წუწუნი დაიწყო — რა მეშველება, არა-
ფერი არ ვიციო, მაგრამ ხუთიანი გა-
მოიტანა. ვახოს ეგონა, ვაუშართლა და
ერთადერთი ნასწავლი ბილეთი შეხვ-
დაო, მაგრამ მეორე გამოცდაზე ისევე
მოთქვამდა თინა და მიანც ხუთიანი გა-
მოიტანა. მესამე გამოცდაზე უკვე ყვე-
ლა ექვის თვალთ შესცქეროდა თინას,
როცა იძახდა — უპ, ნეტავი ერთი სა-
მიანი მიმალუბინა და მეტი არაფერი
მინდაო... და როცა გამოცდიდან თვალ-
ცრემლიანი გამოვიდა, ყველამ თანაგრ-
ძნობით შეხედა, მაგრამ ჩქარა შეეცვა-
ლათ სახე — თურმე თთხიანი მიეღო
და ამიტომ ტიროდა: რაღა ის ერთად-
ერთი საკითხი შემხვდა, სხვა ყველაფე-
რი ვიცოდით... მოკლედ, ვახომ საშუ-
დამოდ შეიჯავრა ის ქალწული, ავად
თუ კარვად, ყველას დაუახლოვდა, გო-
გის გარდა — იმასთან შეუძლებელი
იყო უფრო მეტად დაახლოვება: საბავშ-
ვო ბაღში ერთად დადიოდნენ, სკოლაც
ერთად დაამთავრეს. გოგი თავიდანვე
კვიმატი ყმაწვილი იყო, სულ ეშმაკო-
ბაზე ეჭირა თვალი. მეხუთე-მეშვიდე
კლასამდე უხდებოდა კიდევაც ცელ-
ქობა, მერე კი ვახოს ცოტათი მოს-
წყინდა მისი გაუთავებელი ოინები...
ახლაც ისეთივე იყო გოგი და იმდენი
მ. წლის განუყრელი ამხანაგობა რომ
ო არა, ვახო ახლოსაც არ გაეკარებოდა,
მაგრამ რა ექნა... გოგი ისევ ისეთი იყო,
ოლონდ უცნაური თავდაპერაც ისწავ-
ლა და ყალბი სიღარბისით გაიღინ-
თა. ეს აშკარად ეტყობოდა, როცა შე-
დარებით უცხო ხალხთან მოხვდებოდა.
ყოველთვის ცდილობდა, რაიმე ჭკვიან-
ნური ეთქვა და ღირსეულად დაეჭირა
თავი, მაგრამ მას მოხარშულს იცნობ-
და ვახო. პირველ კურსზე დაეტყო ეს
ახალი თვისებები გოგის; ვახოს ერთ
ხანს ვახარდა, იქნებ გამოიცვალოსო,
მაგრამ ეს მხოლოდ გარეგნული გარ-

დაქმნა იყო, უცხო თვალის მოსატყუე-
ბელი. ვახოსთან ისევ ისეთი იყო; იცო-
და, არაფერს რომ არ ჰკარგავდა —
საოცრად უყვარდა ვინმეს გამასხარა-
ვება, აბუჩად ავდება, სხვების ნაკლის
ხაზგასმა და ამის შემდეგ თავს „გა-
მარჯვებულად“ გრძნობდა. თავდაჯერ-
ბულს, ყველაფერში ეტყობოდა ხაზ-
გასმული საიმაყე — მაღლიდან დაჰყუ-
რებდა უცნობებს, თეატრალური ექს-
ტით მიჰქონდა ტურნებთან პაპიროსი,
ნელ-ნელა, სვენებ-სვენებით წრუპავდა
გაზიან წყალს და პაუზებში ამაყად
გასცქეროდა გამვლელ-გამომვლელს.
„გამარჯვების“ სიხარული დიდხანს არ
ჰყოფნიდა, ჩქარა ისევ აცეცებდა თვა-
ლებს და სასაცილო შემთხვევებს ეძ-
ებდა. ტროლეიბუსშიც კი არ ჰკარ-
გავდა დროს — აი, ვთქვით დგას გოგი
საფეხურზე, ზედ კართან და უკან
მდგომ კაცს ეუბნება: „ბოდიში, შემ-
დეზე ჩაბრძანდებით, ბატონო?“ გამა-
ტარეთ, თუ შეიძლება...“ კაცი იბნევა:
„კი, მაგრამ...“ და გაკვირვებისაგან ვე-
ლარ ამთავრებს: „მე რას ვიშლით, მე
ხომ თქვენს უკან ვდგავარ...“ გოგი აღ-
ტაცებით შესცქერის მის დაბნეულ სა-
ხეს — ამხნევებს სხვების დაბნეული
სახეების თვალღერება...

იყენენ ისეთებიც, ძალად რომ წამოე-
გებოდნენ გოგის ანკესზე — ტრახახა
სპორტსმენები, მატყუარა ბიჭები და
ამგვარი ხალხი... ერთხელ ვახო და აშ-
კარად მოწყენილი გოგი უნივერსიტე-
ტის ბაღში ისხდნენ, უეცრად მათ
გვერდით, გრძელ მერხზე, ვიღაც ხან-
შიშესული, უცნაურად აცეტებული კა-
ცი დაჯდა და მაშინვე გოგის გამოელა-
პარაკა:

- გავითავდათ, ბიძიებო, ლექცია?
- დიახ, — გამოცოცხლდა გოგი და
კაცი შეათვალღერა.
- რომელ ფაქულტეტზე სწავ-
ლობთ?
- ჩვენ? — ერთ ხანს მოტყუებდა
მოუნდა გოგის, მაგრამ მერე სიმართ-
ლე უთხრა: — ფილოლოგიურზე, მესა-
მე კურსზე.

— ძალიან კარგი, ძალიან, რა სჯობია ფილოლოგიურს, „ცა — ფირუზ, ხმელეთ — ზურაფუხტო, ჩემო სამშობლო მხარეო“.

— ვისია და აკაის! — მიხალა გოგიმ და ვახოს თვალი ჩაუკრა.

— არა, გამოსაცდელად კი არა ვთქვი, — იუარა კაცმა.

— აბა, თქვენ თუ მიხედებით, საიდანაა... — შეტევაზე გადავიდა გოგი — „არა, — ჯიუტად თქვა მან...“

— რა ვიცი, ბიძია... თქვენ რა გიჭირთ, ისწავლით, აბა რა, ნაირნაირი ტანსაცმელი გაცვიათ, მე რომ თქვენი ხნისა ვიყავი, სულ შინელით დავდიოდი, მამაჩემი ღარიბი კაცი იყო.

— სულ შინელით დავდიოდი?

— სულ, მაშ!

— ზაფხულშიც? — შეაპარა გოგიმ — რას მეუბნებით!

— აბა! — არ დაიხია კაცმა — ზაფხულშიაც შინელით დავდიოდი.

— მაისური გეშოვით, არ ჯობდა?

— სად იყო, თვარა კი.

— აჰა! — გოგი მშვენიერ ხასიათზე დადგა — სადაური ბრძანდებით, ბიძია, თქვენ?

— ხიდისთავიდან.

— მჭერა, — უთხრა გოგიმ.

ვახო საყვედურით შესცქეროდა გოგის, თან ის კაციც არ მოსწონდა.

— თუმცა, გაჭირვებაც კარგია ხანდახან, — თვალები მოკუტა კაცმა, — ყველაფერი უნდა გამოსცადო ადამიანი მა.

— ყველაფერი არა, როგორ გეკადრებათ, ზოგიერთი რამე მაინც უხერხულია.

— მე იმაზე არ მოგახსენებ, ყმაწვილო.

— რაზე, ბატონო?

— არა, არაფერი... ცხელა დღეს...

სიჩუმე ჩამოვარდა და გოგიმ, „ტემპი რომ არ შეენელებინა“, სხვათაშორის იკითხა:

— ბოდიში, მამათქვენი კულაკი ხომ არ იყო?

— რა იცი, ბიჭო, შენ? — კინაღამ

გადაირია კაცი. გოგიც დაიბნა ერთ ხანს:

— რა ვიცი, არ ვიცი, ისე ვიკითხე...

— არა, ბიძია, როგორ გეკადრება...

მართლა უცაბედად მკითხე?

— აბა რა, ბატონო.

— ჰოო... ცხელა დღეს...

— აბა?! მისწრება იქნებოდა ახლა ერთი შინელი.

კაცმა დაცინვა იგრძნო და თვალი შეავლო გოგის, მაგრამ იმან ისეთი სერიოზული სახე მიიღო, მომეყურაო, გაიფიქრა კაცმა და ისევ გამხნევდა:

— სინათლე რომ სინათლეა, ისიც არ გეჭონდა. თორმეტზე ვიღვიძებდი, შვიდზე კი ღამდებოდა. დღამდებდა და მერე იჯექი ბნელში და რამდენიც გინდა აპარპალე თვალები.

— ახლა ზოგჯერ დღისითაც ანთია ქუჩაში ნათურები, — მიეშველა გოგი.

— აბა?! მაშინ გეჭონოდა, არ გვერჩია?

— კი მაგრამ დღისით რად გინდოდათ, მზე არ იყო?

— მზე კი იყო, მარა... გვეწვავდა.

— მაწონი უნდა წაგესვით სახეზე, თუმცა... ალბათ, არც მაწონი გქონდათ, არა?

— მაწონი რაღა არ გეჭონდა, — თავმომწონედ განაცხადა კაცმა, — მამაჩემს ასოცი ძროხა ჰყავდა...

გოგიმ ეშმაკურად შესცინა და კაცი დაფაცურდა:

— არა, ბიძია, თავისი კი არ იყო, მწყემსად მუშაობდა.

— აბა, გეწვებოდათ სახე?

— კი.

— ტანიც?

— ტანიც!

— კი, მაგრამ იმისიქე შინელში როგორ ატანდა ის შეჩვენებული მზე! — თავი ველარ შეიკავა გოგიმ და გადაიხარხარა.

— ზულივანი! — ფეხზე წამოდგა კაცი, — არამზადა!

გურამ დოჩინაშვილი
შენი მწვანე და

— ჩვენ რაღა გვეშველება ამ ნეილონის პერანგებში, — ხითხითებდა გოგი — შეგვიცოდე, ბიძია...

— შენზე თუ არ დაწერო, სადაც საჭიროა, იმასაც ნახავ, რა გვარი ხარ?

— მე? — ხითხითებდა გოგი, — მე ვარ სილონ ნეილონაშვილი, ყველაფერს გაფიცებ, თუ არ დაწერო...

პატარა ხნის შემდეგ გოგი ამაყად მიაბიჯებდა სახლისაკენ, გზად გაზეთი იყიდა, ტრამვაიში სერაიოზული სახით ათვალეირებდა განცხადებებს და ვერაინი წარმოიდგენდა, იმ დღეს „დიდი გამარჯვება“ რომ მოიპოვა. რომ ხუთიოდე დღით ეყოფოდა ეს გამარჯვება, ამ სამიოდე დღეს თვითონ აღარ დაუწყებდა სასაცილო შემთხვევებს ძებნას, რადგან ხანდახან დამარცხების სიმწარეც განუცდია—ერთხელ ტროლეიბუსში ჩვეულებისამებრ ვილაცას მიუბრუნდა და ჰკითხა:

— ბოდიში, ხომ არ ჩაბრძანდებით?

ის კაცი მიუხვდა და ასეთი პასუხი გასცა:

— ახლა? სამს უკლია ოცი წუთი...

გოგის ცუდად უგრძნო გულმა, მაგრამ უკან დახევა აღარ შეიძლებოდა:

— არა, ხომ არ ჩაბრძანდებით?

მერე მოხდა, რაც მოხდა, იმ კაცმა ისეთი ღირსეული პასუხი შეაგება:

— ორი და სამი იქნება ხუთი, იქაც შეიდი, თორმეტი, არა, არ ჩავალ.

გოგის დამარცხება... ვილაც-ვილაცების მომღიმარი, დამცინავი სახეები... რაღა ის კაცი შეხვდა... მაინც გაიკეთა გული — „ის კაცი, ალბათ, ნიანგის რედაქციაში მუშაობს და პროფესიონალია...“

ვახო ხვდებოდა გოგის ფუქსავატობის მიზეზს — ეს იყო უწიგნურობა. ანდა სად უნდა წაეკითხა რაიმე, შინაც კი მშვენიერი „გასართობი“ მოეკლინა— გოგის ბებიას სკლეროზი დაემართა. ეს მაშინ დადასტურდა, როცა დედებერმა განაცხადა, „შვილიშვილებში ყველაზე მეტად ჩემი სიმე ვალიყო მიყვარსო. აღტაცებული გოგი ყველაფრით სარგებლობდა, სასაცილო სიტუა-

ცია რომ შეექმნა — შუა ზაფხულში პალტოს აცმევდა, არ გაცივდო, თავისი ძველი ქუდი დაახურა თავზე, უნივერსიტეტში როცა მიდიოდა, ბებიას ეუბნებოდა, პრაქტიკაზე მივიღივარ ორი თვითო. იმავე საღამოს, ნალაზღანდარევი რომ დაბრუნდებოდა შინ, გახანტული ბებია მის დანახვაზე ტაშს შემოკრავდა და მეზობლებს ყვირილით გასძახოდა — „გოგია ჩამევიდაა, გოგია! ჩვენი ბიჭი, ჩვენი ოჯახის ბურჯი...“ გულიანად იცინოდნენ მეზობლები, გოგი თავის დამახურებულ თვლიდა ამას და სწორედ იმ დარბაისლურ გამომეტყველებას იღებდა, ვახო რომ ვერ იტანდა.

ხანდახან საოცარი შურით ივსებოდა — ერთხელ თანაკურსელის დღეობაზე წავიდნენ, გოგიმ პალტოს სარჩულზე ვარსკვლავი ამოაქარგინა ბებიას — ბევრი ხალხი იქნება და პალტო არ დამეკარგოსო. მშვენიერ ხასიათზე იყო, მაგრამ იქ, სუფრაზე, ძალიან გაუფუჭდა გუნება. სტუმრებში ერთი ახალგაზრდა პოეტი ერია და იმას აშკარად უფრო მეტ ყურადღებას აქცევდნენ, ვიდრე გოგის. პოეტს მშვენივრად ეჭირა თავი— მორიდებულად ზუმრობდა, ინტერესით უსმენდა ყველას; ამას კიდევ აიტანდა გოგი, მაგრამ როცა შესვენება გამოაცხადა გოგი-თამაძამ და ტვისტი გაჩაღდა, გაწვიმდა.

წვიმა!

თითქოს რაღაც შეიცვალა ოთახში, რა — კაცმა არ იცოდა. ზოგს ცეკვის იშტა გადაუვიდა, სხვები ისევ ცეკვავდნენ. პოეტმა ასანთს გაჰკრა და სიგარეტს მოუკიდა. ნელი ნაბიჯით მივიდა ფანჯარასთან. გოგი მიხვდა, რომ თვითონ მას შერცხვებოდა ასე თამამად მისვლა ფანჯარასთან და წვიმის ასე დემონსტრაციულად ყურება. ვახომ იცოდა, რომ გოგის ძალიან შურდა... პოეტი კი ფანჯარასთან იდგა, ნესტიანი პაერი იქონთებოდა მისი სიგარეტის კვამლით და სიგარეტიც ისე ფრთხილად ეჭირა ხელში, როგორც გაპიონე-

ბული ჭიქა. რაღაც უცნაური სიფრთხილედ შეეპარა პოეტს... წვიმდა...

გოგომ იმ დღეს ვერ გაბედა ფანჯარასთან მისვლა და მაშინვე სუფრასთან მიიწვია ხალხი.

გოგოების ერთ ნაწილს გოგი ძალიან მოსწონდა. ქუჩაში თვალს მოჰკრავდნენ თუ არა, მაშინვე ეცვლებოდათ სახე, მერე იმნაირად მიესალმებოდნენ, რომ გოგი ყველაფერს ხვდებოდა, მაგრამ ძალიან აღარ უხაროდა — შეეჩვიო. ისე, სიამოვნებდა, რა თქმა უნდა. მთავარი ის კი არ იყო გოგოებისათვის, გოგი ერთ კინომსახიობს ძალიან რომ წააგავდა; როგორ შეიძლებოდა არ მოგწონებოდა ის, ვინც სულ სხვანაირად, ცინიკურად და ამასთანავე მზიარულად აღიქვამდა მოვლენებსა და სავნებს — ამ ცინიზმში გოგონები აშკარა „ძალას“ ხედავდნენ. ჯერ მხოლოდ მისი ჩაცმულობა და მიხრა-მოხრა რად ღირდა! გოგი ცნობილ მკერავთან დავდიოდა — შარვალი ბარძაყებზე მჭიდროდ შემოტმასნოდა, მუხლიდან ასფალტამდე კი ძალიან განიერდებოდა. მდიოდა გოგი ქუჩაში და ნელა, მძიმედ ირწეოდა მისი შარვლის ტოტები. ბერანგი ხაზგასმულად ამოეჩაჩა, სახელებს არასოდეს არ იკრავდა და გოგონებისათვის აშკარა იყო — ძალდაუტანებელი, ხალასი ბიჭი იყო გოგი. ამგვარი ჩაცმულობა გამოუტყდელ თვალს შეიძლება დაუდევრობაში ჩამოერთმია, მაგრამ გოგის ყოველთვის პრაილა, გაკრიალებული ფეხსაცმელი ეცვა — იქვე, მისი სახლიდან ორიოდ ნაბიჯზე, ფეხსაცმლის მწმენდავის ჯიხური იდგა, ამასთანავე, საყელო ისე მაგრამ ჰქონდა შებნეული, სახეზე გულგრილი და ამაყი გამომეტყველება რომ არა, შეგეშინდებოდა (კარგი ადამიანი თუ ხარ) — არ დაიხრჩვესო. ხანდახან მოკლე პალსტუხი ეკიდა კისერზე, ამ დროს უფრო შეგნებულნი გამომეტყველება ჰქონდა. ეს სიამაყე რომ არ შელახულიყო, არასოდეს დაინტერესდებოდა ხოლმე, რაც არ უნდა გაეგონა და დაეჩაჩა.

ისე, სიმართლე რომ ითქვას, ასეთი სტუდენტები იშვიათად სწავლობენ ფილოლოგიურ ფაკულტეტზე, მაგრამ გოგი ამ მხრივაც გამოჩაგლის წარმოადგენდა — განა შეიძლება, ადამიანი ფილოლოგიურზე სწავლობდეს და ნაკითხი არ იყოს? არა, ზოგიერთ საკითხში გოგოები „არ სცდებოდნენ“ — გოგის სავალდებულო ლიტერატურის გარდა წაკითხული ჰქონდა „რობინზონ კრუზო“, ჯეკ ლონდონის ის მოთხრობები, კრივზე რთა, „უთავო მხედარი“, „დეკამერონი“, „ბალთახარ კოსა“, ჰემინგუეის პატარა მოთხრობები და ზოგიერთი ადგილი „დიონისეს ღიმილიდან“. ფეხბურთი ისე ძალიან არ აინტერესებდა და ამიტომაც მოსწონდათ გოგოებს — სხვებს კი არა ჰგავსო. სამაგიეროდ, ძალიან უყვარდა კინოხელოვნება, რა სჯობია სელოვნების ამ დარგს — წახვალ კინოთეატრში, თანაც ლამაზ გოგოსთან ერთად, გადაწვეები სკამზე, მუხლს გაშლი და უყურებ ლამაზ ადამიანებს და ღირსშესანიშნავ ამბავს, ნაყინსაც მიირთმევ და თან ხელოვნების მოყვარულ კაცად ჩაგთვლიან.

ერთი რამ კანონად ჰქონდა გოგის — როგორც არ უნდა მოგეწონოს რაიმე, აღფრთოვანება არ უნდა გამოხატო; ჯერ ერთი, იქნებ არ ვარგა, და გინდაც ვარგოდეს, მით უკეთესი — ესე იგი, უფრო მაღლა დგახარ, უფრო მეტის ღირსი ხარ. ვახოსთან იგი ასეთი არ იყო, რაც პირზე მოადგებოდა, ყველაფერს ამბობდა — ბავშვობის ამხანაგთან აზრი არა აქვს შენიღბვას.

უცნაური ის იყო, ხანდახან ასე თუ ისე ჰქვნიან გოგოებთანაც რომ აბერებდა „საქმის დაქერას“. ამ შემთხვევაში მშვენიერი გარეგნობა ძალიან ეხმარებოდა, თუმცა, რა იცი... ხანდახან ისეთი მშვენიერი მსჯელობა იცოდა...

იმ დღესაც გამოიჩინა თავი: ჯერ ჩვეულებრივი გოგი იყო — ხუმრობდა,

გურამ დოჩანაშვილი
შენი მზვანი და

გამვლელბზე ქილიკობდა და ამით აცინებდა მზიას. ძალიან სასიამოვნო ბიჭად გამოიყურებოდა, მზია მშვენიერ ხასიათზე დადგა და უეცრად გოგომ საშინლად მოიწყინა. ჯერ ვერც შენიშნა მზიამ ეს, მაგრამ ორიოდე წუთში გოგის დანადგლიანება აშკარა გახდა. შემფოთებული გოგონა თანაგრძნობით უყურებდა და ეკითხებოდა:

— რა იყო, გოგი?

— არა, არაფერი.

— მითხარი, მითხარი რა?

რა აღვილი იყო თავისმოკატუნება:

— არა, არაფერი...

ექვიანი აზრები ჩალიჩობდნენ მზიას გონებაში — რა უნდა ყოფილიყო გოგის დაღვრემილობის მიზეზი, თუ არა ვიღაცის სასტიკი უსამართლობა — ის ხომ ისეთი მხიარული და საზრიანი ბიჭი იყო... მზიას უხაროდა, გვერდით რომ მიჰყვებოდა გოგის, — ეს ხომ ნამდვილი მხარდაჰქერა იყო, ნამდვილი ვაჟკაცობა. თავისი თავით აღფრთოვანდა მზია, თითქოს ღონეც მოემატა, რწმენაც:

— გოგი, ვინ გაწყენინა?

— არა, აქ ადამიანზე არ არის საქმე. სულ სხვა რამეა...

— რა? მითხარი გოგი, მითხარი.

— ეჰ, გაგვიტყვი... — ნაღველი ბეუტავდა ხმაში.

— არ გამეცინება, რა არის სასაცილო?

— შენ ხომ ჯერ არ იცი.

„მართლა, მე ხომ ჯერ არ ვიცი?“ — მითხარი რა, გოგი, რაშია საქმე?

— ენა, — ამბობდა დამწუხრებული გოგი, — ჩვენი ენა.

— რა ენა?

— ჩვენი, ქართული...

მზია ცდილობდა, სასწრაფოდ გარკვეულიყო, მაგრამ არაფერი გამოდიოდა. გოგი ერთხანს იცდიდა, მერე დამაჯერებლად იწყებდა (სჯეროდა კიდევ იმ წუთში, რომ მართლა აწუხებდა ეს საკითხი):

— ეჰ, რომ იცოდე, რა ცუდ დღეშია ჩვენი ენა. იცი, რა ძნელია რომელიმე

სხვა ენიდან ქართულზე თარგმნა? ილიომები არ გვაქვს...

მზია თანაგრძნობით შეჰყურებდა.

— აი, მაგალითად, რუსულში არსებობს შესანიშნავი გამოთქმა: круглая сирота, რაც უღედმამოს ნიშნავს. ქართულში კი მრგვალ ობოლს ვერ იტყვი, არადა, ობოლი რომ თქვა, ვერავინ გაიგებს, მართო მამა არა ჰყავს ადამიანს, თუ დედ-მამა... ბევრი მსგავსი მაგალითის მოტანა შეიძლება.

— მართლა, ხომ იცი... — ეთანხმებოდა მზია და ძალიან სწყიდებოდა გული: — რა კარგი იქნებოდა, ქართულში უღედმამოს აღმნიშვნელი სიტყვა რომ მოიბოგებოდა.

— კარგი იქნებოდა, რა თქმა უნდა, ეჰ.

მზია გამომცდელად აცქერდებოდა, გოგი კი ვითომ ვერ ამჩნევდა ამას და თან ძალიან აინტერესებდა, რას ჰკითხავდა გოგო.

— გოგი, შენ თარგმნი?

— არა, — ისეთი დიმილით პასუხობდა, მზიასათვის აშკარა იყო — „თარგმნის, აშკარად თარგმნის!“

ალერსიანად შესცქეროდა გოგის — ღამით, როცა სხვებს სძინავთ, იგი მუშაობს... როცა ადამიანის ჰაჰანება არ არის ჭუნებში და ყველა ფანჯარა ჩაბნელებულია, იგი ზის და გონებრივად მუშაობს, თანაც (მზიამ ახელ-დახედა)... როგორი თანამედროვეა...

გენიალურია, როცა ბიჭი კარგი გარეგნობისაა, ჰკვიანიცაა და როცა მასთან ძალიან საინტერესოდ გადის დრო. ხომ ასეა, გოგოებო?

5

ნელა მიჩაქჩაქებდა ტრამვი, ვახო ფანჯარასთან იჯდა და ქუჩას გასცქეროდა. დასაჯდომი ადვილი აღარ იყო, რამდენიმე ახალგაზრდა ფეხზე იდგა. ვახო ლევანთან მიდიოდა, ძალიან მოენატრა ლევანი. ფანჯარაში თავი გაეყო და ნიავი სიამოვნებდა. როგორც იქნა, აგრილდა. მთელი ზაფხული საშინლად ცხელოდა, დარაბებს კეტავდ-

ნენ და ასე ინახავდნენ ღამის შემორჩენილ სივრცეებს. მაინც ცხელოდა, არაფრის თავი აღარ ჰქონდა ვახოს. შვიდი საათისათვის ცოტათი ავირდებოდა ხოლმე, მეზობლები შვებას გრძნობდნენ და უმიზეზოდ უღიმოდნენ ერთმანეთს.

შემოდგომა დადგა და საგრძნობლად ავირდდა, მაგრამ ნაშუადღევს მაინც ცხელოდა. ესეც არ იყო, ვახომ ბევრი იარაღი დღეს — დეიდა ახალ ბინაში გადავიდა და ეხმარებოდა. მიწივით დიდი წვეულება გამართა და მასაც დაეინებოთ სთხოვა დარჩენა, მაგრამ ვახოს არ უნდოდა იქ ყოფნა. რატომღაც ცუდ ხასიათზე დადგა, გახარებული მიწივოს შემყურე. მერე ლევანი მოენატრა და გზაც აღარ ეშორებოდა — ძალიან სიამოვნებდა ჯდომა და გრილი ნიავი. ფეხები უბეჭოდა — მთელი ზაფხული არ უფარჯიშია და სიცხისაგან მოთენთილი სულ შინ იჯდა, დღეს კი ბევრი იარაღი ფეხებზე სტკიოდა. მთელი დღე მუშებს დაჰყვებოდა — დეიდას ძალიან ეშინოდა, გაუფრთხილებლობით რაიმე არ გაეფუჭებინათ მტკირთავეებს და დის შვილს ზედამხედველობა დაევალა. ვახო ერთ ხანს თვალყურს ადევნებდა მათ მუშაობას. ისინი შუახნის კაცები იყვნენ და ვახოს თავისი უმოქმედობისა შერცხვდა. მერე მოეხმარა მათ და საკამები და წვრილი-წვრილი ნივთები თეთონი აიტანა კიბეზე, თუმცა ეს, რა თქმა უნდა, არ ევალებოდა. დაიღალა, საპაიეიროდ აღარ რცხვენოდა. თავისუფლად გრძნობდა თავს, მხოლოდ ფეხები ეტკინა, ეს იყო და ეს. ცოტათი მოსწონდა კიდევ ეს ტყვილი, რადგან ახლა იჯდა და დიდად სიამოვნებდა, რომ ისვენებდა.

ტრამვაიში მოხუცი ქალი ამოვიდა. ადგილები შეათვალეირა და ამკარად შეეტყო, გული რომ დასწყდა. პატარა საფულე გახსნა, ცოტა ხანს თითები აფათურა და ბილეთი აიღო. მაგრად ჩასკიდა სახელურს თითები.

მოხუცი იღვა და არავის უყურებდა. ვახო შეიშმუნა. იგი საკმაოდ შორს

იჯდა ქალისაგან. წესით იმ ახალგაზრდებს უნდა დაეთმოთ მოხუცისათვის ადგილი, იქვე რომ ისხდნენ, მაგრამ ისინი ფანჯარაში იყურებოდნენ და ნაღდად ეტყობოდათ, იმ ქალის შემინევა რომ არ უნდოდათ. ვახო ერთ ხანს მაინც იცდიდა — ეუხერხულებოდა, იმ ახალგაზრდებისათვის რომ დაესწრო. მერე, როცა საბოლოოდ დარწმუნდა, ადგილის დათმობას არავინ არ აპირებდა, ფეხზე წამოდგა და მოხუცს უთხრა:

— დაბრძანდით, ქალბატონო.

— გმადლობთ, შვილო...

ვახო ფეხზე იღვა და რატომღაც რცხვენოდა. ალბათ, ეუხერხულებოდა, სხვებს რომ დაასწრო. კიდევ კარგი, რომ ამ უხერხულობას საოცრად დამამშვიდებელი გრძნობა ახლდა — სიმართლე საკუთარ თავთან... და კიდევ პატარა სიკეთის სიხარული...

პატარა სიკეთე... დიდი ხნის წინათ გაჩენილი, ძალიან პატარა სიკეთე...

ბავშვობაში ძალიან სძულდა წვნიანი. დედა ღრმა თეფშით მიუტანდა ხოლმე ბოსტნეულის წვნიანს და ეუბნებოდა — „აბა, ჩქარა“... ვახომ იცოდა, რომ იმ ღრმა თეფშის ფსკერზე გოგო და ბიჭი ეხატა. „ჩქარა, ვახო, თორემ დაიხრჩვებიან“, ეუბნებოდა დედა. პასუხისმგებლობას აყოლილი ბავშვი სასწრაფოდ ყლაპავდა უგემურ სითხეს და გაკრეცილი ნახატის დანახვზე გულმოკცემული იღიმებოდა. „ოო, ყოჩაღ“, ეუბნებოდა დედა. გოგო-ბიჭს ხელი ჩაეკიდათ ერთმანეთისათვის და დიდი ბუშტები ეკავათ. „ხედავ, არ დაიხრჩვენ“, — უღიმოდა დედა და ძალიან უხაროდა ვახოს...

მაშინ ძალიან უჭირდა ხალხს, ომი იყო. ვახო დაბადებულიც არ იყო, მამის დაღუპვის ცნობა რომ მიიღო დედამ... მძიმე, უსათამაშოებო ბავშვობა... სათაყვანებელი ჭინჭის ბურთი — დაბადების დღეს... უცნაურად დანაღვლიანებული ხალხი... დედების სევდა,

ვახა ღონანაშვილი
 შინი მყვანი და

მამების სევდა, ძმების, დების, ამხანაგების სევდა და შიში...

მერე — ნამდვილი სათამაშოები და დაბურული, იმედიანი ზღაპრები — ხავსმოღებულები სამყარო... კეთილი და გაიძვერა ცხოველები, წყლის ლამაზი ქალების გამჭვირვალე სხეულები და ოქროსფერი, ტალღად ჩამოშლილი თმა, ნაბოლარა შვილები, შეყვარებული მეფეები და ვეზირები, გზასაცდენილი მონადირეები და დაღმეკილი მკითხავები, ბრიყვი დევები და მოტაცებული მზეთუნახავები, სრა-სასახლეები და ამაყად გაჯგიმული ბროლის კოშკები, ცისკენ დამიზნებული ისარივით რომ ამოეზიდა კლდეს...

მერე — ახლადშეღებილი მერხების მკვეთრი და მიმზიდველი სუნი, შემამფოთებელი და საზეიმო — პირველი სექტემბერი...

უცნაური მწვანე ქალი, მშვიდი და გამძლე...

მერე — ძაღვანი, ახირებული ექვები... უამრავი საიდუმლო, რომელსაც ჯიუტად ებრძვის ბავშვის გონება... ყოველდღე რომელიდაც ახალი საიდუმლოს ამოხსნა, მაგრამ ახალი ექვები, უფრო მძიმე და შემამფოთებელი... დროადრო ლახტი და თავაწყვეტილი სირბილი... თითქმის ყოველდღე მეორდება ძალაუნებური არჩევანი ორ მაცთუნებელ სიამოვნებას შორის, მათგან ერთი სიკეთეა, მეორე — რაღაც სხვა... შინ მარტოდ დარჩენილი ბავშვი და სამსახურში წასული დედა, რომელიც სახლში მეთვალყურედ ბავშვის უფროს დას სტოვებს — ის სიკეთეა... ჩემი, ხმისამოუღებელი და, ხელიხელჩაკიდებულს რომ დაჰყავს ბავშვი... ანცი და მოუსვენარი ბებუნა, რომელსაც ასე ძალიან უნდა ცელქობა... დაღლილი და გაოფლილი, ისევე უბრუნდება დის გრილ, პატარა, მშვიდ ხელს... არავითარი საყვედური, „არ გააფუჭო, იკითხე... იფიქრე...“

მეთექვსმეტე წელი, მივიწყებული დარაბა, უცნაური სევდა...

დედა, მაღალი და გამხდარი, ნაზი

ქალი, შუალამისას გამოდიოდა საერთო სამზარეულოდან, თვალდახუჭულ ვახოს გადახედავდა, და ისე იყო დაღლილი, ტანსაცმლის ვასახდელად ღონე აღარ ჰყოფნიდა, ზუთიოდე წუთით სკამზე ჩამოჯდებოდა ხოლმე. ვახომდე აღწევდა მისი მორიდებული ოხვრა და თითქოს დამნაშავედ გრძნობდა თავს... ორივემ იცოდა, რომ ჩქარა დაკვრას დაიწყებდა მათი მეზობელი, შუახნის მამაკაცი. ის კაცი კი იცდიდა, სანამ ყველა ნათურა ჩაქრებოდა სამსართულიან სახლში, მერე მაინც იცდიდა კიდევ ათიოდე წუთს და ბოლოს სახლიდან გამოჰქონდა გიტარა და ნაძვის ხის ქვეშ, მიწაზე ჯდებოდა; ხეს ზურგივით ეყრდნობოდა და ჩუმად აწყობდა ინსტრუმენტს. ისმოდა პირველი ბეგრები და მანამდე უმოძრაო, დამძიმებული პაერი რხევას იწყებდა. ბეგრები თრთოლვით მიიწეოდნენ მაღლა, ღია ფანჯრებიდან მიცოცავდნენ ჩაბნელებულ ოთახებში, უსინათლოს თითებივით ეპოტინებოდნენ საგნებს, ფათურით პოულობდნენ მთვლემარე ადამიანებს და მძიმედ იღვრებოდნენ მთელ სხეულში.

დედა ყურს უგდებდა იმ კაცს და ისევე აკვირებდა სიმღერის ნაცნობი, ახირებული ტექსტი, სადაც ხშირად მეორედებოდა სიტყვები: „წახვედი“, „რატომ“, „მოდი“...

ეს იყო სიმღერა უიღბლო სიყვარულზე, მაგრამ დედა თავს ძალას ატანდა და არ იგონებდა იმას. რაც გულს მოუჟღავნდა და ამიტომ იხსენებდა შედარებით პატარა, სულში უთავბოლოდ მოხეტიალე სევდას — დედას ახსენდებოდა თავისი მიტოვებული, გვერდზე გადახრილი სახლი სოფელში და ცუდი ბალახით დაფარული ეზო, ახსენდებოდა მსხლის უბრალო ხეები და დიდი, ხავსით დაფარული ლოდები, სახლსუკან რომ ეყარნენ. ახსენდებოდა მიმქრალი, მთვლემარე ნაკვერჩხლებით სავსე ძველებური უთო და ახლადგამოჩეკილი წიწილების სითბო ლოყაზე...

იგი დგებოდა და ფრთხილად, ფეხის-

წვერებზე მიდიოდა ვახოსთან. ყურად-
ღებით დასქებოდა თვალდახუჭულ,
თითქოსდა მძინარე, გატრუნულ ვახოს.

— გძინავს, შვილო?

ვახო ზმას არ იღებდა.

— დაიძინე, შვილო... გააჭირა საქმე.
კაცი ისევ უჭრავდა.

მეჩვიდმეტე წელი... ისევ „იკითხე...
იფიქრე...“ და უეცრად მესამე, ყვე-
ლაზე ძლიერი, ბავშვობისდროინდელი
ცნება: „იოცნებე!“

მაშინ თექვსმეტი წლისა იყო ვახო.
ერთი შორეული ნათესავი მოვიდა მათ-
თან, პაპიროსი გააბოლა და საფერფ-
ლე ითხოვა. ვახომ ნიჟარა მიუტანა, სა-
ფერფლედ ხმარობდნენ. კაცმა გაუღი-
მა:

— ვანა ეს საფერფლეა?

— დიახ, როგორ არა, — გაუკვირ-
და.

— საფერფლე, დიახ, როგორ არა, —
ხუმრობით გამოაჯავრა კაცმა, — აბა,
ყურთან მიიტანე.

ვახომ იცოდა, ნიჟარიდან გუგუნი
რომ ისმოდა. ათასჯერ ჰქონდა გავო-
ნილი და წაკითხული. კაცი ღიმილით
შესცქეროდა და მანაც გაუბედავად
მიიტანა ყურთან ნიჟარა. ნაცნობი გუ-
გუნი შემოესმა.

— ვესმის? — ჰკითხა კაცმა.

— დიახ.

— ეგ საფერფლე კი არა, ზღვის მო-
ციქულია, — გაუღიმა კაცმა, — ეგ ზღვის
ამბებს ჰყვება, შენზეა დამოკიდებული,
როგორ ამბავს მოისმენ.

ვახო დაიბნა, ერთი სული ჰქონდა,
როდის წავიდოდა სტუმარი. სიხარუ-
ლით გააცილა, შინ დაბრუნება ეჩქარე-
ბოდა, მაინც წელა, გაუბედავად ამოი-
რა კიბე.

ფრთხილად აიღო ხელში ნიჟარა, ემ-
სუბუქა, არ გამოვიარდესო, ვაიფიქრა,
წელა მიიტანა ყურთან. ერთგული გუ-
გუნი შემოესმა, რა უნდა ეამბნა ნი-
ჟარას?

მაშინ თექვსმეტი წლისა იყო ვახო,
ნანახი ჰქონდა ზღვა; მოყოლით არა-
ფერი მოუყოლია ნიჟარას, ოღონდ ნაც-

ნობი სურათი წარმოუდგა ვახოს —
ტალღები, ნიჟარა, ზღვა... ნიჟარას უს-
მენდა ვახო... ზღვის იღუმალი, ჩუმი
გუგუნი მძიმედ იღვრებოდა ნიჟარიდან
და რაღაც შორეულ, გამოუცნობ ამ-
ბავს ჰყვებოდა ზღვა... რა უნდა ეამბნა,
თექვსმეტი წლისა იყო მაშინ ვახო...

...პატარა ბიჭმა ყურძნის წვენი და-
ლია. მერე ნაპირთან მიიბრინა, ხელი
მოიქნია და ცარიელი ბოთლი ზღვაში
გადაავდო. დინებამ ძალიან შორს წაი-
ღო იგი, ბოთლმა იცურა, იცურა, ბარ-
ბაცით გადაიარა ბევრი ტალღა და...

მშვენიერმა გოგომ თავი მოაცილა
კარგი ბიჭის მკერდს და მოულოდნე-
ლობისაგან შეჰკვილა. ბოროტი კაცი
წელა უახლოვდებოდა მათ და ბრაზი-
ანად იღიმებოდა. ბნელოდა, ისინი
ზღვის ნაპირთან აღვნიენ და გახევებულ-
ნი შესცქეროდნენ ბოროტ კაცს, ის კი
ღვარძლიანად იღიმებოდა და თან ჩა-
სისხლიანებულ თვალებს აბრალებდა.
მშვენიერმა გოგონამ ერთი კი ამოიოხ-
რა და იქვე ჩაიკეცა. ბოროტი კაცი კი
ისევ მოდიოდა და თან სახელოებს არ-
ხეინად იკაბიწებდა, რადგან ღონიერი
იყო და ადვილად მოგუდავდა ვაჟს. ვა-
ჟი უმოძრაოდ იდგა და უხმოდ ელო-
დებოდა სიკვდილს. უკვე ყველაფერზე
ჩაქნეული ჰქონდა ხელი, რადგან ქვაც
კი არ ეგდო სილიან ნაპირზე, ხელში
რომ აეღო და თავი დაეცვა. და ასე უი-
მედოდ იდგა ხელმბრამოყრილი ვაჟი,
როცა ქუსლზე ტალღასთან ერთად რა-
ღაცის შეხება იგრძნო. დაიხუდა და...
რას ხედავს — ბოთლი! სწრაფად დაი-
ხარა, მაგრად ჩაბლუჯა ხელში. ბოროტი
კაცი შეჩერდა; ის უკვე ძალიან ახლოს
იდგა ქაბუკთან და, შეშინებული,
ბოთლს მიჩერებოდა. გულმოცემულმა
ვაჟმა თავს შემოთ შემართა ხელი და
დაუყვირა — „აბა, წაეთრიე!“ ბო-
როტი, ღონიერი და მშინარა კაცი
იქითკენ წალასლასდა, საიდანაც მოვი-
და, მიდიოდა თან ბრაზისაგან ზღუქუ-

გურამ დონანაშვილი
შენი მზვანი და

ნებდა, ვაჟმა კი პეშვით ამოიღო ზღვის ლურჯი წყალი და ლამაზ სახეზე დაასხა გოგონას. გოგონა გამოფხიზლდა და გაუღიმა. შორს, ზღვაში, უკვე ჩანდა თეთრი ნავი, მათ წასაყვანად რომ მოდიოდა... ნავში ჰაბუკისა და გოგონას მეგობრები ისხდნენ. ისინი ჩქარობდნენ და მთვარის შუქზე ლაპატებდა სველი ნიჩბები და წვეთები ბრჭყვიალა მიძიებებით ცვიოდა ნიჩნებიდან. თეთრი ნავი ნაპირს მოადგა, ვაჟი და გოგონა მეგობრების გვერდით დასხდნენ. მთვარე განათებულ ზოლს ტოვებდა ზღვაზე და ამ ოქროსფერ გზაზე მიცურავდა ნავი... და როცა ნავი თვალს მიეფარა, ღრუბლებში დაიმალა მთვარეც და ძალიან დაბნელდა, არ ჩანდა აღარაფერი, უზარმაზარი ზღვაც კი. ისმოდა მხოლოდ ზღვის იღუმალი, ჩუმი გუგუნნი და წყნარი ტალღები ჩუმი შხულოთ აწყდებოდნენ ნაპირს და...

...და ნიუარიდანაც სწორედ ასეთი ხმაური გამოდიოდა, თექვსმეტი წლისა იყო მაშინ ვახო... ყოველთვის არ შეეძლო ნიუარის მოსმენა, ხანდახან... რცხვენოდა.

მეთვრამეტე წელი... შეცდომების, ნაჩქარევი დასკვნების ასაკი, ხანდახან ყველაფერში ეჭვი გეპარება... მივიწყებული მიწვანე ქალი... მობეზრებული ძველი ნივთები... მაგრამ ნიუარა ყოველთვის გუგუნებდა, მაშინაც კი, როცა არავინ უგდებდა ყურს. იშვიათად ესმოდა ეს გუგუნნი ვახოს, იგი სწავლობდა, კითხულობდა, კინოთეატრებში და სტადიონზე დადიოდა, მაგრამ ხანდახან, როცა რაღაც იღუმალი უნდებოდა... — მოგუგუნე ნიუარა... ერთგული ნივთი... რაღაც შორეულზე ჩურჩულებდა ზღვა... წყალი თბილი და გამჭვირვალე იყო. მზის სხივები ტივტივებდა ზღვაზე და, ტალღის მოძრაობას აყოლილი, კაშკაშით იწილევბოდა. წყალი გამჭვირვალე იყო, სხივები! ფსკერამდე აღწევდა... ფსკერზე ზღვის სამკაული — მარგალიტები ეყარა და ალაგ-ალაგ ლამაზად ბეუტავდა ფსკერი. მარად მთვლემარე წყალმცე-

ნარეები საჩრდილობელივით ირხეოდნენ მარგალიტებზე. სხივები ფსკერამდე აღწევდნენ, პოულობდნენ ზღვის სამკაულს და, მისი სილამაზით დარეტიანებულები ბარბაცით ამოდიოდნენ ზღვის ზედაპირზე. ასეთი თბილი და გამჭვირვალე მაშინ ზნებოდა წყალი, როცა კარგ ხასიათზე იყო ზღვა. ხანდახან კი, როცა მოიწყენდა, წყალი იმღვროდა და ვერავინ იფიქრებდა, ასეთი ლამაზი სამკაულები თუ ელაგა ფსკერზე. მაგრამ ერთხელ საიდანღაც დიდი გემი მოვიდა და მისი მძიმე ჩრდილი ყველაზე ლამაზ მარგალიტებს გადაეფარა. გემიდან ნაევები ჩამოუშვეს, მყვინთავები ხტებოდნენ წყალში, მიცურავდნენ ქვევით, ფსკერისაკენ და მარგალიტებს პოულობდნენ. მათი პატრონები გახარებულნი იდგნენ ზევით, გემბანზე და, კმაყოფილნი, ნაევებს დასცქეროდნენ. მყვინთავები დიდიდანვე იწყებდნენ. ზღვის ძარცვას—ღრმად შეისუნთქავდნენ ჰაერს, წყალში ხტებოდნენ და კარგახანს აღარ ჩანდნენ. მერე ნავის შორიახლოს ამოჰყოფდნენ ხოლმე თავს, ხარბად ისუნთქავდნენ ჰაერს და ნავში მარგალიტებს ავდებდნენ. ჩქარა ისევ უჩინარდებოდნენ და მათი მსუნავი პატრონები მოუთმენლად უცდიდნენ ახალი მარგალიტების გამოჩენას. ნავი კი ოდნავ ირწყვოდა გამჭვირვალე წყალზე, რადგან გაძარცვული და გაბრაზებული ზღვა თავს იკატუნებდა. ნაევები ივსებოდა, მერე ივსებოდა ტომრები და ნელა, ძალიან ნელა ივსებოდა გემის ბნელი სათავსოები, სადაც მარგალიტებს აგროვებდნენ. და როცა გახარებული ადამიანები გემბანზე შეიკრიბნენ და მილიდან შავი ბოლი ამოვიდა, ზღვა ისევ წყნარად ჩურჩულებდა რაღაცას თავისთვის და ადამიანები კმაყოფილი სახით ათვალეირებდნენ ცას. მზე კი აცხუნებდა, წყალი ორთქლდებოდა და, ყველასათვის შეუჩინველად, ღრუბლებად იქცეოდა ცისკენ აწვდილი ზღვის უჩინარი ხელები. ასე იცურა გემმა ორ დღეს, მესამე დღეს კი უფრო ხმამალა აბუტბუტდა ზღვა, მისი

ზელები დიდ მუშტებზედ შეიკრა ცაში და ადამიანები შიშით შესცქეროდნენ ჩაშვებულ ღრუბლებს და მილიდან ამოსული ბოლი აღარც ჩანდა, ისე ბნელოდა. და უცებ განათდა... ყველაფერი განათდა — შეშინებული ადამიანების მოღრეცალი სახეები, დაჰიმული აფრა, კასრები და ზარბაზნებიც განათდა და ისიც დაინახეს ადამიანებმა, როგორ ჩესო ზღვაში დაკლავნილი ელვა და სამაგიეროდ, როგორ აიზიდა უშეღებელი ტალღა და ადამიანები აყვირდნენ... მაგრამ მათი ხმა არ ისმოდა, რადგან ყველაზე მეტად გაჰყვიროდა ზღვა. ტალღამ ჩაბლუჯა გემი, მოიქნია და დიდ კლდეს შეანარცხა, მარგალიტები მიმოიფანტა და ზღვის ფსკერზე, სადაც არასოდეს არ დეღავს, საოცრად ლამაზად, მარგალიტებით წვიმდა. ზემოთ კი ზღვა ისევ შფოთავდა და ტალღები ერთმანეთს სტყორცნიდნენ გემის ნაფოტებს. შურისძიების სიმღერას გაჰყვიროდა ზღვა, მერე ცოტათი დაწყნარდა, მაინც ბორავდა; მერე, როგორც იქნა, საბოლოოდ დამშვიდდა და ნაპირზე ზიზლით გადმოაფურთხა მარგალიტის მამიებელთა გაბერაობა სხეულები...

წყალი ისევ სუფთა და გამჟვირვალე გახდა, მზის სხივები ფსკერამდე აღწევდა, პოულობდა ზღვის სამკაულს, მათი სილამაზით დარეტიანებული, რხევითა და ბარბაცით უბრუნდებოდა ზედაპირს და იქ კაშკაშით იწელებოდა. წყალი ბრჭყვიალებდა და, თითქოს არაფერი მომხდარიყოს, ზღვა ისევ რაღაცას ჩურჩულებდა თავისთვის, რაღაც საოცრად იდუმალი ამბავი ისმოდა ზღვის გუფუნში და...

და ნიჟარიდანაც სწორედ ასეთი გუფუნით იღვრებოდა, ჩვიდმეტი წლისა იყო მაშინ ვახო...

მერე უნივერსიტეტი, ლექციები, გამოკითხვა... მეცადინეობა, კითხვა.

კითხვა... წიგნის ფურცლებიდან შენს არსებაში გადმოსული, გაცოცხლებული ხალხი, დიდი ადამიანების გონებითა და ხელით შექმნილი... უაღრესად

საინტერესო ადამიანების მთელი არმია, რომელსაც წინ მიუძღოდა ხმალომოწვდილი, გაძვალტყავებული იდაღო, სიკეთისა და სიმართლის მაძიებელი და დიდებული მოლაპარაკე...

ჩუმი ალტაცებით გადაკითხული დიდი და უძლეველი წიგნები, საიდანაც ზოგიერთი ადგილი სამუდამოდ ჩაიბეჭდა ვახოს მენსიერებაში — მრავალტანჯული იდაღოს მიერ ოქროს ხანის განხსენება და კუბრინი ტბის რინდის თავგადასავალი... რუსი თავადის ქალიშვილი გლეხებში ინსტიქტით ცეკვავს... ახალგაზრდა კაცი გამოქვაბულში შეყუყულა და სიმარტოვით ტკბება... ჯუნგლებში გატარებული უცნაური მეჩვიდმეტე ვაზაფხული და „თეთროქეება დელემა“... ძლიერი ქესტების მქონე კაცით ალტაცებული ახალგაზრდა — ავადმყოფი ბურჯუა და შემაშფოთებელი კარის ჭახუნია... დიდებული ანდერძი კაცისა, ვინც იცოდა მეგობრობის ფასი... ბუნების წიაღში გასული მეძავეები, ხარბად რომ ისუნთქავენ სუფთა ჰაერს... შურის საძიებლად ამხედრებული, მიხეტიალე სამურაი... მხედართმთავარყოფილი, უბოროტესი კაცი, რომელსაც უცნაურად მოუწნდა სიკეთე და ამისათვის წიხლებით სცემენ... უღრტინველი ქალი, რომელიც საოცრად სწორად ცხოვრობს... სილაში... სეირის მოყვარული ხალხის ორომტრიალში მუხლმოყრილი ახალგაზრდა ბოროტმოქმედი, რომელიც ატალახებულ მიწას კოცნის... დასაქცივი სახლის გაბზარული კედელი, რომელშიც მთვარე მოსჩანს, და ყოველივე ამის ანარეკლი მდორე, უსიცოცხლო მდინარეში... გულგაუტეხელი, ყოჩაღი ჯარისკაცი მშვიდად ელაზღანდარება ექიმებს... ორი მომღერლის თავდავოწყებული შეჯიბრი და მათი უცნაური მსაჯული, მოღუშული კაცი... თემიდან გამევეებული, გულდაკრული, ვაჟკაცი, რომელიც კაცთმოყვარეობის დიდ სა-

გურამ დოჩანაშვილი
შენი მწიგნობარი

იღუმლოს მიხვდა... ჩასუქებული, მო-
ემშაკო ხეპრიკუნა „კუნძულს“ განა-
გებს... ისევ მრავალტანჯული იდაღო,
გასაოცარი ენაწყლიანობით ერთმანეთს
რომ აღარებს გონებრივ მუშაობასა და
სამხედრო ხელოვნებას და თავდავიწყ-
ებით რომ მსჯელობს სიკეთეზე...

უცნაური მწვანე ქალი, ხელმეორედ
შენიშნული; ბავშვობისდროინდელი,
დაბზარული ქანდაკება...

მერე ყოვლისშემძლე ფირფიტა —
„პასაჟალია...“ უცნაური აზრები მოს-
დიოდა ვახოს, როდესაც ბახს უსმენდა.
იგი მიდიოდა ფანჯარასთან და გამჭვირ-
ვალე ფარდის მიღმა ქუჩაში იყურებო-
და. ზურგსუკან ისმოდა საოცარი, ერთ-
მანეთში შერეული, რამდენიმე ურთუ-
ლესი მუსიკალური აზრი, მაინც ყველა-
ფერი ეს იყო იმ ერთადერთი დიდი
ცხოვრების ხმა, რომელსაც ახლა იგი
ქუჩაში ხედავდა. ყოველი ადამიანის
დანახვაზე უფრო მკაფიოდ იგრძნობო-
და, რომ თვალწინ და ზურგსუკან ორი
სიცოცხლე, ერთი — უბრალო და
ჩვეულებრივი, ქუჩის პირობებში გა-
მარტივებული სიცოცხლე, რომელიც
ნახევრადცარიელ ტრამვაიში და ფორ-
თიხლის გამყიდველთან გაჩენილ რიგ-
შიაც კი იგრძნობოდა, ხოლო მეორე —
დიდი ხნის წინათ ვარდასული სიცოცხ-
ლის ხმა. მაღლიანი, მტკიცე და უკვდა-
ვი მაჯისცემა ყველაზე უფრო ღრმად
მოაზროვნე ადამიანისა... და ის, ვინც
ფანჯარასთან იდგა, საოცარ სიმძიმესა
და ალტაცებასთან ერთად დიდ პასუ-
ხისმგებლობასაც გრძნობდა.

— დაბრძანდით, ქალბატონო...

მძიმედ, ნელა მიხრბინებდა ტრამ-
ვაი.

6

დილით ადრე უნდა გაიღვიძოს, ლე-
ვანს მიჰყვება მივიღინებამი ორიოდ
დღით. ექვს საათზე თუ ვერ მოასწრო
სახლიდან გასვლა, ავტობუსსზე დააგვი-
ანდება. ერთი-ორჯერ კი მოუხნდა გა-
მოღვიძება, მაგრამ ბურანშივე დაიშვი-
და თავი — „ჯერ ადრეა... ადრეა

ჯერ“... მერე თითქოს კარგახანს ეძინა
და შემფოთებული წამოჯდა, საათი ქუ-
ჩიდან შემოპარულ სუსტ სინათლეს
შეუშვირა და დამშვიდდა — ათი წუთი
აკვდა ოთხს. ახლა აღარ ღირდა დამი-
ნება, ძლივს ერეოდა დამძიმებულ ქუ-
თუთოებს და თვალს მაინც არ ხუჭავ-
და. დრო ნელა, ძალიან ნელა გადიო-
და. ვაზო დამაბული იწვა და ჯითუტად,
მაგრამ ზანტად იმეორებდა: „არ დავი-
ძინო, არ დავიძინო...“ კარგახანს ებრ-
ძოდა თავს... მერე უეცრად ჩასთვლიმა,
გულმა რეჩხი უყო, შემფოთებულმა
თვალები გაახილა და გაეხარა, რომ
არ აპყვა მაცთურ სურვილს, ისე გაე-
ხარა, რომ დამშვიდდა, დაწყნარდა
და... ჩავძინა.

ვაზო პირქვე იწვა და საოცრად მარ-
ტივ და მუხთალ სიხმარს ხედავდა —
თითქოს იწვა და არ ეძინა...

და როცა დედა ფრთხილად შეეხო
მხარზე და წყნარად დაუძახა — „ვახ-
ტანგ, ვახტანგ,“ ჯერ ეგონა, რომ დედა
ტყუილუბრად გაისარჯა, მაგრამ მა-
შინვე მიხვდა, დაგვიანებას რომ გადარ-
ჩა.

ის ავტობუსი გათენებინას გადის
თბილისიდან, შვიდის ნახევარზე. ახ-
ლადგამოღვიძებულს კიდევ უნდა ძი-
ლი, მაგრამ გუნებაში ბურტყუნებს, ნა-
ვლიანად იცვამს გარო ტანსაცმელს
და გული წყდება იმ გემრიელ სითბო-
ზე, ლოგინში რომ დარჩა. ეპ, მაინც რა
ადრე გადის ავტობუსი... პირის დაბა-
ნაც კი არ ეხალისება, წყალი ძალიან
ცივია, უზმოზე საქმელსაც არა აქვს
გემო, ისე უსიამოვნოდ ამოძრავებს
ყბებს, თითქოს ხეს ლეჭავდეს.

ქუჩა ჩაბნელებულია, ორიოდ ნათუ-
რა ბეუტავს, ტრამვაი რომ ტრამვაია,
ჯერ ისიც არ მუშაობს. რაღა დარჩე-
ნია, ავტოსადგურისაკენ ფეხით მიდის.
ბედად თავისუფალი ტაქსი წამოეწია.

— ავტოსადგურში წავიდეთ, თუ
შეიძლება.

— როგორ არ შეიძლება, ჩვენი ნება
არ არი? — ყოჩაღად პასუხობს შოფე-
რი.

ქუჩები ცარიელია და მანქანა სწრაფად მისრიალებს ასფალტზე, მკვეთრ მოსახვევებში კი სირჩარეს კარგავს და საბურავები საბარალო ხმით წვივან. სალაროებთან სახეშეშუპებული ხალხი დგას, ლევანიც უტყობო გამოიყურება— სვანური ქედი ახურავს.

— ეს მანქანაა?

— კი.

— ჩქარა ჩავალთ?

— საათნახევარში.

ავტობუსში ათიოდე კაცი ზის, ფიქრობენ თუ ბურანში არიან, ვერც გაიგებ.

— ფანჯარა გავაღო?

— გააღე, თუ გინდა.

მანქანაში მძღოლი ამოდის და მგზავრებს უხალისოდ ათვალიერებს. ისინიც კულღარილად შესცქერიან.

— გამარჯობათ.

— გაუმარჯოს, გაუმარჯოს.

— წავიდეთ?

— რა ვიცი, შვიდს კი ოცი წუთი აქვია და...

— კარგი, წავიდეთ.

ბინდი იფანტება, პატარა ავტობუსი საღვურდიდან გამოდის. ჯერ კიდევ მთვლემარე, ნაცნობი ქუჩები... ეპ, ეძინება ვახოს... გუშინ ძალიან უნდოდა ნიჩბისში წასვლა, მშვენივრად წარმოედგინა საუცხოო ავტობუსით მგზავრობა, დიდებული გათენება... გუშინ ყველაფერი რიგზე იყო, გამოძინებული რომ გახლდათ, იმიტომ... ახლა კი ძლიერ იმაჯრებს თავს, თანაც, ეს დანჯღრეული ავტობუსი...

მერე მცხეთის ძალიან ნაცნობი გზა, ჯვარი, სევეტიცხოველი, და ვახო აღარ ნანობს, რომ წამოვიდა... არმაზში უკვე დილაა, თითო-ორი კაცი ჩანს გზაზე... უკვე იგრძნობა სოფელი, ვახო ინტერესით ათვალიერებს ყველაფერს, რასაც თვალი მისწვდება. სიმწვანე მატულობს, დილის მზეზე წაგრძელებული ჩრდილებით დასერილია გზა, მთებზე გადმომდგარან ძველი ციხეები და სამეთვალყურო კოშკები, ნახირი გზაზე, დინჯად მიმავალი ბატები, მამლე-

ბის ხრინწიანი ყვილი, ლობეები, ხეები, ყვითლად მოლოვილივე პურის ყანა...

— ეს რა სოფელია?

— ძეგვი.

აღმათს ხროტინით ებრძვის ავტობუსი... უშველებელი კაკლის ხე, კაკლის ხის მათრობელა სუნნი...

— ეს ქვემო ნიჩბისია, ჩვენ შუა ნიჩბისში უნდა დავინავდეთ.

შემოდგომა დაწყებულია ქართლში. აქა-იქ სიყვითლე და სიწითლე შეპარვიათ ფოთლებს, ჯერ მაინც მწვანე ფერი სჭარბობს. მაღალი ბუჩქებით მოფენილა მთები, მზე უკვე ატუნებს და ნამიანი ბუჩქების სამი ფერი ლაბლაპებს მთებზე. მარცხნივ უშველებელი გალაგანი მოჩანს, ლოდებითა და რიყის ქვით ნაგები, შედუღაბებული.

ავტობუსი ჩერდება და საათნახევარიანი მგზავრობის შემდეგ ვახოს მაინც ეჩვენება, თითქოს მისკენ მოცურავს უხეში, მაგარი, ძველებური გალაგანი...

წყაროა იქვე...

— დალიე, ნახე, რა კარგი წყალია.

ვახო პეშვით სვამს წყაროს წყალს.

— მოგეწონა?

— ძალიან.



სოფლის საბჭოს თავმჯდომარე მაჯის საათს ქოქავდა, ლევანი და ვახო მის ოთახში რომ შევიდნენ. თავმჯდომარეს ეუცხოვა სტუმრები: — დაბრძანდით, რაშია საქმე?

ლევანმა მორიდებულად გაუღიმა:

— თბილისიდან ვართ, ისტორიის ინსტიტუტიდან, ისტორიული გეოგრაფიის განყოფილებიდან. თქვენი მხარე უნდა შევისწავლოთ, თქვენი მხარის ისტორიული წარსული, ჩვენ...

— ძალიან სასიამოვნოა, ძალიან კარგია, — თავმჯდომარემ ხელი ჩამოართვა ორივეს.

— ჩვენ უნდა შევკრიბოთ ძველი

ზურაბ დონაწავილი

შენი მხვანე და

ხელნაწერები, უნდა ჩავიწეროთ გადმოცემები, უნდა შევადგინოთ ტომონი-მიკა...

— დიახ, დიახ, — თავი დააქნია თავმჯდომარემ.

— უნდა შევისწავლოთ ისტორიული ძეგლები, ციხეები, ნაციხარები, ძველი სამლოცველოები, ნიშები, ძველი არხები, რუხები...

— რუხების მეტი რა გვაქვს.

— დიახ, ძველ სასაფლაოთა წარწერები და ასე შემდეგ.

— ძალიან კარგია, ძალიან, ბარაქა-ლა. უკვე დაბინავდით?

— დიახ.

— ვისთან?

— გაიანე რაა, მასწავლებელი... იმის სახლში.

— ოო, მშვენიერი ოჯახია.

— დიახ. თქვენ ორი მიზეზის გამო შეგაწუხებთ. პირველი...

— რა შეწუხებთა, რაა ბრძანებთ.

— დიახ, — ლევანმა ისევ გაუღიმა, — მივლინების ბარათზე ხელი უნდა მოვიწეროთ და რამდენიმე მოხუცის გვარი უნდა ჩავვაწერინოთ — მოხუცებს უფრო ემახსოვრებათ ძველი ამბები და გადმოცემები...

— რა თქმა უნდა, მეც მანდა ვარ. ჯერ ხელს მოვიწერო... ჰო, ახლა კი მოხუცები...

ლევანმა ფანქარი მოიმარჯვა.

— ძულიაშვილი მათე...

— მამის სახელი?

— მათე... რა ერქვა, კაცო... ჰო, თევდორეს ძე! კიდევ?

— დიახ, კიდევ ორი-სამი კაცი.

— გოჩიაშვილი გიორგი სიმონის ძე... კიდევ... ჰო, მართლა, კენჩხაძე ვანო და-კითის ძე! იმაზე უკეთ ვერაინ გესაუბრებათ.

— რამდენი წლის იქნებიან?

— ეგენი? იქნებიან ასე... ოთხმოცი-ოთხმოცდაათისა... მართლა, ვანო კენჩხაძის პაპს ბატონი მოუკლავს, იმასაც მოგიყვებათ.

— დიდი მადლობა, — ფეხზე წამოდგა ლევანი.

— არაფერს, რისი მადლობა, რამეთუ დაგპირდეთ, მე აქა ვარ, შემოიარეთ.

— დიდი მადლობა, კარგად ბრძანდებოდეთ.

— იცოცხლე, იცოცხლე.



ნიჩბისი, ნამდვილი ქართლი...

ქვის ყორეები, დინჯად მიმავალი ნახირი, ჩრდილები გზაზე... სალმის მოყვარული ხალხი, ვაშლით დატვირთული ღრჭიალა ურმები... უცნაური წისქვილები; გარედან — კოხტა შენობა და გამჭვირვალე, ჩხრიალა წყალს აყოლილი ბორბალი; შიგნით კი ფქვილში ამოგანგლული, ბნელი და იღუმალი, მოგუგუხე... ეზოებში — გავარვარებულ თონებში და ახლადგამომცვარი პურის სურნელი... ცივი წყარო და თიხის კოყები... პურის, საქონლისა და კაკლის ხის სუნი...

სოფლის განაპირას ძველებური სასაფლაო გულუბრყვილო წარწერებით და უგუმბათო, დაქცეული ეკლესია... პატარა მდინარე, ერთი ბეწვა, საღდაც, მთებში შეკოწიწებული და მერე ქვებიან ხეობაში დამსხვრეული... ტყე, ტყე სოფლის განაპირას... ყვითელი ფოთლებით მოფენილი აღმართი, დამკნარი ფოთლები — მუხლამდე და ფეხის ნებას აყოლილი შრიალი... დაბურული, უცნაურად ჩუმი ტყე, უზარმაზარ, ჩამგებულ ფულტროებში გატრუნული ღრიალი დაგუმბებულა თითქოს... ფოთლებისა და ხავსის სუნით გაყენილი შეურყენელი ჰერი და მაინც სუნთქვაშეკრული სიარული ტყეში... ტრტებგადახლართული, გრილტანა ხეები... მოცანცახე ფოთლებზე დამსხვრეული სხივების ლტოლვა მიწისაკენ და ამ განათებულ სვეტებში შწერების ბოდიალი... უცნაური კაქუნის ხმა, ჩუმი და შემამფოთებელი; ლოყაზე — აბლაბუდა... უზარმაზარი ჩრდილის სიმძიმე მხრებზე და ნანატრი სულისმოთქმა — ალაგ-ალაგ მწვენად

ანთებული მდელი... უეცარი მზე —
 მკერდსა და თავზე, მზე — თვალბში
 და მერე ისევ ტყე, ქართლის ტყე,
 გრძელი, ვანიერი, დალოცვილი... ჩამ-
 კვრივებული, ბებერი ხეები და აქა-იქ
 შინღა და ასკილი, თითქოს პეშვით მი-
 მობნეული, პაერში მოტივტივე... ძვე-
 ლებური კოშკი... ძველებური კოშკის
 ნანგრევები, რომელიც ათას მივიწყე-
 ბულ საიდუმლოზე აგუფუნდება, ხე-
 ლისგულს თუ მიადებ და თვალბს და-
 ხუჭავ... ტყე — იღუმალი, შემამფოთე-
 ბელი, დამამშვიდებელი და გაუთავე-
 ბელი გამეორება გონებაში იმ ადგილის
 სახელწოდებისა, რომელმაც ესოდენ
 დიდი ბედნიერება მოგვგვარა — ნიჩბი-
 სი, ნიჩბისი...



დიასახლისის ბიჭმა, თერთმეტი წლის
 გუჯამ, აღარ იცოდა რითი ესიაშოვნე-
 ბინა სტუმრებისათვის. ოთახში გახ-
 ვითქული შემოვიდოდა, გამობერილ ჯი-
 ბებში წვალბით ჩაიყოფდა ხელს და
 კაკლებს მაგიდაზე მორიდებულად და-
 აწყობდა... დილით თბილი რძე ამოჰ-
 ქონდა და მერე კმაყოფილი მიდიოდა
 სკოლაში. თუკი მოიცილიდა, ყველგან
 დაჰყვებოდა ლევანს და ვახოს, ფოტო-
 აპარატის ტარება ეამაყებოდა და
 ფრთხილად მიაბიჯებდა იმ გზებზე, ადრე
 ციკანივით რომ დაბტოდა. საღამოო-
 ბით მძიმე პატეფონი შემოჰქონდა
 ოთახში და ლევანი და ვახო დიმილით
 ისმენდნენ საოცრად თვითკრიტიკულ
 სიმღერას: „მე, რეგვენმა პატარძალ-
 მა“...

გუჯას ფირფიტებში ვახოს საყვარე-
 ლი სიმღერაც ერია. ეს იყო ძველებუ-
 რი, ნაღვლიანი სიმღერა — „ისევ შენ
 და ისევ შენ“... საოცრად უხდებოდა
 დანჯღრეულ პატეფონს ესოდენ ძველი
 სიმღერა, უცნაურად თრთოდა მომღერ-
 ლის ხმა, გაცვეთილი ნემსის ფხაჭუ-
 ნიც ერთვოდა მუსიკას და გაურკვეველად,
 ბუნდოვნად მოისმოდა ვახოსათვის კარ-
 გად ნაცნობი, შეჩვეული, ერთგული

სიტყვები: „ისევ შენ და ისევ შენ“...
 ვახო იატაკზე იჯდა და ნიჩბისის მი-
 დამოებს გასცქეროდა.
 უცნაურია, ამ ერთგული სიტყვებისა
 და ლამაზი მელოდიის გაგონებაზე ვა-
 ხოს ახსენდებოდა ის... ქვაზე მშვიდად
 ჩამოთვდარი, ხელმოღერებული, მწვანე
 ქალი...

„ისევ შენ და ისევ შენ“...
 ცალი ხელით ქვას ეყრდნობოდა, მე-
 ორე კი თავსზემოთ შეემართა, სამთი-
 თის ნატეხილა შერჩენოდა ხელში...
 * მზე აცხუნებდა დამსკდარ, გლუვ მხრებ-
 ზე...

ისევ შენ...
 წვიმა, გულისწამლებად წვრილი, გა-
 უთავებელი წვიმა აწვიმდა ჩაფიქრე-
 ბულ ქალს, წვიმდა...

„ისევ შენ და ისევ შენ“... ერთგული,
 კეთილშობილი სიტყვები... ნაღვლია-
 ნი, ძველებური სიმღერა...

მისი მუქი სილუეტები ზამთრის გრძელ,
 ცივ, ბნელ ღამეში... მისი ნაცნობი, იდ-
 უმალე სილუეტები...

თოვლი დნებოდა მწვანე ქალის თავ-
 სა და მხრებზე, ლოყებზე, ნიკაპზე, პა-
 ტარა მკერდზე წვეთები სდიოდა —
 ღნებოდა თოვლი...

დიდი, დამქანარი, ყვითელი ფოთლე-
 ბი ცვიოდა ირგვლივ, მიწაზე ცვიოდა
 დამქანარი ფოთლები, გაუთავებლად
 ცვიოდა და თითქოს ნელა სცილდებო-
 და მიწას... და ზევით მიცურავდა მწვა-
 ნე ქალი, მაგრამ ის ისევ ერთგულად,
 მშვიდად, ჩაფიქრებული იჯდა...

ისევ შენ და ისევ შენ...
 დაბზარული, უერთგულესი ქალი...



— გუჯა, — ბლოკნოტი გადაშალა ლე-
 ვანმა, — ძულიაშვილი მათე შინ იქნე-
 ბა?

— აბა რა, — გაიკვირვა გუჯამ, —
 სად უნდა წავიდეს რო...

გურამ დოჩანაშვილი
 შინი მშანე და



— ახლოს ცხოვრობს?
 — აგერა, იმ სახლში...
 — დაუძახე ერთი, თუ არ გეზარება.
 „რას ამბობ, როგორ მეზარება“;
 მორცხვად ვაუღლიდა გუჯამ:
 — მათე პაპაა!
 თმჩამოშლილი ქალი მოადგა ქიშკარს, ხელი მოიჩრდილა:
 — მობრძანდით, გამარჯობა.
 — გამარჯობათ, მათე ძულიაშვილის ნახვა გვინდოდა.
 — მათესი? — გაიკვირვა ქალმა — მობრძანდით, მობრძანდით... შენთან არიან მათე.
 — რაო?
 — შენთან არიან, შენთან!
 — ჩემთანა? — საწოლზე წამოჯდა ბერიკაცი, — რაღაც ვერა ვცნობ... თელისი ხომ არა ხარ?
 — არა, ბატონო, — ვაუღლიდა ლევანმა, — ჩვენ თბილისიდან ვართ, ისტორიის ინსტიტუტიდან, თქვენი სოფლის წარსული გვაინტერესებს.
 — მართლა? — გაეზარდა მათეს.
 — დიახ, თქვენ, ხნიერ ადამიანს, უფრო გემახსოვრებათ ძველი ამბები...
 — როგორ არა, როგორ არა, ვიცოდით...
 ლევანმა ფანქარი მოიმარჯვა.
 — აი, სკოლის იქით რომ ყანებია, იმ ადგილს რას ეძახით?
 — იმასა? — ქალს შეხედა მათემ, — რა ვიცი... ყანებს ვეძახით.
 — სხვას არაფერს ეძახით?
 — სხვასა? რა ვიცი... რაღაცას კი ეძახდნენ, მაგრამა... ეეჰ, მათე, მათე... დაბერდი კაცი, გული აღარა მაჭ, გული... აესტრიის ფრონტზე ვიყავი, აი, იდაყვი დამჭრეს, — მოხუცმა სახელო ძლივს აიწია და ვახო სიბრაღულით შეაქცერდა მის შიშველ მკლავს.
 — დიახ, ჩვენ... — გააწყვეტინა ლევანმა, მაგრამ მოხუცმა გააწყვეტინა:
 — კაცო! ფერდინარდი რო მოკლეს, რა ჩემი საქმე იყო, პა?
 — დიახ, დიახ, — ლევანმა მიმოიხე-

და, — აი, კოშკი რომ დგას, იმ მხანას რას ეძახით?
 — რა ვიცი... მთას ვეძახით...
 — აჰა! — ფეხზე წამოდგა ლევანი, — დიდი მადლობა, კარგად ბრძანდებოდეთ.
 — რა გეჩქარება, ბიჭო, — გაიკვირვა მათემ, — კიდევ მკითხე რამე...
 ეზოს როგორც გაცდენენ, გუჯა აღშფოთდა:
 — კაცო, ჩემთვის გეკითხათ, რატომ მილიოდით იმასთან, იმას რაღა ახსოვს...
 ლევანმა ბლოკნოტში ჩაიხედა და ნაღვლიანად მიუტრიალდა ბიჭს:
 — ეს კენჩხაძე ვანო რამდენი წლისა იქნება?
 — ეგა? — გუჯამ რატომღაც ეშმაკურად ჩაიციხა, — ეგა ყველაზე უფროსია ჩვენს სოფელში. მამჩემი იძახის, ოთხმოცდამეცხედი წლისააო.
 — უჰ, ეწყინა ლევანს, — მათეზე მოხუცია? კარგად ყოფილა ჩვენი საქმე.
 — რათა?
 — რათა და არც იმას ემახსოვრება არაფერი.
 — ვისა, ვანოსა? ვანოს არ ემახსოვრება? — კინალამ გადაიროა გუჯა და დაქადნებით ჩაილაპარაკა: — იმას არ იცნობთ თქვენა...
 ლევანმა ნაბიჯს მოუმატა:
 — კენჩხაძის სახლისაკენ მივდივართ?
 — ჰოლდე, აი, იქა ცხოვრობს, სულ მალლა... მაგაზე იძახიან, რუს აღმართში აიყვანსო...
 მწვანეში ჩაფლულიყო ვანო კენჩხაძის სახლი.
 — მაგისმა პაპამ თურმე ბატონი მოკლა.
 — მართლა?
 — ჰო, მაგას რომ ყურძენი აქვს, ტყუილია. ბიჭები გადავდივართ ხოლმე... ყველაზე ძნელი მაგის ყურძენის მოპარვაა. სულ ვენახშია და... გუშინ სანაძლეო მოვიგე, ისეთი მტევნები

გადმოვიტანე ამ ვენახიდანა, რომა...
მავს ვენახის ბოლოში ეძინა...

ვახომ გაიღიმა.

— მამაჩემი იძახის, ეგა და აგრონომი ერთად რო ვაუშვია მინდორში, ვანო უკეთესად იტყვის, სად ხორბალი ამოვა, სად სიმინდი და სად ქერიო... ანგრა, ეს ქალი მავსი ცოლია. დეიდა კატო! ძია ვანო სახლშია?

— გამარჯობათ, ვენახშია, ეხლავე მოვიყვან, დაბრძანდით...

ქალი ფეხშიშველი იყო. თუმცა მოხუცი იყო, თავი ამაყად ეჭირა და ძალიან უხდებოდა გრილ მიწაზე ფეხშიშველი სიარული.

დაბალ, სამფეხა სკამზე ჩამოსხდნენ; ძალიან გრილოდა ვანო კენჩხაძის ეზოში. კაკლის ხეზე დიდი უნაგირი ეკიდა.

— ცხენი ჰყავს?

— აბა ეგა უცხენოდ გაძლებს?

ქვემოთ ნიჩბისი მოჩანდა, ქართლის სოფელი, ალაგ-ალაგ ბოლი ამოდოდა სახლებიდან. წყალი მიჰქონდა ვიდაცას, მთაზე ნახიზი შეფენილიყო, რაღაც გაეხარდა ვახოს.

— შეილები თუ ჰყავს...

— კი, ხუთი შვილი ჰყავს, სულ ბიჭები. ქალაქში არიან... აგერა, მოსულა.

მოხუცმა გოლიათმა ჭიშკარი შემოალო. დინჯად წამოვიდა სტუმრებისაკენ, ლევანი და ვახო ფეხზე წამოდგნენ. უზარმაზარი მოხუცი ახლოს მივიდა მათთან, ხელი ჩამოართვა და ვახოს პირველად შერცხვა თავისი ნაზი თითებისა.

— დაბრძანდით; — თქვა ვანო კენჩხაძემ და ცოლს მიუბრუნდა: — წყალი მომიტანე.

უცნაური სიღარბისლე და სიმართლე იგრძნობოდა მის ყოველ მოძრაობასა და სიტყვაში, გაკვირებული შესცქეროდა ვახო.

პატარა დოქით ზედ თავზე დაისხა წყალი, თვალები მოიფშენიდა, ლოყაზე

ჩამოისვა თითები და ღიმილით მიუგო გაკვირვებულ სტუმრებს:

— გლუხკაცი ვარ, მეპატიება.

სკამზე დაჯდა, დიდი ხელები მუხლებზე დაილაგა, სულგანაბული მიჩერებოდა ვახო. დედაბერიც შორიახლოს ჩამოჯდა.

— ჩვენ თბილისიდან ვართ, ისტორიის ინსტიტუტიდან, — დაიწყო ლევანმა, — თქვენი სოფლის წარსული გვაინტერესებს, ადგილების სახელწოდება...

მოხუცი დუმდა.

— თქვენ, ხნიერ აღამიანს, უფრო გამახსოვრებათ ძველი ამბები.

— კი.

— აი, იქით რომ მიწებია, — ხელი გაიშვირა ლევანმა, — იმ ადგილს რას ეძახით?

— სახასო.

— აბა, საინტერესო სახელია, — ბლოკნოტში ჩაიწერა ლევანმა, — იმ კოშკს?

— ციციანთ კოშკია.

— იმ ეკლესიას?

— წმინდა გიორგისაა.

დინჯად, აუჩქარებლად პასუხობდა ვანო კენჩხაძე...

— უღრმესი მადლობა, — ფეხზე წამოდგა ლევანი, — დიდი მადლობა, კარგად ბრძანდებოდეთ.

— დაჯე, დაჯე, — სკამზე ანიშნა ვანომ.

ლევანმა ვერ გაიგო.

— დაჯექი-მეთქი, შვილო. ჩემი სახლიდან არავინ არ გასულა, ჭიქა რომ არ აეწიოს. აბა, დედაკაცო, — ცოლს გადახედა ვანომ. ქალი ადგა და სამზარეულოში შევიდა.

— ჩვენ... გვეჩქარება... — ერთი კი შეწრიალდა ლევანი, მავრამ მაშინვე გაჩუმდა — მოხუცი იჯდა და მიწას დასცქეროდა. მერე ნელა ასწია თავი, გუ-

გურამ დონანაშვილი
შენი მწვანე და



ჯას შეაცქერდა. ბიჭს რალაცა ცული უგრძობი გულმა, მორიდებულად გაუღიმა.

— ბიჭო, გუშინ ერთი ჩემებურად რო დამეპქეა, ხო გაგეპარებოდა ეგ ჩიტის გული, პა?

გუჯა მოიკუნტა, თავი დახარა.

— ემაგ თვალებს რო აცეცებდი, შე ჭინჭრაქა, მელასავით რო მოიპარებოდი, შე ქვეშევეშა, რა ძალა გადგა? გეტხოვა და...

გუჯა უფრო მოიკუნტა, დაილია, მუჭისოდენა ვახდა. ღიმილით დასცქეროდა ბიჭს ვანო.

— ბიჭო, საცაა ქალი უნდა შეგრთო და მძინარე კაცის მღვიძარესაგან გარჩევა აღარ შეგიძლია? ოო, შენი ცოლშეილი რა ვთქვა, შე მღუზღუზელა.

ქალი მაგიდასთან მივიდა და თონის ჭურები დააწყო. ისიც ღიმილით უყურებდა გუჯას.

გაწითლებული გუჯა ხმას ვეღარ იღებდა და მობუზულიყო. ვანოს შეეცოდა, ასე რომ შეარცხვინა და დიდი, მძიმე ხელი დაადო თავზე. გუჯა გაიტრუნა.

— რა მოხდა, ბიჭო, რა დაიმორცხვე, ყურძენი ვის არ მოუპარავს.

გუჯას გაეხარდა და ქვემოდან ეშმაკურად ამოხედა.

— შენა გგონია, გიწყრები? შოდი ხოლმე ჩემთანა და რამდენსაც ზიდავ, იმდენ მტევანს მოგცემ, ოლონდ მითხარი. შენ ქურდი არ გამოხვიდე და თუ გინდა, ნახევარ ვენახს გაჩუქებ. არაყიც მოტანე, დედაკაცო... ჩომ არ მოგწყინდათ, სტუმრებო?

სტუმრები იღიმებოდნენ. ვახოს ძალიან მოუნდა, მოხუც გლეხს რაიმე მოეყოლა.

— ძია ვანო, თქვენმა პაპამ ბატონი მართლა მოჰკლა?

— მოჰკლა.

— რატომ?

— ცული კაცი იყო და იმიტომ... ყველას სძულდა.

— მერე პაპათქვენს რა უყვეს?

— არაფერი, ზახვივით შურჩა... მოწ-

მეებმა თქვეს, ბატონმა თოფში ჩაიხვედა და გაუვარდაო. ექსპერტი მაშინ არ იყო და...

— სად მოკლა?

— ტყეში. ჩვენი ბატონი თავისი ჭკუით სანადიროდ წავიდა და... აბა, დავილოცოთ.

— არაყს ვერ დაველეე, რა, — სთხოვა ლევანმა.

— დალიე, შინაურია.

— ძალიან გთხოვთ.

— როგორც გინდა... მაშინ ეს დაისხი, ჩემი ვაზების სისხლია.

მართლაც მძიმე, მუჭწითელი ღვინო იყო.

— როგორ შეგაწუხებთ, — თქვა ლევანმა, — სამუშაოსაც მოგაცდინებ და...

— არა უშავს, მაინც უნდა დამესვენა. თქვენს მოსვლას გაუმარჯოს.

ერთმანეთი აღდგებდნენ, ვანომ თვალები მოჭუტა:

— მოგწონთ?

— რა შესანიშნავია! — გულწრფელად გაიოცა ლევანმა.

— ძველი ღვინოა, ძველი. სუფთა ღვინოა, — მოხუცი რატომღაც დაფიქრდა და დიდინის ბოლმამ უეცრად ამოხეთქა: — აბა, ზოგიერთივით ღვინოს კი არ გავრყენი! — მუშტი დაჰკრა მაგიდაზე და თვალები ისე დააბრიალა, ვახომ მაშინვე დიჯერა, პაპამისმა ბატონი რომ მოჰკლა.

ვანო მიხვდა, სტუმრები რომ შეაცბუნა და იხუმრა:

— ღვინო ძველი სჯობს, ქალივით კი არ არი. აი, ესა, ისეთი ლამაზი დედაკაცი იყო...

და, საკვირველებავ, ამ დედაბერის თვალებში რაღაც სიკეკლუცემ იჩინა თავი ერთი წამით და მყის მიიძალა, თითქოს მთელ სხეულში დაღებინა — ქალი წამოდგა, ამაყად გაემართა სამზარეულოსაკენ... დაწმუნებული ნაბიჯები... ქალის თითებს გაოცებული შესცქეროდა ვახო — დაკოყრებული, ყავისფრად დალაქული, ამტანი, რკინის გამცვეთი, არაქალური, მაინც დიდებულ თითები... ვანოს თითები კი... ცო-

ლის მუშტს ჩიტის ბარტყივით დაიჭერ-
და ხელში ვანო.

თვალი გააყოლა ქმარმა:

— როგორ მოვეუბნე გული, ხედავთ? —
მერე დაფიქრდა და ჩუმად დაუმა-
ტა: — არა, მართლა კარგი ბედღური
ქალი იყო, მანგლისიდან მოვიტაცე...

— შენ ისა თქვი, — ოთახიდან გა-
მოსაბნა ქალმა, — პირველი ცოლი რო
გყავდა.

— ხედავთ? — გაიღიმა ვანომ. რა-
ღაც უცნაურად ხუმრობდა — თავხედი
კაციც კი ვერ წაელაზნადარებოდა: —
ხედავთ? ვერ მოუნელებია... თითოც
დავლიოთ. ჩვენს მშობლებს გაუმარ-
ჯოს.

დალიეს. ვაბომ პური და ყველი და-
ყოლა ღვინოს.

— მამაჩემი ღონიერი კაცი ყოფი-
ლა, — თქვა მოხუცმა და ვახოს გაეხა-
რდა, მასპინძელი ლაპარაკის გუნებაზე
რომ დადგა: — რო შეგებნდათ, არც
დაიჯერებდით, მე კი არა მგავდა, ჩი
კაცი იყო.. ისე, ერთ ჩემძმთანას კი მო-
ერეოდა. იმისი წამტყვევი ახლო-მახლო
არავინ იყო. ერთელ ვიღაცა კაცი მო-
უყვანიათ ქვიშხეთიდან და ჩვენი სოფ-
ლის თავმომწონე ბიჭები სულ წაუქცე-
ვია... მაშინვე მამაჩემთან კაცი აფრი-
ნეს. მამაჩემი კი ამ ვენახში იღვა თურ-
მე, — ხელი გაიშვირა ვანომ, — თე-
ლები დახუტა და ერთიანად ცახცახებ-
და. რა მოგივიდაო, გაგზავნილმა ჰკით-
ხა. აი, ჭიდაობა მამინდა და ამაკანკა-
ლაო.

იმ ფალავანს მამაჩემისთვის რო შე-
უხედია, უთქვამს, კიდევ მე ვარ მასხ-
რად ასავადები, მთელი სოფელი გავი-
ლახეთო? რათაო, ჰკითხეს... აბა, ამ
კრუხის პალოსთან უნდა მამჯიდაოთ ვაქ-
კაცი კაციო? მამაჩემი გაფთხრებულა
და ხალხი დაუთვალაიერებია. ერთი კა-
ცი მღვარა, შვიდ ფუტს იწონიდა თურ-
მე, იმასთან მისულა, ხელები ჩაუჭიდა
და მალდა აუწყვია. მაშინ კი უკადრია
იმ ფალავანსა... ნეტაი არ ეკადრა... წაქ-
ცევას ვინ ჩივის, მთელი ზურგი გადა-
უყველფია. მამაჩემს ამ სახლიდან —

თავი შეატრიალა ვანომ — მალამო გა-
მოუტანია და მიუცია... ის კაცი ურმით
წაუყვანიათ, მამაჩემი კი ისევ ვენახში
ამოსულა.. აი, ამ ვენახში, — ხელი გა-
იშვირა ვანომ.

დიდებულად ეჭირა თავი ლაპარაკი-
სას — თვალეზი მოეჭუტა, ხელები მუხ-
ლებზე დაეწყო, გამართული იჯდა.

— პირველ ომში თუ იყავით, ძია ვა-
ნო?

— არა, ავად ვიყავი, ვერ წავედი.
სტუმრებს გაუყვირდათ — რა უნ-
დოდა ამ დევკაცთან ავადმყოფობას.

— ჰე, — ნაღვლიანად ჩაიციხა ვა-
ნომ, — ნათქვამია, მტერი იმდენს ვერ
დაგაკლებს, რამდენსაც მოყვარეო...
ძმამ ისეთ დღეში ჩამავდო, რომა... ვი-
ღაც ლოთსა და ოხერს აეკიდა, ვეუბნე-
ბოდი, თავი გაანახე-მეთქი, არაო... სო-
ფელში რომ ჩამოივლიდნენ, ნასვამები,
ხალხი ერიდებოდა...

თავი გაანებე-მეთქი, ისევ — არაო...
თანაც ჩემი შიში ჰქონდა ხალხსა — ეს
რო ცემით გავასიოთ, ვანოს ვიღა გა-
დაურჩებო... არა-მეთქი, ვიძახდი, რაც
გინდათ, ის უყავით-მეთქი... არა სჯე-
როდათ, მაინც ძმავო. ერთხელ ისევ იმ
კაცთან ვნახე, ქალაქში მიდიოდნენ სა-
ლაბულო და შინ დაეგდე-მეთქი, ვუ-
თხარი... შენაო, ვისი ტყვი-ტომარა ხა-
რო... ხალხში მითხრა... ხელი წავავლე
და მიწაზე დავახეთქე... ის კაციც გვერ-
დით მიეუწვინე, პატარძალივითა... მე-
რე დავლონდი, შემრცხვა, ამდენ ხალხ-
ში ძმებმა როგორ ვიჩხუბეთ-მეთქი,
დავლონდი, ქვაზე ჩამოვჯექი, თავი
ჩავლუნე... მერე ერთი კი მეტყინა და
სხვა აღარაფერი მახსოვს... მომპარგია
და ლოდი ჩაურტყამს თავში... ძლივს
მოვედი გონზე, მკვდარივით ვიყავი
თურმე, ორი თვე პირში წყალს მასხამ-
დნენ და იმითი ვცოცხლობდი... გონზე
მოვედი, ვხედავ, სხვა ვარ, ჩი, დალეუ-
ლი... ხუთჯერ ავდექი, ხუთივეჯერ წავი-
ქეციო... რა მექნა, ვიწვიქი. ვილაყეები

გურამ დონაძის
შენი მწვანე და

მოვიდნენ, დაჰერილი გვეყავდეს თუ გამოვუშვათო... ეპ, ჯანდაბას მაგისი თავი და ტანი, გამოუშვით-მეთქი... ეგ რო დაიჭირობ, მაგისი შვილები ისევ ჩემი სარჩენები გახდებიან და გამოუშვით-მეთქი... გამოუშვეს, ახლოს აღარ გავიკარე. აი, ამ ჭიშკართან იჯდა ხოლმე და ტიროდა, შემომიშვი, მთერალი ვიყავით... ბოლოს შემოვუშვი, მაინც ძმა იყო, რა მექნა.. ორი წელიწადი ვიწეკი, ცოლიც გამექცა.. აღარ იქნებოდა წოლა — ომში ბევრნი წაიყვანეს და ველარაენი მესმარებოდა, ვენახი გავერანდა, აღარ იქნებოდა წოლა, ავდექი... რა ვიცი, რამ მომარჩინა.. მუშაობა უქულოდ მიყვარდა, იქნება მზემ მიშველა... რა ვიცი, გლუხაკი ვარ... ორ წელიწადში ისეთი გავხდი, მანგლისელებს ყველაზე ლამაზი ქალი მოვტაცე... გესმის, დედაკაცო? — უცებ გაიღიმა ვანომ. კეთილი გოლიათის სიცილი ჰქონდა, საღი კბილები მოუჩანდა, თვალები ემუთებოდა.

— ეს ჩვენ მოზობლებს გაუმარჯოს, — ღვინო დისხა ვანომ, — ცოცხლები გიცოცხლოთ, მიცვალელებების შენდობა იყოს, — ნელა გამოცალა ჭიქა, დაფიქრებული, ვინ იცის, მერამდენედ უსინჯავდა გემოს.

მერე ხელისხურავით მოიწმინდა ტუჩები:

— მარტოკა ვარ, მიჭირს...

— შვილები არ გეხმარებიან, ძია ვანო?

— ეპ, სუყველა ქალაქში გაიქცა, ქალაქი ურჩევნიათ. წელიწადში ორჯერ თუ ამოვლენ... ერთი კი ხშირად დადის, მანქანა ჰყავს, შაბათობით ამხანაგები ამოჰყავს საქეიფოდ, ამოაგრუხუნებს ამ აღმართში მანქანას და, სანამ ხელს ჩამოგართმევდეს, ჯერ ბორბლებს დახედავს — ხომ არ ვაცვდაო...

უხერხული სიჩუმე ჩამოვარდა.

— ეპ, ახალგაზრდებს გული ქალაქისაკენ მიუწევთ. წავლენ, იბოდიანლებენ, მერე მაინც დაუძახებენ ესა, ეს... ტიალი, — წამოდგა და ფეხი დაჰკრა მიწაზე, მერე რაღაც რბილი და უცნაური

შეეპარა ხმაში, ჩამოვდა და ისე გაიშეორა: — ეს ტიალი...

ვანო მიჩერებოდა იმ ადგილს, ვანო კენჩხაძემ ფეხი რომ დაჰკრა. ეს იყო მიწა, მოხუცი გლეხის მიერ „ტიალი“ მონათლული, სიყვარულით გალანძღული.

— ეს იმ ხალხს გაუმარჯოს, — ჭიქა ასწია ვანომ, — ვისაც ამ ხეობაში უცხოვრია, ვისაც ამ მიწა-წყლისთვის უბრძოლია, ვინც ეს სოფელი შეგვიანარჩუნა. დავით აღმაშენებელი ამ ხეობით ასულა დიდგორში, იმას გაუმარჯოს... ბევრი არ ვიცი, მაგრამა, მე მგონი, ეგეთი კაცი ქართველებს არა გვეყვება... იმას გაუმარჯოს. ცუდი ხალხიც ბლომად გვეყოლია და ამიტომ პაპაჩემისთანებსაც გაუმარჯოს. თქვენც გაგიმარჯოთ, შვილებო, ეს ქალაქელი ხალხი ჩვენი გულისთვის სოფელ-სოფელ რო დაღიხარო...

მშვიდი ლაპარაკობდა მოხუცი, ასეთი მშვიდი სახე შეიძლებოდა ჰქონოდა მხოლოდ იმ კაცს, ვინც იცოდა ისეთი დიდი საიდუმლო, როგორიცაა...

მზის ფასი...

წვიმის ფასი...

და მიწის, მიწის ფასი...

7

გათენებისას თბილისის სადგურში რომ ჩამოვიდა, თავის თავს ვეღარ სცნობდა ვანო. მიუხედავად იმისა, რომ ძალიან ეძინებოდა, რაღაც ახირებულ მოუთმენლობასა და მოქმედების აუცილებლობას გრძნობდა. ტროლეიბუსს სულ ორიოდე წუთი უტყავდა, მაგრამ მაინც აფორიქდა... ერთი სული ჰქონდა შინ მისვლამდე.

მაინცდამაინც აკაკი შეხვდა კიბეზე:

— ოპ, ვერ ვიცანი უცებ, გამდიდრდები, როგორა ხარ, ბიძია?

— კარგად, კარგად.

— კაცო, მელიკ-კაზარიანცის სახლს ანგრევენო, მართალია?

— არ ვიცი, აქ არ ვიყავი.

— სად იყავი? რატომ იყავი? — და-

აყარა აკაკიმ, მაგრამ ვახომ სწრაფად აირბინა კიბე. ოთახს თვალი მოავლო, საათს დახედა და მაშინვე ლექციაზე გაიქცა.

ლექტორი ფრანგ მწერლებზე ჰყვებოდა რაღაცას: — „როდესაც რომენ როლანს ჰკითხეს, თუ რატომ...“

ვახო გრძელ მერხზე იჯდა ფანჯარასთან. იქიდან კარგად მოჩანდა უნივერსიტეტის მშვენიერად მოვლილი ბაღი და ვახოს უკვე საშინლად ენატრებოდა ნიჩბისის მიშვებული, თავისთავს მინდობილი ტყე. აუდიტორიაში მხოლოდ ლექტორის დინჯი ლაპარაკი ისმოდა. სიწყნარე სუფევდა დიდ და ნათელ ოთახში, ვახოსთვის აუტანელი იყო ეს სიმშვიდე და უეცრად ძალიან დიდი ხმაური გაახსენდა: ეს იყო გაბმული ტაშისცემა, აღფრთოვანებული ხალხის მადლობა — ნიკოლა გიათროვის მიმართ. ეს იყო დიდებული აქტი — მადლიერების ასე საქვეყნოდ გამოხატვა. ვახოს ზშირად ახსენდებოდა ამ მომღერლის ნაღვლიანი მადლობა ადტაცებულ ხალხის ტაშისცემის ბასუხად... იგი დაფიქრებული შესცქეროდა პარტერს და იარუსებს... ხუთიოდე წუთის წინ კი მან ისე იმღერა ერთი ცნობილი არია, როგორც არავინ — ეს იყო ნამდვილი, ცოცხალი, გაქნილი, ბოშარშე-როსონისეული დონ-ბაზილიო, რომელსაც ამასთანავე დიდებული ხმა ჰქონდა. ხალვათ და შავ ტანსაცმელში გამოწყობილი, მაღალი, გამეჩხრებული თმითა და ძლიერი, თავზარდამცემი ხმით, დონ-ბაზილიო ჩია კაცს დასდევდა და ჭორების გავრცელების საშიშროებას უხსნიდა. იგი ამას უხსნიდა საოცრად ძლიერი, ლამაზი, ზემამაკაცური ხმით და თან სახელოებს იკაპიწებდა და მთელ სცენაზე დასდევდა შემფოთებულ ჩია კაცს, სადმე კუთხეში მიიმწყვდევდა და მერე უზარმაზარი ყორანივით დასტრიალებდა თავზე. და როცა არია დამთავრდა და ტაშისცემამ მთელი ხუთი წუთით შეაჩერა სპექტაკლი, დაღლილი და გამარჯვებული ნიკოლა გიათროვი ნაღვლიანი ღიმილით ათვა-

ლიერებდა აღფრთოვანებულ პარტერსა და იარუსებს და თავს მიძიმედ უქრავდა ხალხს.

ქუჩაში გასვლა ეჩქარებოდა ვახოს, ზარი რომ გაისმა, გოგის თავი აარიდა და მარტოკა წამოვიდა შინისაკენ. რაღაც უცნაურად ათვალიერებდა ხალხს, ყველას აკვირდებოდა... დარტიანებული მიაბიჯებდა — უძილობა, ყურებში — ტაშისცემა, უცნობი აღძვინები, რაღაცა კარგის ჩადენის სურვილი...

ჯერ ფართო პროსპექტზე მიაბიჯებდა, მერე რატომღაც თავი დაადო და მალა აუყვა ქუჩას. მრგვალ ბაღში შევიდა და სკამისათვის სული აღარ შეუბერავს, ისე დაჯდა.

შორიახლოს არავინ ჩანდა, მხოლოდ მეეზოვე გვიდა ქუჩას. ვახო ცოტათი დამშვიდდა და რადგან ძალიან ეძინებოდა, ნაძალადევი ინტერესით დაიწყო ყველაფრის თვალიერება — ბუჩქებს გადახედა, ურნას შეაკერდა, შეყვითლებულ ხეებს ააყოლა თვალი. მაღალი შენობის კუთხეში დიდულვამა მეეზოვე ისევ საქმიანად გვიდა ვიწრო ქუჩას... რატომღაც შეჩერდა, ალბათ ვინმეს უნდა გამოეველო.

მოსახვევიდან ორი კაცი გამოვიდა, ერთი თეთრწყვრიანი მოხუცი იყო, მეორე — შუახნისა, აბაფრით გამოირჩეოდა. იმათ უკან ახალგაზრდა ქალი მოდიოდა, ხელში ჩვილი ბავშვი ეკავა. ქალის გვერდით მაღალ-მაღალი, ქუდიანი კაცი მოაბიჯებდა, ძალიან გულგრილი სახე ჰქონდა. უკან ორი დედაკაცი მოჰყვებოდა, ერთს ფრთა გაერქო ქუდში, მეორეს ტუჩანაკაზე შემოეჭლო თითები და რაღაცას ფიქრობდა... მოდიოდა ხალხი...

მეეზოვე მშვიდად იღვავდა, აღარ აბიერებდა ქუჩის დაგვას, ცოცხისაკენ აღარც იხედებოდა, არაფრისმაქნისი, დაცლილი თოფივით ეკავა ხელში.

მოსახვევიდან ისევ გამოდიოდნენ ვილაკეები — სათვალისან კაცს პატარა ბი-

გურამ დონაშვილი
 შიენი მწვანე და

ჭისათვის ჩაეჭიდა ხელი, ბავშვი სათამაშო მანქანას ხმაურით მოაპროწილებდა. მათ უკან მომავალი პორტფელიანი მამაკაცი ფრთხილობდა, უნებურად მანქანაზე რომ არ დაედგა ფეხი და ამიტომ ყურადღებას არ აქცევდა თანამგზავრს — მალალ, ლამაზფეხებმა ქალს, რომელსაც ზურგიდან აღტაცებით ათვალიერებდა ვიღაც ხელჯოხიანი კაცი.

მათ დანახვაზე ვახომ უნებურად ჯიბეში ჩაიყო ხელი, მაგრამ ვაშლები აღარ დახვდა.

ხელჯოხიანის გვერდით აჩაჩულ-და-ჩაჩული ახალგაზრდა კაცი მოდიოდა. მის გასვრილ ზურგს საყვედურით შესცქეროდა ვიღაც ხანშიშესული ქალი, ალბათ, დედა თუ იყო მისი. ქალს ორი მამაკაცი მოჰყვებოდა ფეხდაფეხ, ამაყად ეჭირათ თავი, დინჯად გაჰყურებდნენ წინ მიმავლებს. იმ დარბაზიელი კაცების უკან კი ვიღაც ყმაწვილი ისე უთავბოლოდ იქნევდა ხელებს, ვახოს კინალამ გაელიმა. ყმაწვილი ხანდახან ხვდებოდა, ნამეტანი რომ მოსდიოდა და ხელებს ისე აღარ იქნევდა, სამაგიეროდ, ამ დროს ძალდატანებისაგან უფრო გაჯგომილი მიაბოტებდა, ცოტა ხანში კი ისევ ავოწყდებოდა ყველაფერი — მხრებს ჩამოყრდა, მოეშვებოდა და ხელებიც ნება-ნება ქანაობდნენ. მის უკან ორი გოგო მოდიოდა და ილიმებოდნენ — იმ ყმაწვილს კი არ დასცილდნენ, უბრალოდ, ელიმებოდათ. იმ გოგონებს პატარა, დალეული, მუჭისოდენა დედაბერი მოსდევდა, წელში გაღუნულიყო საცოდავი, ძლივს ადგამდა ფეხს... მის უკან ორი კაცი მოდიოდა, ერთი — მალალი, გამხდარი, მეორე — მალალი, მსუქანი...

მეზოვემ ცოცხი მოიპარჯა და თავისი საქმე განაგრძო.

მოსახვევიდან აღარავინ გამოდიოდა. ვახომ თვალს გააყოლა ბალხს, უყურა, უყურა და ნებადასურთველმა, თავისთავად მოსულმა სურვილმა ააფორიაქა — ძალიან მოუნდა, რაღაც კარგი და სასარგებლო გაეკეთებინა ამ უცნობი,

ჭრელი ხალხისათვის, სადღაც რომ მიდიოდა (ვახომ საათს დახვდა) თორმეტისათ წუთზე...

სახლისკენ საჩქაროდ გაემართა, ვრძელი და ფერადი, ოღროზოვანი ნავი კი სადღაც ზურგუსუკან, შორს მიცურავდა. მაინც კარგად ახსოვდა ისინი ვახოს, კიბეზე რომ ადიოდა, მაშინაც ახსოვდა, მერეც, კარი როცა გამოალო, ოთახი რომ გაიარა და დაეკტილდარბაზთან მივიდა, ყველანი ძალიან კარგად ახსოვდა...

დარბაზი გამოალო და შეაქცერდა...

ის თითქოს იყო სიკეთე, ქვაზე მშვიდად ჩამომჯდარი და ხელმოღერებულის...

ის იყო სიკეთე, მისი უფროსი და, რომელიც ხელისხელჩაკედებულს დაატარებდა ბავშვობაში... და რომელიც შეცდომების, აღმოჩენებისა და ნაადრევი დასკვნების ასაქმი დროებით გადაივიწყა...

„ისევ შენ და“...

ის იყო სიკეთე, რომელსაც ერთგულად ემსახურებოდნენ ისინი, ვინც აღაფრთოვანებდა ვახოს... ყოველგვარი ტაშისციქის გარეშე...

ვახოს საოცრად სიამოვნებდა მათი ვახსენება, მათი სახელების ჩამოთვლაც კი უდიდეს სიამოვნებას ჰგვრიდა:

ნელა იმეორებდა მათ სახელებს, უხაროდა და მაინც ვრძნობდა, როგორ ართმევდა თავს ძილი... დიდი-დიდი, ხუთიოდე წუთი კიდევ გაეძლო... ახლა აუცილებელი იყო დასვენება. ტატზე ჩამოჯდა, მერე ადგა და ნიჟარა აიღო. ემსუბუქა, ფრთხილად მიიტანა ყურთან.

ჩუმი, ნაცნობი გუგუნის შემოესმა, ტატზე წამოწვა...

ზღვა გუგუნებდა, მშვიდად იძინებდა ვახო, ნელა ირწყოდა ტალღებზე, საოცარ ზღვას ყურს უჯდებდა ვახო, უცნაურ, ყოველნაირ ზღვას... ჩუმად შინებდნენ ტალღები...

ზღვა — იღუმალი და მოგუგუნე, გამჭირვალე... და ამღვრეული წყალი, ზღვა — თავაწყვეტილი, ღონიერი, ამა-

ყი და ნაპირთან მაინც ყველას ფეხქვეშ გაგებული, ზღვა — კეთილი, თევზით სავე და ზღვა — გონებაჩლუნგი, ყალყზე შემდგარი... ზღვა — ზედაპირზე დამბალი ფიცრებითა და ზღვა — მარგალიტებით ფსკერზე... ზღვა — ილუმალი, მოგუგუნე...

გუგუნე... გუგუნე... ისევ გუგუნე და...

ის კი ისევ მშვიდად, ფეხმოკეცილი იჯდა თავის ქვაზე. დაფიქრებული იცქირებოდა მღვრიე წყალში და სამთითი მოემარჯვებინა. თითქოს რაღაცას ეძებდა, ფიქრობდა რაღაცას... სხივი ცელქობდა ქალის სახესა და გულზე მხრებზე, დამსკდარ საღებავს აჩენდა, პატარა მკერდზე ელამუნებოდა, სამთითში სხლტებოდა, თავაწყვეტილი ეთამაშებოდა მთელ მის მწვანე სხეულს, მაგრამ ქალს თავისი საქმე ჰქონდა და დაფიქრებული დასცქეროდა წყალს... ჩვეული სიღინჯით გადიოდა დრო, ერთმანეთს დინჯად მოპყვებოდა ოთხი გოლიათი. მძიმე ნაბიჯით გადადიოდნენ ისინი მწვანე ქალის თავსა და მხრებზე, სიცივე ამკვრივებდა მის სხეულს, სიციხე დადნობით ემუქრებოდა, მკვდარი ფოთლები შემაშფოთებელი მაგალითივით დაფარფატებდნენ ირგვლივ და შხაპუნა წვიმა როკავდა მის სხეულზე, მაგრამ მთას ეფარებოდა დაღლილი

მზე, მძიმე წვეთები იმსხვრეოდნენ ქალის მხრებზე და მის ფერხითი გუბეში ცვიოდნენ. ერთმანეთს აძვეებდნენ გოლიათები, ერთ წრედ შეკრულნი, ზურგით გრძობდნენ ერთმანეთის ცივ და ცხელ სუნთქვას, მათ დინჯ ქიდილში გადიოდა დრო, მაგრამ მივიწყებულ ქალს საღებავი გაუხუნდა მხოლოდ.

„ისევ შენ და ისევ შენ...“

ცალი ხელით ქვას ეყრდნობოდა, მეორე კი მაღლა შეემართა, სამთითის ნატეხილა შერჩენოდა ხელში... მზე აცხუნებდა დამსკდარ, გულზე მხრებზე...

„ისევ შენ...“

წვიმა, გულისწამლებად წვრილი, გაუთავებელი წვიმა აწვიმდა ჩაფიქრებულ ქალს, წვიმდა...

მისი მუქი სილუეტი ზამთრის ბნელ, ცივ, გრძელ ღამეში... მისი ნაცნობი, იღუმალი სილუეტი...

თოვლი დნებოდა მწვანე ქალის თავსა და მხრებზე, ლოყებზე, ნიკაპზე, პატარა მკერდზე წვეთები სდიოდა — დნებოდა თოვლი...

დიდი, დამტკნარი, ყვითელი ფოთლები ცვიოდა ირგვლივ, მიწაზე ცვიოდა დამტკნარი ფოთლები, გაუთავებლად ცვიოდა და თითქოს ნელა სცილდებოდა მიწას და ზევით მიცურავდა მარად-მწვანე ქალი...

ვახოს ეძინა.



გაკიან ჭანგუკია

სექტემბერი

ჩაბლუჯული მაქვს მოკლე სადავე —
თეთრი ფაფარი, დაწნული ბირკით,
თითქო არც მახსოვს, ვინ ვარ, სადა ვარ —
ცხენმა ფლოჭეებით გათელა ფიჭრი.

მთიბგელმა იცნო არწივის ჩრდილი
და მოუქნია ელვარე ცელი,
ცელს უღერებენ სექტემბრის დილას
მკლავლონიერი ადამის ძენი,

და ჩემი ხსოვნა, ვით მრუდე სარკე,
ან დაწყვეტილი და ძველი ფირი,
ძლივსლა იგონებს შენს ვიწრო სარკმელს
და სექტემბერში გარინდულ თბილისს.

* * *

გაიღო ღამე, როგორც კარები
და შემოვიდა ქერათმიანი დღე —
ცალთვალა დედამიწის
მშვენიერი მეორე ნახევარი...
მისი ორკეცად დაგრანგილი
მდინარეები,
მის ცისფერ თვალში ჩარჩენილი
თეთრი ღრუბელი,
კენარი ალვის წამწამები,
მხურვალე მკერდი
გულებს და მწერას
ღიმილით ავსებს,
და ამაყად თავაწეული
მიდის ჭალაში თმების სწორებით
მაღალი დღე —
ცალთვალა დედამიწის
მშვენიერი მეორე ნახევარი...

გაიღო ნისლის თეთრი კარები
 და როგორც ზუსტი შედარება —
 მე დავინახე შენი ეზოს კიპარისები.
 ყრია ნეშოში
 ეკლიანი ნაყოფი წაბლის —
 ათასი მოუკარებელი გული.
 ჩიტის კვერცხივით ჭერმეტული
 და სათნო გული
 დაბურულია სიყვარულისთვის,
 მაგრამ მზე-კრუხი დააცხუნებს
 მის ცისფერ ნაჭუჭს,
 რომ იშვას გრძნობა უწმინდესი
 და უმაღლესი.
 ჯერ კი... ჯერ შენს თავს ისევ მახსენებს
 ეს ეკლიანი წაბლის ნაყოფი —
 მიუკარებელი გული...

ტარიელ ჯანაშვილი • ლექსები

**მტვერი გარდაცვლილი
 მებოჯრის როიალზე**

ბუნებამ თითქო ლაღობით შეგქმნა,
 რათა ჯერ მტვერად ვქციე,
 მერე კი ამ მტვერზე თითით დაეწერა:
 „ვიყავი შენთან,
 არ დამისვდი“...

ტოლოზა და უტოლოზა

ღმერთმა ქნას,
 შეხვედრაც იმდენი იყოს ამქვეყნად,
 რამდენიც განშორებაა...

ღმერთმა ქნას,
 შეყვარებული გოგოც იმდენი იყოს ამქვეყნად,
 რამდენიც შეყვარებული ბიჭია...

ღმერთმა ქნას,
 სიცოცხლე
 სიკვდილზე მეტი იყოს ამქვეყნად...



სახლი ზღვის პირას

პიესა სამ მოქმედებად

მოქმედი პირნი:

- გოტაოლ კრიუბერი — მოხუცი ლოცმანი
- თომასი — მისი ძმისწული
- აბარინა — თომასის ცოლი
- მრისტინა — მათი ქალიშვილი
- ახალგაზრდა მეზღვაური ოფიცირი — რომელიც მსახურობს ერთ-ერთ გერმანელ მთავართან
- სერჟანტი
- ზურინი (ჯარის ჩამომარბი)
- პეტირი — კატარინას მეორე ქმარი
- მღებავი
- შავშვირიანი რეპრუტი
- ჯარისკაცები, რეპრუტიები

მოქმედება მიმდინარეობს მეფრამეტე საუკუნეში გერმანიის ერთ-ერთი სანავსადგურო ქალაქის მახლობლად. ეს ის პერიოდია, როცა იწყება ომი ჩრდილოეთ ამერიკაში ინგლისის კოლონიების დამოუკიდებლობისათვის.

სამივე მოქმედების მანძილზე ერთი დეკორაციაა: მოხუცი ლოცმანის სახლის ერთი ოთახი.

მოქმედება პირველი

სცენაზეა კატარინა, შემოდის მღებავი.

კატარინა — დაახლოებით ოცი წლისაა, გამომწვევი სილამაზისა, ფუმ-ფუმ, წითური თმა აქვს. მოძრაობს სწრაფად და მოქნილად. ლაპარაკობს ჩქარი, შემპარავი, რბილი ხმით. ჩაცმულია საკმაოდ სადად, მაგრამ მკაცრად და აკურატულად. უკეთია თეთრი წინსათარი. თავისი მოხდენილობის გამო უცხოდ გამოიყურება ამ ძველებურ სახლში.

მღებავი — ღმერთი იქნება ჩვენი მოწყალე!
 იმ კრონშტეინზე დაეკიდებთ აბრას
 და იგი, როგორც გაწვდილი ხელი,
 მოიპატიეებს გამვლელ-გამომვლელს.

კატარინა — აბრაზე უნდა დავწეროთ: „ცეცხლი“.
 დე, ელვარებდეს ყოველი ასო.
 ნავსადგურიდან, ხომალდებიდან
 მეზღვაურები ყველაზე უფრო
 აქეთვენ უნდა მოიჩქაროდნენ.
 მღებავი — ეს თავისთავად ასე იქნება!
 კატარინა — აბა, იჩქარე!
 მღებავი — ახლავე დავწერ.
 თქვენ ოღონდ ღვინო მომართვით მალე,
 რომ გამიმაგროს, გამითბოს ხელი.
 კატარინა — (სიცილით უვსებს კათხას ღვინით)
 აბა, მიირთვით.

(მღებავი სწრაფად იღებს კათხას, სვამს. შემოდის მოხუცი ლოცმანი გოტ-
 პოლდ კრივერი. იგი დაახლოებით სამოცი წლისაა, მაგრამ მხნედ გამოიყურება.
 ჭაღარა თმა მოკლედ აქვს შეკრეჭილი. მეზღვაურთა წესისამებრ უღვაშაპარ-
 სულია, დატოვებული აქვს მხოლოდ წვერი. ქარდაკრული, მზეზე დამწვარი
 სახე აქვს. სხეული სწორად უჭირავს და ნამდვილად რკინის ნებისყოფის ადა-
 მიანი უნდა იყოს. თვალები ფოლადივით ნაცრისფერი აქვს, ხმა — გამოკვეთი-
 ლი. ლაპარაკობს მტკიცედ და უხეშად. უფრო ხშირად დუმს და თითქმის ყო-
 ველთვის პირში გაჩრილი აქვს თიხის ჩიბუხი).

გოტპოლდი — (უსიამოვნოდ გადახედავს მღებავს, შემდეგ ხელს დააე-
 ლებს აბრას). ეს რაა?

მღებავი — აბრა.

გოტპოლდი — რად გინდა მერე?

მღებავი — თქვენი სახლისთვის.
 თვალისმომჭრელად ავაელვარებ
 ამ სამიკიტნოს სახელწოდებას.

გოტპოლდი — (გულმოსული)
 აბრა ამ სახლზე?! რაში მჭირდება?!
 მთელს ნავსადგურში ვის ნახე ისეთს,
 ლოცმანის სახლი რომ არ იცოდეს?
 წადით, ხალხს ჰკითხეთ სანაპიროზე,
 ბავშვებიც მყისვე მოგასწავლიან.
 წადით, გამშორდით!

კატარინა — (მორიდებით) რატომ, ბატონო?!

გოტპოლდი — მომეცით ნება, ეს სახლი მოვართო.
 არ საჭიროებს ეს სახლი მორთვას.
 ასეთი დახვდა მამაჩემს იგი,
 სწორედ ამგვარი გადმომცა მანაც,
 და ასეთივე გადაეცემა
 ეს სახლი შვილებს და შვილიშვილებს
 წადით, გამშორდით!

კატარინა — კი მაგრამ, აბრა
 ხომ საჭიროა აუცილებლად,
 რათა იცოდეს ყველა გამველემა,

რომ ელოდება მათ მასპინძელი,
 ლხინი, ღვინო და თავშესაფარი.
 გოტპოლდი — ეს ყველამ იცის. ლოცმანის სახლი
 ცნობილი არის დიდი ხანია.
 და ვისაც შია, სწყურია, სცივა,
 ის თავშესაფარს ჩემთან იპოვნის.
 და ვინც არ იცის... ნურც მოვა ჩვენთან,
 ასი წელია იცნობენ ამ სახლს.

კატარინა — გვეყოლებოდა მეტი სტუმარი...
 გოტპოლდი — მეტი სტუმარი არა მჭირდება.
 რომ ვყოფილიყავ მართლა მდიდარი,
 ამ სახლის ნაცვლად აქ მექნებოდა
 ღარიბ-ღატაკთა და დავრდომილთა
 თბილი და მყუდრო თავშესაფარი.

კატარინა — ეჰ, თქვენ რა გიჭირთ! თქვენ ყოველ დილით
 ნავით გადიხართ შუაგულ ზღვაში.
 ხალხს ხედებით, ცხელ-ცხელ ამბით ერთობით.
 საღამოობით ზიხართ ღუმელთან,
 უსიტყვოდ, წყნარად აბოლებთ ჩიბუხს.
 მე მარტო ვრჩები და მეშინია,
 წაღიღინებაც ვერ გამიბედავს,
 რომ არ დაირღვეს ეს მყუდროება.
 ო, როგორ მინდა ვიხილო ხალხი,
 მათგან ვისმენდე საოცარ ამბებს,
 თუ სად რა ხდება ამ ქვეყანაზე.
 გოტპოლდი — ბედნიერება არ მოაქვთ სტუმრებს. (მღებავს)
 წაიღე აბრა. ჰა, გასამრჩელოც.
 აჰა, ეს ფული...
 კატარინა — ნება მომეცით...
 გოტპოლდი — ვიდრე ცოცხალ ვარ, ამ სახლს სახელი
 არ შეეცვლება, რჩება იგივე,
 რაც ერქვა უწინ მამა-პაპის დროს. (მღებავს)
 თქვენ შეგიძლიათ წახვიდეთ ახლა.
 (მღებავი გაკვირვებული შეჭყურებს დიასახლისს)
 კატარინა — (მღებავს ანიშნებს, წავიდეს. მღებავი იღებს ქუდს და
 გადის. კატარინა მიდის კარადასთან. გამოაქვს ხელსაქმე.
 სიჩუმე პაუზის შემდეგ.)
 გოტპოლდი — (უახლოვდება კატარინას).
 მოვხუცდი ალბათ და ამ ქვეყნისა
 ბევრი რამ უკვე არ გამეგება.
 მაგრამ თქვენ უნდა გესმოდეთ ჩემი:
 ამას გთხოვთ ყველას — ნუ შეეხებით
 მას, რაც წმინდაა მარადეამს ჩემთვის.
 კატარინა — ვიცი, რომ პირველ დღიდანვე გძულვართ.
 გოტპოლდი — რაზე მეტყობა? მითქვამს კი რამე?
 კატარინა — ეჰ, უსიტყვოდაც ვგრძნობ ყოველივეს.
 გოტპოლდი — (ძალიან რბილად).
 როცა ჩემს ძმისწულს, მემკვიდრეს ჩემსას

გაპყევით ცოლად, მე გადმოგეცით
 ეს მშობლიური, ძვირფასი სახლი.
 გულით ვისურვეთ ბედნიერება.
 და არ მიკითხავს, რა მოგყვით მზითვად,
 ვინა ხართ, ანდა საიდან მოდით!

(კატარინა თავს ჩაქინდრავს ხელსაქმეზე და დუმს. გარედან ისმის ფეხის ხმა. სწრაფად შემოდის თომასი. მას აცვია მაღალყელიანი საზღვაო ჩექმები. მხრებგამართული ვაჟკაცია, გოტპოლდს ჰგავს, მაგრამ ბევრად უფრო ახალგაზრდაა. წვერიც კი მოხუცი ლოცმანივით აქვს მოშვებული. მისი ხმა ომახიანად, დამაჯერებლად ედერს. სჭარბობს ხალისიანი ინტონაციები).

თომასი —

ღმერთი გწყალობდეთ!
 (კოცნის კატარინას და თმაზე ხელს გადაუსვამს)

კატარინა —

სალამი თომასს!

თომასი —

აგერ, მღებავი შემომხვდა გზაზე,
 ეტყობა, ღვინო აქ გადაუკრავს.
 რაღაცა აბრა ახსენა, მგონი.
 ამბობდა: ჩერჩეტ მოხუცებულებს
 ჰკუა თანდათან უთხელდებათო.

გოტპოლდი —

ჩემზე იტყოდა, რაღა თქმა უნდა.

თომასი —

რას ამბობ! როგორ გაგიბედავდა!

გოტპოლდი —

მე ავუკრძალე გაეკრა სახლზე
 უშნოდ ნათითხნი, ჰყეტელა რაღაც...

კატარინა —

აბრაზე ამბობს. არ დაგვროთ ნება...

გოტპოლდი —

(კატარინას).

მოცდა მოგიწევთ ჩემს სიკვდილამდე,
 შემდეგ როგორც გსურთ, როგორც გენებოთ...

თომასი —

ასე სასტიკად ნუ მოექცევი,
 ქალი ახლახან შემოგვეკვდა,
 ახლა შემოდგა ჩვენს სახლში ფეხი,
 ჯერ ჩვენს გარემოს არ შესჩვევია,
 მაგრამ ვგრძნობ უკვე, რომ შეეჩვევა
 და შეიყვარებს ყველაფერ იმას,
 რაც სანუკვარი გამხდარა ჩვენთვის.
 (კატარინას) ხომ მართალს ვამბობ, შენ უკვე გიყვარს
 ეს სახლი, ზღვაზე გადასახედი!

გოტპოლდი —

ღმერთმა გისმინოს... ღამე ნებისა.

თომასი —

(ადის კიბეზე, ზედა ოთახში)

რა მოგივიდათ? ისევ იჩხუბეთ?

უჯიათია... ყურსაც არ გიგდებს.

აბრა მეტ მუშტარს მოიზიდავდა

და საქმეც უკეთ წაგვივიდოდა.

კატარინა —

ახალ, ლამაზ სახლს ავაშენებდით...

მაგრამ ჯიუტობს. არაფერს გვითმობს...

ალბათ შინიდან გამაგდებს მალე.

თომასი — და ნურც დასძრახავ. საწყალი კაცი
 აქ გაიზარდა, აქვე დაბერდა,
 შეესისხლხორცა აქაურობას,
 შენ კი ჯერ ისე არც შესჩვევიხარ.
 აქაურობა მაგისი ვახლავს,
 მე კი უცხო ვარ და ჩემს სურვილებს
 უფრო ნაკლები აქვს მნიშვნელობა,
 ვიდრე ქარს, აგერ ძველ საკვამურში.
 თომასი — ნეტა რას ამბობ! მოხუცდა კაცი,
 რასაც აქ ხედავ, მაგისი იყო,
 შენ, უთვისტომოდ გაზრდილი ქალი,
 ვერც კი გაიგებ მის გულსინდლებს.
 კატარინა — არ გედავები.
 თომასი —

მადლობელი ვარ.

(კოცნის კატარინას)

(ღია კარში გამოჩნდება მეზღვაური — სიცოცხლით სავსე ახალგაზრდა, საზეიმოდაა გამოწყობილი. ოდნავ შემთვრალია).

მეზღვაური — საღამო!.. მგონი, გზა არ შემშლია,
 აქ მომასწავლეს — დალევა თუ გსურს,
 სასმელს ლოცმანის სახლში ჰპოებო.
 ეს არის, მგონი, ლოცმანის სახლი.

კატარინა — ხომ ხედავ, თომას, აკი გითხარი,
 შემთხვევით მოხვდა ჩვენთან ეს კაცი.
 თომასი — (ერთდროულად)

მობრძანდით ჩვენთან, როცა გენებოთ!
 კატარინა — რა გსურთ მოგართვათ?

მეზღვაური — მაგარი რამე!

(კატარინა უდგამს ღვინით სავსე დოქს. მეზღვაური და-

ლევს და კათხას მაგიდაზე დადგამს)
 დღეს გულით უნდა ვიმზიარულო.
 ეს რა ხალხი ხართ? რას დგახართ განზე?
 გეპატიეებით! დაბრძანდით!.. მოდით!
 როდესაც სამი ქეიფობს ერთად,
 სულშიაც თბილა, ღვინოც ტკბილია.

(თომასი და კატარინა გვერდით მიუხსნდებიან)

კატარინა — სანაძლეოს ვღებ, დღეს თქვენ მოიგეთ!
 მეზღვაური — თითქმის ასეა.

თომასი — მაშ, იქორწინეთ?

მეზღვაური — იქორწინეო?.. ხუთი წლის წინათ!
 არც ვნანობ, შემხვდა ისეთი ქალი,
 სანთლით ეძებო, ვერსად იპოვნე!
 მყავს ერთი გოგო და ორი ვაჟი.
 თქვენ უშვილო ხართ?

თომასი — (სიცოცხლით) ჰო, ჯერჯერობით!

იქნება ღმერთმა ჩვენც მოგვევლინოს!

კატარინა — გაჩუმდი, თომას. არა გრცხვენია?

მეზღვაური — რისი გრცხვენიათ! ვაჟზე უტკბესია
 რა უნდა იყოს ამ ქვეყანაზე!

- თო მასი — სიპართლეს ამბობთ. მოდით და შევეცვათ,
შვილების იყოს ეს სადღეგრძელო!
(სვამენ)
- მეზღვაური — ახლა გვიამბეთ, თუ რა შეგემთხვათ.
მას შეუძლია იცინოს ასე,
ვინც სიხარულით არის გამთბარი.
- თო მასი — ალბათ გსმენიათ პარავგაული
ვერცხლით დატვირთულ გემის ამბავი, —
ბისკაის ყურის სანაპიროსთან
ხელთ როგორ იგდეს ინგლისელებმა.
- მეზღვაური — ო, როგორ არა! ასეთი დავლა
ჩვენს დროში, მგონი, არავის ახსოვს.
იქ გახლდით სწორედ. დამკრეს კიდევაც,
და ჯილდოც მომცეს ამ ჭრილობისთვის.
- თო მასი — თქვენ იქ იყავით?
- კატარინა — როცა ქონებას
ანაწილებდნენ?
- თო მასი — ალბათ დიდძალი
ფული გზვდებოდათ თვითეულს წილად!
- მეზღვაური — ერთი ათასი ტალერი ვერცხლი.
და ისიც სუფთა, კრიალა ვერცხლი.
დიდი ფულია. მომწყვიტა წელი,
მაგრამ ერთხელ არ დამიკვნესია.
- კატარინა — (სიხარბით) ბედნიერი ხართ! ათასი ვერცხლი!
- თო მასი — ფრთხილად იყავით. აქ ბევრი დაძრწის
მძარცველი, ქურდი და გაიძვერა,
სხვის ჯიბეებში უყვართ ფათური...
- მეზღვაური — რას დამაკლებენ. კარგად დავმალე:
მთელი ის ფული მიწას მივანდე...
- კატარინა — რამ გაგავიყავთ, როგორ თუ მიწას!
მერე, უცებ რომ წააწყდეს ვინმე?
- მეზღვაური — ვერვინ წამართმევს. რაც ფული მქონდა,
მიწად ვაქციე. ვიყიდე სახლი,
ყანა და მდელი, ძროხა და ბალი...
მიწად ვაქციე მთელი ის ვერცხლი
და ახლა ღმერთს ვთხოვ მოსავალს მხოლოდ.
(გულაჩუყებული)
- თო მასი — მიწა ასეცად მოგიზღავთ ამავს!
გვიამბეთ, ბარემ, თავს რა გადაგზდათ.
- მეზღვაური — როგორც ჩამოველ, მინდოდა სწრაფად
შინ მიმეტანა ნადავლი ვერცხლი,
უეცრად გზაზე მეზობელს შევხვდი,
ამბავი ვკითხე და გამოირკვა —
ამერიკაში აპირებს წასვლას.
მით უკეთესი! გზა მშვიდობისა!
მე კი ამ სახლს და მიწას ეყიდულობ.

თო მასი —

მეყო სიკვდილთან მუღამ თამაში.
მსურს მტკიცედ მედგას მიწაზე ფეხი,
მინდა ვცხოვრობდე შვილებთან ერთად.
მიყვარს მამული, და მინდა შრომით
მშობელ მიწაში გავიდგა ფესვი
და სამუდამოდ ჩაეუშვა ღუზა.

(მხარზე ხელს დაჰკრავს)
ეს მართალია. ჩვენ, ზღვის სულებმა,
ვიცით მშობლიურ კერის ფასი.
შინ ყოფნა არის ბედნიერება.

ლამით სახლში ხარ, გარედან გესმის:
ბობოქრობს ქარი, შხაჟუნობს წვიმა,
შინ კი ბრიალებს ლამაზად ცეცხლი,
თბილად ანათებს იმათ სახეებს,
საკუთარ თავზე უფრო ვინც გიყვარს.
(მაგრად ართმევს ხელს)

ნეტავ რა ქარმა გადმოგისროლათ...
მოიცათ ცოტა, ბიძას შევეძახებ,
მან ჩვენთან ერთად უნდა იხაროს.
ეპეი, ბიძავ!

გოტჰოლდი —
თო მასი —

(ზემოდან) მოვდივარ, შვილო!
აგერ სტუმარი გვყავს სასურველი,
ჩამოდი ბარემ და მოვილიხნოთ;
მან ზღვაში ჰპოვა ბედნიერება
და შესანახად მიწას გადასცა, —
აქვე, ჩვენს ახლოს იყიდა სახლი.

გოტჰოლდი —

(გულთბილად)
ღმერთმა გაცოცხლოს. შორსა ხარ ჩვენგან?

მეზღვაური —

ორიოდ მიღზე. ერთიც დავლიოთ.

გოტჰოლდი —

ეს გაუმარჯოს ჩვენს მეზობლობას!

მეზღვაური —

ხმა ჩამეხრინწა, ბევრი ვიყბედე. (სვამს)
მაგრამ, მართალი თუ გინდათ ვითხრათ, —

ცოლმა არც იცის ჯერ ეგ ამბავი,
და საქმეებში გართულს რომ მხედავს,
იმას ჰგონია, ძველებურადვე

ახალ და ახალ გოგოებს დავდევე.
თქვენ ნახეთ, როგორ გაუკვირდება,
როცა ახალ სახლს ვაჩვენებ უცებ,
თან ვეტყვი: მოდი, დალუწე ღობე,
ფანჯარა, კარი და სახურავი...

ხმას ვერვინ გაგცემს, ჩემო ძვირფასო,
ეს ყველაფერი შენია, შენი,
და საუკუნოდ შენი იქნება!
შენ იმ მიწაზე დადიხარ ახლა,
რომელიც მარად ჩვენ გამოგვეცხვავს.
ხედავ, ნაყოფით დახუნძლულ ხეებს,
ეს ყველაფერი შენია, შენი!
გაუკვირდებათ ცოლსა და შვილებს!

ღიას, მეწვია ბედნიერება!
 სიხარულისგან ჰკუა დავკარგე,
 ალტაცებისგან ირყევა მიწა,
 ვით ქარიშხლის დროს ჩვენი ზომალდი.
 კიდევ დამისხით, დავლიოთ ღვინო.
 ეს იყოს ჩვენი გამარჯვებისა...
 ჩვენი ოჯახის!

კატარინა —

(სევამენ)

თომასი —

ჩვენი მამულის!

ჯარისკაცი —

(გარედან ისმის ბრახუნი, ჯარისკაცის ხმა)
 (კულისებოდან) ჰე, რომელი ხარ, გააღე კარი!
 (ფანჯარას გამოაღებს)
 რა გნებავთ?

ჯარისკაცი —

ბინა!

კატარინა —

შემოდით, მერე!

ჯარისკაცი —

ოფიცრისაგან მაქვს ნაბრძანები,
 ღამის გასათევ ბინას დავეძებთ,
 ასე, ნახევარ ასეულისთვის,
 რეკრუტებისთვის, რომელნიც ჰასენს
 და კიდევ სხვაგან გვეყავს შეგროვილი.
 ჩვენი თვადის განკარგულებით
 შორს, ოკეანის გადაღმა მხარეს
 სასწრაფოდ უნდა გადავაგზავნოთ.

გოტჰოლდი —

(ყვირის)

არა გვაქვს ბინა და არც იქნება!
 ფულს არ ავიღებ მე ცოდვილთაგან,
 ხალხით ვაჭრობა რომ გაუმართავთ.
 გესმის, თუ არა! ასე უთხარით!

კატარინა —

(გაბრაზებული)

გაჩუმდით ერთი, რა გვენადლებათ!
 ჩვენი ფარდული მეტსაც დაიტევს,
 პატივცემული ოფიცრისათვის
 ზემოთ ოთახიც მოიძებნება!

გოტჰოლდი —

მაგას არ ვიზამ!

ჯარისკაცი —

ფულს ბლომად მოგცემთ!

გოტჰოლდი —

არ მინდა, არა!

კატარინა —

რატომ?

ჯარისკაცი —

არ მესმის.

კატარინა —

რა მოხდებოდა...

გოტჰოლდი —

ქრისტიანი ვარ.

ქრისტიანულად მინდა ვიცხოვრო.
 კაცით ვაჭრობას ზეცა გვიკრძალავს.
 არა, არ მინდა ცოდვილი ფული.
 თავადი იღებს სიამოვნებით,
 ჩვენ კი რაღა ვართ წინააღმდეგი?
 ჩვენ ზომ თვადზე ღარიბები ვართ?

კატარინა —

გოტჰოლდი — გაჩუმდი ერთი!
 კატარინა — სისულელეა!
 თომასი — მისმინე, ბიძავ, თუ ჩვენ ამაღამ
 იმ საბრალოებს არ შემოვუშვებთ,
 ცის ქვეშ მოუწევთ ღამის გათევა.
 კატარინა — მეც ამას ვამბობ.
 გოტჰოლდი — (გულმოსული მიდის, კუთხეში ჯდება)
 როგორც გენებოთ!
 კატარინა — (ჯარისკაცს) მოიყვა სწრაფად!
 ჯარისკაცი — ახლავე... არის!..
 კატარინა — (სიცილით)

რა სისულელეს ვიზამდით, თომას,
 თავშესაფარი რომ არ მიგვეცა
 ორმოცდაათი რეკრუტისათვის.
 უჭკუობაა, ახირებაა!
 შენ ამდენ მუშტარს ნუ ეხუმრები,
 განა ყოველდღე გამოგიჩნდება!
 დე გაღიხადოს თავადმა ფული,
 რაკილა სისხლით აქვს მოხვეჭილი.

(თომასი და მეზღვაური ფანჯარასთან მივლენ, გამოაღებენ და გზას გას-
 ცქერიან, რომელზეც ზანტად მოემართება რაზმი. ცოტა ხანს ფანჯარასთან დუ-
 მილით დგანან. შემდეგ...)

თომასი — ვაი, სირცხვილო! ისე, ვით მკვლელებს,
 ერეკებიან ბორკილგაყრილებს.
 რატომ და რისთვის? მხოლოდ იმიტომ,
 რომ ვიღაც ბატონს მოუნდა ომი.
 ეგერ, ყმაწვილი! სახეზე ღინღლიც
 არ ამოსვლია ხეირიანად.
 დედის კალთაში ლაღობდა გუშინ,
 დღეს კი პატარა ბავშვური მხრებით
 ის თავისსავე სიკვდილს მიათრევს.
 ვაი ჩვენს დღესა და ჩვენს მოსწრებას!

მეზღვაური — ჩვენ საკუთარ ძმებს, დაუნდობელნი,
 პირუტყვებივით ვყიდით ცალობით
 და სასიკვდილოდ მივერეკებით!

თომასი — შეხედე, როგორ ერეკებიან...
 მეზღვაური — ო, საბრალონი და უბედურნი,
 ჩვენ დავიძინებთ მშვიდად და წყნარად
 საკუთარ ჭერქვეშ, თბილ საწოლებში.
 მათ კი ჩაყრიან გემის ტრიუმში
 პირუტყვებივით და საცოდავებს
 გააჭროლებენ ბობოქარ ზღვაზე...
 როცა მიწაზე ფეხს დაადგამენ,
 მყისვე ბრძოლაში უკრავენ თავსა
 და ზარბაზნების ლუკმად გახდიან.
 რად ხდება ასე? მხოლოდ იმიტომ,
 რომ გაისქელოს თავადმა ჯიბე!
 ო, გერმანია!

თომასი —

მეზღვაური —

რა დრო დაგვიდგა?!

რა საშინელი და მძიმე წლები!
ღმერთმა ჰქნას, შევხვდეთ უკეთეს ღლებს!
ველირსებით კი?

თომასი —

მწამს, ველირსებით.

მეზღვაური —

ღმერთმა გისმინოს. წამო, წავიდეთ,
რა გული მოგცემს, მითხარი ერთი,
ხელდაკრეფილი იდგე ღუმლით
და სამარცხვინო სურათს უქქერდე.

თომასი —

(შემოდის ოფიცერი. მალალი და წარმოსადეგი კაცი. ჩაცმულობასა და მანერებზე ადვილად მიხედვებით, რომ გერმანელი აზნაურია. მისი ასაკი ძნელად მისახვედრია. შეიძლება მისცეთ ორმოც წელზე მეტი. ხშირი თმა ოდნავ შევერცხლია. მასთან ერთად შემოდის სერჟანტი. მკვრივი აღნაგობისა და ველური გარეგნობისა. აწითლებული სახე აქვს, ყვირილისა და თამბაქოს წვევისაგან ხმა ჩახლეჩია. ფანჯრიდან მკრთალად მოსჩანან რეკრუტები. ისმის ბორკილების ღლარუნი, ჯარისკაცთა ყვირილი, კონდახების კაკუნი. რეკრუტები ჩერდებიან კარის გასწვრივ. გაისმის გაურკვეველი ხმაური. დროდადრო ხან ერთი, ხან მეორე მოდის კართან და ოთახში იჭყიტება. მათი იქ ყოფნა უნდა იგრძნობოდეს მუდმივად).

ოფიცერი —

(სწრაფად მიდის თომასთან)
გწყალობდეთ ღმერთი! სახლის პატრონი
თქვენა ბრძანდებით?..

თომასი —

ღიახ, ვახლავართ.

ოფიცერი —

როგორც გადმომცეს, თქვენ თანახმა ხართ,
რომ ბინა მოგცეთ ჩვენ და რეკრუტებს.
საუკეთესო ოთახს დაგითმობთ.

თომასი —

კატარინა —

ჩვენი ფარდული მთელ ასეულსაც
მგონი დაიტევს. ჩალაც ბლომად გვაქვს,
გაიფენენ და იოლას გავლენ.

ოფიცერი —

ერთი მითხარით, თქვენი ფარდული
გარედან კარგად ხომ იკეტება?
რალა თქმა უნდა!

თომასი —

სარკმელი, ხერელი

ოფიცერი —

ხომ არ აქვს სადმე?

თომასი —

კარი აქვს მხოლოდ.

ოფიცერი —

სერჟანტო!

(სერჟანტი წინ დაუდგება)

რაზმი უნდა ჩაეკეთოს!

კართან კი ორი გუშაგი იდგეს!

თქვენ და მან (უჩვენებს გზირზე)

უნდა ადევნოთ თვალი,

რათა არავინ არ გაგეპაროთ,

თორემ ხომ იცით, რა ღლე მოგელით?

სერჟანტი —

არის. შესრულდეს თქვენი ბრძანება! (გაღის)

ოფიცერი —

(გზირს)

არ მოაშორეთ წუთითაც თვალი.
უნდა მივგვართ გემზე უკლებლივ
ორმოცდაათი. აბა თქვენ იცით!

გზირი —

თქვენ ფიქრი ნუ გაქვთ! ვინ გამეჭყევა?!
(განზე გადგება)

(ხმალს შემოიხსნის და მაგიდაზე დებს. მიმართავს თომასს)

გოტჰოლდი —

ნავსადგურშია უკვე ხომალდი?

თომასი —

ინგლისის ხომალდს კითხულობთ მგონი?
დიახ, ხომალდი მზად არის უკვე
და თქვენს მისვლასდა ელოდებიან.

გზირი —

დღეს ხომ ძლიერი ქარი მძინევარებს.

თომასი —

სჩანს, რომ ხვალამდე მოგიწევთ დაცდა.

ოფიცერი —

(ამოიხერით)

მაშ, ხვალ დილაზე გავემგზავრებით!

(კარებში უყვირის რეკრუტებს)

ბიჭებო, გასწით დასაძინებლად!

ნუ დაღონდებით! გაზეთში სწერენ,
რომ აჯანყებას ამერიკაში

ჩქარა დასძლევენ და ჩააქრობენ
და მაშინ მალე შინ დავბრუნდებით.

ხმეები —

(გარედან, არეულად)

ღმერთმა ქნას! ნეტავ! ღამე მშვიდობის!

(ოფიცერი ბრუნდება მაგიდასთან ხმლის ასაღებად. მეზღვაური გზას უჭრის).

მეზღვაური —

ნება მიბოძეთ, მოგმართოთ თხოვნით.

ოფიცერი —

გისმენთ.

მეზღვაური —

არ ვიცი, როგორ დავიწყო!

აი რა... მე ხომ ბედი მწყალობდა.

და მათზე მინდა ახლა ვიზრუნო,

ვინც ბედისაგან დაჩაგრულია.

ნება მომეცით ამ საბრალოებს

დაევმშვიდობო, მივართვა ღვინო

დარდის და სევდის გასაქარებლად.

ყოჩაღ, ჭაბუკო!

გოტჰოლდი —

მე თანახმა ვარ!

ოფიცერი —

(კატარინას)

აბა, ძვირფასო, საუზმე ჩქარა!

მიართვი სწრაფად ამ საბრალოებს,

რომ გერმანია შორეულ გზაზე

არ მოიხსენონ ცუდად და ავად.

(ორივეს ხელს ართმევს)

ოფიცერი —

ყველა რომ თქვენებრ ფიქრობდეს ქვეყნად,

მაშინ ბევრი რამ შეიცვლებოდა!

(კარს იქით გასძახის)

ბიჭებო! კეთილ ადამიანებს

სწყურიათ თქვენი გამაჰინძრეობა,

რათა ეს დამე უკანასკნელი
ჩვენს სამშობლოში იყოს ღამაში.

(რეკრუტები უწესრიგოდ შემოცვივდებიან, თვალისდახამხამებაში ოთახი ივსება. ყველა ახალგაზრდაა. უმეტესობას ტანსაცმელი შემოხევეია. ზოგიერთს აქა-იქ სამხედრო ფორმის ნიშნები ემჩნევა. ზოგს ფეხზე ბორკილი ადევს. რეკრუტები დახლთან შეჯგუფულან. თომასი მათ კათხებს აწვდის. სვამენ და კათხას ერთმანეთს აწვდიან. კარს დაარჯობს ხიშტშემართული ორი ჯარისკაცი. მოულოდნელი სტუმართმოყვარეობა და მასპინძლობა ყველას ახარებს. ხმაური მატულობს).

- რეკრუტები — (ერთმანეთს არ აცლიან)
ო, გმადლობთ, გმადლობთ.
მასპინძლებს ვაშა!
ღმერთი მოგიზღავთ სამაგიეროს!
იყავ ღლეგრძელი! იყავ ღლეგრძელი!
ჩვენც გვინდა შევსვათ.
- ჯარისკაცი — შევსვით, გაამოთ.
გოტჰოლდი — ჰეი, ეს სუფრა გემრიელია?
ოფიცერი — გემრიელია! თქვენის წყალობით!
მეორე ჯარისკაცი — (თომასს)
ღმერთმა დიდი ხნის სიცოცხლე მოგცეთ!
ერთ-ერთი რეკრუტი — ბედნიერება ნუ მოგიშალოთ!
(აძლევს მონეტას)
ესეც თქვენ ჩვენი დალოცვისათვის!
(სასოწარკვეთილი გამომეტყველების ერთ-ერთი შავწვერიანი სარგებლობს არეულობით. გზას იკაფავს გოტჰოლდისაკენ და აჩქარებული ჩურჩულით ეუბნება).
- შავწვერიანი — ლოცმანო კრიუგერ! თქვენ გეხვეწებით...
თქვენ მამაჩემის მეგობარი ხართ.
მამას უყვარდით... მიშველეთ რამე
და ჰასენის გზა გამაგნებინეთ.
- გოტჰოლდი — რაში გჭირდება შენ ჰასენის გზა?
შავწვერიანი — ცოლ-შვილს და ოჯახს დაეუბრუნდები.
იქ თავს დამესხენ მოულოდნელად
და კურდღელივით მახეს გაეები.
მინდა გავიქცე და თავს გუშველო.
- გოტჰოლდი — (ჩუმად)
მდინარის გაღმა მინდორში გადი,
ტყეს მიადგები... იარე ასე
და ორ საათში საზღვარს გადახვალ,
მეც შევეცდები, რომ დავგნმარო.
- გზიერი — (ჩადგება მათ შორის)
რაზე საუბრობთ? აბა, ფარდულში!
იმზიარულეთ — გეყოფათ, გასწით!
მოუსვით ფიცხლად!
(სერჟანტი ავდებს რეკრუტებს)

- ოფიცერი — (ხმალს იღებს)
ჩაკეტეთ ყველა!
და საგუშავო არ მიატოვოთ!
- ოფიცერი — (გზირი და სერჟანტი გადიან)
(მიუბრუნდება დანარჩენებს)
ლამე მშვიდობის.
- თომასი — ლამე მშვიდობის.
- მეზღვაური — ძილი ნებისა!
(ოფიცერი კიბეზე ადის, მისთვის განკუთვნილ ოთახში)
- გზირი — (მუქარით)
სერჟანტო, აქეთ!
მანდ გუშაგები ისედაც კმარა.
ესლა გვაკლია, ოხრების გამო
უკანასკნელი ლამე ჩაგვშამდეს!
გვეყო, რაც ვსდიეთ. გვიბრძანა რალა:
„საგუშავოზე იდექით ფხიზლად!“
ჩვენ გაგვეყინოს კონდახზე ხელი,
ის კი ლოგინში იწვეს ნებივრად.
არა, ბატონო! მაცალე ცოტაც.
იქ ჩავალთ, სადაც არც თავადები,
არც იუნკრები აღარ არიან...
მოდი, დავლიოთ.
- სერჟანტი — მაგრამ ბრძანება?
გზირი — ფეხზე მკიდია. მოდი, დაჯექი.
- სერჟანტი — იცოდე, მხოლოდ ერთი საათით...
გზირი — (ხელს ურტყამს მაგიდაზე)
მოიტა ღვინო! ლხინი გვწყურია!
რატომ ხმაურობთ. ახლავ მოგართმევთ!
- თომასი — მიგვიანდება, შინ წასვლის დროა,
მითხარ, რამდენი გერგება ჩემთან?
მეზღვაური — ახლავე, ამ წამს ვიანგარიშებ
- თომასი — (კატარინას უთითებს გზირზე და სერჟანტზე)
მთავარი ღვინო.
- კატარინა — (ავსებს კათხებს და მიართმევს,
მეგერგოთ, შესვით!
- სერჟანტი — რა მომდის! თვალი ხომ არ მატყუებს!
ეს გოგოც თითქოს საღდაც მინახავს.
- გზირი — (ეხვევა კატარინას)
კატარინა, ჩემო ლამაზო გოგო!
- სერჟანტი — კატარინა!
მოდი, დაჯექი ჩვენთან!
აი შეხვედრაც ასეთი უნდა!
- (კატარინა შეშინებული უკან იწვეს. თომასი წამოხტება და კათხებს გა-
დადგამს).
- თომასი — გადაირიეთ?..
- გზირი — მაინც რა მოხდა!
- თომასი — თქვენ ჩემი ცოლი ვინა გგონიათ?
მომშორდით, თორემ ჭკუას გასწავლით.

გ ზ ი რ ი — (უნდობლად)
 ცოლი? (იცინის)
 კატარინა?!
 გ ი ლ ო ც ა ვ ე თ რ ა ლ ა ! (ხარხარებს)

ს ე რ ქ ა ნ ტ ი — (გაცოფებული)
 თ ო მ ა ს ი — რ ა გ ა ჳ ი ხ ე ნ ე ბ თ , ძ ა ლ ლ ის შ ე ი ლ ე ბ ო ? !

გ ზ ი რ ი — (დამშვიდებით)
 თქვენ რა გაყვირებთ... მე მომეჩვენა...
 (დამცინავი ხმით, ფამილარულად)
 რომ თითქოს თქვენს ცოლს... ვიცნობდით კარგად.
 (კატარინას)
 და არცთუ ისე დიდი ხნის წინათ...

ს ე რ ქ ა ნ ტ ი — (სულელური სიცილით)
 თ ო მ ა ს ი — მეც ვიცნობ, მგონი...
 (მაგიდას ურტყამს მუშტს)
 რ ა თ ა ვ ე ღ ლ უ რ ი .
 რ ა ს ა ზ ი ზ ლ ა რ ი ს ი ც ი ლ ი შ ე ს მ ის ...
 ღ მ ე რ თ ო მ ა რ თ ა ლ ო !
 შ ე ნ ი ც ნ ო ბ ა მ ა თ ?

კ ა ტ ა რ ი ნ ა — (კატარინა შეშფოთებულია, ორჭოფობს)
 თ ო მ ა ს ი — ვ ე ნ ა ხ ო თ , ს ე რ ქ ა ნ ტ ო , რ ა ს უ პ ა ს უ ხ ე ბ ს ?
 (გონს მოეგება და თავისუფლად ამბობს)
 კ ა ტ ა რ ი ნ ა — ფ რ ა ნ ც ! .. ე ს შ ე ნ ა ხ ა რ ? ! ძ ლ ი ვ ს შ ე გ ი ც ა ნ ი .
 ე ს ბ ი ძ ა ჩ ე მ ის ვ ა ე ი ა , ფ რ ა ნ ც !
 დ ი დ ი ხ ნ ის წ ი ნ ა თ გ ა დ ა ი კ ა რ გ ა .
 ე რ თ ი უ ქ ნ ა რ ა ბ ი ჳ ი ა მ ხ ო ლ ო დ
 და ჩ ხ უ ბ ის თ ა ვ ი ჩ ე ვ ე ნ ი უ ბ ნ ის ა .
 ა ქ რ ო გ ო რ გ ა ჩ ნ დ ა !
 (ისევ თავისუფლად, გზირს)
 რ ა რ ი გ შ ე ც ვ ლ ი ლ ხ ა რ !
 ა თ ი წ ე ლ ი ა , არ მ ი ნ ა ხ ი ხ ა რ .

ს ე რ ქ ა ნ ტ ი — (ბრიყვეული, ტუტუტუარი ხითხითით)
 თ ო მ ა ს ი — თ ა ნ ა ც რ ა ტ უ რ ფ ა , პ ა ტ ა რ ა ბ ა ლ ლ ი !
 გ ზ ი რ ი — (შეშფოთებით და ეჭვით) ს ა კ ე ი რ ვ ე ლ ი ა !
 (ნაძალადევად) ჰ ა მ ბ უ რ გ შ ი მ გ ო ნ ი
 თ ო მ ა ს ი — არ გ ვ ა კ ლ დ ა ლ ხ ე ნ ა ! ხ ო მ მ ა რ თ ა ლ ი ა ?
 (სწრაფად) რ ა ო , ჰ ა მ ბ უ რ გ შ ი ? გ ა ნ ა ე რ ფ რ უ ტ შ ი
 არ დ ა ი ბ ა დ ე ?

კ ა ტ ა რ ი ნ ა — (ცამეტის ვიყავ,
 იქიდან აქეთ რომ გადმოვსახლდით.
 გ ზ ი რ ი — (ცამეტნახევრის, შენ შეგეშალა.
 (ხანგრძლივი, უხერხული დუმილი. თომასი სწრაფად აიტაცებს დოქს და
 ისევ უკანვე დგამს სუფრასზე).
 თ ო მ ა ს ი — ო , მ ა პ ა ტ ი ე თ ... რ ა ს ვ ი ფ ი ქ რ ე ბ დ ი ,
 ნ ა თ ე ს ა ვ ე ბ ი თ უ ი ქ ნ ე ბ ო დ ი თ .
 ა ხ ლ ა გ ა ვ ი გ ე , და ს წ ო რ ე გ ი თ ხ რ ა თ ,

გახარებული ვარ ერთი ორად.
 კეთილი იყოს სტუმრობა თქვენი.
 ეს ჩემი სახლი თქვენი სახლია!
 (სუფრას მიუჯდება)

გ ზ ი რ ი —

(კარგა ხნის დუმისლის შემდეგ)
 ძალუაჩემი ხომ ცოცხალია?

კ ა ტ ა რ ი ნ ა —

კი, ცოცხალია.

გ ზ ი რ ი —

ისევე იქ ცხოვრობს,

იმ კოხტა სახლში, სადაც ჩვენ ხშირად
 მოგვიღებენია?

კ ა ტ ა რ ი ნ ა —

(მკვახედ, გაჯავრებით).

(დუმისლის შემდეგ) მგონი იქ ცხოვრობს!

გ ზ ი რ ი —

დიდი ხანია, რაც წამოხვედი?

კ ა ტ ა რ ი ნ ა —

(უფრო მკვახედ) ჰო?

გ ზ ი რ ი —

(დაუნდობლად) შენი ქმარიც იქ გაიცანი?

კ ა ტ ა რ ი ნ ა —

(იგივე კილოთი)

არა, აქ.

გ ზ ი რ ი —

(ოდნავ დაცინვით) ოჰო, მამ ეგრე, ეგრე!

გრეტა იქ არის? კლარაც და ელზაც?

დანარჩენები როგორ არიან?

კ ა ტ ა რ ი ნ ა —

არ ვიცი, არა. დროა ძილისა,

უნდა წავიდე დასაძინებლად.

თომას, წავიდეთ...

გ ზ ი რ ი —

ძილი ნებისა!

(ამ დროს სცენის უკნიდან იქეჭებს თოფი. ისმის ყვირილი, ხმაური. ყვე-
 ლანი წამოიშლებიან. სერჟანტი და გზირი გარეთ გაცვივდებიან. კიბეზე ოფი-
 ცერი ჩამორბის. მუნდირი უკვე გაუხდია. გოტჰოლდი დინჯად შემოდის).

ო ფ ი ც ე რ ი —

(სწრაფად კითხავს)

რა ამბავია?

გ ო ტ ჰ ო ლ დ ი —

რა მოგახსენოთ!

ს ე რ ჟ ა ნ ტ ი —

(შემოდის)

დავაგვიანეთ, უკვე გაიქცა.

ო ფ ი ც ე რ ი —

ვინ გაიქცაო?

ს ე რ ჟ ა ნ ტ ი —

გახსოვთ, შავწვერა,

აი, გუშინწინ რომ ავიყვანეთ.

გ ზ ი რ ი —

ჰასენს გაიქცა, ის არამზადა.

ჯანდაბას მისი ოხერი თავი!

ს ე რ ჟ ა ნ ტ ი —

ეს რა მითხარი! (გადის)

ვერა ხარ კარგი მახარობელი!

გ ზ ი რ ი —

როგორც ჩაეხედე თელში შავწვერას,

ხელად გითხარით — ამ არამზადას

ბორკილი უნდა დავადოთ-მეთქი.

თქვენ დამიშალეთ.

ო ფ ი ც ე რ ი —

(ოთახში შემოსულ ჯარისკაცს)

თქვი, როგორ მოხდა?

ჯ ა რ ი ს კ ა ც ი —

ფარდულში ყველა შეეყარეთ ერთად,

ის მოდიოდა ყველაზე ბოლოს.

როცა ოდნავად ძირს დავიხარე,
 მძიმე ურდულის გამოსაწევად,
 ვიღაცამ თავში ძლიერი მუშტი
 ჩამცხო და უცხად ძირს წავიქეცი.
 ის კი გაიქცა. წამოვხტი უმალ,
 თოფი ვესროლე, ვერ მოვახვედრე.
 სერჟანტი მაშინ სად ბრძანდებოდა?
 არ დამინახავს.

ოფიცერი —
 ჯარისკაცი —
 ოფიცერი —

(სერჟანტს) თქვი, სად იყავი?

(სერჟანტი ღუმს)

ჰა, მიპასუხე! (მაგიდაზე ღვინოს შეამჩნევს)

აჰ, თქვენ ქეიფი გამართეთ აქა?!

გარეწრებო და სალახანებო,

სამსახურის დროს მოჰყევით ქეიფს?!

ო, თუმცა ეს რა ჩემი საქმეა!

(გზირს)

აკი გიბრძანეთ, საგუშაგოზე

ფხიზლად გჰეროდათ თვალი და ყური.

ეურჩეთ არა, იმ ჩემს ბრძანებას?

პასუხი მკაცრად მოგეთხოვებათ.

თუ გაქცეული შავწვერას ნაცვლად

სამაგიერო არ გეყოლებათ

და სათვალავში დაგაკლდათ ვინმე,

ხვალ დილისათვის თქვენ პასუხს აგებთ

და ორ წელს უნდა იხადოთ ფული.

(იციინის)

მეზღვაური —

კარგა ძვირი კი დაგიჯდათ ღვინო!

გზირი —

(გაცოფებული, მეზღვაურს)

სხვების საქმეში ცხვირს რატომა სწირი?!

(ოფიცერს)

სად უნდა ვდიო ამ შუალამეს,

აქამდე ცხრა მთას გადაიბრუნდა.

ოფიცერი —

როგორც გენებოთ. დამე წინა გაქეთ.

იქნებ ქალაქში, მეზღვაურებში

მოახერხოთ და იპოვოთ ვინმე,

რომ მოხალისედ გამოდგეს ჩვენთან.

სხვა მე არ ვიცი. ხვალ დილით უნდა

ორმოცდაათი რეკრუტი გყავდეთ.

თქვენზევე ხელით წამხლარი საქმე

თქვენ თვითონ უნდა გამოასწოროთ.

მაშ ასე, ახლა მშვიდობით გნახეთ!

(ზურგს აქცევს, სხვებისკენ მიტრიალდება)

გთხოვთ მამატიოთ. ომი—ომია!

(თავს უკრავს და კიბეზე აღის)

გზირი —

წყვეული ძაღლი! (მეზღვაურს)

რას იყვანები?

ზომ არ გგონია, ეშმაკის კერძო,
რომ მე ადვილი მაქვს სამსახური!
(თავზე აჩვენებს)

შეხედე კარგად ამ ნაიარევს?
ეს არამზადა რეკრუტისაგან
დამრჩა სახსოვრად, გამექცა იგი,
ჩამოკრეფილი ფული წაიღო,
თან გაიტაცა.

მეზღვაური—

კარგიც უქნია!
რა გაწუწუნებს? ეს სამულშო
აკი შენ თვითონ ამოირჩიე?
ფულს ზომ შოულობ არამზადობით.

გზირი—

(ბოროტად)
ენა ჩაიგდე, პირუტყვეო, თორემ...
(სერჟანტს ხმადაბლა)
ნეტავ ვიცოდე, რა ემასხრება,
რა დროს ესაა... გამობრუქულა! (პაუზა)
ჩუ! ჩინებული რამ მოვიფიქრე:
აჰა, იმ კაცის სამაგიერო!..
მაგას დავიჭერთ. შენ მომეხმარე,
ვნახოთ, მაშინაც თუ იხითხითებს.

(ერთბაშად კილოს იცვლის და გულმხიარულად ეუბნება მეზღვაურს).

ნეტავი რა გვაქვს ჩვენ საჩხუბარი!
შენ დაგვატყე, ახლა მე მინდა
გადავიხადო სამაგიერო.
რა თავში ვიხლი ჯამაგირს, მტეა,
სულ ერთი არის, გინდ წაგიგია,
გინდ კახპებისთვის გიჩუქებია.
არა, არ მინდა.

მეზღვაური—

გზირი—

მოიცა, ძმაო.
კიდევ მიყრია ჯიბეში ვერცხლი.
დავლიოთ, დავთვრეთ, ბული ვადინოთ.
წუთისოფელი ვის შერჩენია.
მოიტათ ღვინო, რაც სარდაფში გაქვთ!
(მეზღვაურს სუფრასთან ეპატიეება)
ახლოს მოიწი! კარგი ბიჭი ხარ!

მეზღვაური—

გზირი—

(ცოტა შეჭიკჭიკებულია)
რაღა დროსია ამ შუალამეს!
ასე ქალები იტყვიან ხოლმე,
როცა ფუსფუსით ქსელსა ბეჭავენ
და სიბნელეში თვლებს ვერ არჩევენ.
ვაყკაცი არ ხარ!

(ხელს გადახვევს)

მეზღვაური—

კარგი, დავლიოთ!
(სამივენი ღუმელთან სხდებიან, მაყურებლისაგან ზურგშექცეული. ისე,
რომ სხეულები ძლივსა ჩანან სანთლის მბეჭუტავ შუქზე).

სერჟანტი—

გზირი—

ტურფა ქალების ვსვამ სადღეგრძელოს!
ეს შენი ტურფა ქალისა იყოს!

- შეზღვაური — ჰო, ჩემი ცოლის. ღმერთმა აცოცხლოს! (სვამს)
 გზირი — ბოლომდე, აბა, ბოლომდე შესვი!
 იქნებ აქ არის ისეთი რამე,
 რომ სასიძლერო დაუკრას კაცმა?
 მზიარულებას მუსიკა მოგვეგვრის.
 (ისმის სიძლერა)
 (სერჟანტი ბანს აძლევს)
- გოტჰოლდი — ჰეი, ჭაბუკნო, ხმა დაუწიეთ,
 ოფიცერს სძინავს...
 გზირი — ერთი მაგისი!
 ახლა ვჭეიფობ. (მეზღვაურს)
 შენც ხომ ჭეიფობ!
- შეზღვაური — (უკვე საკმაოდ მთვრალია)
 მე? კი, კი... ჰა, ჰა...
 გოტჰოლდი — საცაა მალე ათი იქნება!
 გესმის ჭოტის ხმა, ჭოტის კივილი?
 გიჯობს წახვიდე და დაიძინო!
 გზირი — შენ თვითონ გიჯობს, რომ დაიკარგო...
 სანამ ღვინოა... ო, ღმერთო ჩემო,
 ეს კათხა მგონი ვახვრეტელია.
 სერჟანტი — თქვენს ხახაშია ღვინო ჩაღვრილი.
 გზირი — დიასახლისო, კვლავ თითო ღოჭი;
 სერჟანტი — ორ-ორი იყოს.
 შეზღვაური — (ღრიალებს) სამი აჯობებს.
 გოტჰოლდი — (მეზღვაურს, ხმადაბლა)
 მე გამიგონე...
 შეზღვაური — თავიდან მომწყდი!
 სერჟანტი — ეშმაკის კერძო! ფულს ხომ მე ვიხდი!
 გზირი — ჩვენ გადავიხდით...
 გოტჰოლდი — თავიდან მომწყდით!
 გზირი — ეყოფათ უკვე! (კატარინას)
 მეტს ნულარ მისცემ!
 (ჩუმი მუქარით, ხმადაბლა ეუბნება ცარიელი ჭურჭლის
 წასაღებად მოსულ კატარინას)
 შენ გეუბნები,
 იცოდე, ღვინოს თუ არ მოიტან,
 აქ რალაცეებს მოვეყვები, გესმის?
 კატარინა — (უმწეოდ ეუბნება ლოცმანს)
 თითო კათხასაც მოვეუტან კიდევ.
 გოტჰოლდი — არ გინდა!
 გზირი — აბა?
 კატარინა — (შიშით კანკალებს გზირის შეხედვაზე და ეუბნება)
 მომაქვს, ახლავე!
- გოტჰოლდი — (გაბრაზებული ეუბნება თომასს)
 თომას, შენა ხარ სახლის პატრონი,
 გამოფხიზლება გჭირია, თომას!

ამ მაწანწალებს რაღაც სწადიათ.
 თავი იმგვარად უჭირავთ, თითქოს
 ავაზაკების ბუნაგში იყვნენ.
 ხმას რად არ იღებ? რამ გაგაშტერა?
 (თითქოს გამოფხიზლდაო)
 ჰო, რა მითხარი?..

თომასი —

გზირი —

მუდამ მჭეროდა,
 რომ კატარინა არ იზამს იმას,
 მე — „ნათესავი“ წყურვილმა მომკლას.
 მოიტა ღვინო. ო, ყოჩაღ, ქალო,
 ისევ ისეთი ტურფა ხარ, ტურფა!

(თომასი შეჩერდება. მძიმედ სუნთქავს. შემდეგ შემფოთებული არტყამს ბოლოს წინ და უკან).

გზირი —

ღვინო დადგი და შენც მოგვიჯექი.
 გაგვართე ერთი.

სერჟანტი —

გვიმღერე რამე.

მეზღვაური —

იცეკვე, ქალო!

კატარინა —

არ მინდა, არა!

გზირი —

მაშინ ვიამბობთ... შენ, კატარინა...

თომასი —

(შემფოთებული უთვალთვალებს, როგორ ეჩურჩულება გზირი კატარინას. ბოლოს მიუახლოვდება მათ და სუფრაზე მუშტს დასცხებს)
 კმარა, გეყოფათ! რა მოგივიდათ?
 თქვენ სტუმრები ხართ და საჭიროა,
 რომ ანგარიში ჩვენც გაგვიწიოთ.

გზირი —

(უხეშად)

როგორც გენებოთ. თუკი ასე გწყინთ,
 არ შეგაწუხებთ, არაფერს მოგთხოვთ,
 (ბოროტი სიცილით მიუბრუნდება ძმა-ბიჭებს)
 მისმინეთ, ისეთ რამეს ვიამბობთ,
 ოღონდაც ფრთხილად, რომ სიცილისგან
 არ გაიჭაკოთ!

სერჟანტი —

მიდი, დაიწყე!

(გზირი თავს ხრის და რაღაცას უყვება ორივეს. ეტყობა, ეს ამბავი თომასსა და მის ცოლს ეხება. ვინაიდან დროადარო სიცილით გახედავენ ხოლმე. შიგადაშიგ კათხებს უქაზუნებენ ერთმანეთს. შემდეგი სცენის განმავლობაში მათი სიცილი ისმის, თუმცა მთლად გარკვევით არა. ხან ხმას უმადლებენ, ხან მართო გზირი ლაპარაკობს. სერჟანტი უხსებს კათხას მეზღვაურს და ძალით ასმევს. თომასი ხელით ანიშნებს კატარინას, წინა მაგიდასთან დაჯდეს. შეურაცხყოფილი და განაწყენებული გოტპოლდი სცენის სიღრმეში დარაბებს ხურავს. დროადარო ჩერდება და ეჭვიანად გახედავს სამეულს, რომელიც მაგიდასთან ღრობს).

თომასი —

(ხანგრძლივი ღუმულის შემდეგ ეუბნება კატარინას)
 დიდი ხანია, რაც ამ კაცს იცნობ?

კატარინა —

(უღარდელად)
 ვისზე კითხულობ?

თომასი —

(მკვებედ, ხაზგასმით) ვისზე და აგერ
 შენს ბიძაშვილზე.

კატარინა —

სიმართლე ვითბრა,
დიდი ხანია რაც არ მინახავს.
ჩვენ ვიზრდებოდით ერთად და მერე
იგი შორს, სადღაც გადაიკარგა...
მულამ ასეთი საშიში იყო.

თომასი —

რატომ ერთხელაც არ გითქვამს ჩემთვის!
(კატარინა დუმს. ამ დროს სამი ქმაბიჭის ხარხარი ისმის)

სერჯანტი —

ჰა, ჰა, კარგია, დიდებულია!

მეზღვაური —

(შემთვრალი კაცის ხმით)

უჰ, დედაკაციც ამას მიქვია!

(გზირი ისევ იხედება მათკენ და კვლავ რაღაცას უამბობს)

თომასი —

(დამშვიდებული)
ეჰ, კატარინა, დამიგდე ყური,
მას შემდეგ, რაც მე გადამეყარე,
ხომ არასოდეს მიკითხავს შენთვის,
საიდან გაჩნდი და რა მიზეზით
გადმოიხვეწე ამ ჩვენს მხარეში.
თავად მიახმე, საკუთარ მამას
და დედინაცვალს გამოვექეცო.
მე ავიყვანე მოსამსახურედ,
მერე გავხადე დისახლისი
და სამუდამოდ დაგაბინავე.
ჩემი ოცნება მხოლოდ და მხოლოდ
შვილები იყო, ჩვენი შვილები...
მაგრამ დღეს უნდა პასუხი გამცე.

კატარინა —

(სწრაფად)

თომასი —

ჩემი არ გჯერა?

(გულითადად)

ეს სხვა საქმეა!

ნუ გეშინია. რასაც დღეს მეტყვი,
გამიმხელ შენი წარსულის ამბავს,
ის მყისვე გულში ჩაიმარხება.
წარსული მხოლოდ კვამლია ჩემთვის,
და მას არ ძალუძს, რომ ამ ცხოვრებას
ნისლად და ღრუბლად გადაეფაროს!
გულწრფელი იყავ, მე დამიჯერე,
მას ჩემი შიში რად უნდა ჰქონდეს
ანდა, საიდან უნდა სცოდნოდა,
რომ შეირწყმოდა სიცოცხლე ჩვენი.

კატარინა —

შენ ვისზე ამბობ? მაგ ლოთზე ფიქრობ?
ნეტა რა მოგდის, რა გემართება?
მასეთებს ღვინო სულ ატუტუტებს...
ჩემი არ გჯერა? აღარ მენდობი?

თომასი —

(მშვიდად)
აბა, თვლებში შემხედე, ერთი,
შიგ სიბოროტეს ვერ დაინახავ.

არ ვარ ისეთი კაცი, რომელსაც
 ექვი, წამწამის ერთ შერხევაზე
 შემოენთება, თვალს დაუბნელებს.
 ზღვამ მიმაჩვია დიდი ხანია,
 რომ გავესწორო აულელვებლად
 ჩემს ბედისწერას გულცივად თვალი...
 არ მეშინია, თუ გინდა მოდგეს
 და შენთან წოლა დაიტრაბახოს.
 რამე მითხარი, ნუ დადუმდები.
 რა უნდა ვითხრა?

კატარინა —
 თომასი —

ეგ ვაებატონი,
 რომ ბიძაშვილი არ არის შენი.
 იქნებ, ცოტა ხნით? დაახლოება
 იყო ხანმოკლე და წუთიერი?
 აბა, რას ამბობ?

კატარინა —
 თომასი —

ან ჰო, ან არა!
 (კატარინა წუთით ყოყმანობს. ისმის სამეულის ხორხოცი, მეზღვაურის ხმა).

მეზღვაური —
 კატარინა —

აფერუმ, ქალო!
 არა, არასდროს...

ნეტავი ეგ რამ გაფიქრებინა.
 იმ ლენჩ თვალეზში ჩახედე, ერთი,
 ხელეზს შეხედე, რას უგავს, ნახე,
 ან ბოროტ ტუჩებს... როგორ სტყუიან.
 ყური დაუგდე, როგორ ხარხარებს.

(გოტპოლდს)

შენ წააქეზე! გსურდა ჩვენს შორის
 მტრობა და შუღლი რომ ჩამოგეგდო.

(ლაქუციით ეუბნება თომასს)

თომასი —
 კატარინა —
 თომასი —
 კატარინა —

ავიღეთ ზემოთ, არ გეძინება?!
 (პირქუშად) არა, მე ვრჩები.
 თომას, წავიდეთ!
 მალე ამოვალ.

ფრთხილად იყავი
 მაგ ყაჩაღებთან. ღვინო მათ თავში
 აქვთ ავარდნილი. ჩხუბი სწადიათ.
 ნუ გეშინია.

თომასი —
 კატარინა —

ლამე მშვიდობის.

(ნელა გადის, თან შეშფოთებული უცქერის გზირს. თომასი და გოტპოლ-
 დი უსიტყვოდ სხედან ერთმანეთის პირისპირ, მაგიდასთან. გოტპოლდი ისევ
 ჩიბუხს აბოლებს. ამ სიჩუმის წყალობით სცენის სიღრმიდან კვლავ ხმაძალდა
 ისმის სამი ძმაბიჭვის ლაპარაკი. უფრო მეტად მათი ხარხარი და ცალკეული, ნაწ-
 ყვეტ-ნაწყვეტი სიტყვები. გზირი და სერჟანტი სულ ახლოს მისჩოჩებიან მეზ-
 ღვაურს. მეზღვაური უკვე უგონოდ მივრალია და მაგიდას მუშტს უბრაახუნებს.
 გზირს მხრებზე მოუხვევია მისთვის მკლავები).

გზირი —

ასეთი მარდი და გაბედული
 შენ გლეხი უნდა გახდე ერთბაშად?!
 ყანა ჯავლაგით უნდა გადახნა

- და კარტოფილის ტომრები ზიღო,
ვინემ წელში არ მოიკაკვები?!
ეს ხვედრი უნდა იყოს იმათი,
ვინაც მოსჰამა წუთისოფელი.
შენ უკეთესის ღირსი ხარ, ძმაო.
მე? რა თქმა უნდა! დიახ, სწორს ამბობ!
შენ შეგიძლია იყო ისეთი,
ვისაც ენდობა ბოლომდე კაცი.
წამოდი, აბა, რა დაგრჩენია
იმ კარტოფილის ტომრებში ნეტავ?
ოლონდ ისურვე და ქვეყნის დოვლათს,
მჭერა, ჯიბეში ჩაიდებ ხელად.
- (მეზღვაური იღრიკება. ჯიბეში იტაცებს ხელს. იქიდან ხურდა ფული ამო-
უცვივდება. ლენჩივით ამბობს).
- მეზღვაური — ამ ჯიბეში კი... ფულია, ფული...
(ფულს გადაყრის. გზირი იცინის. სერჟანტი ფულს კრეფს).
- სერჟანტი — შეხე! მდიდარი ყოფილხარ მართლა!
მეზღვაური — შენ გქონდეს, შენთან ცხრა მთას გაღვივლი!
გზირი — შენ თუ გგონია, ომში მივდივარ
და მკერდს მორჩილად მივუშვერ ტყვიას.
არა, ძმობილო, მაგას არ ვიზამ.
სხვებს მინდა ქედი მოვახრევიწო,
თუკი კარეტა და ლაქიები
ყველა ტილიან იუნკერსა ჰყავს,
მე რაო, ვითომ რით ვარ ნაკლები?!
(ერთდროულად თომასს),
შეხედე, როგორ ატყუებს საწყალს,
ის კი მთვრალია.
- გოტჰოლდი — (თავისთვის) ვერ დავიჯერებ.
(გონს მოღის)
რა თქვი?.. ჰო, ახლავ ჩავაქრობ სანთლებს.
გზირი — მსურს ლაქიები მეხვიოს ირგვლივ,
მეყო, რაც დიდხანს სხვებს ვემსახურე.
მაშინ კი, ძმაო, მე და შენ ერთად
კარეტით სწრაფად გავიჭირითებთ
და ვინც გზიდან არ ჩამოგვეცლება,
(ხელით უჩვენებს)
მათრახი ჩაეცხოთ პირდაპირ დრუნწში!
მეზღვაური — დიახ, მათრახი, პირდაპირ დრუნწში!
(ხელს იქნევს და წონასწორობას ჰკარგავს. სერჟანტი ხელს მოხვევს და
აკავებს).
- გზირი — ო, ეს იქნება მართლა ცხოვრება!
ჩვენ წამოგვეყვი. ჰა, დაჰკა ხელი!
(გზირი ხელის გულს უშლის. მეზღვაური გამოიქნევს ხელს და უაზრო სი-
ცილით დაჰკრავს).
- მეზღვაური — მაშ, მოვრჩით რაღა!

- გზირი — (ვახარებული ხელს არ უშვებს)
გაჩარხულია!
- სერქანტი — კარგა საქმე! დიდებულია!
(სერქანტი მეზღვაურს ჩამოეცლება. მეზღვაური ხან აქეთ, ხან იქით ბან-
ცალებს).
- მეზღვაური — ჰო, ზღვის მოქცევა უკვე დაიწყო...
(მძიმედ დაეხეთქება იატაკზე)
- გზირი — (სწრაფად ეუბნება სერქანტს)
იჩქარე!
(ხელის ანაბეჭდს უღებს)
მარდად ჩაუღე ქისა!
(სერქანტი უაზროდ ახარხარებულ მეზღვაურს ეხმარება წამოდგომამაში
და ამ დროს ფულიან ქისას უჩრის ქურთუკის ჯიბეში).
- გოტპოლდი — (განრისხებული ჩადგება შუაში)
არამზადებო! რასა სჩადიხართ!
- გზირი — (სწრაფად გადაულაპარაკებს სერქანტს)
ჰა, გაიყვანე!
(სერქანტს ბანცალ-ბანცალით გაჰყავს მეზღვაური. გზირი ზურგით ეფარე-
ბა მათ. ფეხებს გაჩაჩხავს, გოტპოლდს გადაეღობება და ეუბნება).
შენ რას ეჩრები?
- მეზღვაური — (ბარბაცებს. ჩაიბურტყუნებს)
რას ეჩრებიო?... (იციინს)
- გოტპოლდი — (გაიწევს მეზღვაურისაკენ. უნდა რომ უკან გაჰყვეს)
- გოტპოლდი — არამზადებო, გინდათ დალუპოთ?!
- გზირი — (გზას უღობავს მუჭარით)
ეგ ახლა მიდის დასაძინებლად!
შენც ამას გირჩევთ! შუალამისას
უხეში ვხდები. სჯობს, მომერიდო!
სხვის საქმეებში შენ ნუ ეჩრები,
თორემ კარგი დღე არ დაგეყრება!
- გოტპოლდი — (მტკიცედ)
მე მემუჭრები? აქ მოდი, თომას
- გზირი — გამოუძახე! გამოუძახე!
რას მომაშტერდი, ჩემო ძმობილო?!
- თომასი — (ამ სიტყვებზე ბრაზი ერევა. გაშმაგებული)
გაფრთხილებთ, წადით ახლავ აქედან!
- გზირი — (დაცინვით)
ნუ იღრიალებ, ჩემო კეთილო!
კარგად მენახეთ, ჩემო ძმობილო!
(კართან გაჩერდება)
ესეც ვახსოვდეს, სჯობს ჩუმად იყო,
როცა ნეხესა და ფუნაში ზიხარ.
- თომასი — (მივარდება)
რაო, ეგ რა სთქვი?
- გზირი — შენს ცოლსა ჰკითხე.
- თომასი — (სულ მთლად გაცოფებული)
უჰ, არამზადავ, ნეტავი ერთი
მისი სისხლ-ხორცი არ იყო...

გზირი — (გესლიანი სიცილით) ჰა, ჰაი... — index

თომასი — მისი სისხლ-ხორცი! ჰო, როგორ არა!
როგორც ხვადი და დედალი კატა!

გზირი — (გაოგნებული. მკლავებს უღონოდ ჩამოჰყრის)
მაშ, ბიძაშვილი! არა ხარ მისი?

გზირი — რის ბიძაშვილი, რა ბიძაშვილი!
მე ბიძაშვილი რომ ვიყო მისი,
მაშინ დედ-მამა მეყოლებოდა:
რისი მშობლები, რისი დედ-მამა!
მე ვილაც ქალმა ლობესთან მშობა,
დღესაც არ ვიცი მისი სახელი,
სად დაიკარგა ან სად ჩაძაღლდა!
არც და მყოლია, არც ძმა მყოლია
და უმათობა არ მინანია...

თომასი — (დაბნეულად)
მან დაიფიცა...

გზირი — თავს რატომ იგდებ!
ნურც კომედისა ნუ გამიმართავ!
ამას უყურე! თავს იკატუნებს!
მშვენიერად იცის ცოლის ამბავი!

გზირი — (თომასი დარეტიანებული უყურებს)
(გულგრილად)
რაო, არ იცი? მაშ, ამას ჰკითხე,
(სერჟანტზე უჩვენებს)
თუ გინდა სხვებსაც. მე არც პირველი
ვიყავი მისთვის... და არც ეს იყო
უკანასკნელი...

თომასი — (მწუხარებისგან გაგიჟებული, მუშტებს კუმშავს)
შენ სტყუი, სტყუი!

გზირი — (კვლავ დაუნდობელი დაცინვით)
მიინც არ გჯერა? მაშინ ამ მსაჯულს
ჰკითხე, ის გეტყვის, თუ ჰამბურგიდან
ეგ ქალი რისთვის გამოასახლა.
ეჰ, მეგობარო, გამოიღვიძე!
ღამე მშვიდობის მისურვებია!

(მანამ გაოგნებული თომასი განძრევას მოასწრებდეს, გზირი სწრაფად გადის და კარს მოიჯახუნებს. რამდენიმე წამს თომასი დაბნეული დგას. მერე უცებ გაოფხიზლდება და თავგამოდებით ეცემა დაკეტილ კარს. გოტპოლდი მივიარდება და ძალით იჭერს).

გოტპოლდი — შენ საით, თომას?
თომასი — (სასოწარკვეთილი)

ეს სიცრუეა!
ეს ყველაფერი მოგონილია.
ვერ დავიჯერებ! ვერ დავიჯერებ!

(შეშინებული შეჰყურებს გოტპოლდს სახეში. გოტპოლდი გაუნძრევლად დგას).

თ ო მ ა ხ ი —

(ხმაჩაწყვეტილი)

არ მჯერა, არა!

რაც იმას ვკითხე

შენ გაიგონე?

(გოტპოლდი თავს უქნევს)

ო, ღმერთო ჩემო!

(მაგრამ ლოცმანი ვერ მოასწრებს მის დაკავებას, თომასი ოთახიდან გარბის. ხელებს მოვრალივით იქნევს. შეძრწუნებული გოტპოლდი კარგა ხანს გასცქერის, შემდეგ კარს კეტავს).

გ ო ტ პ ო ლ დ ი — (გასძახებს)

თომას, ო, თომას!.. მობრუნდი, ბიჭო!

კარგად ვიცოდი უცხოებს ჩვენთვის,

აროდეს მოაქვთ ბედნიერება!

(სანთლებს ჩააქრობს. მხოლოდ ერთ სანთელს დატოვებს წინა მაგიდაზე. კარადიდან ბიბლია გამოაქვს, შიშიმე ნაბიჯით მიდის მაგიდასთან, ჯდება, ბიბლიას ვადაშლის).

(ფ ა რ დ ა)

(გაგრძელება იქნება)

თარგმან რეპაზ მარგინაშვილი



სოცხალი ხეები

I

მე ვარ მამონტი.
 უღრან ტყეში დავეხეტები
 ხმელი ტოტების მტვრევა-მტვრევით,
 მარტო, სულ მარტო...
 ნაწვიმარ ხეებს წამდაუწუმ სცვიათ წვეთები, —
 შიშისგან ვყვირი —
 სულიერთან შეხვადრას ვნატრობ.
 მე ვედარავის ვერ ვხვდები გზაზე,
 გაქრობაზეა ჩვენი ჯიში უკვე მიმდგარი.
 ყელში მაწვება ბოღმა და ბრაზი,
 გაშმაგებული მირტყამს გრიგალი.
 ტანზე მოვიხვევ ჩრდილოეთის გაყინულ დამეს,
 დავდივარ მძიმე ნაბიჯებით ავდარში, დარში.
 დიდი ხანია დამედუბა საწყალი მამა,
 მას დედაც მიჰყვა და...მარტო დავრჩი.
 თითქმის ფსკერამდე გაყინულა ყველა მდინარე,
 ზოგი სულ დაშრა,
 წყალი ვძებნე, ამოოდ დავეშერი.
 თვალთაგან დამდის წვეთები მლაშე
 და მთელი სახე უღვთოდ მეწვის სუსხიან ქარში.
 მე დავეცემი ლოდინში, ცდაში, —
 ჩემს ღრმა ნაკვალევს უცბე წაშლის ქარი და თოვლი.
 ადამიანო!
 შენ მიპოვი ყინულთა ქვეშე,
 ადამიანო! —
 უმაღლესო ყოვლისგან ყოვლით!
 წარმოიდგინე:
 მამონტთა ჯიში
 უძველეს დროში ცხოვრობდა მართლა,
 ერთად ვიყავით ლხინში თუ ჭირში,
 მაგრამ მაინც ვერ გადავურჩით სუსხიან ზამთარს.
 შენ არ ეძებო ნატყვიარი ჩვენს მაგარ ძვლებზე, —
 ჯერ ადამიანს მარტოდენ ქვა უჭირავს ხელში,
 ადამიანი, ჯერჯერობით, თავისთავს ეძებს, —

დახეტილობს უგზო-უკვლოდ კლდეში და ღრეში.
 ის ჯერ სუსტია,
 ის ჩვენსავით გაბურძნულია...
 და ჩემს სიკვდილში, თუ დამიჯერებთ,
 აღამიანებს არ მიუძღვით ბრალი სრულიად, —
 მე მოკვდი, რადგან დადგა ჩემი სიკვდილის ჯერი.

1875. 12. 25

II

მე მამლაყინწა გახლავართ.
 ვყივი
 გამოთენისას, —
 ვყივი და ვმღერი.
 მე უკან დამდეგს დედლების გროვა, —
 ლენჩი ქათმები—სხვადასხვა ფერის.
 მე ზოგჯერ დედლებს თავს ვუყადრებ,
 და ძლიერ ვნანობ,
 მაგრამ...პატივი ხომ უნდა სცე
 ბუნების კანონს.
 მე ვარ მამალი,
 დაუდგარი,
 მოუსვენარი,
 ფიცხი და ჩქარი;
 როცა ინათლებს—
 ერთს შევიყივლებ
 და შევსკუპდები ღობეზე მკვირცხლად,
 მეც ლამაზი ვარ და მოლივლივე,
 ვით დასაწყისი მზიანი დღისა.
 მე ვარ მამალი.
 კარგი მამალი,
 ყივილით კარგ ხალხს ვაღვიძებ დროზე,
 ეზოში ვარ თუ გზაზე გადავალ—
 უკან ქათმების ამაღა მომდეგს...

III

მე მგელი ვარ.
 უღრან ტყეში ვღმუი,
 ვყმუი, —
 ირგვილვ მხოლოდ სიჩუმე და თოვლია,
 ჩემს განწირულ ყმუილს ვისმენ ჩემივ ყურით
 და ნელ-ნელა გონსაც ვკარგავ, მგონია.
 აჰა, ალყა ვიწროვდება, ვიწროვდება, —
 ახლოვდება თანდათან ნაბიჯების ხმა,
 საზარელი გრგვინვა მესმის
 ზეციდანაც,
 მიწიდანაც...
 და არ ვიცი, — რა იქნება ხვალ.
 შევრჯერ შიშის ჟრუანტელმა დამიარა,

სუყველაფრის გახსენება არ ღირს,
 მეჯაფრება ძალდი და... ადამიანი,
 უფრო მაინც — მეჯაფრება ძალდი.

IV

მე ვარ აქლემი...
 ფეხქვეშ წყალივით
 მეცლება სილა, —
 მზესავით ცხელი.
 ჩემგან გასავლელ გზას მე გავეივლი
 აუჩქარებლად, ნაბიჯით ნელით.
 მზეზე გზა ბზინავს უზარმაზარი,
 ზანზალაკები ზრიალებს ქარში,
 ადამიანი მე კუზზე მათის
 და ისე ვწრუპავ გუბის წყალს მლაშეს.
 მე ძლიერი ვარ.
 არაფერს ვუფრთხი.
 მე მურდალ კაცებს პირში ვაფურთხებ.
 კეთილი კაცი მიყვარს ძალიან,
 ასეა, —
 რა ვქნა, — ჩემი ბრალია?!
 მე ძალმიძს ათ დღეს არც ვჭამო, არც ვსვა,
 მაგრამ სხვას მაინც ვერაფერს ვერ ვთხოვ...
 საქაულს ვღეჭავ და მეწვის სასა,
 რა ეკლები აქვს საქსაულს, ღმერთო!
 სიმძღრისაგან გადადის ხვითქი
 ადამიანს და ჩემზე არც ფიქრობს,
 არც არაფერზე ბოდიშს არ მიხდის
 და გულის დარდებს გულშივე ვიჭრობ.
 გზა არ ილევა,
 დღე კი — მოკლდება,
 მესმის ქარიშხლის შხუილი ხშირად,
 ადამიანის ხელში მოვკვდები
 და მომეყრება სრეში და სილა.

V

მე ვარ შიმშერი, — სხივივით ჩქარი,
 გაელვება და... იქვე ნაპირი.
 წყლის ზედაპირი ჩემთვის ცა არი,
 თქვენთვის კი — მხოლოდ წყლის ზედაპირი.
 რატომ, ო, რატომ გვეგონეთ მუნჯი, —
 მეცა მაქვს სმენა,
 მეცა მაქვს ენა...
 წყალიც ცასავით კამკამებს ლურჯი,
 ტანზე სიგრილე მეთამაშება.
 და განა ყველა თევზი თევზია?

ივანე ლასკოვი • ლექსები



ზოგს არრა ძალუძს ლივლივის გარდა.
 ზოგი კი მხდალზე უმხდალესია, —
 რასაც იპოვის—იმასაც კარგავს...
 ...როცა ჩემი ცა გააპო გემმა, —
 ამოვიხედე უეცრად ზევით;
 მე დავინახე თქვენი ცის ფერი
 და ჩავისუნთქე ჰაერი თქვენი.
 მიქანაობდა ჩემს ცაზე ღუზა,
 გემი ნაკვალევს ტოვებდა დაღად,
 ზღვას ზურგზე ჰქონდა ათასი კუში
 და ათასივე გარბოდა სადღაც.

VI

მე ვარ მერანი. ჩემივე სისხლის
 მესმის გაბმული ზუსუნ-წკრიალი;
 აპა, თეთრებზე მიდიან რისხვით, —
 ისმის წითლების გუგუნ-გრიალი.
 მაგარი მკერდი ჯახა-ჯუხს უძლებს,
 გვერდზე გაეხტები, — ჩემს მხედარს ვიხსნა.
 ისევ მოქნევა...და მე შავ ზურგზე
 თბილად შეღვრება წითელი სისხლი.
 მივაპობ სივრცეს... ავარდა ქარი...
 დაჭრილი კაცი კისერზე მგვეკრის,
 ორივე ხელში უჭირავს ხმალი,
 ცხელი ფოლადი ზარივით რეკავს.
 დაუმარცხებელს აურაცხელი
 ცხელი ტყვიები დამხვრილავს უცებ...
 გახელებული თეთრი ცხენები
 გადამირბენენ ჭიხვინით გულზე.
 მე მეცოდება ადამიანი, —
 არ ეყოლება ერთგული ცხენი.
 მე მეცოდება ადამიანი,
 ცხარე ბრძოლაში შეურცხვენელი...
 ჩემმა ფლოქვებმა სისხლიან ქვებზე
 უკანასკნელად გაჰყარეს ბწკალი:
 ადამიანმა, დე, თავის ბედზე
 იპოვოს ჩემი წკრიალა ნალი.

VII

მე ადამიანი ვარ!
 და მე ვიპოვე ნალი,
 რომელიც აღსავსე არი
 მაგიურ ძალით.
 გზაზე უეცრად ვიპოვე იგი —
 მოულოდნელად მოგკარი თვალი...
 მე ჩამოვკეცი მომალლო ბორცვზე,

თავზე ცა მადგა — ხელშეუხებნი.
 დროთა სიღრმიდან მომესმა უცებ,
 ვით ზარის რეკვა, ცოცხალი ხმები:
 ყიოდა მამალი.

ბურღუნებდა დაღლილი აქლემი.
 ხვიხვინებდა ბედაური, —
 ერთ დროს პატრონის გამხარებელი.
 მამონტები გმინავდნენ და თავს ძლივს აქნევდნენ.
 ბებერ ნაძვივით ხრჭიალებდა გამხდარი მგელი.
 რამ შეაშფოთა,
 რამ ააღელვა,
 რამ ააბლაგლა ერთბაშად ყველა,
 იქნებ სიცოცხლის წყურვილმა მძაფრმა
 გამოაღვიძა ყველანი ხელად!
 რა გადაწვიტეს,
 რა განიზრახეს,
 რატომ ხანდახან ხმას არ იღებენ,
 ო, რატომ, რატომ გამოვიძახე
 დროთა სიღრმიდან ცოცხალი ხმები!
 წკრიალა ნალო! —
 შენ ყველაფრის მიზეზი გახდი,
 თილისმაა და ჯადოა შენში...
 მე შენ გიპოვე, ვით სიტყვა ნაღდი.
 რომ იპოვი და ჭკუიდან შეგშლის.
 თურმე ყველაფერს უნდა იღბალი,
 (კარგისგან ავი ხომ განირჩევა!)
 ქვეყნად ყველაფერს ეღება ბოლო,
 ხმები კი, —
 ხმები ცოცხალი რჩება!
 გაღმიდან მგლები ყმუიან ისევ,
 ტალღები ტალღებს ენარცხებიან,
 წამით სიჩუმე დგება და ისმის
 ძლიერი ეჭო ცოცხალი ხმების:
 მე — ადამიანს — ხელს ვერვინ მახლებს,
 მე ვერძალავ:
 მტრობას, სიხარბეს, ძარცვას, —
 რათა არასდროს დაკარგოს ხალხმა,
 რაც მოიპოვა სიცოცხლის ფასად;
 რომ არასოდეს ატომის ჩრდილი
 არ ჩადგეს შუქით სავსე თვალებში,
 რომ ქვეყანაზე ადამის შვილი
 იღწვოდეს შვებით, შიშის გარეშე;
 რომ არ აფეთქდეს უეცრად წამი
 და დრო და სივრცე არ გადაბუგოს, —
 საბედისწერო არ მოხდეს რამე, —
 ყველა ცოცხალი ხმა არ დადუმდეს!



თამარ ბახვაძე

ქმის გახსენება

ვალთა ბახტაძე დაიბადა ხონში (ახლანდელ ქ. წულუკიძეში), 1896 წლის 27 ივნისს. ჩვენს მშობლებს 7 შვილი ჰყავდათ — 6 ქალი და ერთი ვაჟი. იმ უბანში, სადაც ცხოვრობდით, მამაჩემის ოჯახი უღარიბესად ითვლებოდა. ჩვენი მშობლები, როგორც იტყვიან, წელზე ფეხს იდგამდნენ, შრომაში აღამებდნენ და ათენებდნენ, მაგრამ სიღარიბისთვის თავი ვერ დაეღწიათ. მამაჩემი, სამსონ ბახტაძე, იძულებული გამხდარა ლუკმა-პურის საშოვნელად ბათუმში წასულიყო. იქ მას რამდენიმე წლის განმავლობაში უმუშავნია მანთაშევის ქარხანაში.

მრავალსულიანი ოჯახის მოვლა-პატრონობა კისერზე დასწოლია დედაჩემს — ტასია ტაბიძე-ბახტაძეს. დედაჩემი მტკიცე ხასიათის ქალი იყო, მაგრამ შვილებისა და შვილიშვილების დაკარგვამ გატეხა, იგი 1955 წელს გარდაიცვალა.

მამაჩემს, რასაკვირველია, მანთაშევის ქარხნიდან ცარიელი ჯიბე ჩამოუტანია. „ჩემი ახალგაზრდობა თავიდანვე აღიბეჭდა გაჭირვებისა და ეკონომიურ ვაი-ვაგლახის ბეჭედიო“, მოგვითხრობს ვალია თავისი ბავშვობისა და ყრობის წლებზე.

ვ. ბახტაძე ჯერ კიდევ პირტიტველა ბიჭი გასცნობია არალეგალურ ლიტერატურას, რამაც კიდევ უფრო შეაძულა არსებული ეკონომიურ-პოლიტიკური სისტემა.

მინდა მოვლენებს ცოტა წინ გავუსწ-

ვალთა მონაწილეობა თებერვლს რევოლუციაში.

1916 წლის შემოდგომა იყო, ვალია მობილიზაციის წესით გაიწვიეს მეფის ჯარში და, როგორც სტუდენტი (მაშინ იგი ხარკოვის უნივერსიტეტში სწავლობდა), „ბრაპორშჩიკების“ სკოლაში განაწესეს. მეცადინეობის დაწყებისთანავე ვალიამ გააჩაღა რევოლუციური მუშაობა. მისი ინიციატივით დაარსდა სოც. დემოკრატიული არალეგალური ვიწრო წრე, რომელმაც კავშირი დაამყარა მოსკოვის კომიტეტთან. წრე მძიმე პირობებში მუშაობდა.

1917 წლის 24 თებერვალს ვალიამ საიდუმლოდ მიიღო ცნობა პეტროგრადში შექმნილი მდგომარეობის შესახებ. ღამით ის და მისი სამი აზნაწავი სკოლიდან გაიპარნენ. სუსხიან ზამთარში, თოვლში, ყინვაში ფეხით გაიარეს 40 კილომეტრზე მეტი და შეუერთდნენ პეტროგრადში მიმავალ აჯანყებულ პოლკს; ვალიამ მონაწილეობა მიიღო პეტროგრადის ქუჩებში გამართულ ბრძოლებში და ბოლოს, მეფის სასახლეში, მისი უშუალო მონაწილეობით დააპატიმრეს ნიკოლოზ II მთავრობა.

მახსოვს, 1922 წელს ვალია გურიაში ჩავიდა. ცნობილმა გლეხმა-ბოლშევიკმა პარმენ ცინცაძემ მიტინგზე მყოფთ მიმართა: ეს ის ვალია ბახტაძეა, რომელმაც რევოლუციის სახელით ნიკოლოზ II მინისტრები დააპატიმრაო. მეფის მოძულე გურული გლეხობა აღფრთოვანებით შეხვდა ამ ცნობას.

თებერვლის რევოლუციის შემდეგ ვალია მუშაობდა პეტერგოფის სოციალ-დემოკრატიული ორგანიზაციის თავმჯდომარის მოადგილედ. შემდეგ კი გაგზავნენ ავსტრიის ფრონტზე. როგორც ცნობილია, ბოლშევიკები ომის გავრძელების წინააღმდეგი იყვნენ და ფრონტზე მიმავალი პოლკი აჯანყდა. ვალიამ აქტიური მონაწილეობა მიიღო ამ აჯანყებაში. აჯანყებულებს სასტიკი დევნა დაუწყეს. ბევრი ხელში ჩაიგდეს და სამხედრო სასამართლოს გადასცეს. ვალიამ მოახერხა საჭარბველოში გამოპარვა.

ვალის თავიდანვე დიდი ოპტიმისტი და მხნე პიროვნება გახლდათ.

მართალია, ოპტიმიზმი დამახასიათებელია ყველა რევოლუციონერისათვის, მაგრამ იგი რაღაც განსაკუთრებული „დიდი დოზით“ იგრძნობოდა ვალიაში.

სიყვარული ადამიანებისადმი, თავისიანებისადმი, ამხანაგ-მეგობრებისადმი, მათზე ზრუნვა ვალისა ყრმობის ასაკიდანვე დასჩემდა. ეს კეთილშობილური გრძნობები უმწიკვლოდ ატარა მან თავისი ხანმოკლე ცხოვრების მანძილზე.

ვალის უყვარდა ამ ფრაზის განმეორება: „Не тот живет больше, кто живет дольше“.

ვალის ბახტაძეს 15-16 წლის ასაკში მთლიანად გადაეკითხა დაბა ხონის მდიდარი ბიბლიოთეკა. რამდენჯერ დასთენებია წიგნზე, ჭამის დროსაც ხომ ერთ-თავად ხელში ეჭირა წიგნი, ჟურნალი თუ გაზეთი. ჩვენს ოჯახში ყოველთვის უხვად იყო ორი რამ: სიღარიბე და წიგნები!

თოხთან ერთად მას ყანაში მუდამ თან მიჰქონდა წიგნი.

ჩვენ, პატარებიც, მთელ ოჯახთან, უფროსებთან ერთად ბარით თუ თოხით ხელში ვებრძოდით მიწას. შრომაში აღზრდილ ვალის ჭირივით ეჯავრებოდა ზარმაცი ადამიანი. მალე თოხი შაშხანამ შეცვალა, ნაჭრის ჩანთა — საველე ჩანთამ, ყანა — ბრძოლის ველმა, წიგნი და კალამი კი არასოდეს გაუშვია ხელიდან საბრძოლო შეტევების

დროს და... სასიკვდილო სარტყელზე მიჯაჭულსაც კი.

ვალის საგზლის ჩანთაში ცხენის ძუესაც ნახავდით. ეს ნახევებისათვის იყო საჭირო. ვალის ძალზე უყვარდა მწყერაობა და არც ერთი მახე არ გაუტყუდდებოდა.

ხონის პროგიმნაზიიდან ვალისა ქუთაისის კლასიკურ გიმნაზიაში გადავიდა.

რა დამაიწყებებს ზამთრის იმ ცივ დღეებს: ხონის „ბირკა“, ჩვენი ოჯახის რომელიმე წევრი დგას და ხელში პატარა ბოხჩა ან დაწული კალათა უჭირავს, შიგ აწყვია დედის გამომცხვარი მკაფი, ყველი, ცოტა რამ ხილეულიდან, უმთავრესად თხილი, რომელიც ვალისა განსაკუთრებით უყვარდა. დგას და რიღითა და კრძალვით თხოვს ნაცნობ მედილიყენს ან მეეტლეს, ბოხჩა ქუთაისში ჩაიტანოს გიმნაზიელი ვარლამისათვის (როგორც ჩვენ მას ოჯახში ვეძახდით) გადასაცემად.

ქუთაისიდან ვალისა ხშირად ჩამოდიოდა, მოგვინახულებდა და მეორე დღეს წავიდოდა. მეტად ძნელი იყო 25 კილომეტრიანი გზის ფეხით გამოვლა და გავლა. ვალისა იყო ჩვენი ოჯახის დარდი და სიხარული, სევდა და ნუგეში, „ბედიც“ და „უბედობაც“. ჩამოდიოდა და მოჰქონდა სიხარული, სინათლე. წავიდოდა და გვიტოვებდა იმედს მომავალზე.

მოყვარული შვილი მეტად ფაქიზი და საყვარელი მამა გახდა შემდეგში. თუმცა მკაცრმა ბედმა მამობა ძალიან ცოტა ხნით არ გუნა...!

ხონის აბრეშუმის ძაფსაღებ ქარხანაში 60-70 ქალი მუშაობდა. ახალგაზრდა ქალებს მიეტოვებინათ ოჯახები, ბავშვები და ქარხანაში წამოსულიყვნენ გროშების საშოვნელად. დღემდე 14-15 საათს მუშაობდნენ. აქვე მუშაობდნენ მკირეწლოვანი ბავშვებიც. მუშის დღიური ხელფასი 15-20 კაპიკი იყო.

აივოს მუშების მოთმინების ფიალა და... 1915 წლის ზაფხულში ისინი გაი-

თამარ ბახტაძე
ამის ბახანაძეა

ფიცენ. შეიძლება ოდესმე რომელიმე საარქივო ფონდში აღმოჩნდეს ამ გაფიცვის მასალები. გაფიცვას ვაღია ბახტაძე ხელმძღვანელობდა.

მახსოვს, გაფიცულთა ერთ-ერთ კრებაზე (ჩვენს სახლში) ვალიამ ბათუმის სტამბის მუშა მოიყვანა. იგი ხონელი იყო, გვარად ხანდრავა. მან გაფიცულებს ბევრი რამ მოუთხრო მუშათა ცხოვრებაზე, მათს ბრძოლებზე...

ქარხანაში მუშაობა შეჩერდა, დაზგები დადუმდა. „ხაზეინები“ აღშფოთდნენ. მათ გადაწყვიტეს, მუშათა მოთხოვნების არც ერთი მუხლი არ მიეღოთ, არც ერთი გაფიცული მუშა სამუშაოზე არ დაებრუნებინათ. ახალ მუშახელს დაუწყეს ძებნა. გაფიცვა 10 დღეზე მეტხანს გაგრძელდა. რაკი მუშახელის შოვნა გაჭირდა, გაფიცულთა დაბრუნება აუცილებელი გახდა. გაფიცულები მტკიცედ იდგნენ. მათი მოთხოვნაობები ასე თუ ისე დააკმაყოფილეს. ვაღია ძალზე გაახარა ამ გამარჯვებამ. გაფიცვის შემდეგ, ზაფხულის ერთ უმთვარო ღამეს, ვალიამ ქუთაისის არალეგალური სტამბისთვის ორი ყუთი შრიფტი მოიტანა ეტლით.

ყუთები შევიჩახეთ საიმედო ადგილას, სამხარეთლოში. დედამ კონსპირაციის განსაკუთრებული უნარი გამოიჩინა. ყუთები საქონლის „საპირეს“ პირდაპირ მოათავსეს. ყუთებზე „ბუჭერი“ მოაწყვეს. ვაღია აღფრთოვანებული ამბობდა: — ღმერთმანი, დიდებულია! ეშმაკიც ვერ მიიტანს ეჭვს!

შემდეგში, მენშევიკების ბატონობის პერიოდშიც, ამავე მეთოდით ვმალავდით ბოლშევიკურ ლიტერატურას, შრიფტსა და იარაღს.

აქვე უნდა აღვნიშნო, რომ მშობლები არასოდეს არ უწყევდნენ წინააღმდეგობას ვაღიას, პირიქით, ეხმარებოდნენ კიდევც.

* * *

ჩვენი ეზო ზაფხულობით სავსე იყო ახალგაზრდებით. ისინი ვაღიას მოწაფეები იყვნენ. ვაღია მათში აღვივებდა

ახალ აზრებს, რევოლუციურ იდეებს, ნათელ იდეალებს.

სასკოლო საგნებს ვაღია ოსტატურად, მოხდენილად გადააბამდა რევოლუციურ პროპაგანდას, სანუკვარი მერმისისა და წამებულ მებრძოლთა მომჯადოებელ სურათებს დახატავდა. ჯერ კიდევ ყრმებსა და ჭაბუკებს აზრადაც არ მოსდიოდათ, რომ ყოველივე ეს ახლო მომავლის საქმე გახდებოდა.

ვაღია თითქმის ყველა საგანში ძლიერი იყო, განსაკუთრებით უყვარდა ლიტერატურა და ისტორია. მათზე შეეძლო საათობით ელაპარაკა. ამ დროს უნდა გენახათ იგი, — სახეგანათებული, გაღიმებული, გაციკროვებული. საოცრად უხდებოდა ლიმილი, სიცილი.

უცხო ენებიდან ფრანგული იცოდა, გერმანული — სუსტად. ძალიან უყვარდა მუსიკა. ყრმობის ასაკში ლექსებსა და მინიატურებს წერდა... მახსოვს, 1924 წელს ბევრი ეძია ვალიამ, მაგრამ მათ კვალს ვერსად მიაგნო. შემონახული აღმოჩნდა მხოლოდ ერთი პატარა ლექსის ნაწყვეტი სათაური „ღედას“.

ვაღია სცენაზეც თამაშობდა. მაშინ ხონში მშვენიერი დრამა იყო.

ვაღიას გარშემო ყოველთვის თავს იყრიდნენ მოწინავე ახალგაზრდები. მე ბევრჯერ გამოვიგონია ჩვენი თაობის ახალგაზრდებისაგან: — თუ კარგი რამ არის ჩემში — ვაღიასეულიაო. „იგი“ გასაოცარი, ნათელი ადამიანია, დაჯერებული თავის რწმენაში და შეყვარებული მასზე“, — თქვა ერთხელ მიხა გახოკიამ, — ამ უსპეტაკესმა ადამიანმა და ბობოქარმა რევოლუციონერმა. და მართლაც, ვაღიას გასაოცრად სწამდა მომავალი და ეს მომავალი სულ ახლოს ეხატებოდა. ფანტიკურად უყვარდა ლენინი. როგორ განიცდიდა მის ავადმყოფობას და როგორ ჩააფიქრა მისმა სიკვდილმა!..

ვაღია ყრმობიდანვე ისე ზრუნავდა ოჯახზე, როგორც მამა—შვილებზე. ახლაც თვალწინ მიდგას, — „კოდს“ რომ ჩახედავდა, რათა დაენახა, რამდენი ხნის საზრდო ჰქონდა ოჯახს. თვითეული ჩვენგანის ფესსაცმელსაც კი დაათვალი-

ერებდა. უმცროსი დები შეილებად მივაჩნდით, უფროს დებს დედასავით შესცქეროდა.

ფეხსაცმელებზე გამახსენდა: ჩემს უფროს დას ქენიას და მე ზოგჯერ ერთი ფეხსაცმელი გვქონდა და რიგრიგობით დავდიოდით სკოლაში.

ვალია თითქო გრძობებისაგან ნაქსოვი ადამიანი იყო — ადამიანებზე უზადოდ შეყვარებული, მათი კეთილდღეობისათვის დაუღალავი მებრძოლი.

ხალხისათვის ბედნიერების მოპოვებას იგი მხოლოდ რევოლუციაში ხედავდა.

ასეთი იყო ვალია ოჯახში და მის გარეთ, მაგრამ მის ხასიათში ყველაზე მეტად რევოლუციური ფანატიზმი ჩანდა. საკუთარ თავს არ ზოგავდა, ოჯახსაც საფრთხეში აგდებდა რევოლუციის საკეთილდღეოდ. როგორც უკვე ვთქვით, ამ სახიფათო გზაზე ოჯახიც გატაცებით და უყოყმანოდ მიყვებოდა.

1915 წელს ვალიამ დაამთავრა ქუთაისის კლასიკური გიმნაზია და ხარკოვის უნივერსიტეტში შევიდა ისტორიულ-ფილოლოგიურ ფაკულტეტზე. როგორც წარჩინებულმა მოსწავლემ, გიმნაზიის დამთავრებისას ფულადი ჯილდო მიიღო — 25 მანეთი.

ჩვენი ღარიბი ოჯახისათვის ძნელი იყო არამცხოვ ხარკოვში, არამედ ახლომახლო ქალაქებშიც კი გაეგზავნა შვილი სწავლის მისაღებად. მაგრამ ჩვენს მშობლებს — თავად უსწავლელთ და სწავლის დამფასებელთ — უნდოდათ სწავლით დაეწყვიტათ სიღარიბის მარწმუნებელი.

ვინც უნივერსიტეტში შედიოდა, პირველ რიგში, ქუდს გამოიცვლიდა. მაშინ სტუდენტს ქუდით ცნობდნენ. რაც უნდა დიდი თავყრილობა ყოფილიყო, ასეთ ქუდიანს ორიოდეს თუ დაინახავდით. აბა, წარმოიდგინეთ, ახლ ანეთი გამოსაცნობი ქუდი რომ ეხუროს ყველა სტუდენტს!

სტუდენტ ტანსაცმელსაც განსაკუთრებულს ატარებდა.

როგორც აღვნიშნე, ვალიამ ყრმობის ასაკიდანვე დაიწყო მოწაფეთა მომზა-

დება-გადამზადება და ხარკოვში გასამგზავრებლად ამ გზითაც შეაგროვა ცოტაოდენი თანხა. მოწაფეთა მომზადებაში მას ჩემი უფროსი და ქენია შეველოდა. ისიც უნდა ითქვას, რომ მთლად დარიბ მისწავლეთაგან ვალია გასამრჯელოს არ იღებდა.

იმ ზაფხულს (1915 წ.) ხონის მშრომელი ახალგაზრდობის ერთმა ჯგუფმა ვალიას სასარგებლოდ ფასიანი „სალამო“ გამართა.

საერთოდ, „სალამოები“ სხვადასხვა საქველმოქმედო მიზნით იმართებოდა. მდიდართა შვილები აღნიშნულ „სალამოზე“ შეგნებულად არ გამოცხადდნენ.

ასეთი იყო ჩუმი, „მშვიდობიანი“, ფართული სახე კლასობრივი ბრძოლისა.

ვალიას მდიდარი ნათლია ჰყავდა — დიდი მრეწველი, კაპიტალისტი, მაგრამ არც მას მოსვლია აზრად, დახმარების ხელი გაეწოდებინა ვალიასათვის. იმ დროისათვის ქართველ ბურჟუებს უკვე მოეწროთ ეროვნულ-პროგრესული იდეების მივიწყება და აბუჩად აგდებდა.

მაგრამ მაშინდელი პირქუში ცხოვრების ფონზე ნამდვილი, ნათელი ადამიანებიც იყვნენ. როგორ შეიძლება დავივიწყო ვალიას მასწავლებელი ქუთაისის გიმნაზიაში, გვარად ბოგდანოვი, ეროვნებთა რუსი. ეს ბოგდანოვი ვალიას ქუთაისიდან ხარკოვში ყოველთვიურად უგზავნიდა 15 მანეთს. აქვე უნდა მოვიგონო მასწავლებელი ხონის გიმნაზიიდან, გვარად ლობაჩევსკი, ისიც რუსი. მან ერთხელ მამაჩემს უთხრა, — ქამარი შეიხსენი, გაყიდე და შენს შვილს სწავლაში ხელი შეუწყვე, შენთვისაც და ქვეყნისათვისაც სასარგებლო კაცი დადგებო.

მასხოვს: როცა ვალიამ საქალაქო რკლასიანი სასწავლებელი დაამთავრა და გიმნაზიაში შესვლა გადაწყვიტა, მამას „გულშემატიკვრები“ აღმოუჩნდნენ და ურჩევდნენ, ვალიას სწავლა ამით დაესრულებინა. — რა გქნა, შვილო, მე მოვ-

თამარ ბახხაძე
ძმის ბახხინაძე

ხუცდი, ბავშვები საპატრონოდ აღსაზრდელია, — უთხრა ერთხელ „გულშემატყვიართა“ ვაჟუნით მამაჩემმა ვალიას, დედაჩემიც იქვე იდგა, მას ძალაზე შეწუხებული სახე ჰქონდა.

— განა არ ვინც, მამაჩემო, რომ ბავშვები აღსაზრდელნი არიან? — მაგრამ მე თვით თუ არ აღვიზარდე, როგორ დავზარდო ესენი? — თქვა ვალიამ და ჩვენ გადმოგვხედა. ჩვენც კი ამ დროს მოშორებით ვიდექით სულგაყმენდილნი.

ვალიამ მშობლები მალე დაიყოლია და გიმნაზიაში ამოიყვანა.

შემდეგში მამაჩემი გულისტკივილით მოიგონებდა ხოლმე ამ შემთხვევას, — რა სისულელეს ჩავდიოდი — იტყოდა დანანებით, — სწავლაზე უარს როგორ ვეუბნებოდიო.

ერთხელ ვალიას სკოლის და უნივერსიტეტის ამხანაგმა, იმეამად ჩვენმა მასწავლებელმა ამბროსი ბატაძემ გვიამბო:

— ქუთაისის გიმნაზიის VIII კლასში (ახლანდელი XI) ვიყავით. ერთ დღეს რუსული ლიტერატურის მასწავლებელმა გასწორებული რვეულები შემოიტანა კლასში. იგი, ჩვეულებრივ, თავის მაგიდასთან შეჩერდა. პედაგოგმა კმაყოფილი, ნათელი სახით კლასს თვალი გადაავლო, შემდეგ თავი დახარა, ერთი რვეული ხელში აიღო და დაიწყო: — როდესაც ამ რვეულს ვასწორებდი — და რვეული მაღლა ასწია — მზად ვიყავი დამეოცნა იმ გიმნაზიელის თითები, რომელმაც საკლასო რვეულში რუსული პოეზიის შესახებ ასეთი ბრწყინვალე სტრიქონები ჩასწერა, — მან რამდენიმე ნაბიჯი წინ გადადგა, ვალიას მერხის წინ შეჩერდა, ჩვენ უმაღ ვიკრძენით, ვის თითებზე იყო ლაპარაკი. მასწავლებელი აღტაცებას ვერ მალავდა. ვალია წამოდგა. მისი ნათელი სახე კიდევ უფრო განათებულიყო. მასწავლებელი შუბლზე ეამბორა და გადაშლილი რვეული გაუწოდა. კლასში უჩვეულო სიჩუმე ჩამოვარდა: — ცხოვრების გზა-

ზეც ასეთი ნიშნით იარე! — გაისმა მასწავლებლის ხმა.

პირველი მსოფლიო ომი იყო. ვალბა ხარკოვში სწავლობდა. ჩვენს ქუჩაზე, ენო ბატაძის სახლში, მდგმურად იღვა ერთი კაცი — გვარად ვალდაძემ. ბევრმა არც იცოდა მისი სახელი და გვარი. მას „ახალთაობის“ კაცს ეძახდნენ. „ახალთაობა“ მანინ სხვა ვაგებობაც იმარებოდა. ახალთაობას ეკუთვნოდა ის; ვინც რევოლუციურ იდეებს ქადაგებდა, მიუხედავად იმისა, ახალგაზრდა იყო იგი თუ ხანდაზმული. ამ კაცს გრძელი, უკან გადავარცხნილი თმები ჰქონდა. ეს „ახალთაობელთა“ სტილი იყო. ერთხელ სკოლიდან მოვიდოდი და სწორედ ამ კაცის ბინაზე პოლიციელები შევნიშნე. ხასიათი გამიფუტდა. უიარზე, რაღაც არასასიამოვნო ამბავი ხდებოდა. საჭირო იყო საჩქაროდ შინ მისვლა. მაგრამ ამხანაგი მახლდა, ჩვენი ქუჩიდან. თავის ტკივილი მოვიმიზეზე და რაც ძალი და ღონე მქონდა სახლისაკენ მოეკურცხე.

დღეაჩემმა აღლვება რომ შემამჩნია, ცომის ზელა მიატოვა და სამზარეულოდან საჩქაროდ გარეთ გამოვიდა. მეც ყველაფერი სხაპასუხობით მოვუყვი.

სასწრაფოდ მივეარდი სტამბის შრიფტის ყუთებს. „ბუჯერი“ კიდევ უფრო გავაფართოვეთ. იქვე „საპირზე“ ხბო მივაბით, ჩალა და ბალახი ბლომად დაუყარეთ, წყლით ქვაბიც დაუდგით. არ გასულა დიდი დრო და პოლიცია ჩვენს ჭიშკარს მოადგა. ყველაფერი გაჩხრიკეს, იატაკის ქვეშაც იხიხეს, ყველაფერი დაათვალიერეს. დაყნოსეს, მაგრამ ვერაფერი იპოვეს.

ასე ხელცარიელი გავისტუმრეთ დაუპატიებელი სტუმრები. შემდგომში, როცა ეს ვუამბეთ, ვალიამ ბევრი იცინა.

როგორც ზემოთ აღვნიშნე, 1916 წლის შემოდგომაზე ვალია ჯარში გაიწვიეს და პეტერგოფის საოფიცრო სკოლაში განაწესეს. ამავე წლის დეკემბრის ბოლოს ვალია თავის გულითად მეგობარს, მოსე გოგიბერიძეს, შემდეგში ფილოსოფიის პროფესორს, სწერდა: „ნა-

პერწყალია საჭირო, რევოლუციამ რომ იფეთქოსო“. ეს სტრიქონები მაშინ იწერებოდა, როცა მისი თანამედროვენი მემარჯვენე პოზიციებიდან გაიძახოდნენ, მართალია, თვითმპყრობელობა დაავადებული კბილია, მაგრამ ისე მაგრად აქვს ფესვები გამდგარი, ჩვენი თაობა მას ვერ მოაძრობსო. ნაპერწყალი ვალვივად და ორი თვის შემდეგ მართლაც იფეთქა რევოლუციამ.

გავიხარეთ. პირველ რიგში სტამბის შრიფტით გატენილ ყუთებს მივცვივდით და ზედ მოწყობილი „ბუჯერი“ მივყარ-მოვყარეთ. ისე წარმოგვედგინა მაშინ, თითქო ციხის კარები გავაღეთ და პატიმარი გავათავისუფლეთ. მოვიდნენ ამხანაგები სოციალ-დემოკრატიული ორგანიზაციიდან და ყუთები ზეიმითა და მარსელიოზის სიმღერით წაიღეს. ჩვენს შობლებს რევოლუციის სახელით მადლობა გადაუხადეს.

1917 წლის ზაფხულს ვალია საქართველოში ჩამოვიდა. ამ დროს ჩვენში დიდი ბრძოლები იყო გაჩაღებული სოციალისტური რევოლუციისათვის. ჩვენს სახლში ხშირად იმართებოდა კრებები, თათბირები, სჯა-ბასი.

ვალია ბახტაძეს, როგორც პიროვნებას, ხშირად ამსგავსებდნენ საშა წულუკიძეს.

ცხოვრებაში ორივეს ერთი საზომაი ჰქონდათ. ორივე მგზნებარე და რომანტიკული პიროვნება იყო. ორივეს მახვილი კლამი ეპყრა ხელთ რევოლუციის დასაცავად. უდიდესი შინაგანი სულიერი ძალა უშრეტ ფიზიკურ ენერგიას წარმოშობდა მათში.

ამბობენ, ახალგაზრდებს გატაცებით უყვარდათო მგზნებარე საშა. ასევე უყვარდათ ვალია. ორივე ნაადრევად დაიღუპა ერთიდაიმავე სენით.

ერთხელ ვერ კიდევ ძალზე ახალგაზრდა ვალია ბათუმში ჩასულიყო და მეტად ღრმაშინაარსიანი რეფერატი წაეკითხა ესთეტიკისა და ფილოსოფიის საკითხებზე. ვალიას საფუძვლიანმა ცოდნამ გააკვირვა უკვე წვერულვამიანი ახალგაზრდები. უკვირდათ, როდის მოასწრო

ამდენი ცოდნის შეძენა ამ ყმაწვილმა კაცმაო.

1921 წლის 29 აპრილს ქუთაისში, ღამით, შავრაზმელები თავს დაესხნენ ავტომანქანას, რომელშიც ისხდნენ ს. გეგეჭკორი, დ. ლორთქიფანიძე, ვ. ბახტაძე და სხვები, ესროლეს რევოლვერი და ყუმბარებიც.

იმ ღამეს ბინაზე გვიან დაბრუნებულმა ვალიამ ვაზეთ „მუშა და გლეხისათვის“, რომლის რედაქტორი თვითონ იყო, ვრცელი წერილი დაწერა პირველ მისზე. საწერ მაგიდაზე ტყვიებით სავსე რევოლვერი ედო. ასე იწერებოდა მებრძოლი სტრიქონები. ასევე წერდა ვალია ბრძოლის ხაზზეც, სხვადასხვა ადგილას, სხვადასხვა საკითხზე. მკაცრი დრო იყო, მოტყუელი, დამქანცველი, მომთხოვნი. ვალიას საქმიანობაში, მოქმედებაში ესთეტიკა მაინც ყოველთვის შოულობდა ადგილს. — უყვარდა ხელოვნება, სილამაზე... მაგრამ მას ყველგან და ყოველთვის ერთი საზომაი ჰქონდა — რევოლუციის საზომაი.

რუსეთში სოციალისტური რევოლუციის გამარჯვებასთან დაკავშირებით ბოლშევიკურმა ორგანიზაციამ ხონის ბაღში მიტინგი გამართა. ილაპარაკეს კ. ქაცარავამ, ვ. ბახტაძემ, პ. ბახტაძემ და სხვებმა. მიტინგს დიდძალი ხალხი ესწრებოდა. მიიღეს ვალია ბახტაძის მიერ შედგენილი, პეტერბურგში გასაგზავნი მისასალმებელი დეპეშების ტექსტები: ერთი — საბჭოთა ხელისუფლების, მეორე — ლენინის სახელზე.

როგორც ვიცით, საქართველოში სოციალ-დემოკრატიული და პოლიტიკური პირობების გამო ძალუფლება ზელოში ჩაიგდო წვრილბურჟუაზიულმა მენშევიკურმა პარტიამ. ოქტომბრის რევოლუციის გამარჯვების შემდეგ იგი გამოეყო რუსეთს და საქართველოს „დამოუკიდებლობა“ გამოაცხადა. მახსოვს, ერთ კრებაზე ვალიამ თქვა: საქართველოს მენშევიკური მთავრობა გამოეყო არა

თამარ ბახტაძე
ძმის ბახტაძეა

რუსეთს საერთოდ, არამედ ოქტომბრის რუსეთს, ლენინის რუსეთს, რევოლუციურ რუსეთს, ახალ რუსეთს. კერენსკისა და როძიანკოს რუსეთს, ძველ რუსეთს იგი არასოდეს არ გამოეყოფოდაო.

ხოში საბჭოთა ხელისუფლებამდეც არსებობდა სტამბა. იგი სახელმწიფო ბანკის გვერდით იყო. ვალია სტამბის ხშირი სტუმარი ვახლდათ.

— როდესაც ვალია წერილს მოიტანდა სტამბაში, ყველა სამუშაოს გადაედებდით და პირველ რიგში მას ავაწყობდით, — იგონებდნენ შემდეგში სტამბის მუშები. მაშინ ისეთი დრო იყო, ყველას ეჩქარებოდა. მიჰქონდათ დასაბეჭდი მასალები: პროკლამაციები, პლაკატები, მოწოდებები, წერილები, ბიულეტენები. ზოგი იხვეწებოდა, ზოგი იმუქრებოდა, რომ შეკვეთა სასწრაფოდ შესრულებულიყო. არჩევნების პერიოდი — ეს ხომ ნამდვილი ციებ-ცხელებზე იყო. ახალგაზრდა სტუდენტს (ასე ეძახდნენ ვალიას) მაინც ურიგოდ უბეჭდავდნენ მასალებს. ამის გამო მუშებს სტამბის ადმინისტრაციისაგან საყვედურიც ბევრჯერ მიუღიათ, მაგრამ საყვედურსაც იტანდნენ და საქმესაც აკეთებდნენ.

ერთხელ ხოში თბილისიდან სამხედრო მინისტრი, მენშევიკი გიორგაძე ჩამოვიდა. მიტინგი ბაღში გაიშარათა.

ეს იყო 1918 წელი.

მინისტრი ბათუმში ვასავაზენად ხალხს მოითხოვდა — თურქების წინააღმდეგ. ვალია ახალი ჩამოსული იყო ბათუმიდან. ახალგაზრდობამ ერთხმად შესძახა, მენშევიკების ხელმძღვანელობით ბრძოლებში არსად არ წავალთო. ტრიბუნაზე ვალია ბახტაძე ავიდა. მან განაცხადა: „ჩვენ, ბოლშევიკებს, დაჯანგბეთ ბათუმის დაცვა და ჩვენ დავიცავთ მას. აი, დღესვე ეს ახალგაზრდები, — და ორატორმა ხელი ხალხისაკენ გაიშვირა, — იარაღს აისხამენ და ბათუმს საკუთარი მკერდით დაცვავენ“.

— სწორია, სწორია. — იგრილა ახალგაზრდობამ.

1918 წელს, ლეჩხუმისა და სამეგრე-

ლოს გლეხთა აჯანყებების ჩაქრობის შემდეგ ვალია იძულებული გახდა არალეგალურ მუშაობაზე გადასულიყო. იგი ერთ ღამეს მალულად გავიდა ხონიდან. რამდენიმე დღე ქვიტირში გაატარა, გათხოვილი დის ოჯახში. მალე იქიდანაც ევაპარა მენშევიკ ჯაშუშებს და გადავიდა აფხაზეთში, აფხაზეთიდან — ჩრდილოეთ კავკასიაში...

ხოში ამბავი მივიდა, ვალია არალეგალულ თბილისში დაბრუნდაო.

მამაჩემმა, ვალიას ამხანაგების რჩევით, გადაწყვიტა თბილისში წასულიყო. გამგზავრების წინა ღამეს ჩვენსას მოვიდნენ: ლ. ნადარეიშვილი, ვ. ბახტაძე, ი. ბახტაძე და შ. მდივანი. მამაჩემს საკირთ რჩევა-დარიგება მისცეს.

ოთახის კუთხეში იდგა ოთხფეხა, დაბალი სუფრა, რომელზედაც მამის საგზალი ელავა. ის-ის იყო ამხანაგები წასასვლელად წამოიშალნენ, რომ ფანჯრიდან ვილაცის ლანდი გამოჩნდა. დღე-ღამემა წამოიძახა: — ეს ჩემი ვარლამაო, — და კარებს ეცა.

კარებში ნაბადმოსხმული და თერთჩაბალახიანი ჩვენი ვალია იდგა გაღიმებული... თავზე დაბალი ფაფახი ეხურა.

ვალიამ გულში ჩაიკრა ხელგაწვდილი დედა, შემდეგ სათითაოდ ყველა გადაგვკოცნა. ამხანაგები დიდხანს დარჩნენ. მეტად საინტერესო ამბებზე ილაპარაკეს.

დენიკინის შემოტევას ჩვენები ორ ნაწილად გაეყო. იძულებითმა უკანდახევამ ერთი ნაწილი დარიალისკენ გადმოისროლა, მეორე — რუსეთისკენ. ვალია პირველ ნაწილში მოხვედრილიყო.

დენიკინელთაგან დევნილები, დარიალთან საქართველოს მენშევიკურმა მთავრობამ დაატყვევა. ერთმა ნაწილმა გაქცევით დააღწია თავი ტყვეობას. მათ შორის იყო ვალიაც. იგი გამოექცა მენშევიკურ ხელისუფალთ და მალულად მცხეთამდე მიაღწია. მცხეთის საღვურზე გამოვიდა წვერულვამშობეული, ნაბდით და ფაფახით; თბილისში მიმავალი მატარებელი უკვე ჩამომდგარიყო. ვაგონის ღია ფანჯრიდან ერთმა ახალ-

გაზრდამ თავი გამოჰყო, ხალხს ათვალიერებდა. ეს ჩემი ბიძაშვილი, სტუდენტი მ. ბახტაძე იყო. იგი ვაგონიდან ჩამოვიდა და ბაქანზე გაიარ-გამოიარა. ანაზღად ნაცნობი ხმა მოესმა და თავისი სახელიც გაიგონა. ნაბღიან კაცს მოკრა თვალი და მისკენ გაქაჩნა.

— ვალ... — უნდოდა დაეყვირა და გადახვევოდა საყვარელ ბიძაშვილს, ბავშვობის მეგობარს, მაგრამ წვეროსან-ნაბღიანმა ანიშნა — გაჩუმდიო, და მანაც სიტყვა შუაზე შეაჩერა. ერთმანეთს მიუახლოვდნენ.

— სახელს ნუ მეძახი. კაცკაციდან მოვდივარ. თბილისში ოთახი თუ გაქვს... ერთი დღით...

ვაგონში ავიდნენ და რამდენიმე წუთს უხმოდ ისხდნენ. მოუთმენლად მოელოდნენ თბილისში ჩასვლას...

ცოტა რამ იმაზეც, თუ როგორ დაადწია თავი ვალიამ დენიკინელების ტყვეობას.

როდესაც ვალია ბახტაძის რაზმი ბრძოლაში დამარცხდა, იგი ტყვედ ჩაიგდეს დენიკინელებმა. ვალიამ მოასწრო მოესპო ღოკუმენტები, რომლებიც მის ვინაობას ამხელდნენ. იგი რიგით ქარისკაცად მიიღეს.

ლამე ცივი იყო. ტყვეს ტანისამოსი ვახადეს და კუთხეში მიაგდეს. „გამარჯვებულები“ არყის სმას შეუღდნენ. „წითელ ურჯულს“ ანგარიშს მაშინ გაუსწორებდნენ, როცა შეზარხოშდებოდნენ. მართლაც, კარგად შეთვრნენ. ტყვეც ამას ელოდა. წუთებს ითვლიდა, მანძილსა და დროს ზომავდა. მომენტიც დადგა... იღროვა და შეუმჩნევლად გახობდა. ყაზარმას საკმაოდ რომ ვაშორდა, წამოდგა, მიიხედ-მოიხედა და აჩქარებით გაუდგა გზას.

თოვდა. ვალია კი ფეხშიშველი მიდიოდა. იმ ღამეს 60 კმ გაიარა: ყინვაში, თოვლში, გაუვალ ადგილებში. დიდი წვალეების შემდეგ ჩავიდა კაცკავში, სადაც ჭერ კიდევ წითლები იყვნენ გამაგრებულნი.

ვალია ავად ვახდა ფილტვების ანთებით, მაგრამ ამხანაგ-მეგობრების განსა-

კუთრებულმა ზრუნვამ მალე წამოაყენა ფეხზე.

ბრძოლები გრძელდებოდა. თერგის მხარეში საბჭოთა ხელისუფლების დამარცხების შემდეგ ვალია ბახტაძე და მისი ამხანაგების ერთი ნაწილი დარიალში მოემწყვდნენ. აქ მათ მენ-შეიკიები კარგ დღეს არ დააყრიდნენ. უკან დენიკინელები იყვნენ, წინ მენშევიკები. ვალიამ და მისმა რამდენიმე ამხანაგმა ეს რკალიც გაარღვიეს და ახალ ტყვეობას დაუსხლტნენ. ამაზე ზემოთ გვექონდა ლაპარაკი...

ვალია მწვავედ განიცდიდა ახლობლების, მეზობლების, ამხანაგ-მეგობრების დაკარგვას. მახსოვს, როცა თერგზე ბრძოლებში დაღუპულ სახელოვან მებრძოლს შალვა ასკურავას მოიგონებდა, თვალები აენთებოდა, ნესტოები დაებერებოდა. შალვა ასკურავა ვალიას უახლოესი მეგობარი და ამხანაგი იყო.

ვალია ბახტაძემ ორი წერილი უძღვნა შალვა ასკურავას ხსოვნას.

1961 წელს გამოვიდა წიგნი, „რევოლუციური მოძრაობის მოღვაწენი საქართველოში“. ამ წიგნში შალიკო ასკურავას გვარი და სახელი ამოკითხეთვალწინ დამიდგა ვალია და მისი სიტყვები მომავონდა: „როდესაც, მომავალში, გამარჯვებული კაცობრიობა თავის დიდ წითელ წიგნში ოქროს ასოებით აღბეჭდავს რევოლუციისათვის თავდადებულთა ხსოვნას, შენც იქნები მათ შორის. ამხანაგო შალიკო! მანამდის კი, სანამ ეგ წიგნი არ დაწერილა, შენი ხსოვნის სამარე შენი ამხანაგ-მეგობრების გული იქნება“.

ეს სიტყვები 1920 წელს დაიწერა. ვალიას უყვარდა ახალგაზრდობა. „სპარტაკის“ ორგანიზაციის წარმომადგენლებს მ. ბახტაძეს, ვ. ნადარეიშვილს, ს. ბახტაძეს, დ. გვაზავას, ვ. კაკაბაძეს, ვ. ხობუას, ვ. წულაიას დანახვანზე ძალზე გაიხარებდა. შემდეგში, როცა თვითონ თითქო გაცდა სიყმაწვილის წლებს,

თამარ ბახტაძე
 ამის ბახსენება

კიდევ უფრო ახარებდა ახალგაზრდებთან შეხვედრა და მათთან საუბარი. ვალიას ახალგაზრდობის საყვარელ და საიმედო წინამძღოლად თვლიდნენ.

1920 წლის ზაფხული იდგა. ვალია ხონში ჩამოვიდა. მას თან ახლდა ცნობილი ბოლშევიკი მემძარიაშვილი (გუბელი).

ჩვენ აივნისანი პატარა ფიცრული სახლი გვედგა; ვალია და სტუმარი ფარდაფარებულ აივანზე იძინებდნენ.

მასხოვს, აივნის კერზე შაშვის ვალია გვეკიდა. იმ შაშვა უცნაური ვალობა იცოდა. ყოველ დილით ერთსა და იმავე დროს იწყებდა ვალობას.

შაშვი ვალიას საყვარელი ჩიტი იყო. დაჭერაც ეხერხებოდა მისი, ამიტომაც შაშვი ყოველთვის გვეყავდა. ლამაზი და მოხერხებული ვალიის გაკეთებაც იცოდა. ის ვალიაც მისეული იყო...

ვალიას ჩამოსვლიდან სამი თუ ოთხი დღე გავიდა. ვალია და მისი ამხანაგი გუბის წყალზეც იყვნენ სათევზაოდ. თევზიც ბლომად მოიტანეს...

მშვენიერი დილა გათენდა, ცას ზეთი ჩამოსტირისო, რომ იტყვიან, ისეთი. შაშვი ჩვეულებრივზე ადრე ავიკვიკდა.

— ერთი ჰკითხე, ბიჭო, მაგ შაშვს, რას ამბობს? — შეეკითხა ახალგაღვიძებული სტუმარი ვალიას.

— რას და, თოხი ხელში აიღე და მამას მიეჩმარეო, — თქვა გაღიმებულმა ვალიამ, წამოდგა, თოხი მოქებნა და ეზოში, სიმინდის აბიბინებულ ყანაში გავიდა — ჩემთვისაც ნახე თოხი, — მიაძახა გუბელმა...

მაღე ჩვენს ჭიშკართან ორი ეტლი გაჩერდა. ერთში მარტო მეეტლე იჯდა. მეორეში გვარდიელები ისხდნენ.

გვარდიელები რისხვასავეთ შემოიჭრნენ წინა კარიდან. საცოდავი დედა გაფითრდა, გაყვითლდა, კაბა შეისწორა, თავსაფარი ნიკაბთან შეინასკვა და სახლში უკანა კარიდან მხნედ შევიდა, თან ახალი თევზის სუნი შეიტანა.

— თქვენ ვინ ბრძანდებით? — შეეკითხა გვარდიელი.

— დედა! — მხოლოდ ეგ ერთი სი-

ტყვა თქვა დედაჩემმა და გვარდიელებს ამაყად გადახედა. გულზეხელებდაკრეთილი იდგა ქანდაკებასავეთ.

ვალია სახლში რომ ვერ ნახეს, ეზოში გაიჭრნენ. გვარდიელმა გუბელს უბრძანა, ჩაიციეო. ამასობაში ვალიაც გამოჩნდა. თოხი იქვე, კიბესთან მიაყუდა და გვარდიელის თანხლებით სახლში მშვიდად შევიდა.

ჩხრეკა დაწყებული იყო. ვალიამ და გუბელმა უფროსს საბუთი მოსთხოვეს, მანაც გაუწოდა რაღაც ქაღალდები, ალბათ — დაპატიმრების ორდერი.

არც ვალიასთვის და არც გუბელისთვის პატიმრობა პირველი ხილი არ იყო. ამჟამად ვალიას მესამეჯერ აპატიმრებდა მენშევიკური ხელისუფლება. ერთხელ, 1919 წელს, გაზეთ „კომუნისტის“ რედაქციის დარბევის დროს დააპატიმრეს.

ჩვენს სახლში ჩემოდნები, ყუთები, კალათები, წიგნები თავდაყირა ეყარა. ვალიას ვრთი ტყავის ჩემოდანი ჰქონდა, მასაც ძირი გაურღვიეს. მაგრამ არ იქნა და არა, საკბილო ვერაფერი ნახეს. მშვიერი ძაღლებივით ყნოსავდნენ ყველაფერს, მაგრამ ამაოდ.

ჩემს დას ქენიას მოეწრო ახალი ბროშურის გადაძალვა, რაც შემოსვლისთანავე ანიშნა ვალიას. სხვა თითქოს არაფერი იყო ისეთი, მაგრამ შევნიშნე, რომ ვალია ხელში რაღაცას აწვალებდა. მინდოდა ქენიასათვის მენიშნებინა, მაგრამ ვერ მოვახერხე.

ჩხრეკა მთავრდებოდა. წასვლის დროც დადგა. მე პირველი გადავეხვიე ძმას თითქოსდა გამოსამშვიდობებლად. ვალია ჩემს განზრახვას მიხვდა და ხელი „მაგრად“ ჩამომართვა. ჩემს ხელში პატარა ქაღალდი აღმოჩნდა. ვალია შუბლზე მეამბორა და თან ჩამჩურჩულა, თუ ვისთვის უნდა გადამეცა ის ქაღალდი.

ვალია ყველას გამოემშვიდობა. მამა არ ჩანდა. ვალია თვალებით, უსიტყვოდ ეძებდა, ის კი, თოხის ტარს დაყრდნობილი, ეზოში, დიდი კაკლის ხის ქვეშ იდგა და ელოდა... ელოდა შვილის გამოსვლას. მამა არ შემოსულა სახლში.

იქედან დაემშვიდობა თავის პირმშოს, მოხუცებულობის იმედსა და ოჯახის ბურჯს.

ამ ამბის შემდეგ ოთხნახევარ ათეულ წელზე მეტი გავიდა. მაგრამ დღესაც, იმ კაკლის ხეს რომ შევეცქერი, იმ აღგონს რომ დავინახავ, სადაც მოხუცი მამა გატანჯული სახით, დარღისაგან ბექტებში მოხრილი იდგა, ყველაფერი გაცოცხლდება, ყველაფერი თავიდან იწყება... ასე მგონია, გუშინ მოხდა ეს ამბავი... გუშინ იყო, ჩვენს საფიცარ ვალიას რომ დავემშვიდობეთ, ჭიშკრამდე მივაცილეთ გვარდიელებით გარშემორტყმული...

ვალა ამჯერადაც ქუთაისის ციხეში მოთავსეს.

შემოდგომა იყო (1920 წ.). ციოდა. მამაჩემი ქუთაისში „კაპკით“ წავიდა. ეტლით მგზავრობა ძვირი ჯდებოდა. მეორე დღეს უკან რომ ბრუნდებოდა, „კაპკა“ გადაბრუნებულა. სახე სულ დალურჯებული ჰქონდა ბედშავს. ხელი მაჯაში გადატეხოდა. ლოგინად ჩავარდა.

აქ არ შემიძლია არ მოვიგონო მეტად კეთილშობილი ექიმი, ხონის მკვიდრი პლატონ ჯაში — ღარიბი ხალხის გაჭირვების ტალკევის. ის ღარიბებისაგან გასამრჯელოს არ იღებდა და ამიტომ ღარიბთა ექიმს ეძახდნენ. პლატონი ამჟამად პერსონალური პენსიონერია. მან დიდი ამაგი დასდო ჩვენს ოჯახს, განსაკუთრებით მენშევიკების ბატონობის პერიოდში.

1922 წელს მამაჩემი გარდაიცვალა.

...ვალა სისტემატურად ათავსებდა პუბლიცისტური და პოლემიკური ხასიათის წერილებს სხვადასხვა ჟურნალ-გაზეთებში, სხვადასხვა ფსევდონიმით.

ჩვენ აქ არაფერს ვამბობთ მის კრიტიკულ წერილებზე, რომელიც „რჩეული წერილების“ სახელწოდებით წიგნად გამოიცა 1961 წელს. მასში შესულია მხოლოდ 19 სტატია, დანარჩენი ელოდება გამოქვეყნებას.

ვალას პუბლიცისტური და პოლემი-

კური ხასიათის წერილები, რომლებიც დაწერილია საბჭოთა ხელისუფლების დამყარებამდე, ახლაც ცხოველი ინტერესით იკითხება.

1919-20 წლებში „ვინ-ბანი“ ვალა ბახტაძე, ცხარედ ეკამათებოდა თეკლათელს ვაზეთ „ერთობაში“ გამოქვეყნებული წერილების გამო. თეკლათელი მენშევიკ ვიქტორ თევზაიას ფსევდონი-მია.

1921 წლის იანვარში ვ. ბახტაძე, სხვა ბოლშევიკებთან ერთად, მენშევიკურმა ხელისუფლებამ საქართველოდან გაასახლა. იგი ბაქოში ჩავიდა. ბაქოში ამ დროს საბჭოთა ხელისუფლება იყო.

დადგა დამაბული 1921 წელი. თანდათან იზრდებოდა ხალხის უკმაყოფილება. მეტის მოთმენა აღარ შეიძლებოდა.

რევოლუციური და კონტრრევოლუციური ძალების თანაფარდობა რევოლუციის სასარგებლოდ შეიცვალა. რუსეთიდან სასიხარულო და საიმედო ამბები მოდიოდა. ინტერვენციამ კრაზი განიცადა. ჩაიფუშა თეთრი გენერლების ვარაუდები.

მახსოვს, 1918 წელს ვალიამ კედელზე გავეიკრა რუსეთის დიდი რუკა და ქინძისთავეებით წითელი ძაფი გააბა. ამ ძაფით შემოფარგლა ყველა ის ქალაქი, სოფელი თუ მხარე, სადაც წითელი დროშა ფრიალებდა. მაშინ რუსეთის ქალაქები და სოფლები კვირაში რამდენჯერმე იცვლიდნენ დროშის ფერს. ამიტომ ქინძისთავეების გადაადგილ-გადმოადგილება ხშირად გვიხდებოდა. რა სიხარული იყო ოჯახში, როცა წითელი ძაფის „რაღიუსი“ დიდდებოდა. მაგრამ იყო პირიქითაც. ვალა ხონში რომ ჩამოვიდოდა, ვაჩვენებდით რუკას და ვეკითხებოდით: — ხომ სწორად ვაკეთებთ? — ისიც კმაყოფილებით იღიმებოდა.

1921 წლიდან უკვე აღარ იყო საჭირო ქინძისთავეებისა და წითელი ძაფის გადაადგილ-გადმოადგილება: ახალი ერა დადგა.



კრიტიკა და გუჯლიკისტიკა

ბაგვაკ ნიკლაუკი

ბაგვაკი იღკისს...

ძნელია ქართულ ბიოგრაფიულ რომანზე ლაპარაკი. გამოჩენილ ადამიანებზე დაწერილი რომდენიმე კარგი წიგნი თუ მოგვეპოვება (კ. გამსახურდიას „გოეთეს ცხოვრების რომანი“, ვ. ჭელიძის „ცხოვრება ივანე მაჩაბლისა“, ლ. ასათიანის „ცხოვრება აკაკი წერეთლისა“). ქართველი მკითხველი კი მოელის რომანებს რუსთაველზე, სულხან-საბაზე, დავით გურამიშვილზე, ვაჟაზე, ივანე ჯავახიშვილზე, გალაკტიონ ტაბიძეზე...

და აი, ბაზარზე გამოჩნდა აკაკი გელოვანის „სვეტი ნათლისა“ (გამომცემლობა „განათლება“), რომელსაც მოკლე ანოტაცია აქვს წამძღვარებული: „აკაკი გელოვანის „სვეტი ნათლისა“ — ესაა მხატვრული ბიოგრაფია, რომელშიც ასახულია შავ ბედზე ამხედრებული (I) გენიალური ქართველი პოეტის — ნიკოლოზ ბარათაშვილის ცხოვრება და მისწრაფება, დარდი და იმედი, საუკუნის ფართო სურათის ფონზე გაშლილია მღელვარე სულისკვეთება ახალი ქართული მწერლობის ფუძემდებლისა.

წიგნი გათვალისწინებულია მოსწავ-

ლე ახალგაზრდობისა და ფართო მკითხველისათვის“.

ახლა ბევრს ლაპარაკობენ წერის კულტურასა და მკითხველის გემოვნების ზრდაზე. მას, ვინც მთვარეზე საოცარ მანქანებს გზავნის, ვინც ზვალინდელი ღღის უღიდეს აღმოჩენებს ამზადებს, ვერ დააკმაყოფილებს ის სტემატური და დაბალმხატვრული წიგნები, რომლებსაც, სამწუხაროდ, ხშირად გვთავაზობენ გამომცემლობები.

მწერალი და გამომცემლობა უნდა უფროთხილდებოდეს მკითხველს, რომელიც ხშირად ბრმად ენდობა დაბეჭდილ სიტყვას, განუწყვეტლივ უნდა ზრუნავდეს მისი გემოვნების ზრდაზე. ჩეხოვი წერდა: „გოგოლი კი არ უნდა დავიყვანოთ ხალხამდე, ხალხი უნდა ავამაღლოთ გოგოლამდე“.

ამ დროს გადამწყვეტი სიტყვა კრიტიკამ უნდა თქვას. ხშირად ნაწარმოების მხატვრული დონე არ სცილდება მოკითხვის წერილების დონეს, მათზე დაწერილ რეცენზიებში კი ლაპარაკობენ რაღაც ხასიათებზე, კონფლიქტებზე, გავლენებზე... ეს ფიქრები, სამწუხაროდ, სწორედ ა. გელოვანის აღ-

ნიშნულმა წიგნმა გამოიწვია და აი, რატომ:

ამ წიგნის ავტორს დიდი შრომა გაუწევია. იგი ცდილა ფართოდ ეჩვენებინა ბარათაშვილის საუკუნე, ის გარემო, რომელშიც ცხოვრობდა დიდი პოეტი, მაგრამ სურვილი ერთია... სინამდვილეში, რასაც ავტორი ისტორიულ ფონად თვლის, მხოლოდ სხვა ავტორების მიერ შექმნილი დეკორაციების ნარეგია, ხასიათები კი ნეგატივებს ჰგვანან. ერთი სიტყვით, წიგნში არა ჩანს ავტორის პოზიცია, შეხედულებები, ლიტერატურული აზრობა, არ ჩანს ის, რასაც ასე რიხიანად გვპირდება წიგნის ანოტაცია, არ ჩანს ის, რასაც, უბრალოდ, შემოქმედება ჰქვია.

წიგნში ლაპარაკია ბარათაშვილისა და ეკატერინეს სიყვარულზე, პოეტის დამსხვრეულ იმედებსა და „მერანზე“, 1832 წლის შეთქმულებაზე, დაღესტნის ომებზე, არსენა ოძელაშვილზე, უტუმიჭავაძეზე.. მაგრამ ყოველივე ამას დამაჯერებლობა და სიმართლე აკლია. მწერალი ყოველთვის რაღაც დისტანციიდან ლაპარაკობს საგნებზე, ვერ ბედავს მოვლენებთან ახლოს მისვლას და მათ გაანალიზებას. ბარათაშვილის ცხოვრების ფაქტები ოდნავდა მოსჩანს, — მას იმდენი არაფრისმოქმელი პათეტიკა და „ისტორიული გარემო“ აწევს ზედ.

ავტორმა რატომღაც გრძობამოჭარბებული ორატორის პოზიცია აირჩია. და თუ მკითხველი მწერალს არ გაჰყვება, ამის მიზეზი, პირველ რიგში, ავტორის იოლი გზით სიარულია. მან ვერ შეძლო ბარათაშვილის შინაგანი სამყაროს გახსნა და მოვლენების ხან აღტაცებულ, ხან დაღონებულ, ხან კი გახარებულ მაყურებლად დარჩა. მკითხველი პირველი თავებიდანვე ხვდება, რომ ყალბია მწერლის აღტაცება, სიხარული თუ დაღონება, ყალბია მის მიერ დახატული ნიკოლოზ ბარათაშვილი, ეკატერინე, მელიტონი, ილია ორბელიანი, გრიგოლ ორბელიანი, შამილი...

ზემოთ ნათქვამი ძალიან მძიმე, მაგ-

რამ, ვფიქრობ, ძალიან სამართლიანი ბრალდებაა, მე შევეცდები, ავტორიც და მკითხველიც დავითანხმო ამ ბრალდებაში.

აი, ალექსანდრე ორბელიანი მიდის ტატოსთან და ეუბნება:

— ილია შამილს დაუტყვევებია.

— ილია შამილს დაუტყვევებია? თუ ილიას შამილი? ხუმრობაგაშვებით..

— ხაროში ჰყავს, თურმე.

— ვაი ჩვენს მტერსა! აკი ვეუბნებოდი, ახლა რაღა ვქნათ? მავის საქმე თავში ბოსტანია და გულში სიყვარული. ახლა აღარც ერთი და აღარც მეორე! აჰ, ერთი მერანი მომცა და გამაქროლა იმ შაითანზე ხმალშემართული!

— მერანი კი არა, არწივიც ვერ აფრინდება იმამის აულში.

— მე ისეთი მერანი მინდა, გაჰკვეთოს ქარი, მთას გადაეცლოს... ვინ მოიტანა ეს ამბავი?“

ავტორმა იცის, რომ „მერანის“ დაწერა დაკავშირებულია ილია ორბელიანის დატყვევებასთან. იცის, რომ საქიროა ამ ფაქტის რომანში შემოტანა. მაგრამ იქ, სადაც ლიტერატურათმცოდნე მწერალმა უნდა შეცვალოს, ავტორი ისევ ლიტერატურათმცოდნედ რჩება. აქ მას ლალატობს ტაქტი, გემოვნება, ბუნებრიობის გრძობა.

მაგრამ მხოლოდ აქ?..

„გაფითრებული მიხეილი, ყველაფერს რომ პირველი გაიგებდა ხოლმე, ტატოსთან გავარდა.

— მომისმინე, ტატო! ბევრი რამ უნდა გითხრა!

— თუ სათქმელი გაქვს მხოლოდ სიმართლე, საქმარისია ორი სიტყვა.

— მაშ მისმინე: შეთქმულება გაუციათ!

— გაუციათო? შეთქმულება? განდობის ღირსადაც არ გაგვხადეს მე და შენ“.

როგორ მოგწონთ? ბარათაშვილი თავის საუკეთესო მეგობარს მიხეილ თუ-

მამუკა ფიქლაური
გაზეთით იღრისს...



მანიშვილს ეუბნება: „თუ სათქმელი გაქვს მხოლოდ სიმართლე, საქმარისია თორი სიტყვაც“. და თუმანიშვილიც უცებ პასუხობს ამოცანის მოცემულ პირობას:

— „შეთქმულება გაუციათ!“ ტატოც უცებ შეიცხადებს: — „გაუციათო? შეთქმულება? განდობის ღირსადაც არ გაგვხადეს მე და შენ“. როგორც ხედავთ. ბარათაშვილს არაფერი სცოდნია შეთქმულებაზე და საინტერესოა, როგორღა მიხვდა, თუ თუმანიშვილი ქართველების 1832 წლის შეთქმულებაზე ელაპარაკება? აქი განდობის ღირსადაც არ ვახადეს თურმე ისინი. მსგავს შეუსაბამობებს, რამდენსაც გნებავთ, იმდენს შეხვდებით წიგნში.

ა. გელოვანი თავგამოდებით ცდილობს დახატოს ბარათაშვილის „სიმპათიური და მიმზიდველი“ სახე. აი, ბარათაშვილი მოხელის სკამზე. კაცი თუ მოხელეა, ქრთამის აღების საშიშროებაც ჩნდება, „მაგრამ ეს რა სპეციაკი მოხელეა! ვილაყას ქრთამი შეუძლევი, მრისხანედ გადაუხედავს, პალატიდან გაუბრძანებია“. ავტორი თავგამოდებით იცავს ბარათაშვილის მორალურ პრინციპებს. პოეტი ვერც მოლაყებებს იტანს:

— „დიდად პატივცემულო თავადო ნიკოლოზ მელიტონის-ძეო, მაქვს პატივი მოგახსენოთ, რომა მე, თავადი მირმანოზ ქაიხოსროს-ძე დიდებულძიქე, რომელიცა რომა წელსა ქრისტეს აქეთ..“

— კმარა, — მოთმინება ეყარგება ტატოს, — თუ მართლა ქრისტეს აქეთ დაიბადეთ, ქრისტეს იქით ნულარ წახვალთ.

— რათა, თქვენო კეთილშობილე-ბავ? მე...

— ბატონო, თქვენ ცუდად კითხულობთ სულხა-საბას და შექსპირს. თოკი გრძელი ჯობს, ენა მოკლე. ილაპარაკეთ მოკლედ და უბრალოდ. საერთოდ, გირჩევთ ილაპარაკეთ ნაკლები და ისმინეთ მეტი“.

თუნდაც ნუ მივამჯკევთ ყურადღებას იმ ფაქტს, რომ საწყალ მირმანოზს მა-

შინ შექსპირის არც ცუდად და არც კარგად წაყითხვა არ შეეძლო, უბრალო მიზეზის გამო — შექსპირი თარგმნილი არ იყო ქართულად, მაგრამ რა გენათ, რომ ამ დიალოგში ბარათაშვილი ეთიკის ელემენტარულ ნორმებსაც არღვევს. ამის მიზეზი კი ისევე სიყალბე, სქემატურობა და იქნებ გულუბრყვილობაცაა. მივყვეთ ტექსტს: „გრიგოლი ხან გორშია, ხან გურიაში, ხან ალექსანდროპოლში, ხანაც სტუმრად — თბილისში, 1842 წლიდან კი — დალისტანში, თავის ოლიმპზე. ალექსანდრე ჭავჭავაძეც 1834 წლიდან შამილთან მეზრძოლი მილიციის სათავეშია, ასე რომ ახალგაზრდა ტატოს არსებობად თვითონ უხვდება დიდი ლიტერატურის ჭაპანის გაწევა.“

არც დაიზარებს ტატო ბარათაშვილი“.

ხედავთ, რა მძიმე მდგომარეობაა. ორბელიანს და ჭავჭავაძეს მიუტოვებით „ლიტერატურის ჭაპანის გაწევა“, მაგრამ ტატო ბარათაშვილი ყოჩაღი ბიჭია და არ დაიზარებს... (ამ ღროს თბილისში არ გამოდის არც უურნალი, არც ვაზეთი და თითქმის არავინ იცნობს პოეტ ნიკოლოზ ბარათაშვილს).

ავტორი უცნაურ ასოციაციებს მიმართავს, ერთობა რითმების თავისებური ძიებით:

„ჯემალ-ედინის სიტყვამ დაღისტნის ყინვარი გატეხა (შამილი დაითანხმა, რომ ტყვეები გაეცვალა, მათ შორის ილია ორბელიანიც. მ. წ.) და ამით შამილის ბრძენმა მასწავლებელმა ნაწილობრივ დაფარა ის უსაშველო დანაშაული, რაც თავს დაატეხა თბილისს ოდესლაც ჭალათმა ჭალაღედინმა, რომლის კრული სახელი ასე ზედმწეწენით ერითმება მის სახელს“.

„მალალაშვილი გონებამახვილი კაცია, ბარათაშვილის მეგობარი. ტყუილად არ ერითმებიან ერითმანეთს მათი გვარები“ (ისარლიშვილი ალბათ ტყუილად ერითმება!).

„ო, პოზიცია თქვენი მაცოცებს, თავადო! ოპოზიცია ხომ არ არის ეს?“

„ტატომ ხელახლა ნახა ცისიერი:
„აღარც ის სისავსე, აღარც ის იერი“.

„...თუ უზღენიშვილი?

— არავითარი უზრდელის შვილი!
აღუქსანდრე ბატონიშვილის შვილი ყოფილა თურმე“ (ლაპარაკია შამილზე. მ. წ.).

„— საქონელს მანეთად ვინ მოგცემს, შვილო? — ჩაერია მელიტონი.

— სკოტი საქონელი არაა, მამა! სკოტი მწერალია...“

„გენერალმა გრაბემ უკვე სცადა დარლოს აღება და აიღო მხოლოდ „გრაბე“.

მერანი — მარანი, ტატო — კაკო, ბედი ქართლისა — ყბედი ქართლისა, გასტრონომია — ასტრონომია... და ასე, დაუსრულებლად.

ასეთი „ეფექტები“ გამიზნულია ისევ და ისევ დაბალი გემოვნების მკითხველისთვის, რომელსაც ჭარ კიდევ აციენებს „სკოტი და სკოტი“.

წიგნის ერთი ქვეთავი ასე იწყება:

„მტარვალთა ჩამოსვლაზე ბუნება ტირისო, ნათქვამია.

რალაც პადესური დღეებია. ქვეყანა დანისლულია, ბნელა, ცივა, პირმეტელბლად წვიმს, თითქოს მიწის ცოდვა უნდა ჩარეცხოს.

როცა ნიკოლოზ პირველი საქართველოს საზღვრებს მოადგა, ცამ პირი შეიკრა, შფოთავდა შავი ზღვა, კავკასიის მთებში ჯანდი ჩამოწვა“.

თავი დავანებოთ იმას, რომ, როცა ძლიერად წვიმს, ამბობენ, ცამ პირი განსნაო და არა პირი შეიკრაო; საინტერესოა, ვინ თქვა, ან სად გაიგონა აკაკი გელოვანმა, მტარვალთა ჩამოსვლაზე ბუნება ტირისო. ბუნების მოვლენების აღწერასაც თავს დავანებებდით, მაგრამ მწერალს ხანდახან ავიწყდება, რა თქვა წინა გვერდზე:

„მაგრამ ხდება ის, რაც ხშირად მომხდარა იმპერატორთა სტუმრობის ყამს: ცამ პირი შეიკრა და ისევ დაუშვა კოკისპირული, პირმეტელბელი, ბაბილონური წვიმა...“

— ტყუილად არ ავიმეტყველებია ბუნება, ტატო, — ეუბნება წყნარად

ლევანი მეგობარს, — ხედავ, როგორ ეგებება ცა თვითმპყრობელის მობრძანებას? — თურმე ეს „პირმეტელბელი, ბაბილონური“ წვიმა სულ ტატოს დამსახურება ყოფილა.

უდავოა, მოყვანილი მაგალითებიც საკმარისია იმის ნათელსაყოფად, თურა ძნელია ამ რომანის გმირთა ხასიათებზე, კოლორიტზე, მოქმედების დინამიურობაზე მსჯელობა...

მაგრამ მაინც „გაეყვით იდრისს და ვნახოთ, რა გამოვა რისაგან“.

„1832 წლის 22 მარტს ვაიმარში კვდება ცისა და მიწის მესაიდუმლე, საუკუნის უდიდესი პოეტური გენია — გოეთე. იმავე წელს, და იქნებ იმავე დღეებშიც, ბარათაშვილმა მოიტება ორივე ფეხი“. ძალიან საინტერესო ფაქტია, ავტორი ამით, ალბათ, რალაც სულიერ მემკვიდრეობაზე „მიგვანიშნებს“:

ცოტა ქვევით ვკითხულობთ:

„მაინც საოცარი დამთხვევაა: იმავე ხანებში იტეხს ფეხს ილია ორბელიანი...“ ეს უკვე მოვლენათა „ფანტასტიკური“ კავშირია, თუმცა რა დანიშნულება აქვს ასეთ კავშირს, გულწრფელად რომ ვთქვათ, ჩვენთვის გაუგებარია.

კიდევ ერთი ადგილი:

„ბარათაშვილის სახელთან დაკავშირებულ გვარშიც იელვებს მაღალი ნიჟის ნაპერწკალი, ოღონდ არა პოეზიაში, არამედ ჭადრაკში: დაკარგულ სამთავროს გვირგვინის ნაცვლად ანდრია დადიანის შუბლს ამშვენებს უფრო უქკნობი გვირგვინი საჭადრაკო დიდებისა“ (ავტორი ეკატერინე ქაქავაძის ქმრის გვარს გულისხმობს. მ. წ.).

„დალისტანში სასტუმროები არაა. არც ლუღია, არც ღვინო. ყველაფრით ჩანს, რომ მიჯაჭვულია ამირანი და ახსნილია შამილი“.

აი, კიდევ ერთი ფრიად „ორიგინალური“ მაგალითი იმისა, თუ სადამდის

მამუკა წიკლაური
გავყვით იდრისს...

შეიძლება მივიდეს მწერალი სათქმელზე კონტროლის დაკარგვისას.

კომენტარები ზედმეტია, თუმცა... ამ უკანასკნელ წლებში ა. გელოვანმა კიდევ ორი „მხატვრული ბიოგრაფია“ გამოსცა — შოპენსა და ბრუნოზე. წიგნები სწრაფად გაიყიდა, სწრაფად გაიყიდა აგრეთვე „სვეტი ნათლისა“. აქ, რა თქმა უნდა, დიდი როლი შოპენის, ბრუნოსა და ბარათაშვილის სახელებმაც შეასრულეს, მაგრამ სწორი არ იქნებოდა არ დაგვეჩხა, რომ მკითხველთა ერთი ნაწილი ჭერ კიდევ ვერ ანხნევავენ ნამდვილ ლიტერატურას ლიტერატურის სურთგატისაგან. სწორედ ამ რანგის მკითხველს სჭირდება „კომენტარები“, მაგრამ კომენტარები არ უნდა სჭირდებოდეთ იმ გამომცემლობებს, რომლებიც ზოგჯერ ვერ გრძნობენ, თუ რა მიუტყვებელ შეცდომებს უშვებენ.

ისევ „გაყვეთ იღრისს და ვნახოთ, რა გამოვა რისგან“...

ამ წიგნს აკლია ბუნებრიობა და გულწრფელობა. ავტორმა პირველი გვერდებიდანვე აიჩრია მწიგნობრული ფრაზებისა და გაცვეთილი შტამების გზა. მაგალითად: „— მამ გიჩრევე: შენ შამილი შეაშინე, უშამილოდ მისი ლაშქარი დაიშლება, შენ მიაშურებს“. აქ უკვე ახალ მხატვრულ ხერხთან გვაქვს საქმე. იქნებ მისთვის ყურადღება არც მიგვექცია, მაგრამ ეს ვაგას ალიტერაციებს ავტორი განმეორებითაც გვთავაზობს: „ეს ქალი უყვარდა გიორგი ერისთავს, რომელსაც უძღვნა „შეშლილი“, დანიშნა კიდევ, მაგრამ შშობლებმა საქმე ჩაშალეს და პოეტი ლამის შეშალეს“.

„როდის დაქორწინდა მელიტონი ეფემიაზე?“ — კითხულობს ა. გელოვანი და ასახელებს რამდენიმე საუარაუდო თარიღს, მერე უცებ წყვეტს დავას და შევებით ამბობს: „მაგრამ მთავარია, რომ შეუღლება მოხდა“. და კიდევ:

„თვით ტატოს დაბადების თარიღზე უკანასკნელ დრომდე გრძელდებოდა დავა, რომელშიც მონაწილეობდა პოე-

ტი ახლო მეგობარი კონსტანტინე მამაიაშვილი. საბედნიეროდ, სადავო არ ყოფილა მთავარი: რომ ნიკოლოზ ბარათაშვილი დაიბადა“.

შემდეგ კი ცნობილი ტრივიალური მოტივიც მომძლავრდა:

„ცხოვრება მხოლოდ ეკლებს თესავს მის გზაზე? მერე რა, ის ვარდებს მოწყვეტს და ხალხს გაუწოდებს, თუნდაც ხელები დაუსისხლიანდეს... „იცი“ „შუქმომფინარე“: ბარათაშვილი სამკაულია, მაგრამ მამის სახლი ისედაც სასევა სამკაულებით, ისეთ სამკაულს კი, როგორც ტატოა, ტიტანის ადგილი უნდა“.

აი, ასოციაციების საინტერესო ჯაჭვი.

„ქვეყნად ასეა: ზოგი კვდება, ზოგი იბადება, ზოგი ჭკუაზე ცდება, ზოგი თხოვდება... ქაიხოსროს ქალი გაუგოყდა, მელიტონი კი ქალს ათხოვებს. სექტემბერში შეუსრულდა ეკატერინე ბარათაშვილს ოცდასამი წელი, დროა ბედს ეწიოს. ქსნის ხეობაშია მისი ბედი“.

„მთავარმართებლები იცვლებიან, პოეტები რჩებიან“ — ეს ფრაზა რომანის ლეიტმოტივი გახლავთ...

„ასეა ქვეყნად: სიყვარულში ჩააქსოვს ზოლმე ადამიანი თავის განცდებს, იმდესა და მწუხარებას. შემოქმედის განწყობაც ხშირად განსაზღვრავს პოეტის მარცხსა და წარმატებას“.

ავტორს თავისი წიგნისათვის უცხო სიტყვათა ლექსიკონი დაუერთავს; ასეთი წინადადებების გასაგებად არც განმარტებითი ლექსიკონი იქნებოდა ზედმეტი. ზემოთ ჩამოთვლილ „ქეშმარიტებში“ კი მას ვერ შევედავებით...

„წუთისოფელი ზღვასავით ბორგავს, ბარათაშვილი კი ხმელეთზე დგას. მას სურს, მღელვარე ზღვაში იყოს, დადგეს იქ, სადაც ქარიშხალია“.

ამ სტრიქონებმა ვალაკტიონის ერთი ლექსი გაგვასხენა. ჩვენი აზრით, ავტორს სწავთა სიტყვა ბრჭყალებით მაინც უნდა გამოეყო.

რამდენიმე სიტყვა ა. გელოვანის

სტილის შესახებ. წიგნს არ ახასიათებს ერთი სტილი. იქ ბევრი ქართველი მწერლის წინადადებათა კონსტრუქციას იბოვით: „და-ძმებს არ უმადლოდა: ერეკლე მეფეს გადაუდგნო, შურით აესილნი. ასე ამბობდა: რუსთა მთავრობა საჭირო იყო ჩვენთვის, ამოდ აბრალდებო ჩემს ძმას, გიორგი მეფეს „ქვეყნის გაცემასა და სამეფოს დაცემასო“, ოღონდ ეს კია, რუსთ ხელმწიფეს არ ეკადრებო ჩვენი ასე გაწილება და ულუქმპაპუროდ დატოვება“.

„შენი სენიის თხზულება გალექსიო ბარემ“, უჩრევს ტატო, და ლუკას სახარებაზე უთითებს“.

„კახეთსა ჰვავსო, ბალ-ვენახებით დამშვენებულს“...

ბევრგან კი საერთოდ გაურკვეველია, რა პრინციპითაა აგებული ესა თუ ის ფრაზა:

„დალისტნელების ხელით საბარათიანო და საორბელო კვლავ აშენდება მნგრეველთა თავებისაგან“.

„შენ რაღა გრჯის, ბედშავო? — შესძახა კონსტანტინემ (დადეშქელიანი. მ. წ.), გადმოიღო და ხანჯალი მკერდში გაუტარა.

მოზღვავენენ მსახურნი, როგორც ზვიგენები, რომელთაც სისხლის სუნი იგრძნეს. ლილიპუტებივით დაძვრებიან, დარბიან, ყვირიან, იმალებიან და ეჯახებიან ერთიმეორეს, თავს კი ველარავინ ესხმის ნამდვილ გულივერს, რომელიც უკვე კიბეზე დაეშვა აი, მზარეული მაქსიმე მხარზე დაახტა. კონსტანტინემ კატასავით გადმოიღო, დასცა ხანჯალი, ბურთივით გადაისროლა და როინს მიმართა“.

ა. გელოვანის სტილის ერთგვარი სამკაულებია ნაცვალსახელი „თვით“, სუფისტური სიბრძნე „რა გამოვა რისგან“ (საიათნოვას ლექსიდან), ალტაცების თუ სინანულის წამოძახილები: „ო, ოჰ, აჰ, ეჰ“ და სხვა.

„აქ პოულობს ისიც (ა. ა. სტოცკი) მეორე საშობლოს და თვით პოეტის სიკვდილიდან რამდენიმე წლის შემდეგ მიწისმზომელად ვხედავთ ერევანში“.

„თვით ალექსანდრე დიუმას მოხიბლავს ამ ქალის სილამაზე ოციოდე წლის შემდეგ“.

„თვით დიუმას აოცებდა ილიას სიმტკიცე და სიამაყე“.

„ასეთი სიურპრიზი ალტაცებაში მოიყვანდა თვით გასტრონომიის დიდ ოსტატს ალექსანდრე დიუმას“.

„მაგრამ ეს იყო გაბედული შეთქმა თვით ჩაგვრის, თვით დესპოტი მეფის წინააღმდეგ“.

„სამთავეს ერთად კიცხვენ, სამთავეს ელის გაროზგვა, ვარიცხვა, და ვინ იცის, რა გამოვა რისგან“.

„რამდენიმე დღე მიანიც გაიარონ თავისუფლად და მერე ვნახოთ, რა გამოვა რისგან“.

„ამიტომ გაცყვეთ იდრისს და ვნახოთ, რა გამოვა რისგან“.

„ეჰ, მაშუკა, ვინ რა იცის, რა გამოვა რისგან!“

„აჰ, ერთკოსთენ ალექსანდრიელივით ვადილოთ მფარველი ბტოლემეოსი“.

„ო, დელფინა მეტისმეტად მიწიერიია...“

„ო, ეკატერინეს მხოლოდ ერთი ნაკლი აქვს“.

„ეს გმირობაა“.

„კომიკური დეტალია“.

„გლასიკური ექსტია“.

„ოჰ“.

მაგრამ საქმარისია.

წიგნში საქმაოდ სოლიდური ადგილი უკავია ფრაზებს: „ხდება რაღაც აშდგვარი“ და „ეს თითქმის ერთი და იგივეა“...

ცუდად არ გავგიგოს მკითხველმა. ან ანტორმა. ზემოთ მოყვანილი ციტატების თავმოყრით მხოლოდ ერთი რამის თქმა გვიწევს: მწერალს რომ წიგნის წერის დროს შემოქმედებითი ბრძოლა გადაეხადა, გულამდე მიეტანა ყველაფერი, რაზეც წერს, არა გგონია, ამდენი „აჰ და უჰ“ დასჭირებოდა.

ზემოთმოყვანილ ფრაზებში „თვით...“,

გაშუაა წიკლაური
გაგვამთ იდრისს...

„ოპ“ და „უპ“, „ლიტერატურშინის“ გზით არიან შემოსული და ამიტომ თავისი ადგილი არა აქვთ მოძებნილი; თავი რომ გავანებოთ მოსაბეზრებელ ერთფეროვნებას, ისინი თითქმის ყოველთვის უადგილოდაა ნახმარი.

ენის სტიქია იოლად როდი ემორჩილება მწერალს, სწორედ ამ სტიქიასთან ბრძოლაში იჭედება მწერლის სტილი, მკლავნდება მისი შემოქმედებითი შესაძლებლობანი და გემოვნება.

აკაკი გელოვანი წერს: „ციური ცვა-რი დაპყვება თურაშაულისფერ დაწვევებს“ (ტირის ეკატერინე ჭავჭავაძე). მწერალი ვერ გრძნობს იღუმალ დამოკიდებულებას სიტყვებს შორის, ამიტომ ერთ კომპლექსში მოაქცია: ციური ცვარი და თურაშაულისფერი დაწვევები — უაღრესად განსხვავებული ინტონაციისა და აზრის სიტყვები.

ასეა წინადადებებში: „მე ქალში მშვენიერ სულს დავეძებ, ხორცი ბაზარშიც იყიდება“ (და ამას ბარათაშვილი ამბობს!).

...გვაქვაც თა ქუხილში იზრდება ბარათაშვილი“.

„მიღმა ბნელ წყვილიადიდან მოდის და მოდის ყორანთა გუნდი“.

„უფრთხილდი იმ ხეებიდან დაკიდებულ მახვილებს“.

„სიტყვა ნაწყვეტ-ნაწყვეტად ისმის, ქარს მოაქვს და ეს აძლევს ფრავმენტების სახეს“.

...თუმცა შეფაკლულია ნეიდპარდტი დეკაბრისტებისა და მუამბოზე პოლონელთა სისხლითაც“.

მსგავს პლენონიმებს და არაზუსტ გამოთქმებს წიგნში უხვად შეხვდებით. საჭიროა კი, კვლავ გავიმეოროთ არაერთგზის ნათქვამი ჭეშმარიტება, რომ მწერლისათვის დიდი მნიშვნელობა აქვს ზომიერების გრძნობას — მთავარისა და მეორეხარისხოვანის გარჩევას, დროზე შეჩერებას და, საერთოდ, უტყუარ მხატვრულ ალლოს?

...გვაქვს საშუალება ავწეროთ ეს ფეოლოროვი (ფეოლოროვი ბარათაშვილთან დაკავშირებულ ერთ სახუმარ-

რო ლექსშია ნახსენები და ჩვენი ავტორიც მზადაა „აწეროს“ იგი. მ. წ.), მაგრამ რა საჭიროა! უმჯობესია წაიკითხოთ გოგოლის ან შჩედრინის სატირები და მსგავს ეგზემპლარებს უხვად ნახათ (მაგრამ როგორ გავიგოთ, ფეოლოროვს რომელი ჰგავს? მ. წ.) და ბინდული კანცელარიის ორწობებში“.

მაგრამ მიუხედავად ამ „რა საჭიროა-სი“, ავტორი თავს მაინც ვერ იკავებს და ერთ გვერდს უძღვნის ფეოლოროვის სხვადასხვა მდგომარეობაში „აწერას“: „როცა ნასვამია...“, „სხვა დროს, როცა მთვრალია...“

„ვინ ანუგეშოს მისი ერთგული მეგობარი ბარბარე, ილია ბატონიშვილის მშვენიერი ასული, ერეკლეს შთამომავალი?“

ცალკე გვინდა შევჩერდეთ საზღვარგარეთული სახელებისა და ციტატების ნიაღვარზე. არა მგონია დარჩენილი იყოს მსოფლიოში ასე თუ ისე ცნობილი პიროვნება, ან პოპულარული ლიტერატურული გმირი, რომელმაც ადგილი ვერ ჰპოვა გელოვანის წიგნში.

წიგნის თითქმის ყველა პერსონაჟს გამოძებნილი ჰყავს საზღვარგარეთული ეტალონი:

ბარათაშვილი ქართული სიტყვის ფილტვებზე, თითხმებზე წლის „პატარა ბრუნოა“, ის „არმიას ადგენს, რათა რაიმონდ მონტეკუჯულის მსგავსად გაუძღვეს ბოროტებასთან სალაშქროდ“. ის აგრეთვე „სოკრატის მემკვიდრეა და არა არისტონის“, „პოეტის მზადაა ემპედოკლესავით ვულკანის კრატერში გადაეშვას“.

მარიამ ორბელიანი „თუთუნს ეწევა ქორე სანდივით“.

„ეკატერინე არჩევანს აჩერებს დადიანზე... ასე მოქცეა ჰაინეს ამალია, ლასალს — მშვენიერი ელენე, ბალზაკს — მარკიზის ქალი დე კასტრი, პუშკინს — ნატალია (ვიდრე სახელს მოიხვეჭდა)“.

„მაშუკა ბარათაშვილი — „ჭაშნიკის“ ავტორი — ჩვენი ბუალო“.

„ბარათა და ჯამბაკური იყვნენ ის დიოსკურები, მამულის ღირსებას რომ ბურჯად უღებენ“.

„ეორღანოვი კი დუმს, როგორც ბაბილონის დამხობილი მეფე“.

„საქართველოს მადამ რეკამიეს — მანანა ორბელიანის სალონი — ნამდვილი პარნასია ჩვენი მოღვაწეების და სავანე ზრდილობისა“.

გრიგოლ და ზაქარია ორბელიანები აიანტი და ოდისეესია“.

„ეორღანოვი იულიუს კეისარია, ოღონდ არა სარდლებში, არამედ მმართველებში“.

„ასპაზია მიღეთელივით მშვენიერი და ჭკვიანი მაიკო“.

„შამილი დარბაისელი კაცია. ზაფხულობით მახვილით იცავს მაჰმადს, ზამთრობით — სიტყვით, ქადაგებით. ზაფხულში კეისარია, ზამთარში — ციცირონი“.

„— მახვილი თვალი გქონია, ჩემო ილია (ორბელიანი. მ. წ.) ნამდვილი ლინკეესი ხარ“.

„მარიამი და გენერალ ჭავჭავაძის ქა-

ლიშვილები ევროპულად იცვამენ და ბურბონთა პატარძლებს მოგვაგონებენ“...

...და დაუსრულებლად მეორდება: როდოსის კოლოსი, აფროდიტე, ოლიმპი, შოპენი, პარნასი, ტორკვატო ტასო...

— კიდევ „გავყვეთ იდრისს, ვნახოთ, რა გამოვა რისგან?“

— ვფიქრობ, ეს საჭირო აღარაა.

* * *

ჩვენი ხალხი წმინდად ინახავს თავისი ეროვნული გენიის ნიკოლოზ ბარათაშვილის ხსოვნას. ბევრი დაიწერა ამ საოცრად ტრაგიკული ბედის პოეტზე და კიდევ ბევრი დაიწერება, ამის საწინდარი ხალხის უკვდავი სიყვარულია.

დარწმუნებული ვარ, — „სვეტი ნათლისა“ აკაკი გელოვანს სწორედ დიდმა სიყვარულმა დააწერინა. — წიგნის ყველა გვერდზე იგრძნობა ეს სიყვარული; მაგრამ კარგ წიგნებს მხოლოდ სიყვარული არ წერს.



გუგამ კანკავი

პრობლემა უწინააღმდეგავი ყოველისა

თუ ვინმე ჩვენი დღევანდელი ლიტერატურის ნაკლოვან მხარეთა ერთი საერთო ნიშნით გამოხატავს შეეცდებოდა, მას პირველ რიგში უნდა ის ფაქტი აღენიშნა, რომ ქართველი მწერლები (ძირითადად ვეგულისხმობთ ასპარეზზე 50-ან წლებში გამოსულ ლიტერატორებს) უმნიშვნელო პრობლემებით არიან დაკავებულნი. ამ მხრივ შეიძლება იხილო „დაგვეჯგუფებინა“ კიდევ: ზოგი მწერალი საერთოდ ვერ აზროვნებს პრობლემურად, ზოგისათვის მთავარ პრობლემას მესამეხარისხოვანი საკითხის დაყენება წარმოადგენს. შესაძლოა, ზოგი მწერალი ვერ აკვლევს „პრობლემას“, უჭირს მისი სრული სახით ჩამოყალიბება ან გააზრება, ზოგს კი, გავკანდიერდებით და ვიტყვი, საერთოდ არ ესმის პრობლემურად აზროვნების მნიშვნელობაც კი.

ნამდვილი (ჩვენ ძალაუვნებურად გვიხდება ამ ზედმეტი ეპოთეტის ხმარება) პრობლემის წვდომა, გაცნობიერება, ობიექტივაცია და, საერთოდ, მხატვრულად ჩამოყალიბება მწერლისთვის უნდა ნიშნავდეს იმას, რომ ნაწარმოები სანახევროდ მზადა აქვს: პოემის, მოთხრობისა თუ რომანის შესაქმნელად საფუძველი მყარია.

ჩვენ არ გვინდა დავსვათ საკითხი, თუ სად ან როგორ უნდა ეძებდეს მწე-

რალი საკუთარ პრობლემებს, ეს თითქოს თავისთავად გარკვეული საკითხია. ვიტყვი მხოლოდ, რომ „საკუთარი პრობლემის“ ანდა პრობლემის ინდივიდუალური დასმა, გარდა ნიჭიერებისა, იმთავითვე მოითხოვს მხატვრული კვლევის მეთოდურობასა და დიდ შრომას. მიუხედავად იმისა, რომ მწერლობაში, საერთოდ, „ახალი“ პრობლემები თითქმის აღარ არსებობს, მაინც ყოველი პრობლემა ინდივიდუალურია, თუკი ავტორი განიცდის მას, როგორც ორგანულად საკუთარს, მისთვის აუცილებელს და გადაუდებელს. მწერლობის თავისებურებაც ისაა, რომ ყოველ მწერალს (რაღაც უწინაგანი კანონზომიერების წყალობით) შეუძლია, საუკუნეების მანძილზე ლიტერატურაში დაყენებული ესა თუ ის საკითხი თავისებურად გააშუქოს და ამით იგი მხოლოდ მისეულ, განუმეორებელი ხასიათისა და სიმწვავის მქონე პრობლემად აქციოს.

რას ნიშნავს, იაზროვნო ლიტერატურაში პრობლემურად? ძალიან ბევრს. რადგან ძირითადად ნაწარმოების ამ მხარეზეა დამოკიდებული, თუ რა სიმწვავის კონფლიქტი უდევს მას საფუძველად, როგორია დრამატიზმის სათავე და ამოსავალი წყარო, რანიირი ხასიათები თუ მხატვრული სახეებია შერჩეული ნაწარმოებისთვის, რათა მთავარი

პრობლემა ამომწურავად იქნეს რეალიზებული. შემდეგ: მკითხველი პრობლემის სისწორისა თუ სიღრმის მიხედვით მსჯელობს ამ ნაწარმოების შემეცნებით ღირებულებაზე, მისი ფილოსოფიის დონეზე და სხვ... ასე რომ სწორი პრობლემების გამოხატვისა და მის მაღალმხატვრულ გადაჭრაზე, ჩვენი ფიქრით, დიდად არის დამოკიდებული დღევანდელი ქართული მწერლობის ღირსება.

გურამ გეგეშიძის მრავალი ნაწარმოები გამოსარჩევი მხატვრული თვისებებით არის შემკობილი და როგორც მკითხველთა წრეებში, ისე ლიტერატურულ კრიტიკაში მოწონებითა და ყურადღებით სარგებლობს. ამჯერად ჩვენ მისი ზოგი ნაწარმოების (მათ შორის 1967 წ. „მნათობის“ № 1, 2, 3-ში გამოქვეყნებული რომანის „ცოდვილის“) განხილვა გვინდა ძირითადად ერთი კუთხით — მისი აშკარად გამოხატული პრობლემურობისა და ამ პრობლემურობის რაობა-შეფასების თვალსაზრისით.

გ. გეგეშიძის როგორც მოთხრობებში, ისე რომან „ცოდვილში“ საქმის ცოდნითა და გულისყურით არის ჩახატული აღსაწერი გარემოს ყოფითი მხარეები. არ გვგონია, ავტორს პროფესიული სიამოვნება არ ეგრძნოს, და ერთგვარი ლიტერატურული „გურმანის“ თვლით არ შეეხედოს მეგრელი გლეხის კარ-მიდამოსთვის, როცა იგი ამ გლეხის შრომით საქმიანობას, აზროვნების წესსა თუ დამახასიათებელ სასაუბრო კილოს აღწერდა („ეუ“, „ემშაკის მოსახვევი“). უანრული სურათებით ამ ზომიერმა გატაცებამ კეთილმოყოფელი გავლენა მოახდინა მის შემოქმედებაზე; ჩვენ ვიგრძენით, რომ ავტორს კოლორიტის მშვენიერი გრძნობა აქვს და დიდ ყურადღებას აქცევს ამბის ფერადოვნად დახატვას, მაგრამ ყველაზე არსებითი მაინც სხვა რამ იყო; მწერალმა დაგვარწმუნა, რომ გამოსახატავი საგანი კეთილსინდისიერად ჰქონდა შესწავლილი, და მკითხველის ნდობა, პირველ ყოვლისა, ამით დაიმსახურა.

თანამედროვე დონეზე დგას გურამ გეგეშიძის მოთხრობებში ფსიქოლოგიზმი. ამაში დაგვარწმუნა მისმა მოთხრობებმა „ნავსადგური“ და „შურისძიება“. მოვიგონოთ, როგორი ოსტატობით იყო დახატული მოთხრობა „ნავსადგურში“ ნახევრადგაუცნობიერებელი განცდები პატარა ბიჭისა, რომელსაც ბაბუა უყვდება. ბიჭს უყვარს თავისი ბაბუა და ამიტომ ვერ მიუტოვებია ვერც სახლკარი, სადაც ახლა ბაბუა სიკვდილს ებრძვის, და ვერც ფიქრი მისი გარდუვალი სიკვდილის გამო; მეორე მხრივ კი შიში, რომელიც ადამიანს სიკვდილის პირისპირ დგომისას ეუფლება, ბიჭს აძულებს დროდადრო დასტოვოს სახლი, სულის ამოსათქმელად გაინავარდოს სანაპიროზე და შემდეგ ისევ მიბრუნდეს შინ იმ გრძნობით თუ იმედით, იქნებ ყოველივე გათავდა, იქნებ მოელო ბოლო არა მარტო ბაბუას, არამედ მის ტანჯვასაც; ფსიქონალიზმში ამგვარ ორმნიშვნელოვან განცდას გრძნობის ამბივალენტობას უწოდებენ.

„ნავსადგურში“ იმდენად ოსტატურად არის აღწერილი გრძნობის ეს ამბივალენტობა, რომ ჩვენთვის ჭირს იმის დადგენა — ავტორი უშუალოდ ფსიქონალიტიკური მოძღვრების ჩვენებით ხელმძღვანელობდა მოთხრობაში, თუ არა. ასეთივე ამბივალენტურია უფროსი ძმის უმცროსისადმი დამოკიდებულება მეტად საინტერესო მოთხრობაში „შურისძიება“ — ამ მხრივ გ. გეგეშიძემ ახალი ანალიტიკური კუთხე შესძინა ჩვენს სამწერლო ხელოვნებას.

სწორი ფსიქოლოგიური ხედვა ავტორისთვის ადამიანისადმი ფიზიკური და გულისხმიერი დამოკიდებულების თავადებაა. შესაძლებლობის ფარგლებში ამ პრინციპს ის არ ივიწყებს და სავსებით აშკარად იყენებს, ანალოზის მთავარ მეთოდად აქცევს. მიუხედავად ფსიქოლოგიური ძიების ერთგვარი სიმ-

გურამ კანაბავა
პრობლემა უწინარეს ყოვლისა

დიდრის თუ სიღრმისა, მაინც გ. გეგე-
შიძის მოთხრობაში ყველაზე თვალში-
საცემი თუ გამახვილებული მხარე —
ეს ეთიკიზმია. ეთიკური საკითხები
მისი მწერლურ-მოქალაქეობრივი შთა-
გონების არსებითი მხარეა, ეს არის ის,
რის გამოც, ავტორის აზრით, ღირს წე-
რო, მწერალი იყო. „პათოსი“ მისი მოთ-
ხრობისა მათ ზნეობრიობაში, მათ ზნე-
ობრივ აზრშია. ეთიკა ფილოსოფიის
ყველაზე კონკრეტული, „გასაგები“
ადამიანური ნაწილია, ცხოვრებაში კი
ყველაზე „განყენებული“ თუ გართუ-
ლებული საკითხების წყაროა. ამიტომ
ლიტერატურა ის ოქროს შუა ხაზია,
რომელიც ფილოსოფიასა და ემპირი-
ულ-ცხოვრებისეულ კონტრასტებს მოა-
რიგებს და ზნეობრივ არსებას მხატ-
ვრულ ხორცს შეასხამს. ავტორის ღრმა
კეთილშობილური რწმენით, ლიტერა-
ტურული მერიდიანი ზნეობრიობის
სიბრტყეში გადის.

— გახსოვს, ლევან, რა ბიჭი იყო
საწყალი ასტამური? — ამბობდა ძუკუ
და ელაში თვალები უბრწყინავდა. სა-
ხეც გაწითლებოდა.

— კარგი ბიჭი იყო, — უდასტურებდა
ლევანი.

— ისე, კაცმა რომ თქვას, არც კოჩია
იყო ცუდი ბიჭი, ა?

— რა უჭირდა... არა, ცუდი კაცი არ
იყო.

— მითხარი, თუ ძმა ხარ, არ არის
უცნაურად მოწყობილი კაცის ცხოვრე-
ბა? — თქვა ძუკუმ.

— მაგათი სიკვდილი ნამდვილად უც-
ნაური იყო... ისე დაემთხვა ერთმა-
ნეთს...“

ეს გახლავთ ამონაწერი გ. გეგეშიძის
რომანიდან „ცოდვილი“; რომანის ორი
პერსონაჟი სვამს კოჩიასა და ასტამუ-
რას შესანდობარს, რომლებიც, რო-
გორც მკითხველს ახსოვს, მთავარი მოქ-
მელი პირებია გ. გეგეშიძის მოთხრობი-
სა „ეშმაკის მოსახვევი“. მკითხველმა არ
იფიქროს, რომ ლიტერატურული გა-
უცნაურების ეს ხერხი (ერთი ნაწარმო-
ების გმირები საუბრობენ ავტორის მე-

ორე ნაწარმოების გმირებზე...) მწერ-
ლის პარადოქსული განზრახვით იყო
გამოწყველი. ამ ორ ნაწარმოებს მარ-
თლაც მკიდრო ლიტერატურული ნათე-
საობა აკავშირებთ. ჩვენ არ ვიცით, რა-
ტომ გაიხსენა ავტორმა თავისი მოთხ-
რობის გმირები რომანში, მაგრამ ვვა-
რაულობთ, რომ ამით სურდა ხაზი გა-
ესვა მათი ლიტერატურული კავშირის-
თვის.

შეიძლება ითქვას, რომ „ეშმაკის მო-
სახვევი“ ესკიზია რომანისთვის „ცოდ-
ვილი“ (მხოლოდ მოცულობითი შეფარ-
დების თვალსაზრისით, რადგან მხატვ-
რული ხარისხის მხრივ სულ სხვა სუ-
რათია. ამ საკითხს ქვევით შევეხებით
კიდევ). თუ პირობითად დავუშვებთ,
რომ „ეშმაკის მოსახვევი“ ერთგვარ
ლიტერატურულ მოდელს წარმოადგენ-
და ხსენებული რომანისათვის, მაშინ
ისიც უნდა ითქვას, თუ რა აერთიანებთ
მათ და როგორ აერთიანებთ.

„ეშმაკის მოსახვევი“ ღრმა მორა-
ლური აზრის შემცველი ნაწარმოებია,
რომელიც, საბოლოო ანგარიშში, ავ-
ტორის ჰუმანისტურ სულისკვეთებას
გამოხატავს, რადგან მორალურობა
სწორედ კაცთმოყვარეობისკენაა მი-
მართული. ეს მით უფრო სასაიმოვნოა,
რომ ნაწარმოების ჰუმანისტური სუ-
ლისკვეთება შიშვლად და სწორხაზობ-
რივად კი არაა ნაჩვენები, არამედ საკ-
მაოდ რთულად და ფსიქოლოგიური მო-
ტივების გაღრმავების და ურთიერთშე-
პირისპირების ფონზე. მთავარი გმირის,
ასტამურის სახე მოთხრობაში კარგად
გამონახული ფსიქოლოგიური ხერხე-
ბით არის შესრულებული; მისი პიროვ-
ნება გვარწმუნებს, რომ ჰუმანურობის
პრობლემა მწერლობაში მარტივად გა-
დასაწყვეტი პრობლემა არაა; ის, შეიძ-
ლება, ერთგვარ გარეგნულ წინააღმდე-
გობასაც შეიცავდეს. მაგალითად, ამ
მოთხრობაში ჩანს, რომ მხოლოდ მატე-
რიალურად ხელის შეწყობა ადამიანს
ყოველთვის როდი ანიჭებს სიკეთეს, —
არც იმას, ვინც აძლევს და არც იმას,
რომელიც ამაზე თანხმდება.

ასტამურისა და მისი ბიძაშვილის, კო-

ჩია დარასელიას დამოკიდებულება მოთხოვნის მიხედვით ასეთი იყო: თუკი აღამიანს მართლაც სჭირდება სადიდებელი კერა, ასეთი კერა იყო კოჩია დარასელია ათი წლით მასზე უმცროსი ასტამურისთვის. ასტამურის ყმაწვილურ წარმოსახვაში არცერთი კუნძული უქმად არ დარჩენილიყო, რომ კოჩიასთვის ლეგენდარული თვისებები არ მიეწერა შემდეგ კოჩია ჯარში გაიწვიეს; კოჩია დაოჯახდა, კოჩიამ ცხენოსნობაზეც კი აიღო ხელი და შოფრის ხელობა ირჩია; კოჩია დაძაბუნდა, ოჯახმა გატეხა და საბოლოოდ, ასტამურს საკუთარი გმირიდან დემორალიზებული, ნახევრადგაწუწკებული თუ გაფლიდებული კოჩია შერჩა ხელთ... რა თქმა უნდა, კოჩიას პიროვნული დაცემის პროცესი სინამდვილეში უფრო ბუნებრივად და თანმიმდევრულად მიმდინარეობდა. ვიდრე ასტამურის აზრის შეცვლა მასზე, ე. ი. შეგუება იმასთან, რომ სათაყვანო და მისაბაძი გმირისგან ახლა ხელში მისი მახინჯი ფიტულია შერჩენოდა. ავტორი არაა შორს იმ აზრისგან, რომ ასტამური ფსიქოლოგიურად „არ აპატიებდა“ იმედის ამ გაცრუებას კოჩიას. მაგრამ ეს ფსიქოლოგიური მოტივი იმდენად არა აქვს წინ წამოწეული. მთავარი აქ სხვაა. როგორც ითქვა, მთავარი ასპექტი აქ ეთიკური ხასიათისაა.

საქმე ისაა, რომ თითქმის მთელი თავისი სიცოცხლე ასტამური. მორალურად თუ ფიზიკურად (მატერიალურად) თან გადაყვა ბიძაშვილის ოჯახს, მის მშობლებს, მათი შენახვის საქმეს თუ მოვლა-მწყვემსვას (განსაკუთრებით იმ ხანებში, როცა კოჩია ან საავადმყოფოში იწვა, ან ციხეში იჯდა). თან გადაყვა ამ ოჯახს და ბოლოს კი პირში მიაფურთხა კოჩიას. შეფურთხების საბაბად უბრალო პაპიროსი იქცა: ასტამურმა პაპიროსი თხოვა, კოჩიამ კი არ მოაწეინა. ასტამურმა ხელიც აღმართა და საწყლბულ კაცზე, რომელსაც პაპიროსი ვერ გაემეტებინა თავისი ბეჩავობით და მხოლოდ იმიტომ არ გაარტყა,

რომ ზიზღი იგრძნო ამ ნახევრად განადგურებული კაცის მიმართ... მეორე დღეს სვანეთის გზაზე დატვირთული მანქანით მიმავალი კოჩია დარასელია ერთ-ერთ მკვეთრ მოსახვევთან, რომელსაც „ეშმაკის მოსახვევს“ უწოდებდნენ, გადაიჩენა და სასიკვდილოდ დაიმტვრა.

ასტამური საოცრად შეძრა კოჩიას დალუპვამ; გაუანგარიშებლად სულის სიღრმემდე შეაშფოთა და ზნეობრივმა ექვევმა შეიპყრო. რას ნანობს ასტამური? თითქოს დამნაშავედაც თვლის თავს?

უდავოდ, შემთხვევითი არ უნდა იყოს, რომ პაპიროსის ინციდენტის შემდეგ დღესვე კოჩია ილუპება ავტორი იმ აზრისაა, რომ ეს კეთილი და მუდამ გულუხვი ასტამური მორალურ მკვლელადაც გამოაცხადოს: ასტამურის გაცხარება უკანასკნელი წვეთი იყო, რომელმაც გადაავსო მოთმინების ფიალა და მთლად გამოიყვანა წონასწორობიდან გაოგნებული კოჩია; კოჩია ხომ საოცრად აღელვებული გამოემართა მისგან და თითქმის უაზროდ ეუბნებოდა ასტამურს და გზადაგზა იმეორებდა: „კაცი არ ვიყო, თუ არ გადაგიხადო...“

კოჩიამ თითქოს სამაგიეროს გადახდის ამ ერთადერთ ფორმას მიაგნო; კოჩიას დალუპვის საათიდან ეს სიტყვები კიდევ უფრო გაუცხოველდა ასტამურს მეხსიერებაში, გონებიდან აღარ ამოდიოდა, აგონდებოდა, თავში უცნაურად უტრიალებდა და, ჩანს, აშინებდა კიდევ. ასტამურს სინდისი ქეჯინდა, მოსვენებას არ აძლევდა. ამ ფიქრით აფორიაქებული ასტამური კოჩიას დალუპვის მეორე დღეს იმავე „ეშმაკის მოსახვევთან“ კლდეზე გადაიჩენა. ასეთი ავტორის მკაცრი განაჩენი; ასე განსჯის მისი სუბიექტურად მომართული მორალური კანონი და მხატვრის ხასიათი.

ჩვენ შეგვიძლია ისიც ვივარაუდოთ, რომ კოჩიას დალუპვა ბრმა შემთხვევის

გურამ კანაგა
პროლოგმა უწინარის ყოვლისა

შედგე იყო. შესაძლოა, ერთმანეთთან არავითარი მიზეზ-შედგებობრივი კავშირი არ ჰქონდა ზემოხსენებულ ინციდენტსა და კოჩიას კლდიდან გადაჩეხვას. ამაზე არც ავტორი გვეუბნება კონკრეტულად რაიმეს. მაგრამ ასტამური მინც გრძნობს თავს დამნაშავედ. თუნდაც იმიტომ, რომ მან მთელი არსებით შეურაცხყო კოჩია, მორალურად ჩაწიხლა ის და უკანასკნელი იმედის ნაპერწკალი ჩაუქრო, უკანასკნელი შემბრალებელი (მისივე, ასტამურის სახით) გამოაცალა. კოჩია იმდენადაა დაცემული სულიერად, შეიძლება ვთქვათ, რომ მისი უფრო მეტად დამცირება წარმოუდგენელია; იგი იმდენად პასიური გახდა საზოგადოების მიმართ, რომ თითქმის ყოველივე კავშირი აქვს გაწყვეტილი ადამიანებთან, ვერ ახერხებს მათთან ურთიერთობის შენარჩუნებას; მაგრამ მისი ბიძაშვილის მიერ მიყენებულ შეურაცხყოფას კიდევ ერთი საფეხურით დაბლა ჩაჰყავს კოჩია პიროვნული გათელვის და დამცირების უსახურ სიბნელეში: ამის შემდეგ გასაგები და ნათელია ასტამურის განადგურება: მან, მრავალი სიკეთის შემდეგ, ერთხელ დაამცირა და შეურაცხყო თავისი ძველი მეგობარი, ნათესავი თუ იდეალიკი, და დაისაჯა. ერთმა თითქოსდა უმნიშვნელო ინციდენტმა არა თუ გააწონასწორა, არამედ გადასწონა კიდევ ადრე ქმნილი ყოველი სიკეთე. ეს საბედისწერო „გადაწონვა“ ავტორის მორალურ სასწორზე მოხდა და, როგორც ვნახეთ, ამბის შემდგომი განვითარება შინაგანი მორალური კანონის დაკმაყოფილებით დამთავრდა.

* * *

...და რქუა უფალმან: რაი ესე ჰყავ? რამეთუ ხმაი სისხლისა ძმისა შენისა ლაღადებს ჩემდამო ქუეყანით. და აწ წყეულ იყავ შენ ქუეყანისაგან, რომელმან განიღო პირი თვისი შეწყყნარებად სისხლსა ძმისა შენისასა ხელისაგან შენისა. რაჟამს შერებოდი ქუეყანასა,

არა შესძინოს ძალი თვისი მოცემად შენდა: კენსით და ძრწოლით იყო ქუეყანასა ზედა.

და რქუა კაინ უფლისა მიმართ ღუთისა: უფროს არს ცოდვა ჩემი, მოტევებისა ჩემისა. და უკეთუ განმაძებ მე დღეს პირისაგან ქუეყანისა და პირისაგან შენისა დავიძალო, და ვიყო მე კენესით და ძრწოლით ქუეყანასა ზედა: დე იყოს. ყოველმან მპოვნელმან ჩემმან მომკლას მე. (შესაქმე, IV, 10-14).

რომან „ცოდვილის“ ძირითად დრამატულ ვითარებას, რომლის გარშემოც სხვა მხატვრული კონფლიქტები თუ კოლიზიებიც თავმოყრილია, ჰქმნის კაინის ცოდვა. იგი ავტორმა მთავარ გმირს, ვამეხ გურამიშვილს არგუნა ტვირთად. კაინის ცოდვა — ძმისმკვლელობა — წარმოადგენს ნაწარმოების მთავარ დრამატულ კოლიზიას, და მისი მხატვრული გახსნა, მთელი სიღრმით მისი ჩვენება იტევს კიდევ რომანის ეთიკურ-ფსიქოლოგიური თუ მხატვრულ-ფილოსოფიური მოტივების ძირითად მხარეს. ჩვენ, რა თქმა უნდა, არ გვავიწყდება ერთი რამ, რითაც საერთოდ გამოირჩევა გ. გეგეშიძის ნაწარმოებები და განსაკუთრებით რომანი „ცოდვილი“: მათში პირველ პლანზე დგას ან წინ წამოწეულია გონებაჭვრეტითი, ეთიკურ-ფილოსოფიური ხასიათის ნაწილი. თუკი „შესაქმეთა“ წიგნში კაინის მიერ აბელის მოკვლა ნაკარნახევია ძმისადმი აღძრული შურით, რომელიც ძმისმკვლელობაში უფალი ღმერთის თითქოსდა უგუნური ნებით აღიძრა, აქ, ქართველი ავტორის ამ ნაწარმოებში, ვამეხ გურამიშვილის მიერ უფროსი ძმის მოკვლა ბრმა შემთხვევას მიეწერება. მაგრამ სანამ ვიტყვოდეთ, თუ რაა მკვლელობის აქტის გარდა საერთოდ ამ ორ არაკში (ფაბულაში), გვინდა აღვნიშნოთ, თუ რატომ დაუკავშირეთ ერთმანეთს მოთხრობა „ეშმაკის მოსახვევი“ მისივე ავტორის ზემოაღნიშნულ რომანს.

როგორც ვთქვით, მოთხრობაში ასტამური ადამიანის (ნაკლები მნიშვნელობა აქვს იმას, რომ ეს ადამიანი მისი

ბიძაშვილია) მორალური მკვლელია და ძირითადად კონფლიქტიც ამ საკითხთანაა დაკავშირებული. რაც შეეხება ვამეხ გურამიშვილს, მას შემთხვევით თოფით შემოაკვდება ღვიძლი ძმა. რა შეიძლება იყოს საერთო ამ ორი ნაწარმოების თემატურ-კონცეპტურ ნაწილში, თუ „მკვლელობის თემას“ ორი სხვადასხვა ხასიათი აქვს? აქი თვით რომანის სხვა პერსონაჟებიც თვლიან, რომ ვამეხი „მკვლელი“, „ცოდვილი“ არაა?

ისევე, როგორც ასტამური „ეშმაკის მოსახვევში“, რომანშიც ვამეხი იღუპება. მკითხველი ხვდება, რომ მიუხედავად ვამეხის ქცევის საეჭვო ხასიათისა, (მისი ქცევები — სიკვდილიც კი — თვითმკვლელობას ჰგავს) ვამეხი თავს კი არ იკლავს, ის ნადგურდება, მას სიცოცხლის ძარღვი აქვს გადაკვეთილი. არც ასტამური, არც ვამეხი თვითმკვლელები არ არიან; მათ ანადგურებს მორალური კანონი, რომელიც მათივე მოცემული ავტორი არც იმ აზრისგან უნდა იყოს შორს, რომ ამგვარი სიკვდილი შედარებით ღირსეულთა ხვედრია. ადამიანის პიროვნების გათელება (მისი მიძიმე შედეგებით) ანდა მკვლელობა — ასეთია სულიერი ტანჯვის წყარო, ზოგჯერ მწვავე რეფლექსიების თუ თვითგვემის საფუძველი ორივე ნაწარმოებში.

ბიბლიური მითი კაენის ცოდვის შესახებ ყველაზე მეტად უახლოვდება ამ ორ ნაწარმოებს მის ბოლო ნაწილში, სადაც კაენი ღმერთს მიმართავს („ღმერთი“, ე. ი. მორალური პრინციპი ამ შემთხვევაში ადამიანში კი არაა, არამედ მის გარეთაა, გარეშე ძალაა) და შესჩივლებს: ჩემი ცოდვა (სასჯელი) უფროს არს (უფრო მეტია), ვიდრე ატანა შეიძლება, „და ვიყო მე კვნესით და ძრწოლით ქუეყანასა ზედა... ყოველმან მხოვნელმან ჩემმან მომკლას მე...“

სამივე დასახელებული გმირის დანაშაული სხვადასხვაგვარია, საგრძნობლად განსხვავებულია, მაგრამ სასჯელი — ერთი აქვთ. სასჯელი კი ერთი აქვთ იმიტომ, რომ მათი დანაშაული — ეს

არის ღანაშაული ადამიანის პიროვნებისა და სიცოცხლის მიმართ.

მაინც ვფიქრობთ, რომ „ცოდვილის“ მთავარი კონფლიქტის „შერჩევისას“ ავტორს ერთგვარი შეცდომა აქვს დაშვებული. დაიწყეთ იქიდან, რომ „ცოდვილი“, ეს არის კიდევ ერთი ცდა ქართულ მწერლობაში ინტელექტუალური პროზის შექმნისა. ამ უანრისათვის კი, როგორც ცნობილია, ნიშანდობლივია ნაწარმოების ანტურაჟის, პერსონაჟის მოქმედებისა თუ სხვა ცნობილ ლიტერატურულ მოვლენათა და ხერხების (კომპოზიცია, ფაბულის ორმაგობა, საკვანძო კონფლიქტების პირობითობა...) ორმაგ პლანში წარმოდგენა. ასეთ შემთხვევაში, ლიტერატურულ-მხატვრულ მასალას აქვს დამოუკიდებელი, მაგრამ შედარებით „ემპირიული“ მნიშვნელობა და სიცოცხლე, ერთი მხრივ; მეორე მხრივ კი, ეს მასალა განყენებულ ფილოსოფიურ-მჭერმეტყველობით სიბრტყეშიცაა გადაჭრილი. ამ გარემოებას ემატება ისიც, რომ დარკვეულ პერსონაჟთა მეტყველება, დიალოგები, ფიქრთა წყება და ა. შ. ძირითადად მაღალი მატერიების დონეზე და შესაბამისად ვითარდება. აქვე დაეძინეთ, რომ შესაძლებლად მიგვაჩნია „ინტელექტუალური პროზის“ წინამორბედად ჩავთვალოთ ანტიკური საბერძნეთის უდიდესი ფილოსოფოსი პლატონი, კერძოდ მისი უქნობი „დილოგები“ (და, უწინარეს ყოვლისა, „ნადიმი“).

თუ რამდენად გაართვა „უანრის“ ამ მოთხოვნებს ავტორმა თავი, ამაზე ცოტა ქვევით შეეჩერდებით, ახლა კი ვიტყვით, რომ რომანი „ცოდვილი“ სწორედ ამგვარი ხასიათის ნაწარმოებია; მართლაც, მისი პერსონაჟების ერთი ნაწილი თავისი მოქმედებით თუ სულისკვეთებით გამოხატავენ ბევრად უფრო მეტს, ვიდრე ეს ერთი დანახვით ჩანს და მათი ცხოვრების ფაქტოლოგია ხშირად ფილოსოფიურად მჭერმეტყველია, ფილოსოფიური ქვეტექსტიცაა აღჭურვი-

გურამ ანანავა
პროფესორი უფინარეს ყოვლისა



ლი და ინტელექტუალურ კონტექსტშია განხილული. ასეთებია, მაგალითად, თაურისას სიციცხლე და სიკვდილი, ანტონის ქვიეტიზმი, მისი ბოლო სასიციცხლო ოცნება და სიკვდილი, მეირას სიგიყე ანდა თვით ვამეხის სულიერი ენებანი და სხვა... ამ ლოქტრინერიული ნაწილის თავისთავადობის გამო მთავარი კონფლიქტის „მერჩევაც“ (როგორც ზეით აღენიშნეთ) გონება-ქვერეტიითა და ზედმეტად პირობითი ხასიათისა მავრამ ჩვენ ამჟამად მთავარი კონფლიქტის („კანის ცოდვის“) ეს მხარე არ გვანტერესებს. ჩვენ გვინდა შევედავთ ავტორს იმ მხრივ, რომ ნაწარმოების მთავარი კონფლიქტის მიერ გამოწვეული მორალური აზრი მთლად არ შეესაბამება ამ კონფლიქტის შინაარსს. მის მხატვრულ-ეთიკურ ხარისხს. შევეცდებით უფრო დაწვრილებით განვმარტოთ ჩვენი შეხედულება.

საერთოდ, კულტურულ პირობებში, ზნეობრივი ხასიათის კრიზისი ან განცდათა სიმძიმე, პირობითად რომ ვთქვათ, იმდენადაა მორალური, რამდენადაც მორალური გაცდის სიღრმე და სიძლიერე აღემატება მის წარმომშობ საფუძველს. მორალურია ის გრძნობა, როდესაც ცოდვის თუ დანაშაულის მონანიებისთვის ადგილია დარჩენილი. ასტამურს საკუთარი დანაშაულის მონანიებისათვის ავტორმა არ დაუთმო ზნეობრივი ასპარეზი, მავრამ ამ შემთხვევაში მთავარი ეს არაა. ავტორის ეს მკაცრი განაჩენი (ასტამურის დაღუპვა) მისი სუბიექტური განაჩენია, რაზეც მწერალს უფლება ჰქონდა. მთავარი მაინც ისაა, რომ პრინციპში ასტამურს, მისი დანაშაულის ხარისხის მიხედვით, ჰქონდა მორალური უფლება ეციცხლა. ასტამური ხომ იმიტომ არ იღუპება, რომ მას „ტანჯვის უფლება“ წართევს? ე. ი. მოთხრობაში მორალურ განზომილებათა სიღრმე და სიძლიერე აღემატება მის წარმომშობ საფუძველს.

სხვაგვარია საქმის ვითარება ვამეხის „დანაშაულისა“. მისი მოკვლა (თუნდაც უნებური), ჩვენი აზრით, ისეთი მორა-

ლური ტრამევაა, რომ მხატვრული გეშუქების კანონებს არც ექვემდებარება. დღევანდელ პირობებში (განსხვავებით ბიბლიური მითების ნახევრადბარბაროსული ვითარებისგან) უნებლიეთ ჩადენილი ძმისმკვლელობა ცოდვა ან დანაშაული კი არაა, არამედ — უბედურება, გამოუსწორებელი უბედურება, ტრაგიკული შემთხვევა მას არ „ინანიებენ“, მას გლოვებენ. მით უმეტეს, გაუმართლებელია ავტორის მიერ ამგვარი „კონფლიქტის“ აღება, რომ მას მეორე, ეთიკურ-ფილოსოფიური პლანიც აქვს. ვიმეორებთ, ეს ავტორის, სულ ცოტა, მხატვრული შეცდომაა. ამიტომაც არის, ხსენებული ტრაგიკული შემთხვევა რომანში არ იძლევა სათანადო, მხატვრულად ღირებულ შედეგს, ის ემოციურადაც და მხატვრულადაც უფერულია. ნაწარმოების მთელი მხატვრული აქცენტი კი ავტორს აქვთ ჰქონდა გადატანილი (როგორც ამას თვით რომანის სათაური გვიჩვენებს).

არის საკითხები მწერლობაში, რომლებიც მხატვრულ-ლიტერატურულ დამუშავებას არ ექვემდებარებიან, და ამ შემთხვევაშიც, მისი მკვლელობის ფაქტი და მისგან გამოწვეული მორალური ტრამევა მხატვრულ თანაფარდობაში არ იშოფება — ფაქტი ძლიერი გამოდგა მის ზნეობრივ განსჯაზე (და არა პირუკუ). საქმეს ვერ შევლის ვამეხის სიკვდილი. როგორც მკითხველმა, შემოძლია დავადასტურო, რომ მიუხედავად ავტორის ოსტატობისა, ამ ეპიზოდსაც აკლია ემოციური გულწრფელობა, „სიმართლის გრძნობა“, საერთოდ, მხატვრული ზეგავლენის ძალა. დაუშვებელია, რომ ასეთ უფაქიზეს საკითხში ავტორს უღალატოს სიწრფელმ და იგი „ოსტატობით“ შეცვალოს. „ცოდვილში“ ჩანს ერთგვარი გავლენა გვიანრომანტიკული ლიტერატურული სკოლისა (განსაკუთრებით მისი სკანდინავიური ფრთის) აბსოლუტური მორალური მოთხოვნებით და „ძლიერი პიროვნების“ უიმედოდ მოძველებული შეხედულებ-

ბებით. რომანტიკის გარეშე დღევანდელი მწერლობაც წარმოუდგენელია, ოღონდ ზომიერების დაცვა აუცილებელია.

ავტორი შორსაა იმ აზრისაგან, რომ ვამეხი მონანიე პერსონაჟად გამოიყვანოს. ავტორმა, მის გმირთან ერთად, კარგად იცის, რომ „მონანიება“ ამ შემთხვევაში მორალური ქცევა არ იქნებოდა. უბრალოდ, ვამეხი გაურბის საკუთარ თავს, თავის ცხოვრებას; მას უნდა ცხოვრების რაღაც ახალი ფორმა გამოახოს (ის იცელის საცხოვრებელ ადგილს, პროფესიას, ცხოვრებაში შექმნილ ჩვევებს და სხვა), რომელიც მას ერთი ხელის დაკვრით გამოცვლის, სრულიად ახალ თვისობრიობას შესძენს. მას ახლა მხოლოდ სასწაული თუ იხსნის... ასეთია ნაწარმოების მოქმედების განვითარების ლოგიკა; მაგრამ რამდენად რეალისტური და ადამიანურია ის? რამდენად „ნამდვილი“ და მხატვრულად დამაჯერებელია?

ამავე მოსაზრებებით, ვამეხის დაღუპვა მხატვრულად არადაამაყყოფილებელი პასუხია უსწოროდ შედგენილ თუ დაყენებულ საკითხზე.

ამ თვალსაზრისით „ემშაკის მოსახვევი“ ბევრად დასრულებული და მხატვრულად უფრო მთლიანი ნაწარმოებია. ამიტომ გვიჭირს, ეს მოთხრობა მასზე უფრო გვიან გამოქვეყნებული რომანის (თუმცა, შესაძლებელია, გამოქვეყნების თარიღებს ამჯერად ვადამწყვეტი მნიშვნელობა არ ჰქონდეს) მხატვრულ მოდელად მივიჩნიოთ.

ჩვენ უკვე ვთქვით, რომ გ. გეგშიძე მხატვრული კოლორიტის ოსტატი. მისმა რომანმა ამაში განმეორებით დაგვარწმუნა. ამ პატარა პროვინციული ქალაქის ხასიათს, რომელშიც მოქმედება იშლება, მხატვრული თვალსაჩინოებით ვადახსნის და თითქოს ხელისგულზე გაჩვენებს არა მარტო რომანის პერსონაჟებს, არამედ დაწესებულებათა დამახასიათებელ სახეს და ქალაქის დასამახსოვრებელ ლანდშაფტსაც. უდა-

ვოდ, უფრო სუსტადაა შესრულებული რომანის მესამე ნაწილი, სადაც თითქმის ყველა კვანძი გახსნილია. მაგალითად, ვფიქრობთ, ნაჩქარევად უნდა იყოს შესრულებული სცენები, სადაც შამილას, რეზოს და სხვათა „გამოსწორების“ თუ მათში ღირსების გრძნობის გაღვიძების სურათებია მოცემული. ჩვენთვის ნათელია, რომ ამ შემთხვევაშიც ავტორი ზოგადი მოსაზრებებით ხელმძღვანელობდა, რათა მკითხველისთვის ეჩვენებინა ვამეხ გურამიშვილის პიროვნების ძალმოსილება და მის მიზნსწრაფვათა კეთილმყოფელი გავლენა; მაგრამ ეს მოტივი უფრო განყენებული ხასიათისა გამოდგა, ვიდრე მხატვრულად ხორცშესხმული.

ჩვენ გვინდა დავიმოწმოთ ნოდარ ჩხეიძის სიტყვები, რომელიც თავის მხრივ იმოწმებს სხვათა აზრსაც იმის თაობაზე, რომ აზრობრივ-ინტელექტუალური ნაკადი, ჭარბი ანალიზი და ნაწარმოების ფილოსოფიურობა, საერთოდ, უსწორმასწოროა და ხშირად გაუმართავი („ლიტერატურული საქართველო“, 30 ივნისი, 1967 წ.) „როგორც უკვე ითქვა, — წერს ნოდარ ჩხეიძე, — მრავალ მკითხველზე იმოქმედა უარყოფითად ავტორის მსჯელობებმა. ყოველივეს ახსნის, სიღრმეში ჩაწვდომის, გაანალიზებისა და შეფასებისადმი მისწრაფებამ. ნაწილობრივ, ეს ტრადიციის უქონლობით აიხსნება, ნაწილობრივ — თვით რომანის ნაკლით“.

მართლაც, რომანის არსებით ნაკლს წარმოადგენს ის, რასაც, თუკი შეიძლება ასე გამოითქვას, ავტორის ფილოსოფოსობა ჰქვია. ამ „ფილოსოფოსობას“ ჩვენ არ გვინდა ვუწოდოთ არც ინტელექტუალური სნობიზმი, არც ის ტერმინი, რომელსაც გერმანელები ხმარობენ „ინტელექტუალური ავხორცობის“ სახით, თუნდაც იმიტომ, რომ რომანი „ცოდვილი“, ჩვენი აზრით, მართლაც უპრეცედენტო და უტრადიციოა

გურამ კანკავა

პროფესორი უფინარის ყოვლისა

ჩვენს მწერლობაში. მაგრამ როგორღა უნდა ავხსნათ ის მრავალრიცხოვანი ტრუიზმი, რომლებიც კიდევ უფრო მძიმე შთაბეჭდილებას ახდენენ? ტრუიზმებით, რომელთა ერთ-ორ მაგალითს მაინც მოვიყვანთ, პირდაპირ აჭრელბულია ნაწარმოები და ამიტომ მათ მიერ მოხდენილი შთაბეჭდილება უფრო მათი რაოდენობრივი სიმრავლისაგან მომდინარეობს.

როდესაც მსგავს ფრაზებს ვკითხულობდი, თავდაპირველად მეგონა, ისინი ავტორის ერთგვარ მანერულობას (პრიმიტივიზმის კულტივირებას) გამოხატავდნენ: „ვინ არის ისეთი, რომ ყველა მადლიერი ჰყავდეს? არ არსებობს ადამიანი ყველასათვის ერთნაირად სასიამოვნო...“ შემდეგ გრძელდება ამ აზრის საფუძვლიანად დამუშავება.

„არ არსებობს ადამიანი აბსოლუტურად კარგი ან აბსოლუტურად ცუდი“.

„სილამაზე საფუძველია სიყვარულის, უსიყვარულოდ კი არ არსებობს ცხოვრება, ვანსაკუთრებით ქალისთვის, რადგან კაცებს ზშირად მიაჩნიათ, რომ ქალ-ვაჟის სიყვარულზე უფრო ძლიერ ენებებიც არსებობენ. ქალისათვის ფასი არა აქვს უსიყვარულოდ სიცოცხლეს. უაზრობაა ცხოვრება, თუ არა ხარ სიცოცხლის შემოქმედი.“

თუმცა სიცოცხლე სხვაა და ცხოვრება სხვაა. ცხოვრება იგივე სიცოცხლეა, ოღონდ უფრო მაღალ საფეხურზე ასული...“ და სხვა და სხვა.

აუხსნელ გაკვირვებას იწვევს, რომ ასეთ ნიჭიერ მწერალთან შეიძლება ვხვდებოდეთ ხმარებისაგან გაცვეთილ აზრებსა და თვით ფრაზებსაც. ინტელექტუალური პროზის წარმოშობის აუცილებლობა, რამდენადაც ვიცით. იმიტთა გაპირობებული, რომ მწერალს სწორედ ამგვარი (გონებისმიერი) საშუალებებით შეუძლია საკითხის ამომწურავად გაშუქება. ამიტომ მსგავს ქან-

რობრივ ნაწარმოებში ფილოსოფიური დებულება ცოცხალი (სიახლის შემცველი), უნდა იყოს, როგორც მხატვრული სახე. გ. გვეგშიძის ზოგი დებულება თავის ეკლექტიკობით გვაგონებს ცნობილი ავტორიტეტების ასეთივე ცნობილ დებულებებს. მაგალითად, რომანის პირველ ნაწილში მწერალი ახსენებს გიგანტურ არსებას, რომლის მთვლემარე გონების სიზმარში ჩვენ მცირე როლების შესრულება გვაიყსირია: „იქნებ მთელი, ჩვენთვის ცნობილი სამყაროს ცხოვრება, — წერს ავტორი, — რომელიც დაუსრულებლად მიმდინარედ გვეჩვენება — მხოლოდ სიზმარია სამყაროს შესახებ ჩვენს წარმოდგენაზე მილიარდჯერ უფრო დიდი მასშტაბის არსების მთვლემარე გონებაში და ჩვენ ამ სიზმრის უმნიშვნელო ელემენტები ვართ?! იქნება ყველაფერი, რაც ასე გრანდიოზულად და უსასრულოდ მიმდინარე გვეჩვენება, იმ არსების შეგარძნებით ისევე სწრაფად გადის, როგორც ჩვენთვის ერთი წამი...“ ამგვარივე პარადოქსული მოსაზრებათუ „ფილოსოფიური სახე“ გიგანტური ცხოველისა დახატულია ა. ფრანსის ბრწყინვალე „ეპიკურეს ბალის“ პირველსავე ფრაგმენტში.

მსჯელობის მსგავს და სხვა შემთხვევებშიც ავტორი ზედმეტად სერიოზულია; უფრო სწორად, ზედმიწევნით სერიოზულია მაშინაც, როდესაც გადაუჭრელ თუ შეუცნობელ საკითხზე მსჯელობს. ნაწარმოებს ამ მხრივ დიდი დატვირთვა აქვს და მკითხველს მხატვრული ჰუმორი ესთეტიკურ აღქმაში დიდად შეეშველებოდა. ამის ნიმუშია იკმარებდა იგივე ა. ფრანსის ფილოსოფიური „ეპიკურეს ბალი“, სადაც ზოგად-ფილოსოფიური მსჯელობანი მაღალ და თვით შეუცნობელ მატერიებზე მახვილი ირონიით თუ მხიარული ჰუმორით არის „გაადამიანურებული“.



ბიოგრაფიული

სიმღერასავით ტკივილი...

ეერარ ფილიპს სხვა სამღერავი რა უნდა ჰქონოდა ამ ქვეყნად, ბედს რომ სწორედ ადამიანური კეთილდღეობისა და შემოქმედებითი ნიჭის სრული გაფურჩქენისას არ ემუხთლა. მან მხოლოდ 37 წელი იცოცხლა, მაგრამ მაინც დამსახურებულად გაიზიარა თანამედროვე კინოვარსკვლავთა ყველა პატივი და დიდება.

ეერარ ფილიპი როდი იყო მხოლოდ კინოვარსკვლავი. თავი რომ დავანებოთ მის უღარესად აქტიურ საზოგადო მოღვაწეობას (იგი წლების მანძილზე ხელმძღვანელობდა მსახიობთა კავშირს), ეერარ ფილიპი, უპირველეს ყოვლისა, დიდი მსახიობი იყო ფრანგული თეატრისა, მაგრამ თუ მსოფლიო პოპულარობა მაინც კინომ მოუპოვა, ეს უკვე კინემატოგრაფის მაგის ცხოველმყოფელი ძალის ბრალია.

ჩვენც ასე გავიცანით ეერარის ეს მგზნებარე რაინდი რამდენიმე წლის წინ, როცა პირველად მოგვევლინა ქრისტიან ჟაკისა და კლოდ ოტან-ლარას ფილმებში. საერთოდ, ეერარ ფილიპმა 28 მხატვრულ ფილმში მიიღო მონაწილეობა ისე, რომ თეატრს არ მოწყვეტია. საბჭოთა მაცურებელმა მხოლოდ ხუთი ნახა: ქრისტიან ჟაკის „პარმის სავანე“ (1948) და „ფანფან ტულპანი“ (1952), კლოდ ოტან-ლარას „წითელი და შავი“ (1954), ივ ალაგრეს „საუკუთესო ბედი“ (1955) და მისივე (ეერარ ფილიპის)

რეჟისორული დებიუტი „ტილ ულენ-შპიგელი“ (1958), მაგრამ, კაცმა რომ თქვას, ამით არც არა დაგვეკლებია რა. ძირითადად სწორედ ამ ფილმებში გამოვლინდა მთელი სისრულით ეერარ ფილიპის ნიჭი, მისი დიდი პოტენციური შესაძლებლობანი. ჩვენმა მაცურებელმა შეიყვარა ეერარ ფილიპის მგზნებარე ფაბრიციო, პატივმოყვარე ეიულიენ სორელი და ენერგიითა და სიცოცხლით სავსე ფანფან ტულპანი. დიდი და საყოველთაო იყო აღტაცება, როგორც ამ გმირებთან შეხვედრამ მოგვანიჭა.

— სად გრძნობთ თავს ყველაზე, კარგად? — ჰკითხეს ერთხელ ეერარ ფილიპს.

— შინ, — იყო პასუხი.

კინოვარსკვლავებზე საუბრისას იშვიათად ენებთან ხოლმე მათ პირად ცხოვრებას, მაგრამ ეერარ ფილიპი სხვა იყო. ხომ საინტერესოა, მაინც რატომ გამოირჩეოდა ასე მკვეთრად იგი კოლეგებისაგან თავისი საოცრად მოკრძალებული ცხოვრებითა და ბედნიერი ქორწინებით, რომელიც, ერთი კრიტიკოსის არ იყოს, მართლაც რომ იშვიათია ამ წრეში! მაცურებელს, ბუნებრივია, ძალზე აინტერესებს დიდი მსახიობის ცხოვრების ასეთი მომენტები. და აი, გამომცემლობა „ლიტერატურა და ხელოვნება“ რამდენიმე ხნის წინ გამოაქვეყნა ეერარ ფილიპის მეუღლის ან ფილიპის წიგნი „დრო, სუნთქვასავით გარდასული“.

კითხულობთ ამ წიგნს და თქვენს წინ მთელი თავისი ადამიანური დიდებულებითა და რაინდული შემართებით ისვენებთა ჩვენგან აღრე წასული კაცის ესოდენ ნაცნობი სილუეტე. მერე კი თავად გრძნობთ იმ დიდ ტკივილს, რამაც შობა ეს სტრეიქინება.

ამაოდ დაშვრებით, ლიტერატურული ნაწარმოების რომელიმე ქანრს მიაკუთვნოთ ან ფილიპის წიგნი. თავდაპირველად თვითონაც არ იცოდა. რისთვის, რა მიზნით წერდა, მაგრამ წერდა, როგორც პრეტე, რომელსაც არ შეუძლია არ წეროს. ამიტომაც არის იგი ასე გულწრფელი და მართალი როგორც ცხოვრებისეულად, ისე ლიტერატურულად. დიდმა შინაგანმა კულტურამ უკარნახა ან ფილიპს, არ აპყოლოდა თავისი პოპულარული ქმრის სახელით იაფფასიანი სპეკულაციის ცთუნებას. საშიშროება კი მართლაც დიდი იყო ამ მხრივ. ამა როგორ შეიძლება წერდეთ ექვარ ფილიპზე და არ შეეხო მის უაღრესად ნაყოფიერ შემოქმედებასა და აქტიურ საზოგადო მოღვაწეობას, მის შარავანდედით მოსილ სახელს. ხალხი სწორედ ასე იცნობდა ექვარ ფილიპს და პირუთენელი მებისტორიეც სწორედ ასევე აღწერს მის ცხოვრებას, მაგრამ ან ფილიპს თავისი კუთხე და თავისი საზომი აქვს. თითქოს საკუთარ თავს ესაუბრებოთ, იგი მთლიანად იფიწყებს ექვარ ფილიპს. როგორც შემოქმედს, და მხოლოდ თავის სიყვარულზე მოგვიტხრობს მეტად თავისებურად, ორიგინალურად, ამაღლევებლად და ერთიანად სწვდება ჩვენი სულის უფაქიზეს ხვეულებს. დიხს, ან ფილიპის წიგნი ერთი ნაღვლიანი სიმღერაა გულდათუთქული ქალისა. ნამღვილად, იგი არც მოგონებაა, არც რომანი და არც დღიური. ქანრობრივი ჯებირებისაგან ამგვარი განათვისუფლება თითქოს სჭირდებოდა კიდევ ავტორს, რათა მთელი სისავსით გადმოეცა ის მიმე სულიერი და ფიზიკური ტკივილები, რომელიც მას უსაყვარლესი მეგობრის ნაადრევი და საბოლოო დაშორებით არგუნა ბედმა...

„ახალი დღე თენდება და იგი არავითარ სიხარულს არ მომიტანს. მხოლოდ შენ ერთადერთი მხედავდი, მხოლოდ მე ერთი გხედავდი. დღეს კი აღარავინ მყავს, რომ დამინახოს, დავინახო.“

...მე მხოლოდ შენით ვიყავი აღსავსე. შენს მოძრაობაში, გამოხედვაში ვიძირებოდი. გიღიმოდი, რომ დამენახა, როგორ ჩნდებოდა ღიმილი შენს ტუჩებზე.

გიკოცნიდი ხელებს, რათა დამენახა, როგორ კოცნიდი ჩემსას და ვიმეორებდი ჩემად, რომ არასოდეს, არასოდეს დავიფიწყებდი ამ წუთებს. მინდოდა ყოველი შენი კოცნა სამუდამოდ აღბეჭდილიყო ჩემს სხეულზე. ჩემს ალერსს დაეჯახნა შენი სენი. ვიბრძოდი, მაგრამ გამარჯვების იმედი არ მქონდა. დამარცხება მელოდა, რადგან დამარცხებული იყავი შენ...

...როგორ მიყვარდა შენთან ფეხშეწყობილი სიარული: ამა რა იყო ამ ქვეყნად ამაზე კარგი! დღეს კი... საით მივდივარ დღეს?

...რატომ წახვედი ჩემგან, რატომ მიმაგდე, რატომ მიმატოვე. შენი ბრალია, რომ აღარ მიტაცებს ნაცრისფერი ეა და ნოემბრის წვიმა... გაუტრბი განთიხადს, ვერიდები ბინდს. თავს ძალას ვატან ვუტკირო მზესა და მთვარის შუქს...

...იგი მოკვდება, იგი მოკვდება. ისეთი თავგანწირვით ვებრძოდი ამ აზრს, რომ ყველაფერი მტკიოდა... ჰო, მოკვდება. გაიხრწნება. აი რა უნდა ვიცოდე, რა უნდა შევიგნო ბოლოს და ბოლოს. იქნებ უმჯობესია უკან დავიხიო, იქნებ ამან მაინც შემიმსუბუქოს ტანჯვა. ვზივარ თეთრი კედლების ტყვეობაში. თეთრი კედლები დაუწერელი ქათქათა ფურცლებია. მინდა დავიბრუნო წინა დღეები...“

სწორედ ამ თეთრი კედლების ტყვეობაში იშვა ეს წიგნი; სწორედ ამ დაუოკებელი სურვილით წარსულ დროთა დაბრუნებისა, რადგან ეს დღეები, ეს ნეტარი, ბედნიერი დღეები თვალსადახელსშუა გაუქრა სვეუბედურ ქალს, როგორც დრო, სუნთქვასავით გარდასული.

დიდი ტყვილი დიდ გრძნობასა და შემოქმედებით იმპულსებს შობს. ან ფილიპის წიგნს სწორედ ასეთი პოეტური შთაგონების ბეჭედი აზის. ამიტომაც მან, როგორც წლის საუკეთესო წიგნმა, ღირსეულად მოიპოვა საფრანგეთის ლიტერატურული პრემია.

* * *

სიამოვნებით უნდა აღინიშნოს, რომ ან ფილიპის წიგნის ეს მაღალმხატვრული ღირსებანი ზედმიწევნით არის გადმოცემული ქართულ თარგმანში, რომელიც ლია თევზაძეს ეკუთვნის. რა თქმა უნდა, ვხვდებით მცირეოდენ სტილისტურ ლაფსუსებს („მოკლედ, ჩვეულებრივი ისტორიაა, ეს წუთები მარწმუნებენ სამყაროს სრულყოფაში“, „იქნებ ამაშია მთელი სიბრძნე“ და სხვა, ზოგჯერ იგრძნობა ნაცვალსახელთა სიჭარბეც), მაგრამ ეს, რომ იტყვიან, წვეთია ზღვაში და ვერაფერს აკლებს ამ ნამდვილად მაღალმხატვრული თარგმანის ღირებულებას. მთარგმნელის უპირველესი დამსახურება ისაა, რომ იგი მთელი სიღრმით ჩასწვდა ამ, უანრობრივად სრულიად ახლებურ ყაიდაზე შექმნილი ნაწარმოების არსს, მისი ფილოსოფიურ-ფსიქოლოგიური წიაღსვლების ურთულეს ლაბირინთებს და, რაც მთავარია, მოგვცა დედნის ტოლფასოვანი ქართული წიგნი.

ყოველივე ეს ნათლად იგრძნობოდა ზემოთ ციტირებულ ნაწყვეტებშიაც, მაგრამ ჯობს, ეს პატარა წერილი დავასრულოთ ნაწყვეტით, რომლითაც თავად ან ფილიპი ასრულებს თავის ნაღვლიან სიმღერას. ეს საშუალებას მისცემს მკითხველს, კიდევ ერთხელ დააკვირდეს, თუ რა შთამბეჭდავად ჟღერს ქართულად ეს სიმღერა.

„...არის დღეები, როდესაც საღდაც გამისხლტები ხოლმე. ნუთუ ოდესმე არსებობდა ბედნიერება და სიღამაზე? ნუთუ იყო დრო, როცა ყოველ საათს აღვიქვამდით მათ? ასეთ დღეებში არაფერზე ძალმიძს ფიქრი, აზრი წარსულს


ახტება, ცდილობს გვერდი აუაროს მეჩენებს, ლანდალ იქცევა. მაშინ მხოლოდ ოცნება და ფერფლი მრჩება; ის, რაც იყო, საღდაც გასხლტება ხოლმე და ვხვდავ, საიდან იწყება ეს უშნო იდეალიზაცია, ეს შელამაზებული მოგონებები, თანდათანობით რომ აუბრალოებენ და ცვლიან სიმართლეს, ეს ლაღატი, რომელიც მით უფრო ადვილია, რაც შენ აღარა ხარ და ვერაფერს შეედავება ამ ტკბილ ზმანებას, წარმოსახვამ რომ შექმნა. მე მოჩვენებით სიმშვიდეს ვპოულობ, მაგრამ ჭეშმარიტ სიბრძნეს ვშორდები, რომელიც წვაში, აზროვნების უნარში, ნათელ გონებაში გამოიხატება. შენს ხატებას ვუხმობ და რომ არ დამეკარგო, წარსულს ვებღაუჭებ. მარტო ვარ ჩვენს საწოლ ოთახში და თვალს ვერ ვწყვეტ შენს საყვარელ ადგილებს, შენთვის ძვირფას ნივთებს, შენს ნაკვალევს ვეძებ, მსურს წყვილიად გამოვტაცო შენი თავი...

დრო ნელა გადიოდა, სუფთა საცვლები მოგიტანე. შენ ცისფერი პიჟამო აირჩიე, სწორედ ის, რომელშიც უნდა მომკვდარიყავი. მზე ახლა კედელს ეთამაშებოდა. შენ მიგატოვა. სამუდამოდ მიგატოვა. მეორე დღესაც წვიმდა, მესამე დღესაც; მეოთხე დღეს დილით შენ უკვე აღარ იყავი. არასოდეს დამავიწყდება ნოემბრის იმ მზის ელფერი, არ დამავიწყდება, როგორ ელაშუენებოდა იგი შენს სახესა და თმას, შემდეგ დეზერტირითი კედელზე გადაინაცვლა, მიგატოვა და ბრძოლის ველს მარტოდმარტო შერჩია...

გაზაფხულის ჰაერი მაიძულებს წარსულზე ვიფიქრო, ვიფიქრო რა გველოდა, ჩვენ რომ ერთად ვყოფილიყავით. ვიცი, ეს ოცნებაა — საერთოდ უნარი დაკვარაგე, არ ძალმიძს ვიცხოვრო აწყოთი. დინებას მივყვები, არ მსურს არც შორს და არც ღრმად ჩაგხედო ცხოვრებას. ველი წუთებს, როდესაც ძალა დამიბრუნდება. ვიცი, ეს დროც მოვა, ცხოვრება ჯერ კიდევ მაინტერესებს. მინდა თავი დავიხსნა, მაგრამ არ მსურს გავთავისუფლდე შენგან...”



გენიოზა



გივი ახვლედიანი

ამორძალევი ერთ ძველ ქართულ ქებულში

ჩვენამდე მოღწეულია მე-18 საუკუნის ერთი ნაკლებად შესწავლილი ნათარგმნი ძეგლი. ესაა საგმირო თხზულება, რომელსაც ვარშაყიანი ეწოდება. იგი მთლიანი სახით ჯერ არ დაბეჭდილა და ცნობილია მხოლოდ ერთადერთი ხელნაწერით. ძეგლის გამოსაცემად მომზადებამ მრავალი ისტორიული-ლიტერატურული საკითხის განხილვა მოითხოვა. ჩვენ ახლა საუბარი გვექნება ერთ იშვიათ მოტივზე, რომელიც ფიქსირებულია ვარშაყიანში.

თხზულებაში მოთხრობილია, რომ ვარშაყმა თავისი მეგზურისაგან გაიგო ქალების ქვეყნის არსებობის ამბავი. მრავალი დაბრკოლების გადალახვის შემდეგ ფალავანმა მიაღწია ქალთა სახელმწიფომდე. აცნობეს დედოფალს უცხო ქაბუკის მოსვლა. შეღამებისას იგი ფალავანის კარვისაკენ გაეშურა. შეხედა თუ არა მძინარე ფალავანს, მის გულში ტრფობის კოცონი აღენთო, ხანჯალი თავთან დაუდო, მკერდზე აკოცა და უკან გამობრუნდა.

დედოფალმა ვეზირის საშუალებით გაიგო ფალავანის თავგადასავალი, წერილი გაუგზავნა და სასახლეში მიიწვია. ბოლოს ვარშაყი დაქორწინდა დედოფალზე.

ვარშაყიანის ამ ეპიზოდში ისტორიულად საინტერესო სურათია შემონახული. იგი შორეული ყოფის ანარეკლი უნდა იყოს, როცა საზოგადოება დედამთავრულ იერარქიას ემყარებოდა და მამის უფლება ჯერ კიდევ არ იყო წამოჩინებული. ქალთა ამგვარი სამეფო ძველებრძნულ წყაროებში მოხსენიებულ კოლხიდელ ამორძალეებს მოგვაგონებს.

თქმულება ამორძალეებზე ძველისძველია. ლეგენდა ქალთა ტომის შესახებ ფართოდაა გავრცელებული მსოფლიოს ყველა კუთხეში. ეს თქმულება მატრიარქატის ეპოქის ბუნდოვან მოგონებას წარმოადგენს. პირველად მის შესახებ ცნობები უცხოურ-ბერძნულ ლიტერატურაში გვხვდება.

ბერძენი და რომაელი მწერლების ცნობებით ამორძალეების სამყოფელი მცირე აზია და ნაწილობრივ კავკასიაა.

პირველ ცნობებს კავკასიაზე, კერძოდ კი კოლხეთზე, ჰომეროსის თხზულებებში ვხვდებით. „ოდისეას“ მე-12 სიმღერაში საუბარია არგონავტების ზღვაოსნობაზე, არგოსის მოგზაურობის მძიმე განცდები კოლხეთში მშვენიერმა ირამ შეამსუბუქა. ამ ქალს იასონი უყვარდაო... „ილიადას“ სქოლიასტი ახა-



სიათებს ამორძალებს. ლეგენდარული კოლხი ქალები მარჯვენა ძუძუს იჭრიან, რადგან იგი მშვილდ-ისრის სროლაში ხელს უშლისო მათ. თვით მათი სახელწოდებაც ამ ჩვეულებიდან მომდინარეობს. ევსტათე არქიეპისკოპოსის ცნობით, იმავე ამაზონებმა დაუდევეს თურმე სათავე ერთ ანდაზას: „კოქლიც მშვენიერად მუშაობს“, ე. ი. ისინი, ამაზონი ქალები ხეიბრებითაც კმაყოფილნი არიანო.

პომეროსის დროიდან მოყოლებული, ამორძალების მითს ბევრი მწერალი შეხებია. აპოლონიოს როდოსელი მოგვითხრობს: „ღოიასის ველზე ამაზონები სახლობენ. ისინი მამაცი არიან და არავითარ კანონებს არ მისდევენ. მათი საზრუნავი საგანი არესის საქმეა და მთელ დროს ბრძოლებში ატარებენ. მეომარი ამაზონები არესმა და ნიმფა ჰარმონიამ წარმოშვეს. ნიმფა ჰარმონია ოდესღაც ალკმონიის ქალაქში შეეუღლა ომიანობის ღმერთს არესს და მას შესძინა ომის მოყვარული ასულები“¹.

ამორძალების ლეგენდის ისტორიაში განსაკუთრებულ ადგილს იჭერს ამორძალების ალექსანდრე მაკედონელთან შეხვედრის მოტივი. ეს ეპიზოდი სხვადასხვა ვარიაციებით არსებობს. დიოდორე სიცილიელი მოგვითხრობს, რომ როცა ალექსანდრე დაბრუნდა გირკანიაში, მასთან გამოცხადდა ამორძალების მეფე ფალესტრია, რომელიც ფლობდა ჰერმოდონტსა და ფასიდს შორის მდებარე ქვეყანას. იგი სილამაზით, ფიზიკური სიძლიერითა და მამაცობით თვისტომთა განცვიფრებას იწვევდა. მეფე ქალმა ლაშქარი გირკანიის საზღვარზე დატოვა და სამასი შეიარაღებული ამორძალის თანხლებით ეახლა მაკედონელს. როცა ქალის სილამაზით მოხიბლულმა ალექსანდრემ ჰკითხა ფალესტრიას, რისთვის მობრძანებულხარო, ქალმა უპასუხა: მოვედი, რომ შენგან ბავშვი მიეყოლოს. როგორც მე ვარ

ქალთა შორის უბირველესი, ისე შენ მამაკაცთა შორის უმამაკესი ხარ. უნდა ვიფიქროთ, რომ ჩვენი ბავშვი ყველა მოკვდავს გადაამეტებსო¹.

კიდევ ერთი ნახევრად ისტორიული, ნახევრად ლეგენდარული მოთხრობა ამორძალებთან ალექსანდრე მაკედონელის შეხვედრის შესახებ შედგენილია ბერძნულ ენაზე ჩვ. წ-მდე მეორე საუკუნეში. ამ მოთხრობას, რომელიც ცნობილია „ფსევდოკალისტენეს“ სახელწოდებით, ძვ. წ-ით IV საუკუნის ბერძენ ისტორიკოსს კალისტენეს მიაწერდნენ. ფსევდოკალისტენეს მოთხრობამ განსაკუთრებული როლი ითამაშა ამორძალების ლეგენდის შემდგედროინდელ გავრცელებაში.

ამორძალების ლეგენდის ვარიაციები, ანტიკური ეერსიისა და ფსევდოკალისტენეს მოთხრობის მოტივებზე. გვხვდება ზოგიერთ აღმოსავლურ — ნახევრად ფოლკლორულ, ნახევრად ლიტერატურულ ნაწარმოებში. ცალკეულ შემთხვევაში შესაძლოა მასში აისახა ასე თუ ისე ანტიკურ ლეგენდასთან რამდენიმე ახლოს მდგომი ადგილობრივი ფოლკლორული ტრადიციაც. ასეთია, ჩვენი აზრით, მოთხრობა „ათასერთი ღამისა“, რომლის მიხედვით ახალგაზრდა კაცი სასწაულებრივ კუნძულზე მოხვდება. კუნძულის მეფე მშვენიერი ქალწულია, მმართველობა და სასამართლო ქალების ხელშია. მეფის ვეზირია დიდებული მოხუცი ქალი, ლაშქარი შედგება ქალებისაგან, მამაკაცები მისდევენ მიწათმოქმედებასა და ხელოსნობას; ყმაწვილი ქორწინდება დედოფალზე და ა. შ.

ამორძალების ლეგენდის სხვა ვარიაციას წარმოადგენს დედოფალ ნუშაბესთან ალ. მაკედონელის შეხვედრის ეპიზოდი ნიზამი განჯელის „ისკანდერ“

¹ В. Латышев. Известия древних писателей о Скифии и Кавказе, I, стр. 459—461.

¹ აპოლონიოს როდოსელი, არგონავტიკა, თბილისი, 1949 წ. გვ. 100.

ნამედან¹. ქვეყანა ბარდა, რომელსაც გარს უვლის მდინარე მტკვარი, უმშვენიერესი მხარეა. მას მართავს მშვენიერი ნუშაბე, მისი ვეზირები ქალები არიან. ნუშაბეს პირადი დაცვა ათასი ცხენოსანი ქალიშვილისაგან შედგება. ბარდას ქალები არ საჭიროებენ მამაკაცებს, მათ დედაქალაქში არც უშვებენ.

ამავე მოტივის თავისებურ ვარიაციად უნდა მივიჩნიოთ რუსი მწერლისა და მოგზაურის ნ. პ. კარაშინის მიერ ქ. ჩამბაიში (ახლანდელი კარაკალპაკის ავტ. ოლქი) ჩაწერილი ლეგენდა. შინაარსი ამ ლეგენდისა ასეთია: შორეულ წარსულში არსებობდა დიდი სახანო, რომლის დედაქალაქი იყო სამირამი, გაშენებული მიუწვდომელ სიმაღლეზე. ამ სახანოს მართავდა ქალი ზანაი. მეფის კარის დიდებულები, ვეზირები, მოსამართლეები, მეომრები, ეკლესიის მსახურნი ქალები იყვნენ. ამ სახანოში ყველაფერს ისინი აკეთებდნენ: განაგებდნენ, ასამართლებდნენ, იბრძოდნენ, ნადირობდნენ. მამაკაცები გამოკეტილ სახლში რჩებოდნენ, სახლს ალაგებდნენ და ბავშვებს აკვანს ურწევდნენ. ქალიშვილები დედოფლის სასახლეში იზრდებოდნენ. ახალდაბადებულ გოგონებს ხელს არ ახლებდნენ, ასი დაბადებული ვაჟიდან კი ერთს ტოვებდნენ ცოცხალს. დედარჩინებს მხეცებს მიუტოვებდნენ. მოვიდა ხანშას დაბადების დღე. ბრმა მოხუცმა ხანშას უწინასწარმეტყველა, შენ შობ ვაჟს, რომელიც ბოლოს მოუღებსო ქალთა სამეფოს. გადაწყვიტეს, თუ ვაჟი დაიბადებოდა, მხეცებისთვის მიეგდოთ. მართლაც, დაიბადა ვაჟი, მაგრამ ხანშამ მსახური ქალის დახმარებით, ბავშვი ვადაძალა და იგი ახალდაბადებული გოგონათი შესცვალა. ბიჭს ისკანდერი დაარქვეს. დავაქაცდა ისკანდერი, შეიკრიბნენ მამაკაცები, ხანდა ისკანდერი აირჩიეს და ბრძოლა დაიწყეს ქალთა ხელისუფლების წინააღმდეგ. ქალებმა დაამარცხეს მამაკაცები; ისკანდერს სიკვდილის განაჩენი გამოუტანეს. იგი თვით ხანშას უნდა დაესაჯა, მაგრამ ვერ შეძლო ზანაიმ ხელი აღემართა თა-

ვის ღვიძლ შვილზე. იგი გამოუტყდა ხალხს ყველაფერში და იქვე დანით თავი მოიკლა. მამაკაცებმა იარაღი აისხეს და ბოლო მოუღეს ქალთა სამეფოს¹.

ამორძალების ლეგენდა თუმცა ძუნწად, მაგრამ მაინც, საქართველოსა და, საერთოდ, კავკასიის ფოლკლორშიც არის წარმოდგენილი.

ეს იშვიათი მოტივი ფიქსირებულია უკვდავების მაძიებელი ქაბუკის სიუჟეტში. დამართობელებულმა უფლისწულმა ერთგან ქალაქი — ციხე იპოვნა, რამაც თავისი საბატონო მოაგონა და გული დაუთუთქა. წყაროსთან ჩამოჯდა. ტირილი დაიწყო და ჩაეძინა. მალე წყაროსთან ქალთა გუნდი გამოჩნდა. მამაკაცის ნახვით ქალები მეტად განცვიფრდნენ. მათ სწრაფად გაავრცელეს მათვე აგებულების მქონე არსების გამოჩენის ამბავი. ცნობამ დედოფლამდე მიალწია: „...სახე და აგებულება ჩუენგუარი აქუსო... ტუჩსა და ლოყაზედ შავი მელნისფერი წარბივით ბეწვი გადასდევსო“. ეს ამბავი დედოფლისათვის მოულოდნელი აღმოჩნდა. ვაჟსაც ეუცხოვა ისეთი საზოგადოების ნახვა, სადაც მხოლოდ ქალები ცხოვრობდნენ. იკითხა: „რა თემი არის ასეთი, რომ კაცი არ ყოფილიყოს, ან არ „იყოს?“

მატრიარქალურ საზოგადოებას თავისი მმართველობა გააჩნია. ტანტზე დედოფალი ზის, ქალაქს მამასახლისი ჰყავს; არიან კარის გამრიგენი, მოხელეები, იციან შენობების აგება და სამეურნეო საქმეთა გაძღოლა. უკვდავების მაძიებელ ქაბუკს ყველაზე უფრო ის აინტერესებდა, თუ როგორ ხერხდებოდა მოდგმის გაგრძელება და საზოგადოების შენარჩუნება, რადგან სიკვდილი აქაც ძალაში იყო და ვისაც სიცოცხლე მოყირჭდებოდა, მოხუცებულობით მოკვდებოდა. ხელმწიფის შვილის ცნობისმოყვარეობა ქალაქის მამასახლისმა ქალმა დააკმაყოფილა; მან ქაბუკს ვანუ-

¹ Н. Карамзин. Сказка о женском ханстве. «Древняя и Новая Россия», 1875.

მარტა ადამიანთა სასწაულებრივი გამრავლების ისტორია. „მოახსენა ამ მამასახლისმა: ერთი ტბა არის ასეთი, რაზან ჩვიდმეტის წლისა გათავდების, მოვა ქალი და იმ ტბაში ჩაჯდების, დაორსულდების და ისრევ ქალი მიეცემის, ერთი შვილის მეტი არა უწყვრია აქაურს ქალსო. სანამღი დაბერდება, ასრე არიან, ვისაც სიცოცხლე არ მოეწყინება, არ მოკუდების. რახანაც დაბერდება, დედოფალის საწოლისასა ერთი ვაშლი დგას, წელიწადში სამი ვაშლი გამოვა და იმას დაუყოფს. ბერს სულიარსა თითოს ლუკმას აჭმევს და ისევ გაქალდების, და ვისაც აღარ უნდა სიცოცხლე, სიბერით მოკვდების. ამ ვაშლს აღარა სჭამს“.

უკვდავების მამიებელი ქაბუცი ქორწინდება დედოფალზე. „მოაწვიეს სახელმწიფო და დაემზადნეს უცხოდ და საკუთრველად, და უყუეს ქორწილი: იყო ერთს თვეს სამუდამოდ ღზინი და გამოსუნება“¹.

ჩვენს ყურადღებას იქცევს ბელეტრისტ ვ. სვეტლოვის ჩანაწერი ამორძალების თემაზე. ვ. სვეტლოვის უსარგებლია ლიტერატურული წყაროებით. ზეპირი ვადმოცემებით და ხელნაწერი მასალებით და ამორძალების ლეგენდა ლიტერატურულად საქაოდ თავისუფლად დაუმუშავებია. სვეტლოვის ნაამბობის ფაბულა ასეთია: „ომში წასული მამაკაცები დიდხანს არ დაბრუნდნენ. ტომირანდამ მოიფიქრა, რომ ქალებს თავი დაედწიათ მათთვის საძულველი ქმრების ჩაგვრისაგან. ამისათვის მან ჩამოაყალიბა ქალთა სამეფო. მშვილდისრის ხმარებაში რომ ხელი არ შეეშალა, ტომირანდამ ამოიწვა მარჯვენა ძუძუ. ასე მოიქცნენ სხვა ქალებიც. ამორძალები დაეუფლნენ სამხედრო საქმეს, ამოხოცეს ომიდან დაბრუნებული ქმრები, ქვეყნის მართვის საქმე მოავარეს, ააშენეს ქალაქები, წარმატებით ეომე-

ბოდნენ მეზობლებს. ტომირანდამ გამოსცა კანონი, რომლის მიხედვითაც ამორძალებს ნება ეძლეოდათ, წელიწადში ერთხელ, გაზაფხულზე, ორი თვით წასულიყვნენ მეზობელ ხალხებთან. თვითონ ტომირანდამ ქმრად შეირთო უბრალო მწყემსი. ამორძალები ახალდაბადებულ გოგონებს დედოფლის სასახლეში ზრდიდნენ, ვაჟებს კი კლავდნენ. ბოლოს, რთული რომანტიკული კოლიზიის შედეგად, ტომირანდა იღუპება, ხოლო ქალთა სამეფო წყვეტს თავის არსებობას“¹.

ლეგენდა ტომირანდაზე ქართულ ენაზეც არსებობს. ეს ლეგენდა, როგორც თვით მისი ლიტერატურულად დამუშავებული აღიარებს, დამუშავებულია იმ მასალების საფუძველზე, რომელიც მოთავსებულია აკად. ლატიშვილის, ბარონ უსლარისა და განის წიგნებში, აგრეთვე სხვადასხვა „ავკასიის კრებულში“ და უმთავრესად სვეტლოვის ლეგენდის მიხედვით.

გავიცნოთ ეს ლეგენდა. შავი ზღვის სანაპიროებიდან თითქმის ყველა მამაკაცი წავიდა აზიაში საომრად. საშინელი სასოწარკვეთილება ჩამოვარდა. ისმოდა ირგვლივ ტრილი. ბედზე ჩივილი და ოხერა. ელოდნენ ქმრების დაბრუნებას, მაგრამ დრო ვადიოდა და არაფერი სანუგეში არ ისმოდა შორეული აზიიდან.

ქალებმა მიიღეს საშინელი გადაწყვეტილება — ყველა მოხუცი და ბავშვი ზღვაში გადაყარეს.

ტომირანდას, წინამძღოლის ცოლს, არ ასვენებდა ქალების სამეფოს დაარსების აზრი. ტომირანდას თაოსნობით ქალებმა გაეღიჯეს სამშობლოში დაბრუნებული ქმრები, მკვდრები ზღვა-

¹ В. Светлов. Тамيرانда. Амазонская легенда Кавказского побережья Черного моря, в книге: В. Светлов. Кавказские предания и легенды, Сб. 1895.

გიგნი ახვლედიანი

ამორძალები ერთ ძველ ძარბულ ძებლში

¹ მის. ჩიქოვანი, უკვდავების მამიებელი ქაბუცი, მე-17 საუკუნეში ჩაწერილი ქართული ზღაპრები, შრავლთავი, 1.

ში გადაყარეს. ტომირანდამ ააშენა ქალაქი, რომელსაც ტელისკირი დაარქვა და ამორძალების სამეფოს სატახტო ქალაქად გამოაცხადა.

ტომირანდა ბლო დროს საგონიბელმა მოიკცა. რა დემართება ამორძალების სამეფოს მისი სიკვდილის შემდეგ, საჭიროა ფიქრი შთამომავლობაზე. მან უნდა შობოს ასული, ამორძალების მომავალი დედოფალი, წინააღმდეგ შემთხვევაში სამეფო ამოწყდება.

ტომირანდამ ასეთი სიტყვებით მიმართა ამორძალებს: ამორძალების სამეფო რომ არ გადაშენდეს, საჭიროა გამრავლება. ამისათვის ნება გეძლევათ, მამაკაცებთან დარჩეთ ორი თვე, ოღონდ მამაკაცები უნდა მონებად აქციოთ; ვაი იმას, ვინც გადაუხვევს ამ ბრძანებას. მე თვითონ ავირჩევ ქმარს და თქვენი დედოფალი შობს მემკვიდრეს — ასულს. შემდეგ თქვენ დაბრუნდებით სახლში და დაიწყებთ ჩვეულებრივ შრომას. შეილებს გაზრდილ ამორძალების წესზე. ვაჟები გადაყარეთ კლდიდან და ყოველ წელს გახვალთ ჭალაში. „ქორწილის დამეებისათვის“.

ტერმადონის ჭალა გაივსო კარვებით. იმ ადგილას, სადაც ოდესღაც ამდენი მამაკაცი დაიხოცა, ახლა ახალი ცხოვრება დაიწყო. მწყემსები უკრავდნენ სალამურებს, იყო სასმელი, საჭმელი, ალერსი და მხიარულება; მთვარე დანათოდა ამორძალებს, მდინარეში რომ იბანდნენ ტანს. შორს მოჩანდა დიდებული ზღვა.

ყველაზე დიდებული იყო ტომირანდას კარავი; ლომის ტყავებით, ყვავილებით მოფენილი. მის ფეხებთან ეძინა ლამაზ მწყემსს.

ასე გავიდა სამოცი დღე.

ტომირანდამ განაცხადა, მე ჯერ კიდევ ვერ ვგრძნობ ბავშვის სუნთქვას და ამიტომ ჩემი მწყემსი სასახლეში უნდა წაიყვანო. შეუყვარდა ტომირანდას

მწყემსი. ტომირანდას ვერ წარმოედგინა, თუ ვინმე გაბედავდა და წინ აღუდგებოდა მის სურვილს, ამიტომ ხალხს გამოუცხადა: მინდა ჯვარი დავიწერო ტაძარში და ხალხს ვაჩუქო ასული, — მემკვიდრეო.

ამორძალები წინ აღუდგნენ ტომირანდას ადამიანურ გრძნობებს. ტომირანდა და მისი ქმარი ჯურღმულში შეგადეს.

ტომირანდა დუმდა, უსიცოცხლო თვალებით იმზირებოდა. „ჯურღმულში... ჯურღმულში“... ყვიროდა ხალხი. ტომირანდას ქანდაკება გამოიტანეს ტაძრიდან და ზღვაში გადაისროლეს.

საეთხავია, საიდანაა შესული ვარშაყიანში ამორძალების მოტივი?

ვარშაყიანი ამორძალების მოტივის გამოყენებაში უფრო მეტ სიახლოვეს ამქლანებს აღმოსავლურ ნახევრად ფოკლორულ და ნახევრად ლიტერატურულ ძეგლებთან, ბერძნულ წყაროებს კი დაშორებულია. ვარშაყიანის შემოთმოტანილი ეპიზოდი უფრო ახლოსაა, მაგალითად, „ათასერთი ღამის“ და დედოფალ ნუშაბესთან აღ. მაკედონელის შეხვედრის ეპიზოდებთან, ავრეთვე, მე-17 საუკუნეში ჩაწერილ ქართულ ზღაპარში — „უკვდავების მამიებელ ქაბუქში“ ფიქსირებულ ამორძალების ეპიზოდთან, ვიდრე ბერძნულ წყაროებთან.

ასე რომ, ამორძალების ეპიზოდი ვარშაყიანში შესული უნდა იყოს აღმოსავლური წყაროებიდან. აქვე ისიც უნდა აღინიშნოს, რომ ბერძნულმა წყაროებმა, განსაკუთრებით „ესქვიდოკალისტენეს“ მოთხრობამ გადამწყვეტი როლი ითამაშა ამორძალების აღმოსავლური ლეგენდის გაერცელებაში. თავის მხრივ, აღმოსავლურმა სიტყვიერებამაც ამორძალების სიუჟეტი ბერძნული წყაროებიდან ისესხა და თავისებურად დაამუშავა.





ახალი

აზრ

მორალური მუშაუმი

ხელოვნების მუშეუმს რიჩმონდში (ვირჯინიის შტატი), ისევე როგორც სხვა მუშეუნთა უმრაველსობას, ძალზე ცოტა მნახველი ჰყავდა. ამიტომ მუშეუმის კოლექციებისგან შექმნეს მორალური გამოფენები, რომლებიც მუშეუმის მუშაკებს დააქვთ მთელი შტატის სკოლებში. ყველაზე უფრო ძვირფას კოლექციებს დაატარებენ ა. წ. „არტობილებით“, — ესაა ავტობიობილებზე შემდგარი სამხატვრო გალერეები. კოლექციებს ორ თვეში ერთხელ ანახლებენ. დღემდე ყველაზე დიდი წარმატება ხვდა XVIII საუკუნის ინგლისელი მხატვრის უილიამ ჰოგარტის 110 ნამუშევრისაგან შემდგარ კოლექციას.

ქინა ყიდულობს კინოფირმებს

არც ჩარლი ჩაპლინს, არც მერი პიკფორდს და არც დუგლას ფერბენკს, რომლებმაც ამ 50 წლის უკან დააარსეს დამოუკიდებელი კინო-კომპანია „იუნაიტედ არტისტს“, ფიქრადაც არასოდეს მოუვიდოდათ, რომ მათი პირმშო სასურსათო მაგნატებს ჩაუვარდებოდა ხელთ. ამ კომპანიის ყველა აქცია შეისყიდა კონცერნმა „კონსოლიდეიტ ფუდს“. ამერიკული პრესის აზრით, მალე იგივე ბედი ეწვევა ორ დიდ კინო-კომპანიას — პარამუნტისა და მეტრო-გოლდუინ-მაიერს.

გვრ

დოკუმენტი — 68

ასე ეწოდება მოდერნისტული სახვითი ხელოვნების გამოფენას, რომელიც ყოველ

ოთხ წელიწადში ერთხელ ეწყობა ხოლმე დასავლეთგერმანულ ქალაქ კასელში. გაიხად ამ გამოფენას შეემატება აგრეთვე თანამედროვე არქიტექტურის ნიმუშებიც, კერძოდ — კასელის ახალი, საჩვენებელი რაიონის არქიტექტურა.

გამოფენა თავს უყრის თანამედროვე სახვითი ხელოვნების ათასზე მეტ ნიმუშს დედამიწის ყოველი კუთხიდან. დოკუმენტი — 68 აპირებს კონკურენცია გაუწიოს ვენეციის ბიენალს, თუმცა ორივე გამოფენა ფინანსიურ გაჭირვებაშია.

ასპანეთი

ლმონარდო და-ვინჩის ახალი ჩანაწერები

მადრიდში აღმოჩნდა ლეონარდო და-ვინჩის ხელნაწერის 700 გვერდი, რომლებიც დაემატება მისი განთქმული დღიურის უკვე ცნობილ 50 000 გვერდს. ხელნაწერი ძალზე ძნელი წასაკითხია, ვინაიდან ლეონარდო და-ვინჩი ცაცია იყო და წერდა მარჯვნიდან მარცხნივ, ასე რომ საჩკით თუ წაკითხება. ამბობენ, ამას განზრახ ჩადიოდა, რათა სხვებს ტექსტის წაკითხვა გაძნელებოდათ, სურათებს კი მარჯვენა ხელით ხატავდათ.

ქარის წინაქვილი ძმებლად

კატალონიის დედაქალაქმა გადაწყვიტა ძეგლი დაედა დონ-კიხოტისთვის. ვინაიდან სერვანტესის უკვდავი გმირის სხენებისას უნებურად მუდამ ქარის წისქვილები გვაგონდება, ბარსელონის მუნიციპალიტეტმა გადაწყვიტა ლამანში, რაინდის სამშობლოში, აავოს ქარის წისქვილი, რომელზეც გაიკვრება მემორიალური დაფა.

თეატრი ჯუნგლებში

ვიეტნამში თეატრი ჯერ კიდევ XIII საუკუნეში ჩაისახა. მისი კლასიკური ფორმა — ხატ ტუონგი — წარმოადგენს ლექსების დეკლამაციის, სიმღერის, მუსიკის, ცეკვის და აკრომატიკის სინთეზს და ასახავს ვიეტნამელი ხალხის ეროვნულ-გამათავისუფლებელ ბრძოლას ატილას შთამომავლებთან. უფრო ახალი ფორმა — ხსო — დაფუძნებულია სოფლური ხალხური ხელოვნების ტრადიციებზე და მისი უმთავრესი ნაწილია მუსიკა. ორივე ეს ფორმა, განსაკუთრებით ხალხური, გასაოცრად წააგავს უძველეს ევროპულ თეატრს: იწყება პროლოგით, მთავრდება ეპილოგით, სპექტაკლი მიჰყავს კომენტატორს. არსებობს ლექსების თეატრის კამერული ფორმებიც, 1945 წლის რევოლუციისა და დიუნ ბიენ ფუსთან გამარჯვების შემდეგ შექმნილი ახალი ფორმები, სადაც დიალოგი ლექსადაა და ლაპარაკს ენაცვლება სიმღერა.

ხანოას დიდ თეატრს ჰყავს სამი დასი, რომელთაგან ორი სისტემატურად მოგზაურობს პროვინციებში, ფაქტიურად — ფრონტზე. ხშირად მრავალი ათეული კილომეტრი უნდა გაიარონ ფეხით და თვითონ გადაზიდონ ყველაფერი, რაც საჭიროა სპექტაკლებისათვის. სოფლებში სპექტაკლის წარმოდგენა შეუძლებელია, რადგან ამერიკელები ბომბავენ, ამიტომ თამაში უხდებათ ჯუნგლებში, ბაღებში, ზოგჯერ გამოქვაბულებშიც, ისიც მხოლოდ დღისით, რათა შექმნენ ამერიკელებმა არ მოაგნონ თეატრს და მებრძოლებს. ფრონტზე იღვებმა რევოლუციური ხასიათის პატარ-პატარა პიესები, რომელთაც მებრძოლები აღტაცებით ხვდებიან.

ინგლისი

გულდარდიანობის სამი მიზეზი

უდიდესი სამხატვრო გალერიის — ნაციონალური გალერიის დირექტორმა ფილიპ ბენდომ განაცხადა, რომ გალერიის ხელმძ-

ღვანელობას მუდამ გულდარდიანობის სამი საპატიო მიზეზი აქვს: ჯერ ერთი — ვინაიდან გალერეა ტრაფალგარის მოედანზე მდებარეობს, იქ სიარულს მოუწირეს ბიტნიკებმა და დამნაშავე ელემენტებმა და მოსვენებას არ აძლევენ მნახველებს; მეორე — რადგან არ არსებობს მკაცრი კანონი, რომელიც დასჯიდა ექსპონატების გამტაცებლებს (ეს ცხადყო, ბანტონის პროცესმა: ბანტონმა მოიტაცა გოიას სურათი — „ლორდი ველინგტონი“ და სასჯელად ჯარიმა დააკისრეს, ისიც მხოლოდ იმის გამო, რომ სურათი უჩარჩოდ დააბრუნა), მნახველები თამამდებიან და კვლავ განაგრძობენ ქურდობას; მესამე — ეროვნული მხატვრული საგანძურის ბევრი ექსპონატი საზღვარგარეთ მიდის, ვინაიდან მთავრობას ვალუტა უფრო აინტერესებს. მაგალითად, ნაციონალური გალერიის ხელმძღვანელობის პროტესტის მიუხედავად, მთავრობამ ამერიკას მიჰყიდა რუბენსის, რემბრანდტის, მათიუზისა და კიუპის სურათები.

„ფორსაიტების საბა“ 28 სერიალ

ეს იქნება ყველაზე გრძელი ფილმი, რომელიც კი გადაუღია ინგლისის ტელევიზიას. ამ ფილმით სურთ აღნიშნონ ჯონ გოლშუორთის დაბადების ასი წლისთავი. მთელი ფილმის ჩვენებას 22 საათი დასჭირდება. ფილმი, რომელშიც თამაშობს 120 მსახიობი, 300 000 გირვანქა სტერლინგი დაჯდა. მთავარი როლის შემსრულებელმა ერიკ პარტერმა მე-15 სერიის შემდეგ განაცხადა: ფორსაიტად უფრო ვგრძნობ თავს, ვიდრე პარტერადო.

პილვე პრემი მაკსტრინი

ლონდონის კინოსტუდიაში ბერნარდ შოუს კომედიის მიხედვით იღებენ კიდევ ერთ ფილმს რუსი იმპერატორი ჭალის შესახებ. ეკატერინეს როლს თამაშობს თანამედროვეობის ერთ-ერთი უდიდესი კინომსახიობი ჭალი, ფრანგი ჟანა მორო, ხოლო მისი პარტნიორია დიდი კინომსახიობი პიტერო ტული.



თანამედროვე ხელმძღვანელის ახალი
გალერეა

რამდენიმე წლის მანძილზე ფლორენციის ახლოს აშენდება თანამედროვე სახვითი ხელოვნების გალერეა, რომელიც ისეთივე მნიშვნელობისა იქნება, როგორცაა კლასიკური ხელოვნების სახელგანთქმული გალერეა უფიციში. მოსამზადებელ სამუშაოებს ხელმძღვანელობს საერთაშორისო კომიტეტი ევროპულ და ამერიკულ სპეციალისტთა და ხელოვნების მოყვარულთა შემადგენლობით. შენობის პროექტს ადგენს ფლორენციელი არქიტექტორთა ჯგუფი ლორენცო პაპის ხელმძღვანელობით. იტალიურმა ფირმებმა კომიტეტს აღუთქვეს, მასალას მტკიცე ფასებით მოგვცნით, მაგრამ მშენებლობა მაინც დაჯდება 180 000 გირვანქა სტერლინგი, რაც უნდა დაიფაროს შეწირულებათა საერთაშორისო შეგროვებით.

ვიარეჯოს პრემია

ვიარეჯოს სახელობის ლიტერატურული პრემია — 5 მლნ ლირა — მიენიჭა ჩილიელ პოეტს პაბლო ნერუდას. ჟიურის ხმები გაიყო პაბლო ნერუდასა და ჟან-პოლ სარტრის გამო.

ზონლოათი

116 000 — 200

მონღოლეთის სახალხო რესპუბლიკა უდიდეს სოციალურ ძვრათა ქვეყნად იქცა და არა მხოლოდ იმიტომ, რომ იურტების ტრადიციული ქვეყნის დედაქალაქში რამდენიმე მრავალსართულიანი შენობა დგას, არამედ იმიტომ, რომ 116.000 — ბუდისტი ბერიდან, რომლებიც აქ ცხოვრობდნენ ამ 45 წლის უკან — უმეტესად ყმაწვილი კაცები — დღეს მხოლოდ 200 შემორჩა. ბუდისტი ლამების ბატონობა ძველად კრძალავდა მიწის დამუშავებას, სპილენძის მოპოვებას, თევზის ჭერას და მხოლოდ მეცხოველეობის ნებას რთავდა. ჯანმრთელობის დაცვა და განათლებაც პრიმიტიულ დონეზე იდგა, რასაც მოწიბობს უწიგნურო-

ბა და, განსაკუთრებით, ბავშვთა სიკვდილიანობა (ილუპებოდა ახალშობილთა 50%) . ყოველივე ეს ახლა წარსულს ჩაბარდა.

კოლონეთი

ორჯამ დეპარტული კომიტა

ვარშაველმა ასტრონომებმა დ-რმა რუდენიციმ და დ-რმა სიტარსკიმ კიბერნეტული მანქანის შემწეობით იპოვნეს კომეტა გრიგსკიელურუპი, რომელიც მზის შორიახლოს მოძრაობს. ეს კომეტა პირველად აღმოაჩინა გრიგმა 1902 წელს; მალე კომეტა გაქრა და 20 წლის განმავლობაში ველარავინ მიანო. 1922 წელს იგი ხელახლა აღმოაჩინა ასტრონომმა სკიელურუპმა. მან მათემატიკური გაანგარიშებით დაადასტურა, რომ კომეტა მოძრაობს იუპიტერის მიზიდულობის გავლენით და მისი ორბიტა, რომელიც ძალზე არათანაბარია, მოულოდნელ ცვლილებებს განიცდის ხოლმე. მალე კომეტა კვლავ გაქრა კოსმოსურ სივრცეში.

ამას წინათ ვარშაველი ასტრონომი დ-რი სიტარსკი კვლავ მიუბრუნდა ამ კომეტას, გაინგარიშა მისი ორბიტა და 1966—67 წლების მიჯნაზე შესძლო მისი მოცულობის გაანგარიშებაც. მეორე ვარშაველმა ასტრონომმა დ-რმა რუდენიციმ, რომელიც ამჟამად ამერიკაში მუშაობს როგორც სტიპენდიანტი, გადაწყვიტა თავისი კოლეგის გაანგარიშებათა საფუძველზე ეპოვნა ეს მიზეზიანი კომეტა. ეს შესძლო კიდევაც და გადაულო ფოტოსურათი მსოფლიოს ერთ-ერთი უდიდესი ობსერვატორიის მაუნტ პალომარის (კალიფორნია) დიდი ტელესკოპით.

საბერძნეთი

მოქალაქეობა წაართვეს

ცნობილ ბერძენ კინომსახიობ ქალს მელინა მერკურს, რომელიც ამჟამად ნიუ-ორკში იმყოფება, საბერძნეთის სამხედრო დიქტატურამ წაართვა საბერძნეთის მოქალაქეობა, ვინაიდან მან ამერიკის ტელევიზიით სასტიკად დაჰგმო საბერძნეთში მომხდარი ფაშისტური გადატრიალება. ეს ამბავი რომ აცნობეს, მსახიობმა ქალმა განაცხადა: „მე ბერძენად დავიბადე და ბერძენადვე მოგვ-



ედები. ბ-ნი პატაკოსი ფაშისტად დაიბადა და ფაშისტად მოკვდება. თუმცა მას ახლა შეუძლია მოიშოქმედოს ყველაფერი, რაც მოეპრინება, მაინც კანონგარეშე პიროვნება რჩება“.

საფრანგეთი

შოპენის ახალი ბიოგრაფია

შოპენისადმი მიძღვნილი ბიოგრაფიების რიცხვი არ ჩამოუვარდება ბეთოვენისა და ნაპოლეონისადმი მიძღვნილი წიგნების რიცხვს. კომპოზიტორის ახალი ბიოგრაფია, რომლის ავტორია ანდრე გოტიე, ახლებურადაა დაწერილი და მოიცავს ზოგიერთ ნაკლებად ცნობილ ფაქტს. გარდა ამისა შესწორებულია ადრინდელ ნაშრომებში დაშვებული შეცდომები. სპეციალისტიცა და უბრალო მკითხველიც ამ წიგნში ჰპოვებს ბევრ სასარგებლო ცნობას დიდი კომპოზიტორის ცხოვრებასა და შემოქმედებაზე, აგრეთვე მისი მუსიკალური ნაწარმოებების უნატიფეს ანალიზს.

უხმო პროტანტი

ცნობილმა ფრანგმა რეჟისორმა ჟან-ლუი-ბარომ განაცხადა, რომ არც თვითონ და არც მისი მეუღლე, მსახიობი ქალი მადლენ რეზო, არ გაემგზავრებიან ათენის თეატრალურ ფესტივალზე. მას არ დაუსახელებია ამ გადაწყვეტილების მოტივები, მაგრამ საფიქრებელია, რომ ესაა პროტესტი საბერძნეთის სამხედრო რეჟიმის წინააღმდეგ. ასეთივე პოზიციას დაადგენ სხვა მსახიობებიც, მეტადრე მას შემდეგ, რაც შეიტყვეს, რომ უმადლესმა მთავრობამ აკრძალა ზოგიერთი ანტიკური ტრაგედიის წარმოდგენა.

ლუპრის მხსნელი

პარიზში, 72 წლის ასაკში, გარდაიცვალა ჟაკ ჟოჟარი. საფრანგეთისთვის იგი იყო ადამიანი, რომელმაც ფაშისტებისაგან იხსნა ლუპრის უძვირფასესი საგანძური. 1940 წელს იგი იყო ნაცისტური მუხეუმის დირექტორი. საფრანგეთის დამარცხების

შემდეგ ლუპრის ყველაზე უფრო ძვირფასი-კოლექციები და ცალკეული ნაწარმოებები სხვადასხვა სოფელში გაზიდა და გადამალა, თუმცა ფაშისტებს რომ შეეტყვოთ ეს ამბავი, სიკვდილით დასჯას ვერ გადაურჩებოდა.

ყველაზე უფრო პოპულარული

ამჟამად მსოფლიოს ერთ-ერთი ყველაზე უფრო პოპულარული მწერალია ჟორჟ სიმენონი, რომლის დეტექტიური რომანები 37 ენაზეა თარგმნილი. გამოცემლობა „რანკონტრს“ განზრახული აქვს მისი თხზულებების გამოცემა 48 ენაზე.

კენია

20 მილიონი წლის უკან

თორიამ, რომ კაცობრიობის აკვანი აღმოსავლეთ აფრიკაში დაირწა; კიდევ ერთი დადასტურება ჰპოვა. ინგლისელმა პალეოლითმა დ-რმა ლიკიმ კენიაში იპოვნა ძვლების ნაშთები, რომლებიც, მისი აზრით, უნდა იყოს ის „რგოლი“ მაიმიუნის ადამიანად გადაქცევის „ჯაჭვს“ რომ აკლდა. მეცნიერის გაანგარიშებით, ამ კენიაპიტეკუს აფრიკანუსს 14—20 მილიონ წლის უკან უცხოვრია.

ჩახოსლოვაკია

ჩახუმის მერთხე საერთაშორისო ფესტივალი

18—22 ოქტომბერს პრღაში ჩატარდება ჩახუმის IV საერთაშორისო ფესტივალისუთი საღამო-კონცერტი ჩატარდება ლიუცერნის დაბაზში, ხოლო დამით ჩახუმი გამოვლენ ლიუცერნ-ბარში. ამ ფესტივალის თავისებურება იქნება ის, რომ ერთი კონცერტი მთლიანად მიეძღვნება საბჭოთა ჩახს. ფესტივალში მონაწილეობისათვის მიწვეულია მსოფლიოს მრავალი გამოჩენილი ანსამბლი და ორკესტრი, მათ შორის კლარკ-ბოლენდის ბიგ ბანდი, მ. გრეგორის ორკესტრი გფრ-დან, მოსკოვის ლუდვიკოვსკის ორკესტრი, ამერიკელი მომღერალი მ. მერფი, ინგლისელი მომღერლის ჯ. ფეიმის ანსამბლი და ა. შ.



შინაჯსი

მომავალეებით ქვირუასო უნგრელო სომეხეპო	2 გვ.
შანდორ პეტოფი — საფომალეოფი	3
ანტალ გილაფი — მიუჰარს ზაფხული	4
იშტვან შიმონი — აკაციის შვაჰილობა	4
პროზა ლა პოეზია	
ამირან ვიჰინაძე — ჩემი დღე (მოთხრობა)	6
ეფსარ კვიტაიშვილი — ლექსები	48
ავბტიჰ ისააკიანი — ლექსები (სომეხურიდან თარგმნა გიფი შამანჰარმა)	52
გურამ დონანაშვილი — შენი მფჰანი და (მოთხრობა)	55
ტარიელ შანტურიან — ლექსები	88
თარგმანები	
შტეჰან ცვაიგი — სახლი ზღვის პირას (პიესა თარგმნა რეჰაჰ მარგიანმა)	90
ივანე ლასკოვი — ლექსები (თარგმნა გიფი ძნელაძემ)	115
ღიადი 50 წელი	
თამარ ბახტაძე — ძმის ბახსენება	120
ქრიგია ლა პუბლიცისტიკა	
მანუჰა ჟიკლაური — ბავჰჰეთ იღრისს	130
გურამ კანკაჰა — კროგლეჰა უჰინარეს უოვლისა	138
გიორგი დოლიძე — სიმღერასავით ტაჰილი	147
მეხენიკება	
გივი ახვლედიანი — ამორძალეები ერთ ძველ ქართულ ძიბლში	150
ყოველი მხრიდან	155





მთავარი რედაქტორი ჯანსუღ ჩარკვიანი



სარედაქციო კოლეგია: გურამ ასათიანი, აბაჟი ბაჰრაძე, გივი ვეგვაქორი, გურამ ვეპრდფითელი, მერაბ ელიოზიშვილი, კარლო კალაძე, როინ მგებეველი, ოთბა ავაქორია (პ/მგ. მღივანი), ნოდარ წულუისიერი, ტარიელ ჰანტურია, სერგი ვილია, თამაზ ვილაძე, ლაშა ჯანაშია

გარეკანი და ტიტული ოთარ ჭიშკარიანისა

ტექნიკური ხელმძღვანელი ე. აბდუშელიშვილი

რედაქციაში შემოსული მასალები ავტორებს არ დაუბრუნდებათ

რედაქციის მისამართი: თბილისი, პლემხანოვის პროსპ. № 91.

ბელეფონები: რედაქტორის — 5-08-75, პ/მგ. მღივანის — 5-08-86, განყოფილებების: კოედიისა და პროზის, კრიტიკისა და ბიბლიოგრაფიის — 5-08-85, კულტურისა და ხელოვნების 5-08-85.

ბელეფონური დასაბეჭდად 5/IX-67 წ. ფიზიკურ ფორმათა რაოდენობა 10. პირობით ფორმათა რაოდენობა 13.7. შეკვ. № 3073. უფ. 02205. ქაღალდის ზომა 70×108. ტირაჟი 15.000.

საქ. კვ ც-ის გამოცემლობის პოლიგრაფკომბინატი, თბილისი, ლენინის ქ. № 14.
Полиграфкомбинат издательства ЦК КП Грузии, Тбилиси, ул. Ленина № 14.



ՅՃԵՈ ԵՈ ԶՃՅ.

ЕЖЕМЕСЯЧНЫЙ ЛИТЕРАТУРНО-
ХУДОЖЕСТВЕННЫЙ ЖУРНАЛ

«ЦИСКАРИ»

издательство
«ЛИТЕРАТУРА ДА ХЕЛОВНЕБА»
ИНДЕКС 76236